




מגילת  
אסתר



ჩემი

კ ა ნ ა ს

ნათელ სსოუნას



თავი პირველი

იუბურთას ომი

„ნახე, თუ ოქრო რახა იქმს,  
კვერთხი ეშმაკთა ძირისა“.

რუსთაველი



1. ნაოტივი\* და კორუფცია\*

„რისტეს დაბადებამდე“ 122\* წელს რომში მოკლეს დიდი დემოკრატი-რეფორმატორი გაიუს სემპრონიუს გრაქუსი\*. მის სიკვდილთან ერთად მოკვდა რომაული საზოგადოების მაღალი დემოკრატიულ-მებრძოლი სულისკვეთებაც: იგი დაეცა, დაქვეითდა, დაკნინდა და დაწვრილმანდა. ოლიგარქია მშვიდად, თვითდაჯერებით, მკერდგაშლით ზეიმობდა გამარჯვებას. ძმები გრაქუსების იერიშთაგან მუხლმოჭრილი სენატი\* კვლავ აიმართა და აღზევდა. იგი ამ სამკვედრო-სასიცოცხლო ბრძოლიდან თითქოს კიდევ უფრო გამობრძმედილი და გამძლავრებული გამოვიდა. მან ბევრი რამ ისწავლა თვით მოწინააღმდეგე ბანაკის ბელადთაგან. ამიერიდან ოლიგარქია დემოკრატიის წინააღმდეგ მოქმედებდა ისეთივე რადიკალიზმით, როგორითაც ძმები გრაქუსები ებრძოდნენ სენატს.

რეპრესირებული ოლიგარქები რომში დაბრუნდნენ. ვინც გრაკ-  
ზუსთა და მათ მიმდევართა მკვლელობისთვის სასჯელს იხდიდა, ან  
შემდეგში უნდა დასჯილიყო, სენატისაგან ყველამ ამნისტია მიიღო.  
დემოკრატის ყველაზე დიდ მტერს, გაიუს გრაკზუსის მკვლელობის  
ორგანიზატორს, ლუციუს ოპიმიუსს, სენატმა მფარველობის კალ-  
თა გადაფარა და შექველი სასიკვდილო განაჩენისგან დაიხსნა. ახ-  
ლა სამართალს მისცეს თვით გრაკზუსების მიმდევრები. დემოკ-  
რატთა მაშინდელი ლიდერები დაფრთხნენ და სამარცხვინო რენე-  
გატულ პოზიციებზე გადაბარგდნენ. თურმე ყველანი გრაკზუსთა  
მძლავრ სხეულებზე მოჭიდებულნი ვაეკაცობდნენ, ხოლო ამათი სიკ-  
ვდილის შემდეგ უაღრესად პატარა კაცუნებად იქცნენ. მათ შორის  
ყველაზე „თვალსაჩინო“ გაიუს პაპირიუს კარბონი, გუშინ გრაკზუს-  
თა „უახლოესი თანამებრძოლი“, დღეს მათი ყველაზე დიდი მოსისხ-  
ლის ლუციუს ოპიმიუსის დამცველის როლში გამოვიდა. მაგრამ მას  
ეწია ბედი, რომელიც უეჭველად თავს დაატყდება ყოველ რენე-  
გატს: მის წინააღმდეგ საქმე აღძრეს თვით დემოკრატებმა და ოლი-  
გარქიამაც სიამოვნებით დაუჭრა კვერი მიეთმოეთი პოლიტიკოსის  
გასამართლებას. როგორც იქნა, კარბონმა გამგედაობა მოიკ-  
რიბა და თვითმკვლელობით დაიხსნა თავი უფრო უარესი სირც-  
ხვილისაგან.

სენატი მოქმედებდა საოცარი ცბიერებითა და ქვეგამხედვარო-  
ბით. იგი დემოკრატის ებრძოდა თავისი საკუთარი „ნამდვილი დე-  
მოკრატისზმით“: რაც გრაკზუსთა რეფორმებიდან პოპულარებისათ-  
ვის\* განსაკუთრებით სისხლხორცეული იყო, სენატმა თითქმის ყვე-  
ლაფერი უცვლელად დატოვა; აგრარული რეფორმით მიღებული  
მიწები ხალხს არ ჩამოართვეს, — უფრო მეტიც: გაიუს გრაკზუს-  
ის სიკვდილის შემდეგ კიდევ ორი წელი დარჩა ძალაში მისი მი-  
წის კანონი. ძალა დაინარჩუნა აგრეთვე ყველა პრივილეგიამ „მხე-  
დართა წოდებისა“\* და ფინანსური პლუტოკრატისათვის (კანონი  
სასამართლოს შესახებ, კანონი „პროვინცია აზიის“ შესახებ და  
სხვ.). ისე გამოდიოდა, თითქოს ოლიგარქიას გრაკზუსებთან მთავარ  
საომარ საგნად პოლიტიკური საჭეთმპყრობელობა ჰქონდა. სენატს  
არ შეეძლო დაეთმო (და არც დათმო) სახალხო კრების სასარგებ-  
ლოდ სახელმწიფო მმართველობის სადავეები. ახლა, რეფორმა-  
ტორ ძმათა განადგურების შემდეგ, სახელმწიფო მბრძანებლობის  
მთელი „იმპერიუმი“\* სენატის ხელში იყო და დანარჩენს, თუნდაც  
ხალხის „მონივლა-გადმობრების“ დემაგოგიურ გზებს, თვითონვე  
შეიგნებდა. ხოლო შემდგომ, რაღაც ათიოდე წლის მანძილზე, სე-  
ნატმა ნელ-ნელა, შეფარვითა და შეპარვით გააუქმა ყველა პრივი-

ლეგია, რისთვისაც თავი დასდეს კანონმდებელმა ძმებმა — ტიბერიუსს და გაიუს გრაქუსებმა.

ამგვარად, არისტოკრატულმა ოლიგარქიამ მოახერხა თავისი შეუვალი ძალაუფლების აღდგენა, მაგრამ მისი გარეგანი ბრწყინვალეობა და სიჭანსალე მხოლოდ და მხოლოდ საეცესებით „გარეგანი“ და ფორმალური აღმოჩნდა. სინამდვილეში, რესტავრირებულ კონსერვატულ-სენატორულ ხელისუფლებაში სულ მალე თავი იჩინა მანამდე გაუგონარმა სულიერმა სილატაკემ და ზნეობრივმა სიმდაბლემ. არ დარჩენილა არც ერთი ადამიანური სისუსტე, რომლითაც მაშინდელ მმართველ პარტიას თავი არ „ესახელებინოს“. სახელმწიფო ლიდერთა შორის არ ჩანდა კაცი, რომ თავი გამოეცხადებინა თუნდაც აჩრდილად დიად სციპიონთა და უკეთილშობილეს ძმათა გრაქუსთა. სახელმწიფოს განაგებდა ვაწრო ოჯახური წრე ცეცილიუს მეტელუსებისა. არავითარი ფასი და გასავალი არ ჰქონდა ნიჭსა და ჰკუას. დიდი თუ მცირე მაგისტრატურის ხელში ჩასაგდებად საჭირო იყო მხოლოდ და მხოლოდ ნათესაობა და მოყვრობა ცეცილიუსების ოჯახთან. თხუთმეტი წლის მანძილზე კვინტუს ცეცილიუს მეტელუსის ოთხი ვაჟი, ძმისწულ-დისწულები და სიძეები იყვნენ სახელმწიფოს უმაღლესი მეთაურები. მათ შორის მხოლოდ ერთზე თუ შეიძლება ითქვას, ღმერთს მთლად უნიჭო არ გაუჩენიაო, ხოლო დანარჩენ უნიჭოთაგან არ დარჩენილა არც ერთი, რომელსაც არ მიეღოს კონსულობა\* და არ „დაემსახურებინოს“ ტრიუმფი. ამ უნიჭოთა „თაიგულის“ ყოველ წევრს, ცეცილიუსის გვარისა და მასთან მოყვრობის გარდა, აუცილებელ თვისებად თან ახლდა ბოროტი სისასტიკე, აღვირაზნილი გარყვნილობა და უსირცხვილო ანგარება.

ერთი სიტყვით, სციპიონთა და გრაქუსთაგან შუქმფინარ ქვეყანას შხამიანი მორიელები დაეპატრონნენ.

მათგან საკმარისია ორიოდ სიტყვით დავახსიათოთ ყველაზე ცნობილი, სახელმწიფოს უპირველესი თავკაცი მარკუს ემილიუს სკავრუსი. ამ გადატაკებულ ღიდგვაროვანს ქუღბედად დაჰყოლოდა ცეცილიუსების მოყვრობა (სიძეობა). მთელი მისი ნიჭიერება დროჟამის ალლოიან დაყნოსვასა და თავის სიამოვნებათა თარგზე ცხოვრების მორგება-მოსადაეებაში გამოიხატებოდა. მუელი მისი უნარი სულიერი სილატაკისა და არმად მოპოვებული სიძდიდრის ოსტატურ დაფარვაში მდგომარეობდა. ახოვანი და პირმშენიერი პატრიციუსი\* ფუჟე და უმინაარსო ფილისტერი გახლდათ; პირწყლიანი ორატორი და მხურვალე პატრიოტი. სინამდვილეში სამშობლოს გამცემი და თანამემამულეთა გამყიდველი იყო. სიტყვით ვი-

თომცდა ზნეობრივი სისპეტაკის ეტალონი, საქმით — ხარბი და გაუმადლარი იყო.

ასეთი იყო მაშინდელი კერპი არისტოკრატიისა, შეუცვლელი „პრინციპის სენატისა“ (პირველი სენატორი), მაშასადამე, „პირველი მოქალაქე“ მთელს რომაულ სახელმწიფოში, რომ აღარაფერი ვთქვათ ისეთ „მიწიერ-ადამიანურ“ თანამდებობებზე, როგორც იყო კონსულობა და ცენზორობა,\* რომელთა რწმუნებების ტარებაც „იკადრა“ ამ თავგასულმა, ამპარტავანმა პატრიციუსმა.

ცოდვა იქნებოდა არ გვეთქვა, რომ თანამდებობას ღებულობდნენ ისეთებიც, რომლებსაც ცეცილიუსებთან და სკავრუსებთან ნათესაობა და მოყვრობა არ ჰქონიათ. მაგრამ აქ სისხლით ნათესაობის გარდა იყო „სხვა ნათესაობა“ — ფულისმიერი, ოქრო-ვერცხლი. ყველა ვიგინდარა კარიერისტი, ვისაც ფულის გაღება არ ენანებოდა, ერთბაშად „ნათესავი“ ხდებოდა ცეცილიუს-მეტელუსების ყოვლისშემძლე ოჯახისა.

ერთი სიტყვით, გრაჯუსთა შემდგომ ათი-თხუთმეტი წლის მანძილზე რომში იყიდებოდა ყველაფერი: თანამდებობაც, სინდის-ნამუსიც, კაცური კაცობაც, ადამიანიც და სამშობლოც.

მაშინდელი რომაული ხელისუფლებისა და ნობილიტეტის საოცარ ზნეობრივ დაცემა-დაღობაზე ნათლად შეტყველებს დიდი დრამატიზმით აღსავსე მოვლენა, რომელიც ცნობილი გახდა „იუგურთას ომის“ სახელწოდებით.

## 2. ი უ გ უ რ თ ა

მცირე ხნით უკან დავიხიოთ:

როცა დიდმა რომაელმა სარდალმა პუბლიუს კორნელიუს სციპიონმა\* გენიალური ჰანიბალი სძლია და მისი სამშობლო კართაგენიც მიწას განართხო, რომის ხელისუფლებამ დამოუკიდებლობა და აფრიკაში „პირველობა“ მიუძღვნა კართაგენის მოსისხლე მეზობელი ქვეყნის, ნუმიდიის\* მეფეს, რომაელთა „მოკავშირესა და მეგობარს“, „აფრიკის ლომად“ წოდებულ მასინისას. ეს ამბავი 201 წელს მოხდა. ნახევარი საუკუნის შემდგომ, როცა რომაელები კართაგენს ისევ მიაღწენენ ძირფესვიანად ამოსაგდებად, უკვე ღრმად მოხუცებულმა მასინისამ ნუმიდიის სამეფო მემკვიდრეობის გასანაწილებლად მოიწვია კართაგენის კედლებთან ლაშქრად ჩამოსული სციპიონ ემილიანე\*, დიდი სციპიონის მემკვიდრე.

სციპიონ ემილიანემ მასინისას ცოცხალს ვედარ ჩაუსწრო, მაგ-

რამ გარდაცვლილი მეფის ანდერძი აღასრულა და ნუმიდიის სამ-  
ბრძანებლო მასინისას სამ შვილს ასე გაუნაწილა: უფროს ვაჟს, მი-  
ციპსას — ხელმწიფობა უბოძა, შუათანას, გულუსას — მთავარ-  
სარდლობა, უმცროსს, მასტანაბალს — უმაღლესი მოსამართლეო-  
ბა. ბოლოს უმცროსი ძმები დაიხოცნენ და მიციპსა ერთპიროვნულ  
მბრძანებლად შერჩა ნუმიდიას. მან სციპიონისა და მისი წრის  
მეოხებით სიცოცხლის დასასრულამდე შეინარჩუნა სახელმწიფოს  
ერთიანობა და რომთან „მეგობრობა“.

მიციპსას ორი ვაჟი ჰყავდა — აღპერბალი და ჰიემპსალი. ტახ-  
ტის მემკვიდრეთა გვერდით მეფე ზრდიდა უმცროსი ძმის, მასტანა-  
ბალის შვილს, იუგურტას.

იუგურტა ბავშვობიდანვე აშკარად სჯაბნიდა მეფეწულ-ბიძაშვი-  
ლებს. იგი დაეაყვაცდა და ნუმიდიელთა წინაშე წარსდგა, როგორც  
ნამდვილი ახალგაზრდა მასინისა: ტან-ხორცად სრულქმნილი და  
მშვენიერი, ლომ-ვეფხვებზე უშიშარი და მოქნილი, უებრო მოჭირი-  
თე და უდაბნოს თავზეხელაღებული მონადირე, სწორუბოვარი მო-  
ისარი და ხელმოუცდარი მახვილოსანი. თანაც ცბიერი, მზაკვარი,  
მუხანათი, მქირდავი და ქვეგამხედვარი.

მიციპსა ზედავდა, რომ მის ვაჟებს ტახტისაკენ მიმავალ გზაზე  
ავი საფრთხე ელოდებოდა. იგი ცდილობდა, ეხსნა შვილები ამ სა-  
შიშროებისაგან. მიუცილებლად საჭირო გახდა იუგურტას განად-  
გურება.

• და, აი, როცა სციპიონ ემილიანემ ესპანეთში ნუმანციის წინა-  
აღმდეგ გამგზავრების წინ ნუმიდიის მეფეს დახმარება სთხოვა, მი-  
ციპსამ სიხარულით მიიღო თხოვნა, — ესპანეთში გასაგზავნად კა-  
ვალერია გამოყო და მისი სარდლობა „საყვარელ ძმისწულს“  
იუგურტას ჩააბარა.

„იქნებ საღმე ესპანელის ხელით ნასროლმა შხამიანმა ისარმა  
განგმიროს!“ — იმედოვნებდა ნუმიდიის მეფე.

მაგრამ სიკვდილის პირში მიცემული ვაჟკაცის საქმე წალმა დატ-  
რიალდა. იუგურტამ ესპანელებთან ომში ერთბაშად გაითქვა სახე-  
ლი, როგორც უპირველესმა მეომარმა და გონებაგამჭირიანმა სტრა-  
ტეგოსმა. ერთ დღეს მიციპსამ სციპიონისგან მიიღო წერილი, რომ-  
ლითაც იგი, იუგურტას სიკვდილისა და სამძიმარის ნაცვლად, ატყო-  
ბინებდა მის სივაჟკაცეს, სიმამაცესა და გონიერებას. იუგურტას  
ასეთი აღზრდისათვის რომელი მხედართმთავარი დიდ მადლობასაც  
უძღვნოდა ნუმიდიის მეფეს.

მიციპსა ამ ამბავს სასოწარკვეთილი „სიხარულით“ შეხედა და,  
როცა იუგურტა ესპანეთიდან უაღრესად სახელმოხვეჭილი დაბ-

რუნდა და ხალხიც ზეიმით შეხვდა, მეფემ ისღა მოახერხა, ძმის-  
წული თავისი ღვიძლი ვაჟების, აღჰერბალისა და ჰიემპსალის გვერ-  
დით, სამეფო ტახტის თანამემკვიდრედ გამოაცხადა.

სულ მალე მოხდა ის, რაც გარდუვალად უნდა მომხდარიყო.  
მეციქვას სიკვდილისთანავე (118 წ.) ატყდა ბრძოლა ტახტისათვის  
ძმებსა და ბიძაშვილს შორის. უმცროსმა ძმამ ჰიემპსალმა დაიწყო  
იმით, რომ გარდაცვლილ მამას აუგად იხსენიებდა „უჟანონო“  
იუგურტას ასეთი „გატოლებისათვის“. მას მშობლის წყევლა-კრუ-  
ლვით გული ვერც კი მოეოხებინა, რომ იუგურტასგან მიგზავნილ-  
მა მკვლელებმა ის სიცოცხლეს გამოასალმეს (117 წ.).

უფროსი მემკვიდრე, აღჰერბალი, გაფრთხილდა, ჯარები შეკრი-  
ბა და დაიძრა. იუგურტაც დაუხვდა.

გაიმართა ბრძოლა ბიძაშვილთა შორის. აღჰერბალი დამარცხდა  
და რომში მოკურცხლა. იუგურტა დაეუფლა მთელ ნუმიდიურ მემ-  
კვიდრეობას. იგი სავსებით უშფოთველად და არხეინად შეუდგა  
მეფობას. კეკიანმა და ცბიერმა ნუმიდიელმა ესპანეთის მიწაზე გან-  
ლაგებულ სამხედრო ბანაკებში გაიცინო რომაელ მმართველთა,  
არისტოკრატთა, დიპლომატთა და სამხედრო მოღვაწეთა იმდროინ-  
დელი ბუნება. მარტო სციპიონ ემილიანეს პატიოსნება ანგარიშში  
ჩასაგდები არ იყო.

„რომში ყველაფერი შეიძლება იყიდო, თუნდაც ყოველი რომა-  
ელი; თუნდაც მთლიანად თვითონ რომი!“ — დაასვენა და დაარხე-  
ინდა ნუმიდიელი მეფე.

აღჰერბალი შესაბრალისი სიტყვებით ცდილობდა სენატის გუ-  
ლს აჩუყებას. მაგრამ რომში აღჰერბალზე ადრე იუგურტას ოქრომ  
ჩააღწრო. იუგურტას სენატი მთლიანად ნაყიდი ჰყავდა. და, აი, დახ-  
მარების ნაცვლად, სენატორები აღჰერბალს პირიქით სდებენ ბრალს:

„ჰიემპსალი იუგურტას კი არ მოუკლავს, ნუმიდიელებმა მოკ-  
ლეს და ისიც სამართლიანად. — მისი სისასტიკისა და თავგასუ-  
ლობისათვის; მერე, შენს წინააღმდეგ იუგურტას კი არ დაუწყია  
ომი, შენ თვითონ დაესხი მას თავს და იმანაც, იმ „უცოდველმა  
კრავმა“, თავი დაიკვა და მოგიგვრია“.

სენატში მაინც გამოჩნდა ორიოდ კაცი, რომელთაც იუგურტას  
ოქრო ვერ მისწვდენოდა. მათ ძლივს ამოიღეს ხმა იუგურტას ასა-  
ლაგმავად და აფრიკაში წესრიგისა და სამართლიანობის აღსადგე-  
ნად.

ბოლოს სენატმა ჰიემპსალის მკვლელობა სამართლიანად ჩათ-  
ვალა და დაადგინა ნუმიდიის სამეფოს ორად გაყოფა აღჰერბალსა  
და იუგურტას შორის. საამისოდ აფრიკაში გაიგზავნა ათაკციანი



კომისია გაიუს გრაცხუსის მკვლელის ლუციუს ოპიმუსის მეთაურობით.

პატივცემული რომელი დეცემვირნი\* ნუმიდიაში ფეხის შედგმისთანავე იყიდა იუგურთამ. ოპიმუსმა სისხლიანი ხელები ნუმიდური ოქრო-ვერცხლით დაიტვირთა და ასეთი სამართალი დაადგინა:

„ამიერიდან დასავლეთი ნუმიდია, ნაყოფიერი და მკიდროდ დასახლებული ქვეყანა, ეკუთვნის იუგურთას, ხოლო აღმოსავლეთი ნუმიდია, თითქმის მთლიანად მოუსავლიანი, დაუსახლებელი და ცხელქვიშიანი უდაბნო, ქალაქ ცირტასთან ერთად, მიერთვას ადპერბალს“.

ადპერბალი დაემორჩილა რომაულ უსამართლობას, იუგურთამ კი არ იქმარა რომაული „სამართლიანობა“. დეცემვირთა კომისიამ ძლივ მოასწრო აფრიკის მიწიდან ფეხის გაღვმა, რომ იუგურთამ ჯარი შეუსია ადპერბალის სამფლობელოებს. მხალმა მოწინააღმდეგემ ვერ გაბედა ბრძოლად გასვლა და საქმის მოგვარება ისევ საჩივრებით სცადა. მაშინ იუგურთამ ყოველგვარი საბაბის გარეშე დაიწყო ომი (113 წ.). იგი პირდაპირ დაიძრა ცირტას მიმართულეთ. ადპერბალმა მცირედი გაკენწლავება გაბედა. დამარცხდა და კვლავ ქალაქისაკენ გაქურცლა. მას სამარცხვნო ტყვეობა და სიკვდილი არ ასცდებოდა, რომ იუგურთას იერიში არ შეეკავებინათ ცირტაში იმ დროს მყოფ რომაელ-იტალიელ ვაჭრებსა და მხედარპუბლიკანებს\*.

იუგურთამ ცირტას ალყა შემოარტყა. ფულზე გამსუნაგებულ იტალიელი ვაჭრები რომაელ სენატორებზე უფრო პატიოსანნი აღმოჩნდნენ და უანგაროდ ეხმარებოდნენ ქალაქს დამცველებს.

ალყა გაჭიანურდა. ადპერბალმა მოასწრო საჩივრის გაგზავნა რომში. ოქროს ნაზიარები სენატი კვლავ ითრევდა ფეხს. როგორც იქნა. ისევ გამოჩნდნენ რომაელი ელჩები აფრიკაში, მაგრამ იუგურთამ ახლოსაც არ გაიკარა ისინი. ადპერბალი კი შიკრიკს შიკრიკზე გზავნიდა რომში.

რამდენიმე თვის ბჭობა-ჭრის შემდეგ, როგორც იქნა, შესდგა ყველაზე უფრო „ავტორიტეტული“ კომისია, რომელსაც სათავეში ჩაუდგა სახელმწიფოს თავკაცი და მარილი მაშინდელი რომაული მიწის მარკუს ემილიუს სკავრუსი.

სკავრუსი ხომ მცირეზე ხელს არ გაისვრიდა და იუგურთამაც როდი იძუნწა, მან სენატის პრინციპსსა და სახელმწიფოს „უპირველეს მოქალაქეს“ დიდძალი ოქრო მიართვა, მის მახლობლებსაც საყ-

პარისად გალოკვინა და აფრიკიდან ყველანი მაძლარი და გულამ-სუყებული გაისტუმრა.

რაკი რომიდან არავითარი ხსნა აღარ ჩანდა, ალყიდან მეთხუთ-მეტე თვეზე აღჰერბალმა იუგურთასგან სიცოცხლის შენარჩუნების პირობა მიიღო და ქალაქი ჩააბარა.

იუგურთასთვის აღთქმას არავითარი ფასი არ ჰქონდა. იგი შე-იკრა ცირტაში და საშინელი ხოცვა-ჟლეტა გააჩადა. ჯერ თვით აღ-ჰერბალი სასტიკად აწამა და ჯვარზე გალურსმა. მერე მისდგა და ყოველი მოზრდილი მამაკაცი სიცოცხლეს გამოასალმა; არ დაინდო არავინ, არც ნუმიდიელი და არც იტალიელი.

ეს საშინელი ტრაგედია, აფრიკელი მეფის ასეთი თავგასულობა აღბათ დაუსჯელი დარჩებოდა, აღბათ სენატი კვლავ შეეცდებოდა ეხსნა თავისი გულუხვი კლიენტი შურისმგებელი ნემეზიდოს ბრძყა-ლებისაგან. მაგრამ მოთმინების ფიალა აივსო: რომელი ხალხი ფეხზე დადგა. იგი მუქარით მოითხოვდა თავგასული მეფის დასჯას. განსაკუთრებული სიმკაცრით გამოვიდა მხედართა წოდება, რომელ-მაც ბევრი თავისი თანაწევრი და თანამოსაქმე დაკარგა ცირტაში.

გაიუს გრაკუსის სიკვდილის შემდეგ ასეთი მღელვარება არ ახ-სოვდა რომს. სენატი იძულებული შეიქნა, დაეთმო.

## 8. ომის დასაწყისი

„იუგურთას საქმეზე“ საგანგებოდ შეიყარა კომიცია, იუგურთას ელჩები — ოქრო-ვერცხლით დატვირთულნი — რომში არ შეუშ-ვეს. მრისხანე სიტყვით გამოვიდა ნიჭიერი და გაბედული სახალხო ტრიბუნი\* გაიუს მემიუსი. მან გადაჭრით მოითხოვა იუგურთას წი-ნააღმდეგ ომის გამოცხადება და მისი სასტიკად დასჯა. კრებამ ერ-თხმად მიიღო მემიუსის მოთხოვნა.

დაიწყო „იუგურთას ომი“ (111—105 წწ.).

კონსული ლუციუს კალპურნიუს ბესტია არმიითა და ფლოტით გაემურა აფრიკისაკენ. ბესტია ნიჭიერი, გამოცდილი და გაბედუ-ლი სარდალი იყო, მაგრამ მასში ამ დიდ ღირსებათა მალა ხარბი მექრთამე-არისტოკრატის სული იდგა. ბევრი წარჩინებული კონ-სულს მოხალისედ გაჰყვა ახალ სიმდიდრეთა მოხვეჭის მიზნით. ამ მექრთამეთა ლაშქარს სათავეში ედგა ისევე მარკუს ემილიუს სკავ-რუსი.

რომაელებმა საომარი ოპერაცია წარმატებით დაიწყეს. ისი-ნა მდინარე ბაგრაღის სანაპიროებს აუყვნენ, რამდენიმე ქალაქი და

სხვა დასახლებული პუნქტი ხელთ იგდეს, ზოგიც ბრძოლითა და ზოგიც ნებაყოფლობით. აუარებელი ნაძარცვ-ნატყვევენი დააგროვეს. მავრიტანიის\* მეფე ბოკხუსმა, იუგურთას სიმამრმა, კონსულთან ელჩები აფრინა და კავშირი შესთავაზა.

რომაელთა ბანაკში ნუმიდიურმა ოქრომ იელვა. იუგურთამ ღროებითი დაზავება ითხოვა, მაგრამ მას აგრძობინეს, რომ თუ მეტს გაიღებდა, ღროებითს კი არა, ნამდვილ ზავსაც მიიღებდა. ბესტიასა და სკავრუსის კარვებში ოქრო-ვერცხლით ჯორკიდებული ნუმიდიელები შევიდნენ. ბოკხუსის ელჩები გაძევებული იქნენ, რადგან მათ ხელცარიელი მოსვლა გაბედეს.

ოქროთი დაზვინული მაგიდის გარშემო ასეთი გარიგება მოხდა: იუგურთა რჩება ნუმიდიის ერთპიროვნულ, განუყოფელ ხელმწიფედ და არავინ პასუხს არ სთხოვს იმ საზარელ მკვლელობათა და ხოცვა-ჟლეტისთვის, რაც მან აფრიკაში დაატრიალა. მას ევალება გადაიხადოს მხოლოდ მცირეოდენი კონტრიბუცია, დააბრუნოს რომაელი დეზერტირები და გადასცეს რომაელებს 30 სპილო. ეს იყო და ეს. ის კი არა და, იუგურთამ სულ მალე ბესტიას ხელქვეითი მეთაურებიც დაქრთამა და მათთვის მიბარებული რომაელი დეზერტირები და სპილოები უკანვე დაიბრუნა.

ბოროტებამ კვლავ გაიმარჯვა. იუგურთა ზეიმობდა. ბესტია და სკავრუსი აურაცხელი ნაქრთამევ-ნაოხარით დაბრუნდნენ რომში.

იუგურთას დაუსჯელობამ და მასთან სამარცხვინო ზავის შეკვრამ შეარყია რომი. ხალხის აღშფოთებას ბოლო არ ჰქონდა. სახალხო კრებამ ისევ მარიუს მემიუსის თაოსნობით დაადგინა: სამართალში მიეცნენ სამარცხვინო ზავის დამდებნი, ხოლო იუგურთა გამოძახებული იქნას დასაკითხავად და პასუხსაგებად. სენატმა ვერ გაბედა წინააღმდეგობის გაწევა. იუგურთას ჩამოსაყვანად გაიგზავნა ლუციუს კასიუსი, რომელმაც მეფეს სენატის სახელით აღუთქვა პირადი ხელშეუხებლობა. იუგურთასაც მეტი არაფერი უნდოდა, ორივე ხელთ ჰქონდა: ხელშეუხებლობის აღთქმა და ოქრო. იგი არხეინად გაემგზავრა რომს.

აი, სახალხო კრებაც — კომიცია. ხალხი ზარდამცემი ღრიალით შეხვდა ბოროტმოქმედის გამოჩენას, მის უტეხ და უჯიათ ნაბიჯს, თავხედურ მიმოხრას, უსირცხვილო და დამცინავ მზერას.

გაიუს მემიუსმა ძლივს დააწყნარა ხალხი. მერე იუგურთას მოსთხოვა, ახლავე, დაუყოვნებლივ მოეხსენებინა რომაელი ხალხისთვის ყველაფერი, რაც ნუმიდიაში დატრიალდა.

და უცებ მოხდა სავსებით მოულოდნელი რამ: როგორც კი მემიუსმა თავისი მოთხოვნა დაასრულა, ერთბაშად წამოიჭრა მეორე

სახალხო ტრიბუნი, გაიუს ბებიუსი, და იუგურთას პასუხს „ვეტო“ დაადო! თურმე ნუმიდიელს მოესწრო ბებიუსის მოქრთამე! ამნა-  
არად, კომიციამ საქმის ძიების უფლება დაკარგა. ხალხი საშინელი  
მღელვარებით გავიდა ფორუმიდან. მას ისღა დარჩენოდა, დაეცადა  
სენატის გადაწყვეტილებისათვის. კვლავ გაბედავს თუ არა „ტინი  
რესპუბლიკისა“ ნუმიდიელი ბოროტმოქმედის მფარველობას?

სენატის სხდომაც დიდი აურზაურით ჩატარდა. კონსული სპუ-  
რიუს პოსტუმიუს ალბინუსი, რომელსაც ნუმიდიაში ომის განახ-  
ლება და მთავარსარდლობა სწყუროდა, დაყინებით მოითხოვდა,  
იუგურთას წართმეოდა ნუმიდიის ტახტი და მის ნაცვლად მეფედ  
დაესვათ მასივა, მასინისას მეორე შვილიშვილი (გულუსას ძე), რო-  
მელმაც ცირტაში დატრიალებულ ტრაგედიას თავი დააღწია და მას  
შემდეგ რომში ცხოვრობდა. როგორც იქნა, ალბინუსის წინადადება  
მიიღეს.

სკანდალური ტრაგედია ახალ ფაზაში შევიდა. იუგურთამ შე-  
იტყო სენატის დადგენილება და თვითონაც „შესაბამისი“ გადა-  
წყვეტილება მიიღო: იმ დამით ნუმიდიის ახალი „მეფე“, ახალგაზ-  
რდა მასივა, ქუჩაში ხანჯლებით დაკლეს. მკვლელებიდან ერთი შე-  
იპყრეს და გამოტეხეს, — თურმე იუგურთას მხლებელს ბომილ-  
კარს მოუსყიდია იგი. ბომილკარი სასწრაფოდ მისცეს სამართალში,  
მაგრამ იუგურთა უფრო სწრაფად მოქმედებდა: მან მკვლელები  
მოისყიდა და ბომილკარი საპატიმროდან გააქცია!

ამაზე უარესი რაღა უნდა მომხდარიყო. ერთმა პატარა ბარბა-  
როსმა ავაზაკმა მსოფლიოს მბრძანებელი რომი ფერხთით გაიგდო  
და გაიბურთავა. როდემდე უნდა გაგრძელებულიყო ასე! ნუმიდი-  
ელი მეფე ლამის რომში, ამ „მსოფლიოს ცენტრშიც“ გახელმწი-  
ფებულყო.

რაკი სხვანაირად ველარაფერი მოხერხდა, სენატმა ფიცხელი  
ბრძანება გასცა:

„იუგურთა დაუყოვნებლივ გაეთრიოს რომიდან, გაუქმდეს მას-  
თან დადებული ზავი და ნუმიდიაში ახალი არმიით გაიგზავნოს  
კონსული სპურიუს პოსტუმიუს ალბინუსი“.

იუგურთამ რომი დატოვა და წასვლისას ასეთი მრავლისმეტყვე-  
ლი შეფასება დაუგდო „მარადიულ ქალაქს“:

„ოო, გასაყიდო ქალაქო, შენ უმაღლვე გაიყიდები, როგორც კი  
შესაფერისი მყიდველი გამოგიჩნდება!“

აფრიკაში საომარი ოპერაციები განახლდა. ალბინუსი მოქმე-  
დებდა ზანტად, უშედეგოდ და უსაზნოდ. ეტყობოდა, ვერც ალ-  
ბინუსი უცქერდა გულგრილად ნუმიდიური ოქროს ბრჭყვიას.  
რომაული არმიაც ზნეობრივად მოიშალა და თავაშეებულობას მი-

ეცა. ის, რაც კართაგენისა და ნუმანციის კედლებთან მდგარ ლეგიონებში ნიშნულად ჩანდა, ახლა ნუმიდიაში მეომარი ლაშქრისთვის სავსებით დამახასიათებელი შეიქნა: მეთაურთა ღალატი და მექრთამეობა, ჯარისკაცთა თვითნებობა და დეზერტირობა, ქურდობა და მაროდორობა, ლოთობა და როსკიპთმადევერობა.

ამნაირ არმიებს ებრძოდა იუგურთა ხმლითა და ფულით.

მთელი წელიწადი (110 წ.) უმოქმედობაში გავიდა. წლის მიწურულს კონსული რომში დაბრუნდა მორიგი არჩევნების სახელმძღვანელოდ, ხოლო არმიის სარდლობა თავის ძმას, ავლუს პოსტუმუსს დაუტოვა.

პოსტუმუსმა მაშინვე მიიტანა იერიში ქალაქ სუტულზე, სადაც მას იუგურთას საგანძურები ეგულებოდა. ქალაქი მდგრადა დაუხვდა მტერს. მცირე შეტაკების შემდეგ იუგურთამ რომაული არმია უდაბნოში გაიტყუა და ღამით, საფრიდან მოულოდნელი კონტრათედასხმით სასტიკად გაანადგურა (109 წ.). რომაელებმა იარაღი დაყარეს. იუგურთამ დიდსულოვანი გმირის როლი გაითამაშა და მტრებს სიცოცხლე აჩუქა, სამაგიეროდ მოითხოვა: მთელ რომაულ არმიას გადაჯვარდინებულ შუბებს ქვეშ გაეველო, ათ დღეში ნუმიდია რომაელთაგან გაწმენდილიყო და ბესტიას ხელმოწერილი ზავი თავის უფლებებში აღდგენილიყო.

იუგურთას ნება კვლავ აღსრულდა. მაგრამ მთავარი მაინც ის იყო, რომ სუტულთან რომაელთა დამარცხება მისთვის უბრალო, რიგითი ხასიათის გამარჯვება როდი გამოდგა. ამ წარმატებამ იუგურთა აფრიკის მოსახლეობის თვალში „გამათავისუფლების“ შარავანდელით შემოსა.

იუგურთა აფრიკის „სახალხო გმირად“ იქცა.

ჩრდილოეთ აფრიკის ყოველი მხრიდან მოდიოდნენ რომაული უღლით დამძიმებული, ან მსგავსი მომავლით შეშინებული ტომები და „გამათავისუფლებელი გმირის“ დროშებქვეშ დგებოდნენ.

ისე ჩანდა, რომი კარგავდა არა მარტო ნუმიდიასა და თავის გარდასულ სახელ-დიდებას, არამედ ეთხოვებოდა ყველაფერს, რაც მან აფრიკაში უსაშინელესი სისხლათახევიტ მოიპოვა ადრე — „პუნიკურ ომებში“.

#### 4. „არაჩვეულებრივი მებელუსი“

ახალმა „ნუმიდოურმა სირცხვილმა“ რომში კიდევ უფრო გაამძაფრა საზოგადოებრივი ბრძოლა — კიდილი ოპტიმატებსა\* და პოპულარებს შორის. ხალხი ხედავდა, სახელმწიფო აშკარად ეწი-

რებოდა არისტოკრატის მოღალატურსა და ზნედაცემულ ვნებებს. პოპულარებმა მხედართა წოდების აქტიური მხარდაჭერით მოახერხეს საგანგებო კომისიების შექმნა და სასამართლო პროცესების გაპართვა. როგორც იქნა, მოხერხდა ზოგიერთი აშკარა მოღალატის, მექრთამისა და ზნედაცემული ოპტიმატი მოღვაწის განდევნა რომიდან. მაგრამ ბევრი მაინც დაუსჯელი დარჩა. მაგალითად, სკავრუსი არამცთუ თვითონ დაუძვრა სასჯელს, არამედ საგამომძიებლო კომისიაშიც გავიდა და მისი წყალობით კიდევ ბევრ ოპტიმატს შერჩა ღალატი და მექრთამეობა.

მთავარი იყო აფრიკაში რომაული მპრძანებლობისა და პრესტიჟის აღდგენა.

მარცხნაჭამი პოსტუმისის ზავი უარყვეს და აფრიკაში საომარი მოქმედების სახელმძღვანელოდ გავზავნეს კონსული კვინტუს ცეცილიუს მეტელუსი.

ეს იყო ერთადერთი კაცი, რომელიც არაფრით არ ჰგავდა უნიჭო. მოღალატე და მექრთამე თანამოგვარეებს. ეს „აჩაჩვეულებრივი მეტელუსი“, არისტოკრატულად ქედმაღალი და ამპარტავანი, იყო ნიჭიერი, წინდახედული და, რაც მთავარია, დიდად პატიოსანი.

მეტელუსი აფრიკაში ჩავიდა და თავისი მოადგილე-ლეგატების\*, პუბლიუს რუტილიუს რუფუსისა და გაიუს მარიუსის დახმარებით შეუდგა საომარი წესრიგის აღდგენას რომაულ ლეგიონებში. მან მოახერხა მოესპო არმიაში დეზერტირობა, მექრთამეობა, ვაჭრობა, ქურდობა, ყაჩაღობა, ლოთობა და მრუშობა. შეუწელებელი წვრთნიდა და სწავლით რომაულ ბანაკებში აღადგინა ძველთაგანვე სანაქებო ბრძოლისუნარიანობა.

იუგურთამ პირველად იგრძნო, რომ მის წინ ახლა ნამდვილი საფრთხე აღიმართა, ფულით დაუძღვევლი საფრთხე. ამიტომ მან ამჯერად სავსებით გულწრფელად სცადა რომთან ზავის ჩამოგდება. მაგრამ მეტელუსმა შორს დაიჭირა. მას აუცილებელ საჭიროებად მიაჩნდა ნუმიდიელი ავანტიურისტის ჩამოგდება და სიკვდილით დასჯა.

რალა გაეწყობოდა, — რაკი ფელის ჩხრიალითა და დიპლომატიური თაღლითობით აღარაფერი გამოდიოდა, იუგურთას სარდლის ნიჭიერება და მეომრული სიჩაუქეც არ აკლდა და მან მეტელუსის სამკვდრო-სასიცოცხლო გამოწვევა გაბედულად მიიღო.

ნუმიდიელი მეფე თარეშული ომის გზაზე დადგა. იგი გადამწყვეტ ბრძოლას გაურბოდა და რომაელებისათვის უცნობ, უყაცრიელ უღაბნობებში იხიზნებოდა, იქიდან მოულოდნელად გამოიჭრე-

ბოდა, მტერს თავს ესხმოდა და ისევ გაუჩინარდებოდა. რომაელებს ფეხმარდი და გამძლე ნუმიდიური ცხენოსნების დევნაში უწყლო უდაბნოებსა და უსიციოცხო გორაკებზე სიარული უხდებოდათ.

ერთი ასეთი უმძიმესი ლაშქრობის დროს, როცა წყურვილით ილაჩვაწყვეტილმა რომაელებმა ძლივს მიატანეს მდინარე მუთულს, იქ მათ დაუხვდათ ჩასაფრებული იუგურთა.

სასტიკი, სისხლისმღვრელი ბრძოლა რომაელთა გამარჯვებით დამთავრდა (109 წ.).

დამარცხებულმა მეფემ ისევ უდაბნოებსა და კლდე-ღრეებს მისცა თავი. მეტელუსი მის დევნას მოეშვა და ნუმიდიის სოფელ-ქალაქების აოხრებას, ძარცვასა და მოსახლეობის დატყვევება-დამონებას მიჰყო ხელი. რომაელი სარდალი სპობდა ყველას, ვინც ოდნავი წინააღმდეგობის გაწევას შეეცდებოდა. იუგურთაც შემოტრიალდა და მტრის ახლომახლო დაიწყო თარეში. იგი წვადა ველმინდვრებს, აბინძურებდა და სწამლავდა ისედაც მცირე წყლებს, მოულოდნელად ესხმოდა მტერს, მის ალაღს, ჩამორჩენილ ნაწილებსა და ცალკე მეომრებს. რომაელებს ერთი წუთითაც არ შეეძლოთ თვალის მოხუჭვა და ქარის ამოღება.

მეტელუსმა ალყა შემოარტყა ქალაქ ზამას (108 წ.), მაგრამ უშედეგოდ. ქალაქის დამცველები გრძნობდნენ, რომ იუგურთა ახლოს იყო, და თავგანწირვით ებრძოდნენ მტერს. რომაელი სარდალი იძულებული შეიქნა, ალყა მოეხსნა და გამოსაზამთრებლად რომაულ პროვინცია აფრიკაში\* გადასულიყო.

მოჰდევნო წელს (107 წ.) მეტელუსმა იუგურთას განადგურება სცადა თვით იუგურთასეული მეთოდებით. იგი შეუდგა ნუმიდიელი მეფის ახლობელთა მოქრთამვა-გადმობირებას. რომაელი სარდალის კარავში საიდუმლოდ მოიწვიეს იუგურთას უახლოესი მრჩეველი და მისი მარჯვენა ხელი ბომილკარი, სწორედ ის, ვინც მასივას მკვლელობა მოაწყო რომში.

მეტელუსმა ბომილკარს აღუთქვა უხვი ჯილდო და პატიება მის მიერ ჩადენილი ყველა ბოროტებისათვის, ოღონდ გაეცა თავისი მეფე.

ბომილკარი შეუჩნდა იუგურთას და დაარწმუნა კიდეც, რომ სჯობია დამორჩილდეს და შეურთგდეს მტერს, რომლის დამარცხება მას არასგზით არ შეუძლია.

იუგურთა დათანხმდა რომაული სარდლობის მოთხოვნას და ტინიდიში მდგარ მტრის ბანაკში გაგზავნა 200 000 გირვანქა ვერცხლი, ყველა საბრძოლო სპილო, მრავალი ცხენი, აღჭურვილობა

2. ლ. სანიკიძე

და 3000 რომაელი დეზერტირი, რომლებაც მის საომარ ძალთა შორის ყველაზე საიმედო ნაწილს წარმოადგენდნენ. რომაელებმა მოლაღატე თანამემამულენი წელამდე მიწაში ჩაფლეს და ისრები დაუშინეს. ბოლოს მეტელუსმა მოითხოვა, თვითონ იუგურთა პირადად გამოცხადებულიყო რომაელთა ბანაკში.

იუგურთა მიხვდა, რაც დაემართა: იგი მოატყუეს იმათ, ვინც თვითონ ყოველთვის მიუმცდარად გაუცრუებია და გაუცურებია. გაცოფებულმა მეფემ ბომილკარს საშინელი წამებით მოუსპო სიცოცხლე და გაათქეცებული ენერგით შეუდგა ბრძოლას.

მთავარი ის იყო, იუგურთა აფრიკელ ხალხებში ავტორიტეტსა და მხარდაჭერას ისევ წარმატებით ინარჩუნებდა. სწორედ მისი წაქეზებით აჯანყდა ქალაქი ბაგა, რომლის მოსახლეობამ მთლიანად გაუღიბა იქ მდგომი რომაული ციხიონი. რატომღაც სიცოცხლე შეუნარჩუნეს მხოლოდ ციხიონის უფროსს ტიტე ტურპილიუს სილანს.

ორდღიანი იერიშის შემდეგ რომაელებმა ბაგა აიღეს, გაძარცვეს, დაანგრეს და ხალხი დედაბუდიანად ამოელიტეს. სიკვდილს შეჰყარეს ტურპილიუსიც, რომლის ამასწინანდელი გადარჩენა სამშობლოს ღალატად მიიჩნიეს.

იუგურთა ბომილკარის ღალატის შემდეგ აღარავის ენდობოდა და სულ უბრალო განზრახვასაც კი გულში იმარხავდა. იგი მტრისთვისაც და თავისიანთათვისაც სავსებით მოულოდნელად გაიძლეებოდა ხან აქ და ხან იქ. ადამიანთაგან არავინ იცოდა, საიდან შეჰოუტევედა და საათვენ გაუტევედა. მეტელუსმა მას კიდევ ერთ შეტაკებაში დროშები და ალალი დაატოვებინა, მაგრამ მეორე დღეს იგი სავსებით ხელუხლებელი არპიითა და ალალით მიეშურებოდა თავის თავშესაფარში — ქალაქ თალაში.

მეტელუსმა გადაწყვიტა გამოდეკნება. ეს დიდი რისკი იყო. თალა მდებარეობდა უდაბნოებით გარშემორტყმულ ოაზისში. რომაელებმა ტყავის გუდებითა და ხის მათარებით წყალი მოიმარაგეს და მძიმე გზას დაადგნენ. ბოლოს დიდი ვაი-ვაგლახით მიიღწიეს თალას.

ორმოცდღიანი ალყის შემდეგ რომაელებმა ქალაქი აიღეს, მაგრამ ხელში ჩიტიის ნაბღვენის მეტი არაფერი შერჩენიათ. იუგურთამ შეილებითა და ხაზინის უმეტესი ნაწილით გაქცევა მოასწრო. ქალაქში დარჩენილმა რომაელმა დეზერტირებმა დარჩენილი ოქრო-ვერცხლი და სხვა სიმდიდრე მეფის სასახლეში შეიტანეს, სანადიმო სუფრა გაშალეს, სასახლე ცეცხლს მისცეს და ღრეობა გააჩაღეს. რომაელები თავზარდაცემულნი იდგნენ, ხედავდნენ და ის-



მენდნენ, როგორ ერთვოდა ხანძრის გრიალს მთვრალი და ჭკუიდან გადასული თანამემამულეების ისტერიული ბლავილი.

როცა მეტელუსს ეგონა, ნუმიდიის დამორჩილებას ვამთავრებო, სწორედ მაშინ ომი უფრო ფართო და სახიფათო გახდა. იუგურთამ ფეხზე დააყენა ნუმიდიის სამხრეთით მცხოვრები გეტულებს მრავალრიცხოვანი ტომები. იმავე დღეებში მავრიტანიის მეფემ ბოქსუსმა სიძის დასახმარებლად დაძრა ურიცხვი კავალერია.

ასე რომ, არისტოკრატთა რჩეული, რომელსაც სენატმა ორჯერ გაუგრძელა მთავარსარდლის რწმუნებანი და, ამას გარდა, „არაჩვეულებრივი მეტელუსიც“ იყო, კვლავ ჩაფლავდა. ამ ორი წლის მანძილზე ერთი სერიოზული ბრძოლა მოიგეს რომაელებმა (მდინარე მუთულზე) და ამ გამარჯვებასაც მიაწერდნენ არა არისტოკრატ მეტელუსს, არამედ მის ლეგატს, მდაბიო გაიუს მარიუსს.

ვინ იყო ეს კაცი, რომელსაც ბედმა არგუნა, ეხსნა რომი ამ მრავალწლოვანი სირცხვილისა და თავლაფდასხმისაგან, ვინ იყო იგი, ვინც პოპულარ-დემოკრატთა ხელში უმახვილეს იარაღად იქცა ოპტიმატ-ოლიგარქთა წინააღმდეგ ბრძოლაში, ვინ იყო ხალხის საოცნებო შურისმგებელი გრაკხუსთა კეთილშობილი სისხლის დაღვრისათვის?

## 5. სოფლელი „ახალკაცი“

გაიუს მარიუსი ერთი უპირველესი და უთვალსაჩინოესია იმათგან, ვისაც რომში მდაბიო, სოფლური. „უჯიშო“ წარმოშობის გამო, „მეტიჩარა ვიგინდარებს“, ან უკეთეს შემთხვევაში, „ახალკაცს“ (homo novus) უწოდებდნენ.

მასზე ციცირონი ამბობდა:

„სოფლელი კაცია, მაგრამ მთლიანი კაცია“ (rusticanus vir sed plane vir).

გაიუს მარიუსი დაიბადა 157 წელს ლათინურ სოფელ კერვატეში, ქალაქ არპინუმის მახლობლად. იგი იზრდებოდა სოფლური უბრალოების, სიღარიბისა და სიმკაცრის პირობებში. ლაღმა ბუნებამ და მიწასთან ჰიდილმა მას უზომო ფიზიკური ძალ-ღონე და უმრეტეი სულიერი სიმტკიცე მისცა. მისთვის თავიდანვე უცხო იყო ურბანისტული სინაზე და სიკობტავე. მოუხეშავ და გაურანდავ აგრიკოლას (მიწისმუშა) მთელი სიცოცხლის მანძილზე ეზიზღებოდა ყველაფერი, რაც მამლაყინწა და მეტიჩარა არისტოკრატულ „მდალ წრეს“ სისხლხორციულ მოდად ჰქონდა მიჩნეული. მას არ მი-

ული არავითარი განათლება და არასოდეს დამტკბარა ბრწყინვალე პელინური ლიტერატურის კითხვით. იგი თავს იმით ინუგეშებდა, ბერძნები რომაელთა მონები არიან და ამიტომ მბრძანებლებს არ შეშვენითო მონათა ენისა და მონა-მასწავლებელთაგან მეცნაერების სწავლა. შემდგომში, როცა სახელმწიფოს მესვეური გახდა და იძულებული იყო, ანგარიში გაეწია თანამემამულეთა „ჰიპოხონდრიებისათვის“, ბერძნულ პიესებს ადგმევიანებდა, მაგრამ თვითონ არასდროს არ ესწრებოდა მათ. მხოლოდ ერთხელ სცადა თეატრში გამოჩენა, მაგრამ უმაღლვე, სანამ ხვრინვას ამოუშვებდა, თავს უშველა სახლში გაქცევიტ. გაუბრბოდა მაღალ საზოგადოებაში ყოფნას. განსაკუთრებით საცოდავი იყო ქალთა წრეში: მას არ შეეძლო ყოფილიყო მომხიბლავი და ალერსიანი; გაუთლელი სოფლელი ქირის ოფლში იწურებოდა, დიდი ფეხებით უხეიროდ დაბობტებდა, გრძელ ხელებს უსაზმნოდ იქნეედა, ჯმუხ მხრებს იჩეჩდა, საცრისტოლა თვალებს უქემურშეყრილივით ატრიალებდა და ასეთ „უმსგავსო ადგილზე“ მოხვედრისათვის თავბედს იწყევლიდა. მაგრამ, როგორც ეტყობა, მისი მიწიერი სიჯანსაღე და სულიერი შეურყვენელობა მინც ხიბლავდა აფროდიტეს ბანაკის რჩეულთ. სწორედ ამიტომ იყო, რომ მას ცოლად გაჰყვა მაღალი პატრიცია-ნული („ღვთაებრივი“) იულიუსის გვარის ქალი, იულია, დიდი იულიუს კეისრის მამიდა.

მარიუსს ძალიან მოსწონდა თავისი გლეხური შთამომავლობა, ღარიბული ცხოვრება, და იტყოდა ხოლმე:

„მამაჩემისგან და პატიოსან კაცთაგან მე ვიწამე, რომ ფუფუნებით ცხოვრება ქალების საქმეა, ხოლო ვაჟკაცებს შრომა ამშვენებს“.

გაიუს მარიუსი ომის ღმერთის ფეხთაზე იყო დაბადებული. ბუნებით ჯარისკაცად დაბადებულისთვის სამხედრო ბანაკი სამოთხე იყო, საომარი ყიყინა — ოლიმპიელთა მხიარული ხარხარი, საჭურვლის ზათქი-ზრიალი — ზეციური სიმფონია. ყველა მუზისთვის ყრუ იყო იგი და მხოლოდ ერთადერთს, სწორედ მუზების მტერს — სამხედრო ხელოვნებას სცემდა თაყვანს. სამკაულად მას არაფერი არ ხიბლავდა საომარი საჭურვლის გარდა.

„სამკაული — ეს იარაღია და არა სხვა რამ მდიდრული ქონება“: — ამბობდა იგი.

მან უბრალო ჯარისკაცობით დაიწყო. მაშინ იგი 22 წლისა იყო. ესპანეთში, ნუმანციის კედლებთან, სციპიონ ემილიანეს თვალში მოხვდა ახალგაზრდა მარიუსის გმირობა, — მან ხომ ორთაბრძოლაში განგმირა მამაცი ესპანელი ვაჟკაცი. ამის შემდეგ მთავარსარდალს არ გამოჰპარვია არც ერთი მისი ნაბიჯი, დაკვირვებული, სახ-

რისიანი, გაბედული და შემმართველური. და როცა ერთხელ სანადიმო სუფრასთან რომელიღაც მლიქვნელმა სციპიონს ჰკითხა, ეყოლება თუ არა ოდესმე რომაელ ხალხს შენისთანა ბელადიო, სციპიონმა უპასუხა:

„დიახ, ეყოლება და შესაძლოა, აი, ეს!“ — და ბეჭზე ხელი დაპკრა მის გვერდით წამოწოლილ გაიუს მარიუსს.

დიდი მხედართმთავრის სიტყვა მარიუსმა ნამდვილ ღვთაებრივ მინიშნებად მიიჩნია. იგი ამიერიდან კიდევ უფრო დარწმუნდა თავის მაღალ სამხედრო და სახელმწიფოებრივ მოწოდებაში.

119 წელს მარიუსი სახალხო ტრიბუნად აირჩიეს. მან მაშინვე გამოაქვეყნა კანონი სახელმწიფო თანამდებობაზე არჩევნებისას გამეფებული მოქრთამებისა და კორუპციის წინააღმდეგ.

არისტოკრატია გააცოფა „ვიგინდარას“ ასეთმა პირდაპირმა და შემტევმა გამოსვლამ. კონსულმა ავრელიუს კოტამ მოითხოვა კანონის უკუგდება და სენატში მარიუსის გამოცხადება. მარუსიც გამოცხადდა და პატივცემულ სენატორთ მაშინვე დაუმტკიცა. რომის აქ მოვიდა არა როგორც სამსხვერპლო ცხვარი, არამედ როგორც სახელმწიფო ბრალმდებელი ბოროტმოქმედთა წინააღმდეგ და მოითხოვეს, კონსულმა კოტამ სასწრაფოდ უკან წაიღოს თავისი განჩინება, თუ მას არ სურს, ახლავე ციხეში შეაბრძანოს სახალხო ტრიბუნმა გაიუს მარიუსმა.

სენატორებს ენა ჩაუვარდათ. დაბნეული და დაფეთებულ ავრელიუს კოტა შევლას ითხოვდა. მხოლოდ მეტელუსმა გაბედა მისი გამოსარჩლება. მაშინ მარიუსმა უბრძანა ლიქტორს, მეტელუსი შეეპყრო და ციხეში ჩაეგდო. მეტელუსმა სხვა ტრიბუნებს მოუხმო შემწედ, მაგრამ მათ არც მოისურვეს და ვერც გაბედეს მარიუსის წინააღმდეგ გამოსვლა.

სენატს მეტი გზა აღარ ჰქონდა და დათმო. გამარჯვებულმა მარიუსმა ამაყად გამოაბიჯა კურიიდან\*, პირდაპირ სახალხო კრებაზე. მივიდა და კანონი ერთმხრივ მხარდაჭერით შეიყვანა ძალაში.

მომდევნო წელს, ედილთა\* არჩევნების დროს, ოპტიმატები საშინო მეთოქეს უფრო ორგანიზებულნი შეხვდნენ. მარიუსი ედლად ვერ გავიდა.

მაგრამ 114 წელს არისტოკრატებმა ველარ შეძლო მისი დაკავება. მარიუსმა მიიღო პრეტურა\* შორეულ ესპანეთში, სადაც მან კიდევ ისახელა თავი, ვითარცა მამაცმა მეომარმა, ჰკვიანმა პოლიტიკოსმა და პატიოსანმა მოქალაქემ.

გაიუს მარიუსის მეომრული ტალანტი ერთბაშად გარშალა. „იუგურთას ომში“.

ცეცილიუსს მეტელუსს მთელი სიცოცხლის მანძილზე სანანებლად ღარჩა. რომ ეს „სოფელი ვიგინდარა“ ლეგატად წაიყვანა აფრიკის ომში. თუ სადმე რაიმე მიღწევა ჰქონია, ყველას მარიუსის სახელს არქმევდნენ. ყველაზე თვალსაჩინო გამარჯვებაც მდინარე მუთულზე აკი მარიუსის დამსახურებად მიაჩნდათ. ყველგან გაისმოდა ქება-დიდება მარიუსის სამხედრო ხელოვნებისა, სიჩაუქისა, ღრმა საზრიანობისა და უბრალო, მკაცრი ცხოვრებისა. ჯარისკაცები სულს ლევდნენ მისთვის, რადგან იგი ყოველ მძიმე ლაშქრობაში, შრომასა და ხიფათში მუდამ მათთან იყო და ჯარისკაცის უმძიმეს ტვირთს ყოველთვის თვითონ ტვირთულობდა.

ნეტელუსმა იცოდა, მისი მეომრები სამშობლოში გაგზავნილ წერილებში სწერდნენ: ომის დამთავრებაზე ფიქრიც კი არ შეიძლება, სანამ კონსულად და მთავარსარდლად გაიუს მარიუსს არ აირჩევენო.

ერთ დღეს მარიუსი მეტელუსის კარავში შევიდა.

„რომში მინდა წავიდე, სარდალო“.

„რისთვის?“ — ვითომ არ იცოდა, ისე გაოცებით იკითხა კონსულმა.

„კონსულობისთვის“, — ძლივს ამოღერღა მარიუსმა.

„კონსულობისთვის?!“

„ღიახ“.

„მამასადამე. შენ გადაწყვიტე, ჩვენ დაგვეტოვო და რომში კონსულობის საძებრად წახვიდე!“

„ღიახ“, — ძლივს იოკებდა ბოღმას მთავარსარდლობას მოწყურებულა გუთნისდელა.

ნეტელუსმა კარგა ხანს პასუხი არ გასცა.

„დგეს ფეხზე, იდგეს და იცოდეს, ვის წინაშე დგას თავხედი ვიგინდარა“, — ფიქრობდა მთავარსარდალი.

კარავში მეტელუსის ვაჟი შემოვიდა.

მამამ შვილს თვალი შეავლო, გაეღიმა, მერე უცებ რაღაც მოიფიქრა და მარიუსს ბრაზიანი სიცილით შეაფრქვია:

„განა შენთვის სასახელო არ იქნება, კონსულად ამ ჩემს ვაჟთან ერთად გახვიდე?“

მარიუსს თვალები სისხლით ავესო და სახე სულ გაუშავდა.

საკონსულო ასაკი 43 წელი იყო, მარიუსი ახლა 48 წლისა ხდებოდა. ხოლო მეტელუსის ვაჟს 20 წელიც არ შესრულებოდა. ასე გამოდის. ამ გულზვიად პატრიციუსს რომ ჰკითხოს კაცმა, მარიუსმა 23 წელიწადი კიდევ უნდა დაიცადოს, ეს ლაწირაკი 43 წლისა გახდება. ხოლო მარიუსი 71 წლისა!

შეშასადამე, მარიუსი საიქიოში დაიმკვიდრებს კონსულობას!  
ეს დაცივნაზე უარესია და მარიუსი არავის შეარჩენს შეურაცხ-  
ყოფას!

იგი ბრაზითა და ბოღმით გატენილი გავიდა კარვიდან.

რამდენიმე დღის შემდეგ მარიუსი კი აღარ ითხოვდა, არამედ უკვე მოითხოვდა. მეტელუსიც უფრო დამთბარი ჩანდა, მაგრამ ბო-  
ლომდე მაინც არ თმობდა.

წელიწადი იწურებოდა. დეკემბერი ახლოვდებოდა, არჩევნების თვე. მარიუსი უკვე იმუქრებოდა. მეტელუსმა მაინც იმდენი ქნა, ურჩი მოადგილე მხოლოდ მაშინ დაითხოვა, როცა არჩევნებამდე მხოლოდ თორმეტი დღე დარჩენილიყო.

მარიუსმა სამხედრო ბანაკიდან ზღვის პირამდე, ქალაქ უტიკამდე, ერთი კვირის სავალი გზა ორ დღე-ნახევარში გაიარა. გემში ჩაჯდომის წინ ღმერთებს მსხვერპლი შესწირა და ილოცა. სამსხვერპლო ცხოველის შიგნიერზე ამკითხვინა და სიხარულით ფრთები გამოისხა, როცა მკითხავმა ღმერთთათვის საკადრისი წარმატებანი „უწინანსწარმეტყველა“.

მეოთხე დღეს იგი რომში იყო.

პოპულარები აღფრთოვანებით შეხვდნენ თავიანთ ბელადს.

მარიუსი პირდაპირ ამბობდა, მთავარსარდლობაზე დახარბებუ-  
ლი მეტელუსი განგებ აჭიანურებსო ომს. ხოლო, თუ ომის ხელმძღ-  
ვანელობას. მას, მარიუსს გადასცემენ, იგი რამდენიმე დღეში რომში ჩამოიყვანს გაბაწრულ იუგურტას.

მარიუსი მარტო მეტელუსს როდი ებრძოდა. იგი გამოდიოდა მთელი მმართველი არისტოკრატიის წინააღმდეგ. ოპტიმატური ოლიგარქიის საწინააღმდეგო მკაცრი ბრალდება იყო მისი სიტყვა სახალხო კრებაზე:

„მე არ მინდა ჩემს სადიდებლად წარმოვიდგინოთ გამოსახულე-  
ბანი ჩემი წინაპრებისა, რომელთაც დამსახურებული ექნებოდათ დიდი სახელმწიფო თანამდებობანი და ტრიუმფები. მაგრამ მე შე-  
მიძლია წარმოვადგინო საპატიო საომარი საჭურველი, საომარი წარ-  
ჩინებითი ჯილდოები და ჭრილობებით დაჩეხილი ჩემი სხეული. ეს ჭრილობანი სცელიან ჩემი წინაპრების სახეებს. ესენი წარმოადგე-  
ნენ ჩემს გვარიშვილობასა და წარჩინებულობას, რაიც მე ოპტიმატ-  
თა მსგავსად მემკვიდრეობით როდი მიმიღია, არამედ მე თვითონ საკუთარი ძალით მომიპოვებია აურაცხელი ხიფათით გარშემორ-  
ტყმულს. ჩემი სიტყვები მოკლებულია სილამაზეს და დახვეწილო-  
ბას; ლამაზსიტყვაობას მე არაფრად ვაგდებ, რადგან ადამიანის ჭეშმარიტი ღირსება უამისოდაც კარგად გამოჩნდება. მოქნილი

ლაპარაკი ოპტიმატებს სჭირდებათ, რათა ლამაზი სიტყვებით დაფარონ თავიანთი სამარცხვინო საქმენი. არც ბერძნული ლიტერატურაა ჩემთვის ცნობილი: მე არ მქონია მისი შესწავლის სურვილი. რადგან ვხედავდი, რომ მას არ შეეძლო მამაც ვაუკაცად ექცია თვით მისი მასწავლებლები. მაგრამ მე ვისწავლე იმის გაკეთება, რაიც ყველაზე მეტად სასარგებლოა სახელმწიფოსთვის: მტრის დამარცხება და გულუძვრელობა ყველაფრის წინაშე, გარდა უპატიურობისა; დაძლევა სიცხისა და სიცივისა, უქონლობისა და ჭაფისა: ძილი ცივს მიწაზე. ყველა ამ უნარს მე ჩავუნერგავ ჯარისკაცებს, მაგრამ არ დავუშვებ, რომ ისინი შიმშილობდნენ ჩემი ნადიმობისას, ბოროტად არ გამოვიყენებ მათ ძალებს ჩემი პირადი განდიდებისთვის. აკი ბუნებაც ყველა ადამიანს ერთნაირად ანიჭებს სიცოცხლეს. მხოლოდ სიმამაცეა ჭეშმარიტი წარჩინება. ჩვენ რომ ახლა შევეკითხოთ ალბინუსის ან ბესტიას წინაპრებს, რომელს ისურვებდნენ თავიანთ შთამომავლებად — ამათ, თუ მე, განა ისინი მე არ ამირჩევდნენ? ასე რომ, განა ოპტიმატებს მე ვძულვარ, ისინი იმავე დროს სიძულვილით უცქერიან თავის წინაპრებს, რომელთაც თავიანთი წარჩინება ჩემებრ მამაცობით მოუხვეჭიათ“.

მარიუსი კონსულად გავიდა.

იქვე, კენჭისყრის გარეშე, სახალხო კრებამ მას მიანდო მთავარსარდლობა ნუმიდიის ომში.

კონსული ჯარების შეკრებას შეუდგა სავსებით ახალი, მანამდე გაუგონარი წესებით.

აქამდე სამოქალაქო ლაშქარი იკრიბებოდა ქონებრივი ცენზის მიხედვით, — როგორც ეს დადგენილი იყო ჭერ კიდევ VI საუკუნის მეორე ნახევარში სერვიუს ტულიუსის ცნობილი რეფორმით. მარიუსმა კი არმიაში გაწვევა დაიწყო ყოველგვარი ქონებრივი მდგომარეობის გაუთვალისწინებლად. იგი ჯარში იწვევდა ყველას და ლებულობდა მოხალისეებს, განსაკუთრებით ღარიბ, უღარიბეს და სავსებით უქონელთ — პროლეტარებს და ლუმპენ-პროლეტარებს\*. რომ აღარაფერი ვთქვათ „მოკავშირეებზე“ (დაპყრობილი იტალიელი ტომები), არმიაში ირიცხებოდნენ მამაცი პროვინციალებიც\*. ამიერიდან სახელმწიფოსგან მეომარი ლებულობდა შეიარაღებას, ჯამაგირსა და ჯილდოებს. სამხედრო სამსახური თექვსმეტწლიანი იყო, ესე იგი მარიუსის რეფორმის ძალით, ღარიბ, სავსებით უქონელ რომელს, იტალიელს, თუ პროვინციალს, ყველას საარსებო წყარო უჩნდებოდა. მით უფრო, რომ სამხედრო ვალდებულების მოხდის შემდგომ ვეტერანი-მეომარი მიწის ნაკვეთსაც მიიღებდა. ერთი სიტყვით, გაიუს მარიუსმა სამხედრო სამსახური ნივთი-

რი არსებობისა და, ხშირ შემთხვევაში, გამდიდრების წყაროდ აქცია. ამიერიდან რომაული ჯარი ჩვეულებრივ შეიარაღებულ მოქალაქეთა საკრებულოს როდი წარმოადგენდა. წარმოიქმნა განსაკუთრებული ფენა — წოდება, შემდგარი მრავალგვარი წარმოშობისა და მდგომარეობის ადამიანებისაგან. აქ დაწინაურება ხდებოდა არა წარმომავლობისა და ქონების მიხედვით, არამედ ნამსახურობისა და დამსახურების კვალობაზე.

რაც მთავარია, ამიერიდან რომაული არმიის სამშობლო იყო არა რომი, არამედ სამხედრო ბანაკი; ამიერიდან იგი თავის მბრძანებლად თვლიდა არა სენატს, არამედ მთავარსარდალს.

ასეთი არმიით ჩავიდა კონსული, რეფორმატორი და მთავარსარდალი გაიუს მარიუსი აფრიკაში. მეტელუსი იქ აღარ დახვედრია. ბრახითა და მძულვარებით ყელამდე აღვისილი პატრიციუსი არ დაელოდა გამარჯვებული მეტოქის ჩამოსვლას, ჯარები ლეგატ რუტილიუსს დაუტოვა და თვითონ რომს გაემგზავრა.

მარიუსმა არად ჩააგდო მეტელუსის „გაქცევა“, ნუმიდიაში მდგარი ჯარები ჩაიბარა და საქმეს შეუდგა.

## 6. „ბედისწერა“ სოფლელი კაციისა.

მთავარსარდალი კარავში იჯდა და ნუმიდიელი მეფის განადგურების გეგმას ადგენდა. გონების თვალთ ხედავდა თავისი ლეგიონების განრიგებას საომარ ველზე, ხედავდა ყოველ საჯარისო შენაერთს\*, კოჰორტებს, მანიპულებს, ცენტურიებს, კავალერიას, ყოველ სამეთაურო პოსტს.

„აი, ლეგატები... სამხედრო ტრიბუნები... ცენტურიონები...“ ყველანი ადგილზე არიან... ის კი არა ჩანს... კვესტორი\*...“

ლიქტორის შემოსვლამ ფიქრი შეაწყვეტინა.

„კვესტორი გამოცხადდა, მთავარსარდალო!“

„კვესტორი?“

„დიახ. შემოსვლას ითხოვს.“

„შემოვიდეს!“

სარდლის წინ წარსდგა ოცდაათი-ოცდათორმეტი წლის კაცი. არისტოკრატულად მორთულ-მოკაზმული, ახოვანი, წელწერილი და მხარბეჭავილილი, ქერათმიანი და ცისფერთვალემა. თვალებიდან ერთდროულად გამოუქრთოდა ნიკიერებაც და თავხედობაც. ფერმკრთალ მოგრძო სახეზე და მალალ, გონიერ შუბლზე წითელი სვი-

რბეები დაპყროდა, მაგრამ ეს ოდნეადაც ვერ ჩრდილავდა მის სა-  
ოცრად მომხიბლავ ეშხსა და იერს.

მარიუსმა ცივი. გოროზი მზერა შეაგება ამპარტავანი პეწით შე-  
მოსულ არისტოკრატს.

„მაშ, შენ ხარ ჩემი კვესტორი და კავალერიის უფროსი?“

„მე ვარ. სარდალო“.

„ლუციუს კორნელიუს სულა?“

„დიახ, ლუციუს კორნელიუს სულა“, — ამაყად გაიმეორა არის-  
ტოკრატმა.

მარიუსი აიბრიზა.

„რატომ დაგვიანდა კვესტორს საომარ ველზე გამოცხადება?“

„მე ჯერ ვერ ვხედავ საომარ ველს“.

მარიუსს სახე გაულურჯდა, თვალეები სისხლით ავესო.

„ომი მალე დაიწყება“, — გამოსცრა კბილებიდან.

„კვესტორიც მიაგნებს თავის ადგილს“, — ეს ისე თქვა სულამ,  
მარიუსმა ვერ გაიგო, კრძალვა იყო ამ სიტყვებში, მუქარა, თუ და-  
ცინვა.

სულამ კი კარგად გაიგო, როგორი ზიზღით თქვა მარიუსმა:

„მე მირჩევნია, საომარ ველზე ჩემი კვესტორი გამოსცემდეს  
ნივრისა და ოფლის სიმყრალეს, ვიდრე სუნამოსა და ნელსაცხებლის  
სურნელებს აფრქვევდეს მტერს“.

სულა წამსვე მიხვდა, მთავარსარდლის მოთმინება ამოწურული-  
ყო. მან იცის. ასეთ დროს საჭიროა უკან დახევა.

„მაპატიე, იმპერატორო!“

„იმპერატორო?!“ — ასეთი ეპითეტებით ხომ შემოგები განადი-  
ლებენ თავიანთ სარდალს დიდი ომის მოგების შემდეგ. მაშასადამე,  
არც ისე ცუდი კაცი ყოფილა ეს უცნაური ახალგაზრდა ოპტიმატი:  
მან მარიუსს უწოდა „იმპერატორი“ მაშინ, როცა მას ჯერ ომი არც  
დაუწყია.

„მე შევეცდები. ვიყო ღირსეული კვესტორი, კავალერიის უფ-  
როსი, ნამდვილი ჯარისკაცი და უერთგულესი თანაშემწე კონსულსა-  
სა და იმპერატორ გაიუს მარიუსისა!“ — დაასრულა სულამ.

მარიუსს თვალეებიდან სისხლი გადასწმენდოდა და მის ნაცვლად  
სამოვნების ციმციმი ჩასდგომოდა. „სოფლელ კაცს“ კეთილი გუ-  
ლი გახსნოდა.

„წადი, ყმაწვილო კაცო, გაემზადე, ხვალ ადრიაანად ვიწყებთ  
ლაშქრობას“, — ლბილად და თბილად უთხრა მან კვესტორს.

სულამ წამიერი მზერა ესროლა მთავარსარდალს, მერე მდამ-  
ლად თავი დაუკრა და გასასვლელისკენ გატრიალდა.



მარიუსმა თვალი გააყოლა ამპარტავანი ნაბიჯით მიმავალ არისტოკრატს. იგი დიდხანს ფიქრობდა ამ კაცზე.

მას გაეგონა ამ ახალგაზრდის ამბავი, მისი უცნაური თავგადასავალი. მაგრამ სწორედ მისი ცხოვრებაა გამოცანა და უფრო ძნელია გამოცნობა, რა სურს, რას აპირებს და რა შესაძლებლობები აქვს ამ კაცს თავის პატივმოყვარულ ზრახვათა აღსასრულებლად.

მას, ვინ არის ეს კაცი, რომელმაც კონსულად და მთავარსარდლად აღზევებულ „ახალკაცს“ ნექტარით სავსე ფიალაში უკვე ჩაუგდო ერთი წვეთი საწამლავისა?

ლუციუს კორნელიუს სულა დაიბადა 138 წელს, ძველ არისტოკრატიულ-პატრიციულ ოჯახში. მისი წინაპრები თითქმის არასოდეს არ ბრწყინავდნენ სახელმწიფო და სამხედრო მოღვაწეობით. უკანასკნელ ხანებში კორნელიუს სულას გვარი სულ დაკნინდა და დღარობდა. ლუციუს სულამ ბავშვობა სიღარიბეში გაატარა. ჭაბუკობისას ნაჭირავებ ბინაში ცხოვრობდა. ის არაფერს ერიდებოდა, ოღონდ კი ბედისგან აკიდებული ხელმოკლეობისაგან როგორმე თავი დაეხსნა. მომხიბლავი და დარდიმანდი ვაჟკაცი კარგად იყენებდა ქალთა თავშეუკავებელ თაყვანისცემას, მეტადრე, თუ თაყვანისმცემელი სიმდიდრის პატრონი იყო. „რომაელი „დონეუნი“ დიდხანს ცხოვრობდა ვიღაც მდიდარი როსკიპის ხარჯზე, რომელიც მისთვის მზრუნველი „დედინაცვალიც“ იყო და ვნებიანი სატრფოც. სულას მთელი ცხოვრება თავაწყვეტილი ბოჰემა და ვაჟხანალია იყო. მთელს რომში იცოდნენ მისი საეჭვო ურთიერთობანი რომაული საზოგადოების ფსკერთან, იცნობდნენ მის ღამეულ თავგადასავლებს და „ბნელ საქმეებს“. მასი მეგობრები იყვნენ მსახიობები, ჯამბაზები, ტაკიმახსარები, ქალნი და კაცნი მომღერალნი და მოცეკვავენი, რომელთა შორის თვითონაც მსახიობობდა, ჯამბაზობდა, ლაზღ-ნდარობდა, ცეკვავდა და მღეროდა, ვითარცა დიონისე-ბახუსი, სატირებით გარშემორტყმული.

იმავე დროს სულა იყო თავისი დროისათვის დიდად განათლებული ადამიანი, მახვილგონიერი და ენაწყლიანი. ბრწყინვალედ ფლობდა მალალ ბერძნულ კულტურას, ლიტერატურას, პოეზიას, ხელოვნებას და ფილოსოფიას. მას ჰქონდა დიდი უნარი ბრძნულად აზროვნებისა. იყო თავდადებული მეგობარი მეგობრისათვის და უაღრესად შეუპოვარი და დაუზოგავი მტრისათვის. იგი ადვილად ითვისებდა ყველაფერს, რაიც სხვისთვის ძნელი დასაძლევია ჩანდა. შეეძლო ადამიანების მოხიბლვა და გულის მოგება. სულ მალე მას ჯარისკაცები შეიყვარებენ, ვითარცა ჭირსა და ლხინში თანაზიარ ჯარისკაცსა და გულუხვ სარდალს. მისი ბუნება ერთდროულად ით-

ვისებდა მძვინვარე შემართებასაც და ჩაუწვდომელ ცბიერებასაც-  
ამიტომ მასზე მალე იტყვიან:

„სულა ერთდროულად არის ლომიც და მელაც, — აქვს ლომის  
მძვინვარება და მელას ცბიერება“.

მას საოცრად სწამდა თავისი „ბედის ვარსკვლავისა“, მუდამ სჯე-  
როდა, რომ ყველა საქმეში გაიმარჯვებდა. და მართლაც იგი არას-  
დროს არ დამარცხდებოდა, მოიგებოდა ყველა საომარ შეტაკებას და  
ყველა პოლიტიკურ ბრძოლას. ამიტომ მას მალე დაერქმევა „სულა-  
ბედნიერი“ (Sulla felix).

აი, ეს „ბედნიერი ლომ-მელა“ შეიქნა მარიუსის მსახვრალი ბე-  
დისწერა მთელი მისი სიცოცხლის მანძილზე.

## 7. იუგურტას აღსასრული

მარიუსმა შეტევა დაიწყო (106 წ.). პირველ წარმატებულ შეტე-  
კებათა შემდეგ მან ჯარები დაძრა ქალაქ კაპსასაკენ, რომლის დაპყ-  
რობა გაცილებით ძნელი იყო, ვიდრე თალას აღება წინარე წელს.

კაპსას გარშემო უწყლო, ცხელქვიშიანი და შხამიანი გველებით  
სავსე უდაბნოები გადაჭიმულიყო. მარიუსმა რამდენიმე ღამეული  
ლაშქრობით გადალახა ეს ხიფათით სავსე ქვეყანა და მოულოდნე-  
ლად დაეცა თავს ციხე-ქალაქს. კაპსამ იარაღი დაყარა. ქალაქის  
წველა მამაკაცი რომაელებმა გაელიტეს, დანარჩენები მონებად გა-  
ყიდეს, ქონება გაინაწილეს და ქალაქი ცეცხლს მისცეს.

შემდეგ მარიუსი გაეშურა მდინარე მულუხისაკენ, რომელიც  
ერთმანეთისაგან ჰყოფდა ნუმიდიას და მავრიტანიას. აქ, მაღალ,  
კლდოვან მთაზე, აღმართული იყო ძლიერი ციხესიმაგრე, სადაც  
მხოლოდ ერთადერთი საცალფეხო ბილიკით შეიძლებოდა ასვლა.  
ამ მიუვალ ციხესიმაგრეს ანდო იუგურტამ თავისი საგანძურებისა  
და სალაროების დაცვა.

რომაელები დიდხანს უნაყოფოდ ერთყენენ გარს მულუხის ცი-  
ხესიმაგრეს. ბოლოს, ერთმა ლიგურიელმა, უადრესად დაოსტატე-  
ბულმა მთამსვლელმა, ღამით, მტრისგან იდუმალ ერთი რაზმეული  
აიყვანა კლდეზე. იმავე დროს მარიუსმა წამოიწყო ძლიერი შეტევა  
ბილიკის გასწვრივ. ციხის დამცველებიც მთელი ძალებით დაუხვ-  
დნენ გზაწვრილზე ამომავალ მტერს. მაგრამ მათთვის საგსებით მო-  
ულოდნელი იყო ზურგიდან, კლდის მხრიდან თავდასხმა. ორმხრივი  
დარტყმით დაბნეული ნუმიდელები სულ ერთიანად მოისრნენ. ცი-  
ხესიმაგრე მთელი მისი საჭურჭლეებით რომაელებმა დაისაკუთრეს.

მარიუსის დიდებამ ახალ საფეხურზე აინაცვლა.

მულუხის სასაზღვრო სიმაგრის დაცვამ შეაშფოთა მავრიტანიის მეფე ბოკხუსი. მან ახლა უფრო გულდასმით მიუგდო ყური იუგურტასგან მოსყიდულ მრჩევლებს და გადაწყვიტა, ამდენი ყოყმანის შემდეგ საქმიანი დახმარება გაეწია განადგურების პირს მისული სიძისათვის. ეს გადაწყვეტილება სარწმუნო მაშინ გახდა, როცა იუგურტამ ბოკხუსს თავისი სამეფოს ერთი მესამედი აღუთქვა.

ერთ დღეს, როცა რომაელები მულუხიდან წასასვლელად ემზადებოდნენ, მათ მოულოდნელად თავს დაესხნენ ნუმიდიელების, მავრიტანელებისა და გეტულების\* მრავალრიცხოვან ცხენოსანთა კორპუსები. რომაელები იბრძოდნენ მათთვის უაღრესად არახელსაყრელ პირობებში, — მოუმზადებლნი და დეზორგანიზებულნი. დაღამებისას მარიუსმა მოახერხა ჯარების გადაყვანა მახლობლად მდებარე ორ დიდ ბორცვზე, მაგრამ იგი ფეხდაფეხ მოდევნებულმა მოწინააღმდეგემ სულ მალე ალყაში მოაქცია.

გვიან ღამემდე გამაყრუებელი ღრიალით ზეიმობდნენ „გამარჯვებას“ აფრიკელები. რომაელთა ბანაკებში სამარისებური დუმილი იწვა. შუალამისას მოწინააღმდეგის მხარესაც მიწყნარდა ღრიანციელი. ალბათ ძილმა დაისადგურა წარმატებით გალალეულ და მტრის „დამარცხება-დაშინებით“ დაარხივებულ უდაბნოელთა შორის.

და მარიუსმა ნიშანი მისცა. რომაელები ერთბაშად ამოცვივდნენ სანგრებიდან და ზარდამცემი ყიჟინითა და იარაღის ზათქით დაეცნენ ძილს მიცემულ მტრის ბანაკს. სულ მალე ბრძოლის ველი შემზარავ სასაქლოდ იქცა. აფრიკელთაგან სულ მცირენი გადაურჩნენ რომაულ მახვილის მძვინვარებას.

ამის შემდეგ გაიუს მარიუსი გამოსაზამთრებლად გაეშურა ცირტასაკენ. იგი მიდიოდა ფრთხილად, საომარი წყობით. და, აი, ახალთახალი, მრავალრიცხოვანი ჯარით კვლავ გამოჩნდა იუგურტა და ყოველი მხრიდან მიესია რომაულ არმიას.

ცირტას მახლობლად საშინელი სისხლისღვრა გაჩაღდა. იუგურტა იბრძოდა საოცარი სიმამაცითა და თავგანწირულებით. იგი მოწინავე ხაზზე სისხლიანი ხმლით დაჰქროდა და ლათინურ ენაზე გაჰკიოდა:

„ეპეი, რომაელებო, ტყუილუბრალოდ მაკლავთ თავს! მე უკვე ჩემი ხელით მოვკალი თქვენი სარდალი მარიუსი. აბა, შეხედეთ, ამ მახვილს სწორედ მისი სისხლი სდის!“

მარიუსი მუზარადმოხდილი და სახეგაშიშვლებული მიმოჰქროდა და ეჩვენებოდა ყველას, რომ არავის დაეჭვრებინა მისი სიკვდილი.

ბრძოლის სასწორი ქანაობდა. გადაწყვეტ მომენტში თავისი ფლანგიდან კავალერიით მძლავრად შეუტია ლუციუს კორნელიუს სულამ. მან მიმოფანტა მასზე მიტევებული მტრის მხედრობა და დასახმარებლად მიაშურა ლეგიონთა ზურგს, საიდანაც მარიუსს იმჟამს უტევდნენ იუგურთა და ბოკხუსი.

სულას შეტევამ ბრძოლის ჩარხი რომაელთა სასარგებლოდ დაატრიალა. აფრიკელები კვლავ დამარცხდნენ.

მარიუსმა გამოსაზამთრებლად ნუმიდიის სატახტოსთან დასცა ბანაკი.

ასეთმა მარცხიანმა შეტაკებებმა მერყევი და ორჭოფული მავრიტანელი ხელმწიფე აიძულა, დაზავება ეთხოვა. ბოკხუსმა იუგურთასაგან იღუმალად ელჩები აფრინა რომშიც და მარიუსთანაც „კავშირისა და მეგობრობის“ შეთავაზებით. მარიუსს სთხოვდა, მასთან მოსალაპარაკებლად გაეგზავნა სულა, რომლის „თავაზიანობისა“ და „დიდსულოვნების“ ამბავი უკვე სმენოდა მას.

ხანმოკლე ყოყმანის შემდეგ მარიუსი დათანხმდა და სულა მცირე მხედრობისა და ქვეითი ჯარის თანხლებით გაეშურა მავრიტანიისაკენ.

მეგზურად ჰყავდათ ბოკხუსის ძე ვოლკუსი. ხუთი დღის სარკულის შემდეგ სრულიად მოულოდნელად მგზავრები შეეფეთნენ იუგურთას, რომელსაც თან ახლდა გაცილებით მრავალრიცხოვანი ლაშქარი, ვიდრე სულას. ბუნებრივად ჩაითვლებოდა ფიქრი, რომ ვოლკუსი მოღალატე იყო; რომ მასთან შეთანხმებით იუგურთამ ხაფანგი დაუგო სულას, რომლის ხელში ჩაგდებით მეფეები უფრო მეტის გამოძალვას შეძლებენ მარიუსთან მოლაპარაკების დროს.

რომაელები შიშმა და ბრაზმა შეიპყრო. ზოგი გაქცევას მოითხოვდა, ზოგიც ვოლკუსის მოკვლას და იუგურთასთან შებრძოლებას. მავრიტანელი უფლისწული ცრემლების ღვრით იფიცებოდა, რომ მოღალატე არ იყო. იუგურთას გამოჩენა მისთვისაც გამოცანას წარმოადგენდა, და სიცოცხლის შენარჩუნებას ითხოვდა: თან რჩევას იძლეოდა, პირდაპირ, შიშისა და მორიდების გარეშე გაევლოთ იუგურთას ბანაკზე.

სულამ მართლაც ერთბაშად გადაწყვიტა და სწრაფი, გაბედული ნაბიჯით დაიძრა იუგურთასკენ. გაოცებულმა და გაოგნებულმა იუგურთამ აღარ იცოდა, როგორ მოქცეულიყო. იგი გაშტერებული უცქეროდა მის ბანაკზე გოროზად და უჯიათი ნაბიჯით გავლილ „მგლის შვილებს“.

სულა მშვიდობიანად მივიდა მავრიტანიის მეფესთან და რომ-

თან მშვიდობიანობისა და „კავშირ-მეგობრობის“ აუცილებელ პირობად იუგურთას ჩაბარება მოითხოვა.

ბოკხუსი დიდხანს ყოყმანობდა, აღარ იცოდა, რომელი აერჩია: იუგურთა გადაეცა სულასთვის, თუ სულა — იუგურთასთვის. ჯერ-ჯერობით ორივე მხარეს ჰპირდებოდა და არც ერთს არ უსრულებდა. ბოლოს და ბოლოს, მაინც უნდა გადაეწყვიტა, როგორ მოქცეულიყო, და გადაწყვიტა კიდევ.

ერთ დღეს მან თავისთან დაიბარა იუგურთა და სულა, რომელთაც ცალ-ცალკე აღთქმა მისცა, რომ მოწინააღმდეგეს უეჭველად ჩააბარებდა. როგორც ჩანს, რომის წინაშე შიში უფრო ძლიერი აღმოჩნდა ეროვნულ და ნათესაურ-მოყვრულ გრძნობაზე. როგორც კი იუგურთა გამოცხადდა, ბოკხუსის ნიშანზე მავრიტანელები საფრიდან ამოცვივდნენ, ნუმიდიელს მკვლელები დაუხოცეს, თვითონ იუგურთა შეიპყრეს და ბორკილდადებული გადასცეს სულას.

მავრიტანიის მეფემ სიძისა და თანამოძმის გაყიდვის საფასურად რომისგან მიიღო ნუმიდიის დასავლეთი ნაწილი. იუგურთას დანარჩენი სამფლობელოები რომაელებმა გადასცეს გაუდას, იუგურთას ნახევარძმას, სნეულსა და გონებასუსტ კაცს.

ასე დასრულდა „იუგურთას ომი“ (105 წ.). გაიუს მარიუსმა ბრწყინვალე ტრიუმფით გაიარა რომის ქუჩები. ტრიუმფატორის ეტლის წინ მოჰქონდათ 3 007 გირვანქა ოქრო. 5 775 გირვანქა ვერცხლი და 287 000 დრაქმა-მონეტა. ნადავლთა შორის უძვირფასესი იყო თვით იუგურთა და მისი ორი ვაჟი. ტრიუმფის დასასრულს ნუმიდიელი მეფედყოფილი გააშიშვლეს. ოქროს საყურეები ყურის ბაბილოებითურთ ჩამოპგლიჯეს და ეპიტოლიუმის ქვეშ გათხრილ დილეგში ჩააგდეს.

„ოო, ჰერკულესო, რა ცივი ყოფილა შენი აბანო!“ — ცოფიანი სიცილით დაიდრინა სვედავსილმა უჯაბნოელმა.

ექვსი დღე ებრძოდა შიმშილს იუგურთა. ალბათ, კიდევ დიდხანს გასძლებდა მისი კლდოვანი სხეული სიკვდილთან ბრძოლაში. მაგრამ რომმა აღარ ინება დაეცადა მისი აბუჩად ამგდების ნებისმიერი აღსასრულისათვის. დილეგში ჯალათი ჩავიდა და იუგურთა დაახრჩო.

დიდი იყო „იუგურთას ომის“ დამთავრებით გამოწვეული აღფრთოვანება. გაიუს მარიუსის ნიჭისა და მკლავის სიდიადემ დაარწმუნა პოპულარტა პარტია თავის ძალასა და ძლიერებაში. მარიუსის მეთაურობით მას შეეძლო, ახალი დარტყმებით დაესუსტებინა მოპარდაპირე ოპტიმატთა ბანაკი.

მაგრამ არისტოკრატთას არ ეძინა. სენატმა მარიუსი აიძულა,

მოეხსნა ტრიუმფატორის ინსიგნიები,\* როცა იგი ისე „გათავხედ-  
და“. რომ სენატის სხდომაზე ძოწეულის ტოგით გამოცხადდა. ოლი-  
გარქია იუგურთას განადგურებას თავის რჩეულთ. მეტელუსსა და  
სულას მიაწერდა. სენატმა მარიუსის ჭიბრზე მეტელუსს „ნუმიდო-  
ელი“ უწოდა. ხოლო სულამ ოქრომჭედელს ბეჰედი გააკეთებინა,  
რომელზედაც გამოხატული იყო, როგორ გადასცემდა მას ბოქსუსი  
შებორკილ იუგურთას. იგივე იყო გამოსახული ოქროს რელიეფზე,  
რომელიც ბოქსუსმა ძღვნად მიართვა კაპიტოლიუმის ტაძარს. რო-  
ცა სულა ტრიუმფატორ მარიუსის ეტლს ცხენზე ამხედრებული  
უკან მოჰყვებოდა. ოპტიმატები ცდილობდნენ, ყველას ყურადღება  
სწორედ მისკენ მიექციათ, როგორც „ნამდვილი ტრიუმფატორის-  
თვის“, რომელმაც შეიპყრო იუგურთა და დღეს აქ „სხვის ტრიუმფ-  
ში“ გამოატარა.

მარიუსი ხედავდა, როგორ უწამლავდნენ მას სისხლის ფასად  
მოპოვებულ ტკბილ ნეტარებას და ახალი სახელ-დიდების მოსახვე-  
ქად ემზადებოდა.

## „დიდი გერმანული საფრთხის“ პროლოგი

„დიდ გერმანულ საფრთხეს“ ჩვენ ვუწოდებთ იმ მოვლენებს. რამაც ახალი წელთაღრიცხვის მე-5 საუკუნეში იმსხვერპლა არა მარტო რომის მბრძანებლობა მაშინდელ მსოფლიოზე, არამედ მისი საკუთარი დამოუკიდებლობაც.

ხოლო ის, რაც აქ განიხილება, — ე. ი. ამბავი, რომელიც ალარისისა და ოდოაკრის შემოსევებს წინ უსწრებს ხუთ-ნახევარი საუკუნით, — ჩვენ წარმოგვიდგება, ვითარცა პროლოგი და თავფურცელი „მარადიული ქალაქის“ დამხობისათვის ბრძოლის ისტორიისა.

ეს არის გერმანული ტომების, კიმბრებისა და ტევტონების პირველი გამოჩენა რომაული სამყაროს ჰორიზონტზე.

### 1. „ჩრდილოელ ბარბაროსთა“ პირველი გამოსვლა

მაშინ, როცა სამხრეთში, აფრიკის ცხელ მიწაზე, „იუგურთას ომის“ ხანძარი ინთებოდა, ჩრდილოეთში, თოვლიანი ალპების გადაღმა, მომთაბარე ხალხთა ხშირი მიგრაციები და ადგილმონაცვლეობანი არყევდნენ დედამიწას.

მარიუსს ჯერ კიდევ დამთავრებული არ ჰქონდა ნუმიდიის განადგურება, როცა ღუზნაის ცენტრალურ მიდამოებში გამოჩნდნენ გერმანული მოდგმის ტომები — კიმბრები, — ახოვანი, ქერათმიანი და ცისფერთვალებიანი ბუმბერაზნი. ისინი მოდიოდნენ დასასახლებელი მიწების საძიებლად და დასაპყრობად. მოდიოდნენ დედაბუდიანად, ცოლშვილიანად, მთელი ოჯახებით. ურნეებზე და

საბარგულებზე გამართულ ჩარდახებში შეხიზნულნი. ბრძოლის საპირობისას იგივე ურემ-საბარგულებითა და მთელი ალალით ისინი მრგვალად ჰკრავდნენ თავდაცვის ბანაკს. თავიანთ ბელადად კიმბრები ირჩევდნენ ყველაზე მამაცსა და ღონიერ გოლიათს, რომელიც მუდამ მზად უნდა ყოფილიყო მტრის სარდალთან ორთაბრძოლისათვის. ბრძოლაში ებმებოდნენ მტკიცედ შეკრული წყობით, გამაყრუებელი ღრიალითა და ჰომერული გრუხუნ-გრიალით. წინა მწკრივში მდგარი მეომრები თოკებით იყვნენ ერთმანეთზე გადაბმული, რომ ერთმანეთი გაემაგრებინათ და თან ბრძოლიდან გაქცევაც ვერავის მოეხერხებინა. მთელი მათი საომარი „სტრატეგია“ და „ტაქტიკა“ ემყარებოდა სწრაფ, თავზეხელაღებულ, ელვისებურ შეტევას და, საპირობის შემთხვევაში, სიკვდილთან გულგრილ შეყრას. კიმბრთა მოხუცი ქურუმი ქალები ტყვედ წამოყვანილ მტრებს თავიანთ ღმერთებს მსხვერპლად სწირავდნენ და მათ სისხლზე მომავალს წინასწარმეტყველებდნენ.

113 წელს კიმბრები ჩრდილო-აღმოსავლეთიდან მოადგნენ ალბებს, გადათელეს ტავრისკებისა და კარნების ოლქები და მიუახლოვდნენ რომაელთა სამფლობელოებს. აქ მათ წინ გადაუდგათ კონსული გნეუს პაპირიუს კარბონი. კიმბრებმა კონსულს აცნობეს, რომ მათ რომთან ომი არ სურთ და მხოლოდ მიწებს ეძებენ დასასახლებლად. კარბონმა მიწებზე უარი თუბასუხა, კიმბრებმა მაინც ხელი აიღეს რომაელებთან შებრძოლებაზე და დასავლეთისკენ გასწიეს. მათ წინ მიუძღოდნენ კონსულისგან მიცემული მეგზურები, რომელთაც, მისივე მითითებით, კიმბრები შეიტყუეს ქალაქ ნორეას მახლობლად მოწყობილ საფარში.

ძვირად დაუჯდათ რომაელებს მუხანათობა. კიმბრები იბრძოდნენ საოცარი სიმამაცითა და თავგანწირულებით. საშინელი სისხლისღვრა რომაელთა მარცხით დამთავრდა (113 წ.). კონსულ კარბონის არმია სრული განადგურებისგან იხსნა კოკისპირულმა წვიმამ და ქარიშხალმა, რომელმაც განწირული სამხრეთელები ხელიდან გამოკვლიჯა გავეშებულ ჩრდილოელთ.

გამარჯვებულ კიმბრებს დასავლეთისკენ მიმავალ გზაზე შეუერთდნენ კელტური ტომები, ჰელვეტები და ამბრონები. გადალახეს რაინი და შევიდნენ ნორბანის ვალიაში (დღევანდელი სამხრეთი საფრანგეთი), რომელიც 121 წლიდან რომის პროვინციას წარმოადგენდა.

იმავე ხანებში ჩრდილოეთ ვალიაში გადმოვიდა მეორე დიდი გერმანული ტომი — ტევტონები. ისინი ჩრდილოეთიდან დაიძრნენ და მდინარე რონას ქვემო წელზე შეუერთდნენ კიმბრებს.



ხუთი წლის მანძილზე კიმბრები, ტევტონები და ზოგიერთი მათი მოკავშირე კელტური ტომები ზედიზედ ამარცხებენ რომაულ არმიებს.

109 წელს მათ წინააღმდეგ გაემგზავრა კონსული მარკუს იუნუს სილანი, რომელიც მისვლისთანავე დამარცხდა და მისი სამხედრო ბანაკიც მტერს ჩაუვარდა ხელთ.

105 წელს „ბარბაროსებთან“ ახალ დიდ ბრძოლაში დაიღუპნენ კონსული ლუციუს კასიუს ლონგინუსი, მისი ლეგატი და არმიის უდიდესი ნაწილი. დანარჩენებმა თავი დაიხსნეს მძევლებისა და ქონების გაცემით და გადაჯვარედინებულ შუბებქვეშ გაძრომით.

რომაელთა ამდენმა მარცხმა გაამხნევა კელტური ქალაქი ტოლოზა. აჯანყებულებმა რომაულ ციხიონს იარაღი აჰყარეს და ბორკილები დაადეს. მაგრამ კონსულმა კვინტუს სერვილიუს ცეპიონმა ტოლოზას მეციხოვნენი მოისყიდა, მათი წყალობით, ერთ ღამეს ქალაქი აიღო და ხელთ აუარებელი სიმდიდრე ჩაიგდო. სულ მალე ეს ნადავლი თვითონ ცეპიონმა და სხვა რამდენიმე დიდი რანგის მეთაურმა მიითვისეს.

მეორე კონსული, მარკუს ავრელიუს სკავრუსი, განადგურდა რაინის მარცხენა ნაპირზე. თვითონ კონსული ტყვედ ჩავარდა და, როცა მან კიმბრებს ქედმაღლურად განუცხადა, ტყუილად ნუ შეეცდებათო უძლეველი რომის წინააღმდეგ ხელის გამოღებას, — გაბრაზებულმა კიმბრთა მეფემ ბოიორიგმა საკუთარი ხელით მოკლა რომაელი კონსული.

ბოლოს, 105 წლის 6 ოქტომბერს, არაუზიოსთან (ორანჯი) მოხდა ყველაზე დიდი კატასტროფა. აქ ორი დიდი რომაული არმია იდგა, რომელთაც სარდლობდნენ ერთმანეთთან უაღრესად მტრულად განწყობილი კონსული გნეუს მალიუს მაქსიმე და პროკონსული კვინტუს სერვილიუს ცეპიონი. კიმბრები თავს დაესხნენ მტრის ბანაკებს და ცალ-ცალკე ორივე რომაული არმია გაანადგურეს. მხოლოდ ათიოდე კაცი გადაურჩა სიკვდილს. 80-90 000 რომაელი და იტალიელი შეეწირა ამ ტრაგედიას. 6 ოქტომბერი რომაულ კალენდარში ამიერიდან „შავ ღღედ“ აღინიშნებოდა.

რომის ილბალი, რომ გერმანელთა ტომები ამ ძლევაშემოსილების დღეებში იტალიისკენ აღარ წავიდნენ. კიმბრები ესპანეთისკენ გაემშურნენ. ხოლო ტევტონები — ჩრდილოეთ გალიისაკენ.

რომი შიშმა და ძრწოლამ მოიცვა. „ბარბაროსთა საკითხმა“ უარესად გაამწვავა ბრძოლა პოპულართა და ოპტიმატთა შორის. ალპებს გადაღმა დატრიალებული ტრაგედიები კვლავ არისტოკრატული ოლიგარქიის კისერზე იწვა. დემოკრატიათა საფუძვლიანად

შეეძლო დაესაბუთებინა თავისი ლიდერის მთავარსარდლად დანიშნვის გონივრულობა, — „ჩრდილოური საშიშროებისაგან“ მხოლოდ მას ერთადერთს შეუძლია იხსნას ქვეყანა, ვინც ახლახან გაწმინდა იგი „სამხრეთული სირცხვილისაგან“.

და, აი, 104 წლის 1 იანვარს გაიუს მარიუსს სწორედ მისი ტრიუმფალური სვლის დღეს შეატყობინეს, რომ იგი მეორედ აირჩიეს კონსულად. ეს არჩევა ისე მოხდა, მარიუსს არც კი დასჭირვებია კომიციის წინაშე წარმდგარიყო თეთრი ტოგით, ვითარცა „კანდიდატი-თეთროსანი“\*. დაუსწრებლად არჩევას რომ თავი დავეანებოთ, დაირღვა რომის „რესპუბლიკური კონსტიტუციის“ გაცილებით უფრო სერიოზული პუნქტი: არ შეიძლებოდა ერთი და იგივე კაცი კონსულად აერჩიათ ათი წლის მონაკვეთში. მარიუსი კი პირველი კონსულობიდან (106 წ.) ორი წლის შემდეგ მეორედ აირჩიეს სახელმწიფოს უმაღლეს მაგისტრატად და მთავრსარდლობაც უბოძეს ჩრდილოელი ტომების წინააღმდეგ საომრად.

მოხდა კიდევ „უარესი“: 104 წელს არც კიმბრები და არც ტევტონები არ გამოჩენილან საომარ ასპარეზზე და მომდევნო 103 წელს გაიუს მარიუსი მესამედ აირჩიეს კონსულად და მთავარსარდლად.

ბოლოს, რომის რესპუბლიკის ისტორიაში მანამდე სავსებით არანახული ამბავი მოხდა: გაიუს მარიუსს ზედიზედ, — სანამ იგი არ მოსპობს ჩრდილოურ საფრთხეს, — 102 და 101 წლებში კვლავ და კვლავ ირჩევენ კონსულად და მთავარსარდლად! მაშასადამე, ერთი კაცი ზეუთი წლის განმავლობაში (106—101 წწ) არის შეუცვლელი უმაღლესი გამგებელი სახელმწიფოსი.

გაბოროტებულ „გულმხურვალე რესპუბლიკელთა“ მოგანგაშე სიტყვებით რომ ვთქვათ, ეს არის „ტირანია“ ერთი კაცისა და ისიც „უჭიშო“ სოფლელი გუთნისდედისა!..

## 2. სექსტიუსის წყლები

გაიუს მარიუსი ერთი წელიწადი (104 წ.) იდგა ნორბანის გალიაში, მდინარე რონის ქვემო წელზე. იგი მთელი წლის მანძილზე შესვენებლივ წვრთნიდა ჯარს, აჩვენებდა მძიმე დაბრკოლებათა გადალახვას, ათხრევიანებდა სანგრებს, აწყობდა ღამეულ ლაშქრობებსა და გადასვლებს. მისი ბრძანებითა და პირადი ოფლის ღვრით რომაელებმა მდინარე რონის მარცხენა ნაპირიდან ზღვამდე გათხარეს დიდი არხი. რომლის მეოხებით იწრიტებოდა ზღვის სანაპირო ჰაობები და ადვილდებოდა საქონლის გადატანა იტალიაში.

იზერისა და რონის შესაყარში მარიუსმა ააგო მიუვალი სამხედრო ბანაკი.

102 წლის ზაფხულზე გამოჩნდა ტევტონთა და ამბრონთა ჟრდო, რომელიც ცდილობდა დასავლეთ ალპების გადალახვით შეჭრილიყო აპენინზე. ისინი დალაგდნენ მარიუსის ბანაკის წინ ფართოდ გაშლილ ველზე და ზავთან-ზახთან ხმით ბრძოლად იწვევდნენ რომაელებს.

მარიუსი რამდენიმე დღეს აკავებდა საომრად ანთებულ თანამემამულეებს. მას უნდოდა, მეზობლებს თვალი შეეჩვიათ ტევტონთა გოლიათური აღნაგობისთვის, ხოლო სმენა — მათი თავზარდამცემი ღრიალისათვის. თან უცდიდა, როდის აივსებოდა პირთამდე რომაელთა საომარი გზნების ფიალა, როდის აიწყვეტდნენ მტრისგან შეურაცხყოფელი შეძახილებით აღრენილი ლეგიონერები.

ტევტონებმა მოწინააღმდეგის მღუმარება მის სიმხდალედ ჩათვალეს და რომაელთა ბანაკზე იერიში მიიტანეს. მაგრამ ყველა მათი შეტევა უკუგდებულ იქნა. უშედგეგო და უმიზნო მსხვერპლის შემდეგ ტევტონებმა მარიუსის ბანაკს თავი მიახებეს და პირდაპირ იტალიისკენ დაიძრნენ. ბრბო ექვსი დღის განმავლობაში მიედინებოდა რომაელთა სადგომის ახლოს. მარიუსის მეომრებს შხამიანი სიცილით შიგ პირში აფრქვევდნენ:

„მალე რომში ვიქნებით და თქვენს ცოლებთან ხომ არაფერს დაგვაბარებდით?!“

როცა ბარბაროსთა ფეხის ხმა და ღრიანცელი მიწყდა, მარიუსმა ბანაკი აპყარა და მტერს კვალში ჩაუდგა: იგი მიდიოდა ფრთხილი, გულმოდგინე დაზვერვითა და საომარი მწყობრით. იქ, სადაც ტევტონები შეისვენებდნენ, მარიუსიც მახლობლად შედგებოდა და ბანაკდებოდა.

ბოლოს გამოჩნდა რომაული სამხედრო კოლონია „სექსტიუსის წყლები“ (Aquae sextiae), მასილიდან (მარსელი) ჩრდილოეთით 26 კილომეტრის მანძილზე, აქედან ალპები სულ ახლოს იყო.

მარიუსმა მტერს თავი დაუარა და პატარა მდინარე ცენის ზემოთ. მაღლობზე, ბანაკი დასცა. მოწინააღმდეგე მდინარეს მოადგა და შეჩერდა. რომაელთა გეოგრაფიული პოზიცია მტკიცე იყო, მაგრამ უწყლო. როცა ჯარისკაცებმა უკმაყოფილოდ იკითხეს, წყალი სად ვიშოვოთო, მარიუსმა ხელი გაიშვირა მტრის ბანაკთან ჩამდინარე წყლისკენ და მრავალმნიშვნელოვნად შესძახა:

„აი, იქ! თუნდაც ყოველი წვეთი წყლისა სისხლად დაგვიჯდეს!“

„მაშ, წაგვიყვანე, სანამ ძარღვებში სისხლი ჯერ კიდევ თხიერია და სავსებით არ გაყინულა!“ — დაიღრიალეს ლეგიონებმა.

„ჯერ ბანაკი უნდა გავამაგროთ“, — მშვიდად და მტკიცედ თქვა მარიუსმა.

ბრძოლის დღე მოახლოვდა. მარიუსმა არმიის წინ რამდენჯერმე ჩამოატარა საკაცეზე მჭდარი სირიელი მისანი ქალი მართა, ორმაგ ძოწვეულ მანტიაში გახვეული, ხელში ბაფთებითა და გირლიანდებით მორთული შუბით. მისანმა ამცნო რომაელებს: სამსხვერპლო ცხოველის შიგნეული მიუმცდარად გვიჩვენებს, რომ დღეს ღმერთები გამარჯვებას თქვენ გარგუნიბენ!

არავინ იცოდა, სწამდა თუ არა თვითონ მარიუსს ამ დედაკაცის „წინასწარმეტყველება“: ეტყობა, მისი ხელშეწყობით, „ღვთაებრივი ავტორიტეტით“, სარდალს სურდა, გამარჯვების რწმენა ჩაენერგა მეომრებისთვის.

მარიუსმა თავისი ალაღის მსახურთ და მონებს ნება დართო, მდინარეზე ჩასულიყვნენ წყლის ამოსატანად. ისინი ჩავიდნენ სამარი იარაღით შექურვილნი. მტერმაც აღარ დააყოვნა და დაიძრა. 30 000 ამბრონი გამოეყო ტევტონთა ბანაკს. ისინი მოდიოდნენ შეკრული წყობით და მწყობრი ნაბიჯით, ასევე მწყობრად სცემდნენ მახვილებს ფარებზე და ღრიალებდნენ:

„ამბრონები! ამბრონები! ამბრონები!“

მათ შესახედრად მარიუსის ბანაკიდან გამოვიდა ლიგურთა ჯარი. ლიგურებიც თავის თავს ამბრონთა შორეულ შთამომავლებად თვლიდნენ და ისინიც ისეთივე შეძახილებით შეეგებნენ მოპირდაპირეს.

ამბრონები და ლიგურები თავდავიწყებით ეკვეთნენ ერთუროს. სულ მალე მარიუსმა რომაული ლეგიონებიც დასძრა. ამბრონები სასტიკად დამარცხდნენ. მდინარე მათი გვამებით დაიხერგა და შეიღება. სიკვდილს გადარჩენილებმა თავიანთ ბანაკებს მიაშურეს, მაგრამ მათ აქ მახვილებითა და ნაჭახებით შეეგებნენ მათივე ცოლები, დები, ქალიშვილები და საშინელი წივილ-კივილით უკანვე გარეკეს შემდრკალნი. ისინი, საბრძოლველად შემობრუნებულ მამაკაცებთან ერთად, სუსტი, შიშველი ხელებით ებრძოდნენ შექურვილ რომაელთ და წარბშეუხრელად ხედებოდნენ სიკვდილს.

ამბრონები ქალ-კაციანად და დედაბუდიანად გაიყლიტნენ. რომაელები თავის ბანაკს დაუბრუნდნენ. მთელი ღამე თვალი არ მოუხუჯავთ, რადგან ესმოდათ ღრიალი და გნისი ტევტონთა ჯერ სავსებით ხელუხლებელი ბანაკებისა. რომაელები ტყუილად შიშობდნენ: არც იმ ღამით და არც მომდევნო დღეს ტევტონებს არ უცდიათ შეტევაზე გადასვლა. ამასობაში მარიუსმა მტრის ზურგში, ტყით დაჯარულ მალლობზე, 3 000 მეომარი გაგზავნა კლავდიუს

მარცელუსის მეთაურობით. დანარჩენები სარდალმა ადრე ავახშმა და დაძინებაც უბრძანა.

დილით ადრე რომაელთა 30 000-იანი არმია საომრად გამზადებული იდგა. მარიუსმა პირველი ნიშანი მისცა კავალერიას და ისიც სასწრაფოდ გავიდა ველზე. ტევტონებმა მტრის მხედრობას გვერდი აუქციეს და მალლობს შეესივნენ. მარიუსმა მეომრებს უბრძანა, სანამ მტერი შუბის სასროლზე არ მოაღწევდა, ხელი არ გამოეღოთ. და როცა ტევტონებმაც მოატანეს, რომაელებმა შუბებისა და სათხედების სეტყვა შეაგებეს. ამას მოჰყვა საშინელი ხელჩართული ბრძოლა. მოწინააღმდეგენი დიდხანს იბრძოდნენ არაჩვეულებრივი თავგანწირულებით. გაიუს მარიუსის საარაკო სიმამაცითა და სიციქასით ფრთაშესხმულმა რომაელებმა მალლობიდან ჩარევეს და ჩაჰკაფეს მტრის ურდო. ტევტონებმა ახლა ველზე სცადეს ბრძოლის გაშლა, მაგრამ სწორედ ამ დროს მათ ზურგში ატყდა საომარი ყიფინა, — ეს მარცელუსი დაეცა მტერს საფარიდან თავისი 3 000 მეომრით. ტევტონები დამარცხდნენ და დაიფანტნენ. უაღრესად დიდი იყო მათი ზარალი. 100 000 ტევტონი ესვენა ბრძოლის ველზე. მათ შორის ბევრი იყო თვითმკვლეელი ქალი და დედათა ხელით დახოცილი ბავშვები. მრავალი ტყვე წამოიყვანეს რომაელებმა. მარიუსის ტყვე შეიქნა თვით ტევტობოდი — ბელადი ტევტონებისა.

მასილიის მცხოვრებლებმა ბრძოლაში დახოცილ ტევტონთა ძვლებით მამულები შემოლობეს: დახოცილთა სიმრავლით, მათი სისხლითა და ხორციტ მიწა საოცრად გაპოხიერდა და ასეთ „გასუქებულ“ ნიადაგზე იგივე მასილიელებმა არნახულად მდიდარი მოსავალი მოიწიეს.

რომაელმა მეომრებმა მთელი ალაფი — უამრავი ნადავლი, კარვები, საბარგულები, საჭურველი, სამკაულები, — გმირი მთავარსარდალის წინ დაახვევეს. აქედან მარიუსმა აარჩია, რაც მის ტრიუმფს დაამშვენებდა, დანარჩენები კი სამსხვერპლო კოცონისთვის გაამზადა და მსხვერპლის შეწირვასაც შეუდგა. ყველა მეომარი საზეიმოდ მოკანსმული და გვირგვინით თავშემკული იდგა მწყობრში. მთავარსარდალს ძოწეული ტოგა წამოესხა. ის იყო, მან ზეცისკენ ორივე ხელით აღმართა ანთებული ჩირაღდანი, რომ იმ წუთს გამოჩნდნენ რომიდან ჰენებით მომავალი ცხენოსნები.

საზეიმო მღუმარებაში გაისმა რომაელი ხალხის ახალი გადაწყვეტილება:

გაიუს მარიუსი მომდევნო წლისთვის (101 წ.) მეხუთედ არის არჩეული კონსულად და მთავარსარდალად!

ლეგიონები აღტაცებული ღრიალითა და იარაღის ზათქით შეხ-

ვდნენ მთავარსარდლის ახალ, დამსახურებულ აღზევებას. ლეგატებმა და სამხედრო ტრიბუნებმა დაფნის რტოებით შეუმკეს თავი „რომისა და იტალიის მხსნელს“.

„უცვლელმა კონსულმა“ ანთებული ჩირაღდანი ესროლა სამსხვერპლო კოცონს...

### 3. ვ ი რ ც ე ლ ე

ამასობაში კიმბრებმა გადალახეს ნორიკი და ალპების გადასასვლელებით შეიჭრნენ ცისალპიურ გალიაში (დღევანდელი ლომბარდია). აქ მდგარმა მეორე კონსულმა კვინტუს ლუტაციუს კატულუსმა შეძლო მათი შეკავება. იგი გამაგრდა მდინარე ნატიზონის ორივე სანაპიროზე, მაგრამ კიმბრებმა მტერი არად ჩააგდეს. ისინი მდინარეში ისროდნენ უზარმაზარ ლოდებსა და ხის ნამორებს, ხერგავდნენ მას და ღრიანცელით გადარბოდნენ მეორე მხარეზე. ზოგიერთები თოვლიანი ბორცვებიდან ფარებზე დამსხდარნი მოსრიალეზდნენ, პირდაპირ წყალში ცვიოდნენ და მდინარეს მხარულით მიაპობდნენ.

შეძრწუნებული რომაელები კონსულს ყურს აღარ უგდებდნენ და ბანაკიდან გარბოდნენ. კატულუსს არ სურდა, მტრისთვის ეჩვენებინა თავისიანთა სიმხდალე, ამიტომ ხელში აიტაცა არმიის დროშა და სასწრაფოდ წინ მოექცა გაქცეულებს; ვითომ თვითონ მიჰყავდა ჯარი სხვა მიმართულებით.

კიმბრები მოედნენ მდინარე პალუსის (პო) ზარცხენა სანაპიროს და დაუბრკოლებლად მიჰყვეს ხელი მის აოხრებას. კატულუსი პალუსის მარჯვენა სანაპიროზე გადავიდა და იქ დაბანაკდა. მოწინააღმდეგენი ბრძოლის დაწყებას არ ჩქარობდნენ: კატულუსი მარიუსს უტედიდა, კიმბრები — ტევტონებს.

დადგა 101 წელი. მარიუსიც გამოჩნდა. კონსულები შეერთდნენ და საომრად გაემზადნენ.

კიმბრებმა მარიუსს ელჩები მიუგზავნეს.

„ჩვენ და ჩვენი ძმები მოვითხოვთ იმდენ მიწას, რამდენიც დავკვირდება“, — განუცხადეს გერმანელებმა რომაელ სარდალს.

„ვინ არიან ეგ თქვენი ძმები?“ — იკითხა მარიუსმა.

„ტევტონები“, — ამაყად განაცხადეს კიმბრმა ელჩებმა.

რომაელებს სიცილი აუტყდათ. მარიუსმა მაშინვე მიახალა:

„თქვენს ძმებზე ნულარ ზრუნავთ, — მათ ჩვენგან უკვე სამუდამოდ მიირთვეს მიწა“.

როცა რომაელთა ხარხარი დაცხრა, კიმბრებმა რისხვეულად განაცხადეს:

„მაგ სიცილს ტირილად შეგიცვლით ჯერ ჩვენ, კიმბრები, და მერე ტევტონები, როგორც კი ისინი აქ მოაღწევენ!“

„ისინი უკვე აქ არიან და არც ივარგებს ისე წახვიდეთ, გულში არ ჩაეკრათ მათ“.

ეს სთქვა მარიუსმა და გუშაგებს ანიშნა.

გუშაგებმა მაშინვე შემოიყვანეს ტევტობოდი და ბორკილდადებული სხვა ტევტონი ბელადები.

როგორც კი კიმბრებმა შეიტყვეს, რა უბედურებაც სწვევიათ მათ თანამემამულეებს, მაშინვე საომრად გაემზადნენ შურისგებით აღესილნი.

რომაელთა ბანაკს მცირე ამალით მოადგა კიმბრთა ბელადი ბოიორიგი და მარიუსთან შეხვედრა ითხოვა.

მარიუსიც გაეგება.

ბოიორიგმა იკითხა:

სად და როდის სურს რომაელ სარდალს ბრძოლის დანიშვნა?

მარიუსმა აირჩია მესამე დღე (101 წლის 30 ივლისი), რავდიის ველი, ქალაქ ვერცელესთან.

ბრძოლის ველზე 50.000 რომაელი მეომარი გამოვიდა.

მათ წინააღმდეგ უზარმაზარ სწორკუთხა კარედ დაირაზმა კიმბრების ლაშქარი, რომლის წინა რიგებში მეომრები ერთიმეორეზე თოკებით იყვნენ გადაბმული, რათა ერთმანეთი გაემაგრებინათ და გაქცევის საშუალებაც არავისთვის მიეცათ. განსაკუთრებით საშიში ჩანდა კიმბრთა მხედრობა, სულ 15.000 კაცი, რომელთაც თავსარქმელად, მუზარადებს ზემოთ, პირდაღრენილ მხეცთა ტყავები ჰქონდათ წამოცმული. ისინი აღჭურვილნი იყვნენ ბრწყინვალე იარაღით, დიდი ფარებით და მძიმე მახვილებით, სათხედებით და ბოძალებით, საბარკულებითა და სამკლაურებით.

კონსულებმა ბრძოლის წინ მსხვერპლი შესწირეს და ლოცვა აღავლინეს. მარიუსმა ასი ხარი აღუთქვა ოლიმპიელთ, ხოლო კატულუსმა — ტაძრის აგება. როცა მარიუსს სამსხვერპლო ცხოველის შიგანი მოუტანეს, დახედა და შესძახა:

„გამარჯვება ჩემია!“

მოწინააღმდეგეები გააფთრებით დაეძგერნენ ერთიმეორეს. თავიდანვე აშკარად ჩანდა რომაელთა საბრძოლო უპირატესობა, რკინისებურმა საომარმა ორგანიზებულობამ და გაწვრთნილობამ კვლავ სძლია თავზეხელაღებულ შემართებას. კიმბრთა უმეტესობა გაიქლიტა. გადარჩენილებმა თავიანთ მოარულ ბანაკებს მიაშურეს. რო-

მაელები მოწმენი გახდნენ უკიდურესად ტრაგიკული ამბებისა: თალხებში გახვეული კიმბრი ქალები ნაჯახებს სცემდნენ ბრძოლიდან გამოქცეულ ქმრებს, ძმებს, მამებს; ღვიძლ შვილებს საკუთარი ხელით აბრჩობდნენ. საქონლის ფეხებში, თუ აღალის ბორბლებში ჰყრიდნენ და წამსვე თვითონაც სიცოცხლეს ისპობდნენ. რომაელებმა იპოვეს კიმბრი ქალი, რომელსაც საბარგულის ხელნაზე ჩამოეხრჩო თავი, ხოლო აქეთ-იქეთ ორი მისი ჩამომხრჩვალ ბავშვი ეკიდა. ბევრ მამაკაცს ხარების რქებზე და ფეხებზე მიუბამს თავი, რომ გამხეცებულ ცხოველებს დაეფლითათ მათი სხეული. დახოცილთა რიცხვი 100 000 აღემატებოდა, 60 000 კიმბრი ტყვედ წამოიყვანეს და მონებად აქციეს რომაელებმა.

ასე დასრულდა პირველ გერმანელ ტომთა განადგურება. მათი სისხლი 550 წელიწადს შეირჩინა რომმა.



## თ ა ვ ი მ ე ს ა მ ე

### გრაგხუსთა ეპიგონები

#### 1. მარიუსი, საბურნიუსი, გლავცია

„ცდილობდა, ყოფილიყო ყველაზე მაღლა, მაგრამ არ ცდილობდა, ყოფილიყო ყველაზე უკეთესი“.

ქ ლ უ ტ ა რ ქ ე

მარიუსის გენიამ იტალია გადაარჩინა. ლუციუს კორნელიუს სულა ამოდ ცდილობდა დაემცირებინა მარიუსის ღვაწლი კიმბრების განადგურებაში და მის ადგილზე განედიდებინა თავისი თავი და კატულუსი. ამო იყო არისტოკრატის ცდა, შეებლალა და შეეფერხებინა „ახალკაცის“ სწრაფი აღზევება. რომელმა ხალხმა მარიუსს უწოდა „იტალიის მხსნელი“ და „რომის მესამე დამაარსებელი“ (რომულუსისა და კამილუსის შემდეგ). მარიუსმა გერმანელებზე გამარჯვების აღმნიშვნელი ტრიუმფი კატულუსს გაუნაწილა. მაგრამ ხალხს სამართლიანად სწამდა, მას ერთადერთს ეკუთვნოდა corona triumphalis (სატრიუმფო გვირგვინი). პლებეურ ოჯახებში წესად იქცა, საზეიმო დღეებში მარიუსისთვის პატივი ეცათ. ვითარცა ღმერთისთვის, მსხვერპლი შეეწირათ და ზედაშე ეპკურებინათ.

არისტოკრატის გააფთრებული წინააღმდეგობა კვლავ დაძლეულ იქნა: გაიუს მარიუსი მეექვსედ გავიდა კონსულად (100 წ.). დემოკრატიამ ამჯერად სავსებით შესაძლებლად ჩათვალა, მისგანვე გაღმერთებული ბელადის მეთაურობით განეახლებინა ძმები გრაგხუსების ნამოღვაწარი, — აგრარული კანონმდებლობანი, კოლონიების დაარსება, იტალიკებისათვის რომაული მოქალაქეობის მიცემა. იგი არ შეუშინდა „რესპუბლიკური“ კანონმდებლობის დარღვევას. კიმ-

ბრების განადგურების დღეს, იქვე, ნომარ რადიის ველზე, მარიუსმა თავისი პირადი ნებით, სიმამაცისთვის რომის მოქალაქეობა აჩუქა იტალიკთაგან შემდგარ ორ კოჰორტას. ამის გამო „აყეფებულ“ არისტოკრატიას მან ასეთი პასუხი მიუგდო:

„საომარი იარაღის ზრიალში კანონის ხმა არ ისმის“.

დემოკრატებმა არად ჩააგდეს მეორე კონსული ლუციუს ვალერიუს ფლაკუსი და მარიუსის ნამდვილ მხარდამჭერ მაგისტრატებად გაიყვანეს ლუციუს აპულეუს სატურნინუსი და გაიუს სერვილიუს გლავცია, პირველი — სახალხო ტრიბუნად, მეორე — პრეტორად.

სატურნინუსი და გლავცია, შემტევი, ენერგიული, გონგამპირიანი პოლიტიკოსები და ენაწყლიანი ორატორები, არისტოკრატის დაუძინებელი მტრები იყვნენ. მათთან კავშირში გაიუს მარიუსმა კიდევ უფრო მტკიცედ იგრძნო თავი და საბოლოოდ დაადგა გრაკხუსთა რეფორმატორული მოღვაწეობის გზას.

მარიუსის წაქეზებითა და მხარდამჭერით სატურნინუსმა სახალხო კრებას წარუდგინა კანონპროექტი, რომლის მიხედვით აფრიკაში, გალიასა და სხვა პროვინციებში მიწის ნაკვეთები ურიგდებოდათ ვეტერან მეომრებს. ამით კიდევ უფრო ფართო მასშტაბით ცოცხლდებოდა გაიუს გრაკხუსის კანონი კოლონიზაციისა. ამასთან, სატურნინუსის კანონით, იტალიელი „მოკავშირეები“ მიწის ნაკვეთებს ისევე ღებულობდნენ, როგორც რომაელი მოქალაქეები. ეს იყო დიდი ნაბიჯი რომაელთა და იტალიელთა გათანაბრების ათასნაირად დახლართულ გზაზე.

მარიუსი ფიქრობდა, რომ ამ ამოცანის განხორციელებას სახალხო კრება მხოლოდ მას მიანდობდა, რისთვისაც აუცილებელი იქნებოდა მისი ისევ და ისევ კონსულად გაყვანა. ასე რომ, იგი მუდამ, განუსაზღვრელად, ერთადერთი გამგებელი იქნებოდა მთელი სახელმწიფოსი. თუ გაიუს გრაკხუსი სახელმწიფოში პირველკაცობდა სახალხო ტრიბუნის რწმუნებით, გაიუს მარიუსი შეუცვლელად და შეუზღუდველად იხელმწიფებდა მუდმივი კონსულის ინსიგნიებით\*. მით უფრო, რომ კონსული არმიის სარდლადაც ითვლებოდა, ხოლო მარიუსს ვერავინ შეედრებოდა მხედართმთავრულ ხელოვნებაში და მისდამი ლეგიონთა ერთგულებაში.

გაიუს მარიუსი სხვა რამეშიც კბაძავდა გაიუს გრაკხუსს. იგი ცდილობდა, მდიდარი „მხედართა წოდებისა“ (ფინანსისტები) და უღარიბესი მოსახლეობის გული მოეგო. მან გააფართოვა მხედართა სამოსამართლო უფლებანი. დააწესა საგანგებო ტრიბუნალი, რომელიც ირკვევდა პროვინციებში ბოროტმოქმედთა საქმეებს:

საგანგებო კომისიით იგი სამართალში აძლევდა სახელმწიფო მოღალატეებს, განსაკუთრებით იმათ, ვინც რაიმე გზით ხელს უწყობდა კომბრებს. ბოლოს, მარიუსმა დაადგინა ლარიბთათვის იაფფასიანი პურის გაცემა.

მთავარ საბრძოლო საკითხად მაინც სატურნინუსის კანონპროექტი გახდა. სენატი გადაჭრით დადგა მის წინააღმდეგ. მაშინ სატურნინუსის წინადადებით, სახალხო კრებამ მიიღო საგანგებო დადგენილება, რომლის ძალით, სენატიდან ირიცხებოდა ისეთი სენატორი, რომელიც კომიციასზე დამტკიცებიდან ხუთი დღის ვადაში არ დაიფიცებდა ყოველგვარი კანონისადმი ერთგულებაზე. ამან სულ გააცოფა სენატი და ოპტიმატთა პარტია. ისინი სახალხო კრებაზე მტკიცე გადაწყვეტილებით მოვიდნენ, არამც და არამც არ დაეშვათ ვეტერანთა კოლონიების დაარსება და იაფფასიანი პურის დარიგება. მაგრამ ეს გადაწყვეტილება მაშინვე შეიცვალა, როგორც კი ფორუმში მარიუსის ვეტერანი მეომრებით აივსო. კომიციამ კანონი მიიღო. ახლა სატურნინუსმა სენატის კანონისადმი ერთგულების ფიცის დადება მოითხოვა.

მარიუსმა სენატის სხდომა გახსნა და პირველმა, ყველასათვის სრულიად მოულოდნელად, ასეთი ორქოფული სიტყვა თქვა:

„მე არ დავდებ ფიცს, რადგან... თუმცა ეს კანონი ცუდი არ არის. მაგრამ თავხედობაა, სენატი აიძულო, კანონი მიიღოს არა კეთილი ნებით, არამედ ძალდატანებით“.

მაგრამ მალე გამოირკვა, მარიუსი ამას ამბობდა პოპულართა ყველაზე დიდი მტრის, მეტელუსის გასაბრძოლებლად. მართლაც, როცა მეტელუსმა მარიუსის „გადაწყვეტილებით“ გულმოცემულმა, განაცხადა, რომ იგი სატურნინუსის კანონს ფიცს არ მისცემდა, კონსულმა მარიუსმა სენატის სხდომა დაშალა და საკითხი კვლავ სახალხო კრებაზე გაიტანა. აქ მარიუსმა კანონს ფიცი მისცა. დანარჩენმა სენატორებმაც ველარ გაბედეს ფიცზე უარის თქმა. მხოლოდ პატიოსანმა და პირდაპირმა მეტელუსმა თავისი სიტყვა უკან აღარ წაიღო და ფიცზე კატეგორიული უარი გაიმეორა. მისი გადაწყვეტილება ვერ შეარყია ვერც ახლობელთა და მეგობართა რჩევამ და ხევწნა-მუდარამ, ვერც სახალხო ტრიბუნთა მუქარამ. მან დაასწრო და თვითონ წავიდა ექსორიაში. მეტელუსმა ამ სიტყვებით დატოვა რომი და თავისიანნი:

„თუ საქმე წალმა მობრუნდება და ხალხიც კკუაზე მოვა, მეც მის დაძახილზე მოვბრუნდები, ხოლო თუ ყველაფერი ასე დარჩება, უმკობესია არასოდეს აღარ დავბრუნდე“.

იგი დასახლდა კუნძულ როდოსზე, ცხოვრობდა ბერძნული ფილოსოფიით გართული და ნუგეშცემული.

ასე მოაშორა გაიუს მარიუსმა არისტოკრატიას ყველაზე დიდი, საიმედო თავკაცი. მაგრამ ამნაირი გზითა და საშუალებებით ბრძოლა ნელ-ნელა ჩრდილს აყენებდა და სახელს უტეხდა დიდების მწვერვალზე აღზევებულ „სოფელს“. საომარი გენიის სამოქალაქო საზოგადოებრივი თავკაცობა უმწიფარი და უგბილი გამოდგა. თურმე მას ცუდად ესმოდა, რომ პოლიტიკური თაღლითობა პოლიტიკური მოღვაწეობის ზნეობას არ ესადაგება. იგი ვერ გრძობდა, რომ მის უხეშ, გაურანდავ ჯარისკაცურ მხრებს გრაკხუისის დახვეწილი ტოგა ვერ მოადგებოდა. სისხლიანი მარსის ფავორიტი მშვიდი ეირენეს პალმის ქვეშ უპრინციპო და სირცხვილნაჭამი დარჩა. მასზე უკვე ცუდი ხმები დადიოდა. აშკარად ლაპარაკობდნენ, სწორედ მარიუსის წაქეზებით მოკლესო ნონიუსი, რომელიც სატურნინუსს სახალხო ტრიბუნად გასვლაში ეტოჭებოდა.

მაღე კიდევ უფრო შეირცხვინა თავი.

ერთხელ მარიუსი თავის ბინაში ერთსა და იმავე დროს აწარმოებდა მოლაპარაკებას ორივე მოსისხლე პარტიის, ოპტიმატებისა და პოპულარების ლიდერებთან. ეს ისე ხდებოდა, არც ერთმა მხარემ ამის შესახებ არაფერი იცოდა: ოპტიმატები ერთ ოთახში ისხდნენ, პოპულარები — მეორეში. რაც მთავარია, მარიუსი ამ შემთხვევაში შემრიგებლის როლსაც კი არ თამაშობდა. პირიქით, სახელმწიფოს ეს უმთავრესი გამგებელი, კუჭის აშლილობის მომიზეზებით, ოთახიდან ოთახში მიმობოდა და ორივე მხარის წაქეზებითა და წასისიანებით სოციალურ და პოლიტიკურ დაძაბულობას კიდევ უფრო ამწვავებდა.

ბოლოს მარიუსმა ეს ორკოფი მიეთმოეთი იმით დაამთავრა, რომ ყველაზე კრიტიკულ მომენტში თავის მოკავშირეებს უღალატა და სენატორთა პარტიაში გადაბარგდა.

დემოკრატია გააოცა და გააცოფა მარიუსის რენეგატობამ. სატურნინუსი სახალხო კრებაზე მრისხანე სიტყვებით გამოვიდა მის წინააღმდეგ. პოპულართა ბელადებმა გადაწყვიტეს, მარიუსის გარეშე განეგრძოთ ბრძოლა. მათ ერთწლოვან რწმუნებებს ვადა გასდიოდა და ამიტომ ცდილობდნენ, მომდევნო წელს თვითონაც გასულიყვნენ და თავისი მომხრეებიც გაეყვანათ მაღალ მაგისტრატურებზე. სატურნინუსმა მეორედ წამოაყენა თავისი კანდიდატურა სახალხო ტრიბუნის პოსტზე, ხოლო გლავციამ — კონსულის თანამდებობაზე (მიუხედავად იმისა, რომ პრეტორობიდან ორი წლის მანძილზე კონსულად არჩევა, „რესპუბლიკური კონსტიტუციის“ მი-

ხედვით, არ შეიძლება). ამას გარდა, სატურნინუსს სურდა, კოლეგა-ტრიბუნებად გაეყვანა ყველა თავისი მომხრე, მათ შორის ერთი გააზატებული მონა, რომელსაც იგი გაიუს გრაქხუსის შვილად აცხადებდა. ასე რომ, სატურნინუსი არ ერიდებოდა არავითარ საშუალებას, ოღონდ კი თავისი გაეტანა. არჩევნების დღეს მისი მითითებით, ტრიბებში იტალიელებიც კი შეერჩენენ ხმის მისაცემად.

ამ დღეს კომიცია განსაკუთრებით მღელვარე და ქარიშხლოვანი იყო. რენეგატმა რენეგატულ გზაზე პირველი ნაბიჯი გადადგა. მარიუსის ბრძანებით სახალხო ტრიბუნობის კანდიდატი, რომელაც თავს გაიუს გრაქხუსის შვილად აცხადებდა, საპყრობილეში ჩააგდეს. სატურნინუსის მოწოდებით, ხალხმა საპყრობილე გატეხა, ტუსადი გაათავისუფლა და იქვე, იმავე დღეს, სახალხო ტრიბუნად გაიყვანა.

პოლიტიკური მდგომარეობა კიდევ უფრო გამწვავდა კონსულთა არჩევნების დღეს. არისტოკრატთა გლავციას საპირისპიროდ კონსულის კანდიდატად წამოაყენა გაიუს მემიუსი, რომელიც ადრე იუგურთას გარშემო დატრიალებულ ამბებთან დაკავშირებით, დემოკრატის ერთ-ერთ ლიდერად ითვლებოდა. ამით სენატს სურდა დაემტკიცებინა თავისი „დემოკრატობა“ და პოლიტიკურ-მორალური „მიუკერძოებლობა“.

მაგრამ სატურნინუსმა მოწინააღმდეგე ბანაკის დემაგოგის ტერორი დაუპირისპირა. მან რამდენიმე თავზეხელალებული კაცი შეკრიბა, მემიუსს ქუჩაში მიუსია და ჯოხების ცემით მოაკვლევინა.

არისტოკრატთა „გრაქხანული ჯანყის“ (*seditio gracchana*) ქარიშხლიანი სუნთქვა იგრძნო. სატურნინუსის წინააღმდეგ გამოსვლა მხოლოდ ერთ კაცს შეეძლო და ეს კაცი იყო გაიუს მარიუსი. არისტოკრატებმა კარგად აუღეს ალლო „გააზნაურებული მდაბიოს“ პატივმოყვარულ გულისთქმას. ძნელი მისახვედრი არ იყო, რომ სატურნინუსი, გუშინ მოკავშირე და მეგობარი, დღეს მარიუსის თვალში საშიში მეტოქე და მოპირისპირე გამხდარიყო.

და აი, სენატმა მოწინააღმდეგე ბანაკის პირმშო მშვენივრად გამოიყენა თვით საკუთარი მშობლის წინააღმდეგ საომრად. სენატმა მარიუსს მისცა მისი საოცნებო საგანი: საგანგებო რწმუნებანი საგანგებო საფრთხის აღსაკვეთავად. გაიუს გრაქხუსის მკვლელის, ლუციუს ოპიმიუსის შემდეგ, ეს მეორე შემთხვევა იყო, როცა სენატმა კონსულს განგაშით შესძახა:

„დაე, ხედავდეს კონსული, რათა რესპუბლიკას არაფერი ევნოს!“  
(*videat consul, ne quid Respublica detrimenti capiat*).

ამგვარად, რომში საალყო წესები გამოცხადდა და გაიუს მარიუსი ახალი საგანგებო დიქტატორული უფლებებით აღიკურვა.

იმ დღეს (100 წლ. 10 დეკემბერი), როცა ახლად არჩეული ტრიბუნები თავიანთ საქმიანობას უნდა შესდგომოდნენ, სენატორებმა შეიარაღებულნი დაიძრნენ ფორუმისაკენ. მათ წინ მიუძღოდათ კონსული გაიუს მარიუსი და შუბზე დაყრდნობილი მიხრწნილი მოხუცი მარკუს ემილიუს სკავრუსი. მარიუსმა საომრად მოუწოდა მთელი რომის არისტოკრატიულ ახალგაზრდობას. თავის მხრივ, სატურნინუსმა და გლავციამ თავიანთი ბანაკი გააძლიერეს შეიარაღებული მონებითა და მათგანვე საპყრობილეებიდან გამოშვებული დამნაშავეებით. პოპულართა საბრძოლო აღტყინება იმდენად ძლიერი იყო, რომ სატურნინუსი მეფედ გამოაცხადეს(!).

მოედნებსა და ქუჩებში სისხლისმღვრელი ბრძოლები გაჩაღდა. დემოკრატები დამარცხდნენ და კაპიტოლიუმს შეეხიზნენ, მარიუსმა ალყაში მოქცეულებს წყალი გადაუკეტა. წყურვილმა თავისი გაიტანა, — სატურნინუსმა მარიუსს თხოვნა გაუგზავნა, შეეწყალე ბინა თავისი ძეგლი მოკავშირენი და მეგობარნი. მარიუსმა სიცოცხლის შენარჩუნება აღუთქვა. პოპულარებმა იარაღი დაყარეს და მოწინააღმდეგეს ჩაბარდნენ. მარიუსი მართლა ცდილობდა სიკვდილისგან დაეხსნა სატურნინუსი და ყველა მისი მომხრე, მაგრამ როცა ისინი სენატის კურიაში ჩაკეტეს საქმის საბოლოოდ გარჩევამდე და გადაწყვეტამდე, პოპულართა მძულვარებითა და ფანატიზმით გონებადადნელებული ახალგაზრდა არისტოკრატები კურიის სხვენზე აძვრნენ, სახურავი გადახადეს და ტყვეებს ზემოდან კრამიტი დაუშინეს. სატურნინუსი და გლავცია ქვემოდან შეჰყვიროდნენ, ჩვენ ყველა კანონი მარიუსთან შეთანხმებით შევადგინეთო, მაგრამ მათ აღარავინ უსმენდა. ყველანი ჩახოცეს.

არისტოკრატები ნადიმობდნენ. ვილაკამ სანადიმო სუფრაზე სატურნინუსის თავი შემოაგორა. ეს იყო რაბირიუსი, რომელიც ასეთი გარეწრობისთვის ოცდაჩვიდმეტი წლის შემდეგ (63 წ.) სამართალში მისცა სახალხო ტრიბუნმა ტიტე აციუს ლაბიენუსმა. იგი ასეთი ნაგვიანევი სასჯელისაგან მაშინ დაიცვა ციცერონის ოქროპირობამ.

ასე დაუნდობლად, გაბოროტებით და განუსჯელად დაჟლიტეს ოპტიმატებმა პოპულართა თვალსაჩინო ბელადები. არასოდეს არისტოკრატიას ასეთი დიდი გამარჯვება არ უზიემია. ამჯერად მან დამარცხა არა მარტო მოწინააღმდეგე ბანაკი და გაანადგურა მათი ბელადები, არამედ მორალურად დასცა და მიწასთან გაასწორა დემოკრატიის ყველაზე დიდი თავკაცი, სათაყვანო ჯერძი და საამაყო გმირი, გაიუს მარიუსი.

დემოკრატები მარიუსს თვლიდნენ მოღალატედ, რომელმაც გადამწყვეტ მომენტში მიატოვა თავისი მოკავშირეები და მეგობრები. ის იყო დეზერტირი, რომელიც მოწინააღმდეგის ბანაკში გადაბარგდა. ახლა მარიუსს აღარავინ ედგა მხარში. მისთვის ყველა წრის კარი დაკეტილი იყო. მშობლიური დემოკრატია და მისი ბელადები თავისი ხელით გაანადგურა, ხოლო არისტოკრატია მისთვის მუდამ მოსისხლედ იყო და შემდეგმოდ მოსისხლედ დარჩა. გულზეიადი არისტოკრატია „სოფლელ უჯიმოს“ არასდროს არ ჰპატიობდა შევიწროებას, შეურაცხყოფას, შიშსა და ძრწოლას.

ასე დასრულდა მარიუსის მეექვსე კონსულობა და უთვისტომო ლამურად ქცეულმა გუთნისდემამ არამცთუ კონსულობაზე, სხვა უბრალო მაგისტრატურაზედაც ვეღარ გაბედა თავისი თავის წამოყენება. იგი აღარავის სჭირდებოდა, ყველას თვალში ეჩხირებოდა.

სენატმა ექსორიიდან დააბრუნა კვინტუს ცეცილიუს მეტელუსი, თავისი ქეშპარიტი ბელადი. ოპტიმატები მას საზეიმო შეხვედრას უმზადებდნენ. მარიუსს არ შეეძლო დასწრებოდა მოსისხლის გამარჯვებას და აზიაში გაეშურა ღმერთებისადმი მიცემული აღთქმის აღსრულების მომიზეზებით. მისი სახლი დაცარიელდა და დაყრუვდა. მარიუსის ისტორიული როლი ჯერ მთლიანად არ იყო ნათამაშევი; დიდებისა და ძალაუფლების ფანტიკურმა სიყვარულმა იგი კვლავ მოიყვანა პოლიტიკური ბრძოლის ასპარეზზე, მაგრამ ჯერ გრძნობდა, რომ მისი ვარსკვლავი უკვე ქრებოდა, იგი იმედს არ კარგავდა და თავისიანებსაც მუცლით მეზღაპრის „წინასწარმეტყველებით“ ანუგეშებდა:

„მახსოვს ჩემს სიყმაწვილეში ბედისწერამ კალთაში შეიღბარტყიანი არწივის ბუდე ჩამომიგდო. მისანმა მითხრა, რომ მე შეიღჯერ ვიქნები კონსული... ექვსჯერ ვიყავი და... ერთჯერ კიდევ უნდა ვიქნე... ერთჯერ... ერთჯერ...“

უქმურმეყრილივით გაიძახოდა და ვერ ხედავდა, როგორ ახლოვდებოდა მძიმე ღრუბლებით დატვირთული ღამე, რომელმაც საბოლოოდ შეცვალა მისი ცხოვრების შუადღის ბრწყინვალეობა.

## 2. მარკუს ლივიუს დრუზუს უმცროსი

ოპტიმატები ჩქარობდნენ. სატურნინუსის კანონმდებლობა სასწრაფოდ გააუქმეს. შემოიღეს წინასწარი საკანონმდებლო სათათბირო, რომელიც ყოველგვარი საშუალებით აბრკოლებდა კანონპროექტთა გატანას სახალხო კრებაზე. ოპტიმატები ტერორითა და

ინტრიგებით აიძულებდნენ ხალხს, თანამდებობაზე გასულიყვნენ მხოლოდ არისტოკრატები. ისინი სამოსამართლო ტრიბუნალების საშუალებით სამშობლოდან ერეკებოდნენ და საპყრობილეებში ყრიდნენ დიდსა და პატარა მოწინააღმდეგეს. არისტოკრატია თავგამოდებით ცდილობდა გაეუქმებინა ყველა დემოკრატიული ღონისძიება, რომელიც კი რომში გატარებულა გრაკხუსთა დროიდან. და მთლიანად აღედგინა სენატის ძველი, შეუვალი და განუყოფელი ძალაუფლება.

მაგრამ არისტოკრატის წინსვლას ერთბაშად წინ გადაეღობა პლუტოკრატია (ფინანსური, ქონებრივი არისტოკრატია). სანამ ბრძოლა მიმდინარეობდა დემოკრატის წინააღმდეგ, ოპტიმატები და მხედართა წოდება ერთი მთლიანი ფრონტით იყვნენ შეკრულნი, მაგრამ ახლა, როცა დაისვა პროვინციების საკითხი, დემოკრატის საერთო მოძულეთა შორის კვლავ წარმოიშვა განხეთქილება. არისტოკრატია, რომელიც მუდამ მტრულად და შიშმორეულად უცქეროდა პოპულართა პარტიის მემარჯვენე ფრთის, მხედართა წოდების გამდიდრებასა და გაძლიერებას, მოსარჩლედ დაუდგა შემსყიდველ-პუბლიკანთაგან და ვაჭარ-მეევანშეთაგან შევიწროებულ პროვინციელებს. სასამართლოები, რომლებიც გაიუს გრაკხუსის დროიდან მხედრებისაგან შედგებოდა, პროვინციეებიდან შემოსულ ყოველ საჩივარს ყოველთვის იმათ სასარგებლოდ წყვეტდნენ, ვისაც უჩიოდნენ. ისინი დაუნდობლად ებრძოდნენ თვით მომჩივანთ და მათ შორის იმათაც, ვინც რომის სახელით პროვინციას მართავდა და ვაჭარ-მეევანშეთა აღვირახსნილობას ლაგამის ამოდებას გაუბედავდა.

რომის მოწინავე საზოგადოება განსაკუთრებით აღაშფოთა კვინტუს მუციუს სცევოლასა და პუბლიუს რუტილიუს რუფუსის სახელებთან დაკავშირებულმა ამბებმა. ესენი იყვნენ უაღრესად პატაროსანი და წარჩინებული რომაელები, რომლებიც პროვინცია აზიის სამმართველოდ იყვნენ წარგზავნილნი. განსაკუთრებით იცნობდნენ რუფუსს, როგორც ნიჭიერ სარდალს, ისტორიკოსსა და იურისტს.

სცევოლამ და რუფუსმა მკაცრი ბრძოლა გამოუცხადეს რომაელ ვაჭარ-მეევანშეთა და შემსყიდველ-პუბლიკანთა თავგასულობას აზიაში. ისინი პროვინციიდან აძევებდნენ და სამართალში აძლევდნენ მძარცველებს, ართმევდნენ მათ დატაცებულ და კონფისკაციასქმნილ ქონებას და უბრუნებდნენ წინანდელ პატრონთ. სიკვდილოთ სჯიდნენ განსაკუთრებით აღვირახნილებსა და ურჩებს.

მხედრები აღშფოთებულნი იყვნენ მათ თანამოსაქმეთა ასეთი დევნით და უფრო მეტად იმით, რომ სენატმა მოიწონა აზიის მმარ-



თველთა პოლიტიკა. მათ ვერაფერი შეჰბედეს სცევოლას, როგორც უმაღლეს ქურუმს, და საქმე აღძრეს რუფუსის წინააღმდეგ. სასამართლომ, რომელშიც მხედრები ბატონობდნენ, რუფუსს ბრალად დასდო ცნობილი აზიური ქალაქის სმირნის მოსახლეობის შევიწროება, და დიდი ფულადი ჯარიმა დააკისრა. რუფუსმა არ სცნო თავი დამნაშავედ. იგი სასამართლოს წინაშე დამნაშავეის შავი ტოგითაც არ წამდგარა და, რაღა თქმა უნდა, არც შეწყალება უთხოვია სამართლის უღირსი ქურუმებისთვის. ის გაშორდა რომს და გაემგზავრა სწორედ სმირნაში, სადაც მას ხალხი დიდი პატივისცემით შეხვდა, ვითარცა სამართლიან მმართველსა და პატიოსან რომაელს. რუფუსი სიკვდილამდე დარჩა სმირნაში, საისტორიო და იურიდიულ თხზულებათა წერით გართული.

როცა გაიუს გრაქხუსმა სასამართლო ძალაუფლება მხედრებს ვადასცა, თქვა:

„ეს კანონი არის ორღესული, რომლითაც ერთიმეორეს დასჩეხენ გვაროვნული და ფულადი არისტოკრატები“.

ეს წინასწარმეტყველება ახლა უკვე ძალაში იყო შესული. ოპტიმატები და მხედრები „სამოსამართლო ორღესულზე“ ერთმანეთს აწყდებოდნენ. ამას ზედ ერთვოდა სხვა სოციალურ ფენათა და განფენათა საჭირბოროტო საკითხები. სენატი დაჩაგრულ პროვინცი-ალთა დაცვის საბაბით ებრძოდა პლუტოკრატებს; ლუმპენპროლეტარიატი და უღარიბესი მოსახლეობა სილატაკისა და უქონელობის აღკვეთას მოითხოვდა; უღელდადებული „მოკავშირენი“ მუდარითა და მუქარით ითხოვდნენ მრავალგზის აღთქმულ და მუდამ განუხორციელებელ საოცნებო რომაულ მოქალაქეობას. რესპუბლიკა მრავალ სოციალურ-ეკონომიურ და პოლიტიკურ სნებათაგან განკურნებას საჭიროებდა.

ასეთი „მკურნალის“ როლში გამოვიდა წარჩინებული გვარის ახალგაზრდა კაცი, ნიჭიერი, განათლებული, მდიდარი და გაბედული.

ეს იყო მარკუს ლივიუს დრუზუსი, შვილი სახალხო ტრიბუნისა, რომელიც ადრე ოპტიმატთა ბანაკიდან თავგამოდებით ებრძოდა გაიუს გრაქხუსს.

91 წელს დრუზუსი გავიდა სახალხო ტრიბუნად და წამოაყენა რეფორმების მთელი წყება, რასაც ერთსა და იმავე დროს ახასიათებდა კონსერვატიზმიცა და დემოკრატიზმიც. მას სურდა აღედგინა და მხედართა ძალმორეული დაწოლისაგან დაეცვა არისტოკრატის ძალაუფლება. თანაც, დრუზუსი კარგად ხედავდა სახალხო მასების მხარდაჭერის აუცილებლობასაც. ამიტომ იგი ხალხის გულის

მოსაგებად ცდილობდა გადაეჭრა სამი მთავარი საკითხი: იაფფასიანი პურის დარიგება, მიწების განაწილება და იტალიკ-მოკავშირეთაღმი რომაული მოქალაქეობის მიცემა.

დრუზუსმა დაიწყო სასამართლო რეფორმით. მან სასამართლოები დაუბრუნა სენატს, თანაც სენატი დამატებით შეავსო სამასი გავლენიანი მხედრით. მაშასადამე, იგი ცდილობდა თავისი რადიკალური გამოსვლით არ დაეფრთხო და არ გადაეკიდებინა მხედართა წოდება. რაკი არისტოკრატები და მხედრები სენატში უფლებრივად გაათანაბრა, დრუზუსმა ორივე მხრისაგან თავი დამშვიდებულად იგრძნო.

დრუზუსმა ცალკე დააწესა განსაკუთრებული სამოსამართლო კომისია მექრთამე-მოსამართლეთა საქმეების გასარჩევად.

დრუზუსი ითვალისწინებდა უღარიბესი და უქონელი რომაელებისათვის სახელმწიფო ბელღებიდან უფასო პურის დარიგებას.

დრუზუსის აგრარულ კანონპროექტში წარმოდგენილი იყო მიწების დარიგება და კოლონიების დაარსება იტალიასა (კამპანიის ოლქში) და იტალიის გარეთ (სიცილია).

ასეთ „გულუხვ გაცემათა“ გარშემო ამტყდარ ხმაურში თვითონ რეფორმატორი-ტრიბუნი გაიძახოდა:

„ჩემს შემდეგ აღარაფერი უნდა დარჩეს გასანაწილებელი ჰაერისა და ჭუჭყის გარდა“.

დრუზუსი ჯერ არაფერს ამბობდა მისი რეფორმების ყველაზე სახიფათო ნაწილის შესახებ: იტალიეებისათვის რომაული მოქალაქეობის მიცემაზე. მაგრამ უამისოდაც მის კანონმდებლობას დასაწყისშივე გააფთრებული წინააღმდეგობა შეხვდა. მხედრებს არამც და არამც არ სურდათ შერიგებოდნენ განუყოფელი უმაღლესი სამოსამართლო უფლებების დაკარგვას. დრუზუსის ყველაზე დიდი მტერი, კონსული ლუციუს მარციუს ფილიპე, სახალხო კრებაზე სასატიკო ბრალდებით გამოვიდა. იგი ახალ კანონებს უღარესად უკანონოდ და სახელმწიფოსათვის მავნებლად აცხადებდა.

საპასუხოდ დრუზუსის განკარგულებით კონსული გალახეს და საპყრობილეში ჩაადგეს (!). კანონები — სასამართლოს, პურის დარიგებისა და კოლონიების დაარსების შესახებ ძალაში შევიდა.

მაგრამ ნამდვილი მოსახდენი ამის შემდეგ უნდა მომხდარიყო. ხმა გავარდა, დრუზუსს კუდი იტალიეებთან აქვსო; მას ფიცი მიუცია, რომ რომაულ მოქალაქეობას მისცემს მოკავშირეებს, ხოლო იტალიეები თავის მხრივ შეფიცული არიან, უკანასკნელი სისხლის წვეთამდე იბრძოლონ დრუზუსის ყოველ ნაზრევთა აღსასრულებლად.

ასე, რომ ვერც დრუზუსმა შეძლო დაეძლია ყოველ რომაელში ჩასახლებული „რომაული ეგოიზმი“, რომელიც ყოველთვის გამოირიცხავდა არარომაელისადმი რომაელობის მინიჭების უფლებას. გადამწყვეტ მომენტში, როცა საპატიმროდან გამოსული კონსულა მარციუს ფილიპე სენატს გარეკვით და ახალი სენატის მოწვევით დაემუქრა, „რესპუბლიკის ტენი“ სასწრაფოდ ჩამოშორდა უკვე ხალხის ბელადად ქცეულ დრუზუსს. არისტოკრატია დარწმუნდა, სასამართლოს მონოპოლიის მოპოება მის ძვირად დაუჯდა, — იაფფასიანი პურისა და მიწების დარიგების სახით. დანასისხლად გადაკიდებული არისტოკრატია და პლუტოკრატია კვლავ ერთ ბანაკში მოხვდნენ. დრუზუსის მომხრეები დაფრთხნენ და ჩამონაპირდნენ. ყველაზე ახლობელი და ძლიერი თანამებრძოლი ლუციუს კრასუსია უცრად მოკვდა. დრუზუსის მთელი კანონმდებლობა გაუქმდა.

მაგრამ „მარადიული ქალაქის“ მესვეურებს დამარცხებული ტრიბუნის სიცოცხლეც აშინებდა და მოსვენებას უკარგავდა. ერთ დამეს, შინ დაბრუნებულ დრუზუსს, ატრიუმის ზღურბლზე ფეხშედგმულს, ვიღაცამ ზურგიდან ხარაზული დანა დასცა. იგი რამდენიმე საათში გარდაიცვალა. მკვლეელი არ უპოვიათ, რადგან... არ უძებნიათ.

წავიდა ამ ქვეყნიდან დრუზუსი, უთვისტომოდ, უპატრონოდ. უმოსარჩლეოდ და მხოლოდ ორიოდ სიტყვა დაუგდო მის თანადროულ მშფოთვარე წუთისოფელს:

„კიდევ როდის ეყოლება რესპუბლიკას ჩემებრი მოქალაქე?“

## თ ა ვ ი მ ე ო თ ხ ე

### “მოკავშირეთა ომი“

#### 1. როგორ დაიწყო ეს ომი

ტყუილად ფიქრობდნენ, რომ გაიუს გრაქუსის „ფერმკრთალი აჩრდილი“ საფლავშიც უფერულად და უხმაუროდ ჩავიდოდა. დრუზუსის სიკვდილი რომაული მბრძანებლობისთვის საბედისწერო გამოდგა. იგი იქცა ნაპერწყალ-ამფეთქებლად აქამდე პირდახშული მოქმედი ვულკანისა, რომელზედაც აგერ სამასი წელიწადი უშიშრად იდგა მუხლმაგარი რომაული ძუ მგელი\*.

დრუზუსის მუხანათურმა მკვლევლობამ იტალიელები საბოლოოდ დაარწმუნა. რომ სამართლით, დიპლომატიით, თხოვნით, მუდართა და მუქარით ვერ დაიდებდნენ წილს ამ ყბადაღებულ რომაულ მოქალაქეობაში. თურმე საკირო ყოფილა ომი, კაცთა კვლა და სისხლის დენა.

იტალიელი „მოკავშირენი“, მუდამ რომაელთა ერთგულნი შფოთიან და შიშით აღსავსე ქამთსაბრუნავში, თანამდგომნი თავზეხელაღებული პიროსისა და თავზარდამცემი ჰანიბალის დამხობაში, ჯილდოდ ლებულობდნენ უსამართლო უმადურობას, უგანაჩენო ჩაგვრასა და შევიწროებას. იტალიელთათვის რომაული სამხედრო სამსახური, რომის მსოფლიო მბრძანებლობის შესაბამისად, უფრო და უფრო მძიმე და გამანადგურებელი ხდებოდა. მათი ყოველი ახალი თაობა უწყალოდ ეწირებოდა შორეულ ქვეყნებში სხვისი (რომი) მბრძანებლობის გავრცელებისათვის ბრძოლას. სამართლის მაძიებელი იტალიელის ხმა სახედრო-საველე სასამართლოს ვერ გასცდებოდა; მას ფიქრიც არ შეეძლო, სიტყვა მიეწვდინა ფორუმზე და მარსის ველზე მბრძანებელი კომიციისთვის. ბრძოლის ველზე დაკლული ან დასახიჩრებული იტალიელის ოჯა-

ბი მძიმე ხარკს უხდიდა რომაულ ხაზინას, ითმენდა გულღრძო რომაელი არისტოკრატის მძარცველობას, დაცინვას, აბუჩად აგდებას, ოჯახური სიწმინდის შებღალავასა და შებილწვას.

გრაკუსების დროიდან დაწყებული იტალიელთათვის ქამიდან ქამზე იელვებდა რომაელებთან გათანაბრების იმედის ნაპერწკალი, რომელიც მაშინვე ქრებოდა, როგორც კი ამ სახიფათო წამოწყების ინიციატორი ეცემოდა. „მოკავშირეებს“ განსაკუთრებული იმედი ჰქონდათ დრუზუსისა, რამდენადაც იგი სენატორული პარტიის წარმომადგენელი იყო და მას ყველაზე მეტადაც შეეძლო დაეყოლიებინა თავისი წრისანი — მმართველი არისტოკრატია. მაგრამ დრუზუსმა საფლავში ჩაიყოლა იტალიელთა საოცნებო იმედები. სენატმა მტკიცედ გამოაცხადა. რომ იგი არასოდეს არ იწონებდა „მტრის ბანაკში გაქცეული“ დრუზუსის გეგმებს. მხედარ-ფინანსისტთა წოდებაც მუდამ მძულვარებით უცქეროდა ლათინებსა და იტალიელებს, რომლებიც მას ხელს უშლიდნენ ვაჭრულ-მევახშურ და სპექულაციურ ქსელთა ფართოდ გაშლაში. პლუტოკრატიული სასამართლოები დრუზუსის მომხრეებსა და თანამგრძობლებს ისე უსწორდებოდნენ. როგორც სახელმწიფო დამნაშავეებს. მუდამ მერყევი და ლერწამივით მოქანავე ლუმპენპროლეტარიატიც მტრული თვალთა უმხერდა იტალიელებს: მას არ სურდა. მოზიარე ჰყოლოდა საარჩევნო ხმის ყიდვა-გაყიდვაში, იაფფასიანი პურის ჭამაში და მუქთი სანახაობის ხილვაში.

მშვიდობიან შეთანხმებაზე ფიქრი საბოლოოდ შეწყდა. აპენინზე საპურვლის ყდრიალი გაისმა. რომის ფხიზელ სმენას არ გამოჰპარვია არც იტალიური იარაღის ლესეა, არც შიკრიკთა ფრთხილი თქარუნი იტალიურ ქალაქთა შორის.

91 წლის მიწურულში სენატმა შეიტყო, რომ პიცენუმში, ქალაქ ასკულუმში, ხალხი რაღაც საეჭვო სამზადისს მისცემოდა. სასწრაფოდ გაიგზავნა პრეტორი გაიუს სერვილიუსი, რომელმაც ჩასვლისთანავე თეატრში შეჰყარა ხალხი და სასტიკი მუქარით აღსაყვებ სიტყვით მიმართა. გაცოფებული ასკულუმელები სერვილიუსს მისცვიდნენ და მის ლეგატთან ერთად ნაკუწებად აქციეს. შემდეგ მოედვნენ და გაყლიტეს ყოველი რომაელი. ვინც კი ქალაქში ცხოვრობდა, ან შემთხვევით იქ მოხვედრილიყო.

ასკულუმის ინციდენტი სიგნალი გახდა მთელი იტალიის აჯანყებისა. აპენინს ერთბაშად მოედო ომის ხანძარი. პირველნი დაიძრნენ უმამაცესი მარსები („მარსების ომი“), რომელთაც მიჰყვნენ სამნიტები, პელიგნები, მარუცინები, ფრენტანები... ნიჭიერი და მამაცი კვინტუს პომპედიუს სილონის ხელმძღვანელობით შეიკმნა იტა-

ლიელთა კავშირი. ცენტრი იყო ქალაქ კორფონიუმში, რომელსაც სახელი გამოუცვალეს და „იტალია“ დაარქვეს. ეს „ნამდვილი იტალია“ უნდა ყოფილიყო მთელი იტალიის ცენტრი, ხოლო ტიბრზე მდებარე „უკიდევანო ქალაქი“ უეჭველად უნდა დამხობილიყო.

რომის წინააღმდეგ აჯანყებული ახალი სახელმწიფო ორგანიზაცია მთლიანად რომაულ ყაიდაზე ჩამოყალიბდა. მის სათავეში იდგა სენატი (ხუთასი სენატორით), სახალხო კრება და ორი კონსული; ჰყავდათ ყველა დანარჩენი მაგისტრატეებიც რომაული სახელწოდებითა და ინსიგნიებით. კრიდნენ სამოკავშირეო ფულის მონეტას, რომელზეც გამოხატული იყო სამნიტთა და საბელთა ტოტეში — ხარი, რომელიც ფეხებითა და რქებით ჰქელავდა მისგანვე ძირს დანარცხებულ მგელს.

მთის მეომარ ტომთა გამოსვლას მაშინვე შეუერთდნენ ცენტრალური და სამხრეთ იტალიის მცხოვრებნი, აპულიელები და კალაბრიელები. იქმნებოდა არმიები და სახალხო ლაშქარი; წესდებოდა სამოკავშირეო-სამხედრო სალაროები; საომრად შემართულ ხალხს სათავეში უდგნენ პომპედიუს სილონის მსგავსი ნიჭიერი სარდლები და მამაცი მეომრები: გაიუს ვიდაცილიუსი, გაიუს პაპიუს მუტილუსი, პონტიუს ტელეზინუსი, ტიტე ლაფრენიუსი, გაიუს პონტილიუსი, მარიუს ეგნატიუსი, კვინტუს პოპედიუსი, მარკუს ლამპონიუსი და ვეტიუს სკატონი.

რომის ერთგულებას ჯერ ისევ ინარჩუნებდნენ ეტრურია, უმბრია და იტალიის ბერძნული ქალაქები.

რომი მიხვდა, რა საფრთხეც წამოიშარათა მისი მბრძანებლობისა და არსებობის პორიზონტზე. უძლეველი პანიბალის დაძლევა მან მხოლოდ იმის წყალობით შეძლო, რომ იტალია მაშინ რომის ერთგულ მოკავშირედ დარჩა. ახლა კი იგივე იტალია თვით ამდგარიყო თავისი უმადური მბრძანებლის წინააღმდეგ. დადგა დრო, როცა რომს უნდა დაემტკიცებინა ბრძოლის უნარი უიტალიოდ, თუნდაც თვით იტალიის წინააღმდეგ. მან ორასი წლის წინ დაიპყრო ეს ქვეყანა, ახლა კვლავ უნდა გაიმეოროს იგივე სიხსლიანი ისტორია უფრო სწრაფად და უფრო სასტიკად.

საერთო რომაული ეგოიზმი მხარში ამოუდგა რომაულ პატრიოტიზმს. შეწყდა ყოველნაირი მტრობა და მოსისხლეობა. სენატის ბრძანებით შეწყდა ყოველგვარი პოლიტიკური პროცესი. ოპტიმატები და პოპულარები შერიგდნენ, შეკავშირდნენ და მხოლოდ სამშობლოსათვის თავდადება დაიტოვეს სამეტოქეოდ. ერთი მიზნით, ერთნაირი გატაცებით მიდიოდნენ საომარ ველზე ორივე ბანაკის მეთაურნი: მარიუსი და სულა, კატულუსი და რუფუსი. ყოველი რო-

მაელი, რომში და იტალიის ყოველ კუთხეში, იარაღს ისხამდა და ბრძოლაში მიდიოდა. სენატმა დასახმარებლად მოუხმო ჩრდილოეთიდან გალებს, სამხრეთიდან ნუმიდიელებს; საზღვაო ძალები გამოიწვია აზიიდან და საბერძნეთიდან. ვერცხლის რომაულ არწივთა ქვეშ 100 000 მეომარი იდგა. მათ სათავეში ედგათ მამაცი და ნიჭური კონსულები, ლუციუს იულიუს კეისარი და პუბლიუს რუტილიუს ლუპუსი.

არანაკლები ძალებით დაუხვდნენ მტერს მოკავშირენი. მათ კონსულებად და მთავარსარდლებად აირჩიეს კვინტუს პომპედიუს სილონი და გაიუს პაპიუსი.

დაიწყო სამწლიანი „მოკავშირეთა ომი“ (91—88 წწ).

## 2. ომის მსვლელობა.

თავდაპირველად ყველა საომარ უბანზე აჯანყებულები იმარჯვებდნენ. სამნიტებმა და მარსებმა გაიუს პაპიუსის სარდლობით უკუაქციეს ლუციუს კეისარი; ინსურგენტებმა რომაელებს ხელიდან გამოჰგლიჯეს დიდი ციხესიმაგრეებმა და ქალაქები: ვენაფრუმი, ეზერნიუსი, კალერნიუსი, პომპეი, ჰერკულანუმი, სტაბია, გრუმენტუმი და ნოლა. პაპიუსის ბრძანებით სიკვდილით დასაჯეს ნოლას ციხიონის უფროსი. აჯანყებულებმა ხელთ იგდეს კამპანია. ამაო გამოდგა კეისარის საომარი ხელოვნება და სიმამაცე, რომაელებმა ვერ დაიბრუნეს ეს უაღრესად ნაყოფიერი ქვეყანა. შემდეგ სამნიტებმა აიღეს ქალაქი ვენუზიუმი, სადაც ცხოვრობდა ნუმიდიელი იუგურტას ვაჟი ოქსინთე, რომელიც ალტაცებით შეხვდა მამის მოსისხართა შურისმგებლებს. როცა კეისარის ბანაკში მყოფმა ნუმიდიელებმა სამნიტთა შორის ძოწითმოსილი ოქსინთე დაინახეს, ალტაცების ყიყინა წასცდათ. აფრიკელთა ერთგულება რომაელთათვის უკვე საეჭვო გახდა და ისინი წამსვე დაითხოვეს ბრძოლის ველიდან.

ხელმარცხიანად იბრძოდა მეორე კონსულიც, პუბლიუს რუტილიუს ლუპუსი, რომელსაც მოადგილეებად ჰყავდა გაიუს პერპერნა და გაიუს მარიუსი. მდინარე ტოლენთან მომხდარ სისხლისმღვრელ ბრძოლაში ლუპუსი სასტიკად დაამარცხეს მარსებმა, რომელთაც მეთაურობდა ვეტუუს სკატონი. დამარცხებულმა კონსულმა თავი მოიკლა, რომაელთა არმიის დიდი ნაწილი ბრძოლაში დაიღუპა, დანარჩენები მარსებმა მდინარეში შერეკეს და შიგ ჩაახრჩვეს. 80 000 რომაელი ემსხვერპლა ამ ბრძოლას. არმიის ერთი ნაწილი

ძლივს იხსნა დალუპვისაგან გაიუს მარიუსმა. მან ხელახლა შემოიკრიბა დაფანტული ჯარები და თვითონ გადავიდა შეტევაზე. მარიუსმა ორ დიდ ბრძოლაში დაამარცხა მარსები, მაგრამ გამარჯვების ფინალი კვლავ მისმა მოსისხლემ დაისაკუთრა. მარიუსისაგან უკუქცეულ ინსურგენტებს გზა გადაუჭრა და ერთიანად ამოჟლიტა სამხრეთ იტალიაში მოქმედმა ლუციუს კორნელიუს სულამ.

უშედევოდ იბრძოდა ქალაქ ასკულუმთან გნეუს პომპეიუს სტრატო (შემდგომში ცნობილი პომპეუსის მამა). მან უსაზნოდ გაჰიანურებული ალყა მოხსნა და მალე თვითონვე ალყაში მოქცეული ძლივს გამოიხსნეს თანაშემამულეებმა.

ომის პირველი წლების (91—90 წწ.) მარცხიანმა მსვლელობამ სულიერად შეარყია ქვირიტა (ასეც უწოდებდნენ თავის თავს რომაელნი) სამყარო. როცა რომში კონსულ ლუპუსისა და სხვა მალალ სამხედრო მეთაურთა გვამები მოასვენეს, ყველა მაგისტრატმა სახელმწიფო ინსიგნიები მოიხსნა და ყველა რომაელმა სამგლოვნი თალხი ჩაიკვა. მაგრამ რომმა გლოვის ცრემლი მალევე მოიწმინდა და სარევანშო მახვილს უფრო მტკიცედ ჩასჭიდა ხელი, გამოიტანეს და საომარ ხარჯად აქციეს ტაძართა საგანძურები; შეწყვიტეს იაფ ფასებში პურის დარიგება; სამხედრო სამსახურში იწვევდნენ ქუღზე კაცს.

მაინც ვერ იქნა და ვერ შეძლო რომმა ბრძოლის სასწორის თავის მხარეზე გადაძლევა. იტალიელთა გამარჯვებებმა რომისადმი ეტრურისა და უმბრიის ერთგულებაც შეარყია. ზოგიერთი ქალაქი აჯანყებულებს შეუერთდა. ამას ზედ დაერთო ახალი გრანდიოზული საშიშროების ჩამოწოლა აღმოსავლეთის ჰორიზონტზე: რომის აზიურ სამფლობელოთა საზღვრებთან „აღმოსავლელი ჰანიბალი“ — მითრიდატე პონტოელი იყო მომდგარი. საჭირო იყო რალაც დათმობაზე წასვლა და რომმაც დათმო.

90 წლის ბოლოს კონსულმა ლუციუს იულიუს კეისარმა გაატარა კანონი, რომლის ძალით, რომაული მოქალაქეობა ეძლეოდა იმ მოკავშირე იტალიელებს, რომლებიც აქამდე ერთგულებას უწყევდნენ რომს. ეს კანონი, რასაკვირველია, საზღვარს უდებდა აჯანყების შემდგომ გაერცვლებასა და გაფართოებას. 80 წლის დასაწყისში სახალხო ტრიბუნებმა, მარკუს პლავეტიუს სილვანუსმა და გაიუს პაპირიუს კარბონმა კიდევ ახალი კანონი გაატარეს: რომის მოქალაქეობა ეძლეოდა ყველა იტალიელს, რომელიც ორი თვის ვადაში წარმოადგენდა საამისო თხოვნას. მართალია, ახალი მოქალაქენი ნაწილდებოდნენ არა ყველა 35 ტრიბაზე (ოლქი), არამედ 8 ტრიბაზე, მაგრამ ამ ღონისძიებასაც რომაელთა სასარგებლოდ მალე დიდი შედეგი უნდა გამოეღო.



რომელთაგან „რომაული მოქალაქეობის“ ნაწილობრივმა დათმობამ დაასუსტა იტალიელთა აჯანყება. ლათინები, ეტრუსკები, უმბრები და ბერძნები უფრო გულმოდგინედ ამოუდგნენ გვერდში რომს, რომელსაც ვერაფერი დააკლო ვერც უკანასკნელ ხანებში განახლებულმა შინასოციალურმა აშლილობამ.

სენატმა გაიუს მარიუსს მიანიც არ აპატია მისი „მდაბიორობა“. იგი შეაშფოთა კიდევ სამოცდახუთი წლის მოხუცის ხელახალმა ფრთისგაშლამ, — მან ხომ რამდენჯერმე დაამარცხა აჯანყებული მარსები! ამ გამარჯვებით მარიუსმა გააქარწყლა რომში მოარული ანდახა: „მარსებზე უმარსებოდ ჯერ არავის გაუმარჯვნიო“. მაგრამ არისტოკრატამ „აბეზარ მოხუცს“ ერთხელ კიდევ ჩაუსხა შხამი ნეტარებით სავსე ფიალაში. მან ისარგებლა იმით, რომ მარიუსმა მარსებთან მორიგი შეხვედრები უსახელოდ დაამთავრა. პომპედიუს სილონი ამოდ იწვევდა მას ბრძოლაში:

„ეჰეი, გაიუს მარიუს, თუ შენ მართლა დიდი სარდალი ხარ, გამოდი, შევებრძოლოთ ერთიმეორეს!“

ბანაკში ჩაკეტილმა მარიუსმა მხოლოდ ეს უპასუხა:

„პომპედიუს, თუ შენ თვითონ ხარ დიდი სარდალი, მოდი და მიიძღლე, ბრძოლაში ჩაება ჩემი სურვილის წინააღმდეგ!“

რამდენიმე ხნის შემდეგ მოწინააღმდეგენი შემთხვევით შეეფეთნენ ერთმანეთს. მცირე გარინდება და ორივე მხარემ შიშნეულად დაიწყო უკანსვლა და ასე, „უკანჩოჩვით“. ერთიმეორის თვალმოუწყვეტლივ გაშორდნენ ერთურთს.

სამშვიდობოს გასული მარიუსი თავისიანებს მიუბრუნდა და მწარედ დაღრეჯილმა დაიღრინა:

„მიძნელდება თქმა, ვინ უფრო მშინშარაა — ჩვენი მოწინააღმდეგენი თუ ჩვენ: ვერც იმათ გაბედეს ჩვენი ზურგის დანახვა და ვერც ჩვენ მათი კეფისა!“

სენატმა გაიუს მარიუსი გადააყენა და მის ნაცვლად მთავარსარდლობა მიანდო კონსულ ლუციუს პორციუს კატონს.

კატონი ფუცინოს ტბასთან გამართულ სასტიკ ბრძოლაში დაიღუპა არმიის დიდ ნაწილთან ერთად. მთავარსარდლობა ჩაიბარა მეორე კონსულმა, გნეუს პომპეიუს სტრაბომ. ამით მას შესაძლებლობა მიეცა ჩამოერეცხა ომის პირველ წელს ასკულუმთან ნაჭამი სირცხვილი.

გადამწყვეტი ბრძოლა ისევ ასკულუმთან მოხდა. რომაელებმა ალყა შემოარტყეს ქალაქს.

მშობლიური ქალაქის გადასარჩენად დაიძრა გაიუს ვიდაცილიუსი. ასკულუმის კარიბჭესთან საშინელი ხოცვა-ჟლეტა გაჩაღდა. რომაელებმა გაიმარჯვეს. აჯანყებულებმა ქალაქის კედლებს შეაფარეს თავი. ისინი დიდხანს გააფთრებით ებრძოდნენ მოალყეებს. ბოლოს შიმშილით დაოსებულ მოსახლეობაში გამოჩნდნენ რომთან შერიგების მომხრენი. ვიდაცილიუსმა ისინი სასტიკი წამებით მისცა სიკვდილს. შემდეგ, მისივე ბრძანებით, ტაძარში შეშა დაახვავეს და ზედ სანადიმო ტახტი დადგეს. ბელადმა თანამებრძოლებითურთ ინადიმა, მერე საწამლავეთ სავსე თასი დასცალა და ბრძანა, კოკონი გაეჩაღებინათ. ღვინისა და საწამლავეის ბურანში წასული გმირი ხანძარში ჩაინთქა.

რომაელებმა ასკულუმი აიღეს, მოსახლეობის უდიდესი ნაწილი გაუღიტეს, დანარჩენები აპყარეს და მონებად გაირეკეს. კონფისკაცია მოახდინეს მთელი დასახლებისა: ქონებისა, სახლებისა, მიწებისა.

ასკულუმის დაცემასთან ერთად მალე დაიშალა აჯანყებულ იტალიელთა სუსტი ფედერაცია. მოკავშირეები იბრძვიან დაქსაქსულნი და რწმენაშერყეულნი. მდინარე აუფიდუსზე გამართულ დიდ ბრძოლაში მრავალ სამნიტთან ერთად დაიღუპა მათი მამაცი სარდალი ეგნატიუსი. ამ გამარჯვების შედეგად რომაელებმა დაიბრუნეს აპულია და სულ მალე ცენტრალური იტალიის დანარჩენი ოლქებიც. აჯანყების ცენტრი „იტალია“ კვლავ რომის პროვინციალურ ქალაქ კორფინიუმად იქცა.

დიდი წარმატებით იბრძოდა ლუციუს კორნელიუს სულა სამხრეთ იტალიაში. მან ყველა სარდალი დაჩრდილა ამ ომში. ზედღეზედ აიღო ქალაქები: ვენუზიუმი, ჰერკულანუმი, პომპეი, სტაბია და ბოვიანუმი. მან გაანადგურა აჯანყებულთა დიდი ლაშქარი, რომლის ბელადი კლუენტიუსი ბრძოლაში დაიღუპა. სამნიტები მთებს შეეხიზნენ და პარტიზანულად ებრძოდნენ მძვინვარე მტერს. 88 წელს სულამ კიდევ მოიგო ორი დიდი ბრძოლა. ბოლოს მის წინააღმდეგ დაიძრა თვითონ პომპედიუს სილონი. სამკვდრო-სასიცოცხლო ბატალია ისევ რომაელი სარდლის გამარჯვებით დამთავრდა. ბრძოლის ველზე 6 000 სამნიტი ესვენა და მათ შორის თვითონ პომპედიუსი.

სულას „პირველსარდლობა“ მისი „პირველჯალათობის“ ტყუპისცალი იყო. იგი იბრძოდა არაადამიანური სისასტიკითა და მძვინ-

ვარებით. მის ნატერფალზე ბალახი აღარ ხარობდა. მისი ხელით ინგრეოდა, იწვოდა და იფერფლებოდა მშვენიერი ქვეყანა. სამხრეთ იტალია ნაქალაქარ-ნასოფლართა ნანგრევ-ნამუსრევით. ნასახლარე-ბით, ნახანძრალეზითა და ადამიანთა გვამებით დაიფარა. 300 000 იტალიელი შეეწირა რომაულ მახვილს.

„მოკავშირეთა ომიც“ დამთავრდა.

კვლავ ზვიმობდა გამარჯვებას ქალაქი ტიბრზე.

## თ ა ვ ი მ ე ხ უ თ ე

### აღმოსავლურ-კონტოური საზრთსხე

#### 1. ომი „მოკავშირეთა ომის“ შემდგომ

„მოკავშირეთა ომი“ ორივე მხრისათვის, — როგორც იტალიელთა, ასევე რომაელთათვის, — მძიმე შედეგებით დამთავრდა. მთელი იტალიის სამეურნეო ცხოვრება დაინგრა და მოიშალა. ეკონომიურად და პოლიტიკურად იმედგაცრუებულნი დარჩნენ ის იტალიელებიც, რომლებიც რომის მოქალაქეობის აღთქმით მოხიბლულნი განუდგნენ აჯანყებას. ისინი, როგორც ითქვა, მხოლოდ რვა ტრიბაზე გაანაწილეს. ამგვარად, მთელი იტალიის მოსახლეობა კვლავ მზად იყო, მხარი დაეკირა ყოველგვარი დემოკრატიული ექსცესისათვის რომის შინაპოლიტიკურ ცხოვრებაში.

შინაიტალიურმა ომმა კიდევ უფრო შეარყია რომაული სამხედრო სისტემის შინაგანი ორგანიზებულობა და მორალური სიმტკიცე. რომის ფორუმზე წარმოებულმა სოციალურმა და პოლიტიკურმა კიდილმა რომაულ სამხედრო ბანაკშიც დაიღო ბინა. კიდევ უფრო გახშირდა ურჩობა, დეზერტირობა და მრავალნაირი ბოროტმოქმედება. პომპეის ალყის დროს ჯარისკაცებმა უბრალო, უსაფუძვლო დაქვეების ნიადაგზე ქვებითა და ჯონებით მოკლეს სულას ლეგატი ავლუს პოსტუმუს ალბინუსი. მთავრსარდალი მხოლოდ იმით დაკმაყოფილდა, რომ მკვლელებს სიტყვა ჩამოართვა, გაორჯეცებული სიმამაცითა და თავგანწირვით ებრძოლათ მომავალ შეტაკებაში. ასევე, როცა კონსული კატონი ბრძოლაში დაიღუპა, დაბეჯითებით ამბობდნენ, ეს არისტოკრატი სარდალი მოკლეს არა აჯანყებულებმა, არამედ მისმა დემოკრატმა თანაშემწეებმაო.

ომმა გამანადგურებლად იმოქმედა თვით რომაული მოსახლეობის მდგომარეობაზე. მძიმე საომარი ხარჯები მთლიანად კისრად

აწვა ხალხს. მისი დიდი უმრავლესობა აბსოლუტურად გადატაცდა და დავალიანდა. არისტოკრატია უსასტიკესი მეთოდებით იბრუნებდა ვალს. ხალხი გადაჭრით მოითხოვდა დაკაბალებულთა მდგომარეობის შემამსუბუქებელ კანონთა გატარებას. ბევრი მოითხოვდა სავალო ხელშეკრულებათა განადგურებასა და ვალების მთლიან კასაციას.

გამოჩნდა კაცი, რომელმაც სცადა ვალში ჩავარდნილთა მდგომარეობის შემსუბუქება. ეს იყო პრეტორი პუბლიუს სემპრონიუს ახელიონი. მას ჯერ კიდევ ნათლად არ ჰქონდა ჩამოყალიბებული თავისი კანონპროექტი, რომ პლუტოკრატებმა დაასწრეს და ანგარიში გაუსწორეს: ქურუმის საღეთო სამოსით მორთული ახელიონი დღის ორ საათზე ფორუმზე, კონკორდიას (თანხმობის) ტაძართან, მსხვერპლს სწირავდა ღმერთებს. ის იყო, ზედაშით სავსე თასი ასწია. რომ ვიღაცამ მას ძლიერად გატყორცნილი ქვა მოარტყა. ახელიონმა თასი ხელიდან გააგდო და მოახლოებული საფრთხისაგან თავის დასაღწევად ვესტას ტაძარს მიაშურა. მაგრამ მკვლელებმა მოასწრეს, წინ გადაუდგნენ და იქვე, ტაძრის ახლოს, მახვილებით დაკლეს. სენატმა ახელიონის მკვლელის აღმომჩენისთვის ჯილდო გამოაცხადა: თავისუფალი მიიღებდა ფულად საზღაურს, მონა — თავისუფლებას, ბოროტმოქმედი — პატიებას. მაგრამ მკვლელს დასახელება ვერავინ გაბედა, რადგან იგი ფინანსისტ-კრედიტორთა შეუვალ კალთას იყო შეფარებული.

„ახელიონის კაზუსი“ მალე დავიწყებას მიეცა, რადგან რომი ახალი გრანდიოზული საფრთხის წინაშე იდგა. ეს იყო „აღმოსავლური საფრთხე“, რომელმაც დასაწყისშივე დიდი როლი ითამაშა თვით შინაიტალიური ომის დასრულების საქმეში. რომის ხელისუფლება იძულებული იყო, იტალიელ „მოკავშირეთათვის“ დაეთმო, მათთან კიდელი სასწრაფოდ დაესრულებინა და იტალიის უშრეტი რესურსები იმ „აღმოსავლური საფრთხის“ სალიკვიდაციოდ წარემართა.

იგივე „აღმოსავლური საკითხი“ გახდა impulsor (ბიძგის მიმცემი) უფრო დიდი სოციალურ-პოლიტიკური ბრძოლისა, რომელიც რომის სამოქალაქო ომების ისტორიაში ცნობილი გახდა მარიუსელებისა და სულანელების ბრძოლის სახელით.

განვიხილოთ, რას წარმოადგენდა ეს დიდმნიშვნელოვანი მოვლენა, რომელმაც რომის სახელმწიფოს შინაგანი კრიზისი ახალ მძაფრ ეტაპზე შეაგდო. რას წარმოადგენდა ეს ახალი impulsor ex Oriente („ბიძგის მიმცემი აღმოსავლეთიდან“).

მისი სახელია პონტოს სახელმწიფო. მასზე უფრო დაწვრილ-

ბით უნდა შევჩერდეთ, რადგან იგი მთელი ნახევარი საუკუნის მანძილზე წამყვან პრობლემად იქცა რომის საშინაო და საგარეო ცხოვრებაში.

## 2. პ ო ნ ტ ო ე ლ ნ ი

ბერძნულ-რომაული წყაროები მცირე აზიის ჩრდილო-აღმოსავლეთ ნაწილს, ქალაქ სინოპიდან მდინარე კოროხამდე, „პონტოს ქვეყანას“ უწოდებდნენ. იგივე წყაროების ერთმხრივი მოწმობით, ამ ტერიტორიებზე ძველთაგანვე, ბერძენ მოახალშენეთა გარდა, ცხოვრობდნენ ქართველური ტომები: კოლხები, ხალიბები, ტიბარენები, მოსინიკები, სანიკები, მაკრონები, დრილები, ტაოხები, შკვითინები და სხვ.

პონტოს ზღვის სანაპირო ზოლზე ჰყვოდნენ ცნობილი ბერძნული კოლონიები: ამასტრისი, სინოპი, ამისოსი, თემისკირა, პოლემონია, კოტიორა, ტრაპეზუნტი და სხვ. მათ დიდი ეკონომიური და სტრატეგიული მნიშვნელობით გვერდით ედგნენ ქვეყნის შიგნით მდებარე ქალაქები: გაზელიონი, ფასემონი, ამასია, ძელა, გაზიურა, კომანა, ქაბეირა და სხვ.

პონტოელები უმთავრესად ციტადელებით გამაგრებულ სოფლებში ცხოვრობდნენ და ქვეყანაც მთლიანად მოფენილი იყო მიუვალ ციკაბოებზე აღმართული ციხესიმაგრეებით, რომლებიც განძეულთა შესანახსა და შიშიანობის დროს საიმედო თავშეფარს წარმოადგენდნენ.

პონტოს მთიანეთი დაბურული იყო გაუვალი ტყეებით, სადაც უხვად მოიპოვებოდა გემთსაშენი და საოჯახო ინვენტარისათვის გამოსადეგი ხე-ტყე. იქვე მრავლად იყო ბეწვიანი ნადირი და, რაც მთავარია, მთები მდიდარი იყო მადნეულით (რკინა, სპილენძი, ვერცხლი), რომლის დამუშავებას ადრიდანვე ეწეოდნენ იქ მცხოვრები ქართველური ტომები.

პონტოელებს სახნავ-სათესი ფართობი შედარებით მცირე ჰქონდათ, მეტწილად მდინარეთა ხეობებში და ზღვის სანაპირო ზოლზე. მაგრამ რაც ჰქონდათ, საკმაოდ ნაყოფიერი იყო.

პონტოს ქვეყანას იცნობდნენ მესაქონლეობით (განსაკუთრებით მეცხვარეობით, მეცხენეობით), სასოფლო-სამეურნეო პროდუქტებით (განსაკუთრებით ყურძნით, ღვინით, ზეთით), ხილით (ნიგოზი, ბალი) და არომატულ-ეთეროვან მცენარეთა სიუხვით.

ძველი წელთაღრიცხვის VI—V საუკუნეებში პონტოს ტერიტორია სპარსეთის ერთ-ერთ დამორჩილებულ ოლქს. ანუ სატრაპიას

წარმოადგენდა. ალექსანდრე მაკედონელის დიდი აზიური ლაშქრობის დროს პონტოს გამგებელი ყოფილა სპარსეთის მეფის მოხარკე და ქვეშევრდომი ვინმე მითრიდატე (337—302 წწ.), რომელმაც მაკედონელი დამპყრობლის მორჩილება სცნო. ალექსანდრეს სიკვდილას (323 წ.) შემდეგ მითრიდატე დაუახლოვდა და დაუმეგობრდა ერთ-ერთ დიადოხოსს (ასე უწოდებდნენ ალექსანდრეს მემკვიდრეებს), ევმენს, კაპადოკიის მმართველს. მაგრამ ევმენი მალე დაამარცხა და სიკვდილით დასაჯა მეორე დიადოხოსმა ანტიგონემ. მითრიდატე ერთგულებასა და მეგობრობას ანტიგონესთანაც ინარჩუნებდა, მაგრამ როცა დანარჩენი დიადოხოსები ანტიგონეს წინააღმდეგ გაერთიანდნენ, ამ უკანასკნელმა პონტოს მმართველის ერთგულებაში ეჭვი შეიტანა, მოწინააღმდეგე ბანაკში გადასვლა დააბრავდა და სიკვდილით დასაჯა (302 წ.).

ანტიგონეს სასახლის კარზე დარჩა სიკვდილით დასჯილის შვილი, რომელსაც სახელად აგრეთვე მითრიდატე ერქვა. ეს ახალგაზრდა პონტოელი ძალიან დაახლოებული ყოფილა ანტიგონეს ვაჟთან, ჭკვიან და მამაც დემეტრიოსთან. მეგობრები ერთად, მხარდამხარ იბრძოდნენ საომარ ველზე, ერთად სწავლობდნენ ბერძნულ კულტურას, ერთად სადილობდნენ, ერთად იძინებდნენ და ყოველ ჰირსა და ლხინს თანასწორად ინაწილებდნენ.

მაგრამ მეფის ეჭვიანობამ ჰაბუჯ პონტოელსაც შეუქმნა სიკვდილის საფრთხე. ერთ დილას ანტიგონემ დემეტრიოსი იხმო და იმღამინდელი სიზმარი უამბო: მე ოქრო დაეთესე, მოსავალი მითრიდატემ შრიმკო და ოქროთი დატვირთული პონტოში გაიქცაო. თან დასძინა, ეს ისეთი სიზმარია, შენს მეგობარს ველარ ვენდობი და ისიც მამამისის გზას უნდა გაუყუენოო. დემეტრიოსი ამოდ ემუდარებოდა გააგებულ მამას. ანტიგონე მტკიცედ დადგა თავის გადაწყვეტილებაზე და შვილს ფიცი ჩამოართვა, კრინტი არსად დაეძრა, სანამ განაჩენს სისრულეში არ მოიყვანდა.

დემეტრიოსი ძალიან შეაწუხა მეგობრის საშინელმა ბედმა. უნდოდა, ყველაფერი გაენდო მისთვის, მაგრამ მამისადმი მიცემული ფიცის გატეხას ვერ ბედავდა. უცებ მან რაღაც მოისაზრა, მითრიდატე სასახლიდან შორს გარხმო და შუბის წვერით მიწაზე დაუწერა:

„გაიქეც, მითრიდატე!“

ამგვარად, დემეტრიოსს მამისადმი მიცემული ფიცი არ დაურღვევია, რაკი „კრინტი არ დაუძრავს“ და მეგობარსაც მოსალოდნელი საფრთხე აცნობა.

მითრიდატე მაშინვე ცხენს მოახტა და ექვსი მხედრის თანხლებით პონტოში გაქუსლა. იგი გამაგრდა მთაზე აზიდულ ციხესიმაგრე

კომიტაში და იქიდან მოუწოდა პონტოელებსა და მაკედონურ გარნიზონებს. ხალხმა და ჯარმა მისი ხელმწიფობა სცნეს. მითრიდატემ პონტოს დამოუკიდებლობა გამოაცხადა და თვითონაც მეფის გვირგვინითა და ტიტულატურით მოინათლა. ეს ამბავი 296 წელს მოხდა. აქედანვე, მითრიდატე I-ით (296—266 წწ.) იწყება დამოუკიდებელი პონტოს სამეფოსა და მისი მმართველი დინასტიის (მითრიდატიდები) ისტორია.

სანამ დიადოხოსები ერთიმეორეს სისხლისმღვრელი ომებით ასუსტებდნენ, პონტოს სამეფო იზრდებოდა და ვაჟკაცდებოდა. აღმოსავლეთით მას კოლხეთი და მცირე სომხეთი ესაზღვრებოდა, დასავლეთით — პაფლაგონია და ბითინია, სამხრეთით — კაპადოკია. მითრიდატე I-მა ხელთ იგდო პონტოს სამხრეთ-დასავლეთით მდებარე ქვეყანა, რომელსაც ფრიგია ეწოდებოდა.

ნიორიდატეს შემდეგ, 266 წლიდან 256 წლამდე, იმეფა მისმა შვილმა არიობარზანამ, რომელსაც განხეთქილება მოუხდა მცირე აზიის ერთ-ერთ პატარა სახელმწიფოსთან, გალატიასთან. გალატებმა ისარგებლეს არიობარზანის მოულოდნელი სიკვდილით. მისი ნემკვიდრის მცირეწლოვანებით და ხელი მიჰყვეს პონტოს საზღვრების შევიწროებას. მაგრამ პონტოელებმა მალე უკუაქციეს მტერი.

პონტოს სახელმწიფოებრივი ავტორიტეტი თანდათან იზრდებოდა წინა აზიის პოლიტიკურ ასპარეზზე. სელევკიდური სირიის ამპარტავანი მბრძანებლები იძულებულნი ხდებიან პონტოსადმი მტრობა დამეგობრებითა და დამოუკრებით შეცვალონ.

ძველი ჩელთადრიცხვის II საუკუნის დამდეგს დასავლეთიდან დაიჭრა მსოფლიოს ახალი მძლავრი დამპყრობელი — რომი. 190 წელს რომაელებმა ქალაქ მაგნეზიასთან გამართულ ბრძოლაში სასტიკად დაამარცხეს სელევკიდური სირიის ჯარები და ხელი მიჰყვეს აზიაში „რომაული წესრიგის“ დამყარებას. მათთან თვიანთი დამხმარე ძალებით გაეშურნენ აზიის წვრილ-წვრილ სახელმწიფოთა — პერგამოსის, ბითინიის, პაფლაგონიის, კაპადოკიის — მმართველები. მათ რომაელებს მორჩილება გამოუცხადეს და სამაგიერო საჩუქრებიც მიიღეს.

იმ დროისათვის ერთადერთი სახელმწიფო, რომელიც რომაელთა ჩამოსახლებას ნიტრულად შესვდა, მხოლოდ პონტოს სამეფო იყო. პონტოს მაშინდელ მეფეს, ფარნაკს (190—170 წწ.) რომაელთათვის არც დამხმარე ძალები გაუზზავნია. არც სხვა რაიმე კავშირი გაუბამს მათთან; უფრო მეტიც: ფარნაკმა ომი დაიწყო რომის შეარველობის ქვეშ მყოფი პერგამოსის წინააღმდეგ. „ფარნაკის ომი“ (182—179 წწ.) პირველ ხანებში პონტოელთა დიდი წარმატე-



ბიზ მიდიოდა, მაგრამ ბოლოს პერგამოსის, კაპადოკიის, ბითინიის, გალაციისა და პაფლაგონიის კოალიციამ, რომის აქტიური დახმარებით, ფარნაკი დაამარცხა და წინა წლებში დაპყრობილ ტერიტორიაზე ხელი ააღებინა.

თითქმის არაფერია ცნობილი ფარნაკის მომდევნო მეფის, მითრიდატე IV ფილოპატორ-ფილადელფოსის (170—150 წწ.) მეფობის ხანაზე.

150 წელს პონტოს სამეფო ტახტზე ავიდა მითრიდატე V ევერგეტი, რომელსაც, როგორც ეტყობოდა, კარგად შეესწავლა ფარნაკის წინაშე გაკვეთილი და შედარებით ზომიერი პოლიტიკის გზას დაადგა. მან პერგამოსისა და რომის მიმართ მტრული დამოკიდებულება ბევრობრული ურთიერთობით შეცვალა. ყოველ საჭირო შემთხვევაში რომს დამხმარე საომარ ძალებსაც უგზავნიდა. ამის გამო რომის სენატმა მითრიდატე ევერგეტი „რომაელი ხალხის მოკავშირედ და მეგობრად“ გამოაცხადა.

მითრიდატემ სამეფო რეზიდენცია ამისოსიდან სინოპში გადაიტანა და აქვე შეუდგა ახალი საგარეო-პოლიტიკური გეგმის შემუშავებას. იგი ითვალისწინებდა კაპადოკიის ხელში ჩაგდებას. მეფემ თავისი ას.ლ. მეგობარი სარდალი დორილასი საბერძნეთში გაგზავნა დაქირავებული ჯარების ჩამოსაყვანად, თვითონ კი პონტოური ლაშქრით დაეყოვნებლივ შეიჭრა კაპადოკიაში. მეფე გამარჯვებული დაბრუნდა სინოპში.

ის ლაშქრით ზეიმ-ღრეობით დაიწყო და სამგლოვიარო ზარით გათენდა. ნაომარი და ნაქეიფარი მეფე სარეცელზე იწვა გულში მახვილდარტობილი. ეს ამბავი 120 წელს მოხდა. შეთქმულნი არ უპოვიათ, რადგან არ უძებნიათ. დაბეჯიდებით ამბობდნენ, მკვლელთა მეთაური თვითონ დედოფალი, პატრიმონიარე და გულზვიადი ლაოდიკე არიან. დასაეჭვებელიც მაინცდამაინც არაფერი იყო: ქვრივმა დედოფალმა სამგლოვიარო თავსაბურველი სამეფო ჯილა-ღიადემით შეიცვალა; ტახტზე დაბრძანდა და კანონიერ მემკვიდრეს, ღვიძლ შვილს, ავი თვალი დაადგა.

### 3. მითრიდატე ეპატორი

მითრიდატე ევერგეტს რვა შვილი დარჩა, ორი ვაჟი და ექვსი ქალი. ვაჟებსაც ორივეს მითრიდატე ერქვა, წესისამებრ სამეფო ტახტი ეკუთვნოდა უფროს ძმას, რომელიც იმ კოშმარიან ტრაგედიის უამს თერთმეტი წლისა გავდა.

მალე მთელი მსოფლიოს ცაზე ზარებს დაარისხებს მისი მქუხარე სახელი:

მითრიდატე VI ევპატორი, დიონისე, დიდი.

იგი დაიბადა 132 წელს ქალაქ სინოპში. მამის დაღუპვიდან ორ წელწინად ყმაწვილი უფლისწული სიკვდილის საფრთხის ქვეშ ცხოვრობდა. ერთხელ, გულრიძო დედის დავალებით, თორმეტი წლის ბიჭი გაუხედნელ, გაგიჟებულ უბელო ცხენზე შესვეს უაღვიროდ, ხელში მშვილდ-ისარი მისცეს და გაფრენილი ცხენიდან განუწყვეტელი ისრის სროლა უბრძანეს. მითრიდატემ სრულიად უმარცხოვრებლად შეასრულა ეს დავალება. მერე საქმელში საწამლავე შეაპარეს, მაგრამ მისმა ჩაკირულმა სხეულმა შხამიც მოინელა. მალე იგი თვითონ დაიწყებს ქიმიურ ცდებს საწამლავეთა და ანტისაწამლავეთა გამოსაყვანად. ცხოვრების ყოველ კუნძულში ჩასაფრებული სიკვდილის მომლოდინე პირში ლუკმასაც არ ჩაიდებს, თუ ანტისაწამლავს არ შეაყოლებს. მისი სხეული შხამებს ისე შეეჩვია, რომ უცლობელ ქაშის თავის მოკვლისთვის საკუთარი ხელითვე დამზადებული საწამლავე, რომლის ერთი წვეთი სპილოსაც კი ძირს დასცემდა, უბრალო მწარე წყლად გადაიქცევა. მაგრამ მანამდე რამდენჯერ უნდა გადახდომოდა თავს და თვითონ, თავის მხრივ რამდენჯერ უნდა მოეხვია თავზე მაშინდელი მსოფლიოსათვის.

ცამეტი წლის ჰაბუკი სულ გაექცა სიკვდილის ბუდედ ქცეულ სასახლეს და მთა-ველსა და ტყე-ღრეს მიაშურა. შვიდი წელი მისი ცხოვრებისა საოცარ ლეგენდათა სამოსელში გაეხვია. არავინ იცოდა. სად ათევდა ღამეს, რას ჰკმდა, რა ეცვა და რა ეხურა. ნადირთა შორის ცხოვრობდა თვითონაც განადირებულნი. მათთან „ასპარეზობაში“, რენაში, რბენაში და ღრენა-კბენაში იზრდებოდა და კაედებოდა მისი უზარმაზარი, გიგანტური სხეული. არც ერთი წამით არ ივიწყებდა, რომ მას ეძებდნენ, ამიტომ ყოველ ღამ იცვლიდა ბუნავს. მაგრამ თვითონ უჩინოქმნილმა, კარგად იცოდა, რა ხდებოდა სინოპის კარზე. კიდევ შემორჩენილიყვნენ მამამისის ერთგული მეგობრები, რომლებიც ყოველ საჭირო ცნობას აწვდიდნენ ლტოლვილს.

ერთხელ, მეგობრებთან დათქმულ დღეს, სინოპის სასახლეში ერთბაშად გაჩნდა ოცი წლის ბუმბერაზი. იგი ჯიქურ მიეპრა დედას, თავიდან სამეფო გვირგვინი მოხადა, ტახტიდან აიტაცა და დიდუფსაყენ გააქანა. იმავე დღეს სიკვდილით დასაჯეს ახალგაზრდა ბუმბერაზი ყველა ნამდვილი და სავარაუდებელი მოწინააღმდეგე.

მალე მთელმა ქვეყანამ შეიტყო პონტოელი გვირგვინოსნის საქმენი საგმირონი.

მეფე პირველი იყო უპირველეს მოლაშქრეთა და ათლეტთა შორის: მკლავგაუღრეკი მოკრივე და მოფარიკავე, მიზანმიუძღვარი მოსაზარი და მოშურდულე, დაუღალავე მორბენალი და მოჭირითე.

შეედლო მთელი დღეების განმავლობაში მშვიერ-მწყურვალს ეჭირითა ცხენთა გამოცვლით. მისებრ არავის შეედლო ოსტატური მართვა და გიჟური სრბოლა თექვსმეტმეტრიანი ეტლისა. უებრო იყო ბრძოლის ველზე სიმამაცითა და შემმართებლობით, თუმცა მისი გოლიათური სხეული მტერ-მოისართა მოხერხებული სამიზნე გახლდათ. ხშირად გამოჰქონდათ ბრძოლის ველიდან დაჰრილ-დაფლეთილი, მაგრამ ჰკრილობებს გასაოცარი სისწრაფით იშუშებდა და კვლავ მხნედ მიილტვოდა ბრძოლის ველისკენ. ომიდან თუ აპარეზობიდან გამარჯვებით დაბრუნებული, ახალ შეჯიბრს მართავდა სანადიმო სუფრასთან, და იქაც ტოლი არა ჰყავდა სმაში, ჰამაწი...

მეფე იმავ დროს უგანათლებულესი მეცნიერი, უბადლო რიტორი და მეცნიერება-ხელოვნების მფარველი იყო. მან ბრწყინვალედ იცოდა 22 ენა (პლინიუსი იმასაც კი ამბობს, 50 ენა იცოდაო). ამდენ ენაზე შეედლო თარჯიმნის დაუხმარებლად ეწარმოებინა სამოსაწართლო საქმენი და სიტყვით მიემართა თავისი მრავალხალხოვანი ჯარისთვის. შვიდწლიანმა „ველად გაჰრამ“ ბუნება შეაყვარა და შეასისხლხორცა. ბუნების შესანიშნავ მკვლევარს „ბუნებისმეტყველების ისტორიაც“ დაუწერია. წელთა დაღმართზე მემუარებს წერდა.

მითრიდატე დიდგემოვნებიანი შემფასებელი იყო უმაღლესი ხელოვნებისა და კულტურისა. განსაკუთრებით უყვარდა ჰელინიზებული ბერძნული სულიერი და მატერიალური სამყარო. იგი დიდი თავგამოდებითა და რუდუნებით კრებდა ხელოვნების ნატიფ ძეგლთა კოლექციებს. მეფე, თვითონ განსწავლული მეცნიერებასა და ხელოვნებაში, გარშემორტყმული იყო პოეტებით, ისტორიკოსებით, ფილოსოფოსებით, მხატვრებით, მოქანდაკეებით, მსახიობებით; აწყობდა მათ შეჯიბრს, პაექრობას, აჯილდოებდა გამარჯვებულებს და ამხნევებდა ხელმოცარულებს...

მაგრამ, ამასთან ერთად, მითრიდატე ევპატორი იყო სასტიკი, ექვიანი და გულქვა ტირანი, თავაშვებული მოთაყვანე ბოჰნიური ტრფიალებისა, პარამხანის გიჟი რაინდი, ლოთი და მრუში...

გამეფდა თუ არა, მაშინვე დიდი გატაცებით შეუდგა სახელმწიფოს აღზევებას. გამალებით შეჰყარა ჯარები, შექმნა სანღვაო ფლოტი.

მისმა საომარმა ძალებმა პირველი ნათლობა მიიღეს ტავრიდის (ყირიმის) ნახევარკუნძულზე.

ამ დროს შავი ზღვის ჩრდილოეთ სანაპიროზე ბერძნულ კლავტებს, რომლებიც „ბოსფორის სამეფოში“ ერთიანდებოდნენ, ძლიერად აწევებიან მეზობლად მცხოვრები მრავალრიცხოვანი სკვითურ-სარმატული ტომები. ტავრიდელმა ბერძნებმა დახმარება მითრიდა-

ტეს სთხოვეს. პონტოელმა მეფემ ანგარიში არ გაუწია რომის ადრინდელ ბრძანებას: „აზიელმა მეფეებმა ფეხი არ შედგან ევროპის შიგნით“, — და 110 წელს თავისი ნიჭიერი სარდლის, დიოფანტეს მეთაურობით, არმია ტავრიდაში სალაშქროდ გაგზავნა.

დიოფანტემ რამდენიმე შეტაკებაში სასტიკად დაამარცხა სკვითები. სარმატები და როქსოლანები და მთელი ტავრიდა მიიპყრონ. ევპატორს დაუმორჩილა. იქვე, კტენუნტის კონცხზე, მან დააარსა ციხე-ქალაქი, რომელსაც თავისი ხელმწიფის სახელის მიხედვით, ევპატორია უწოდა.

სკვითების მეფე პალაკოსმა დასახმარებლად რომს მიმართა.

სენატმაც არ დააყოვნა და მითრიდატეს მოსთხოვა, ტავრიდიდან სასწრაფოდ გაიყვანე ჯარებიო.

პონტოელმა მეფემ რომაელთა მოთხოვნას ახალი შეტევით უპასუხა.

107 წელს ბოსფორის სამეფოში იფეთქა მონათა აჯანყებამ სავაკოს მეთაურობით. მითრიდატემ ისარგებლა ტავრიდელი მონათმფლობელების თხოვნით და კვლავ გაგზავნა ძლიერი ფლოტი და არმია ისევ დიოფანტეს სარდლობით. პონტოელებმა აჯანყებული მონები დაამარცხეს. დიოფანტემ სავაკი შეიპყრო და მითრიდატეს გაუგზავნა. პონტოელებმა ტავრიდა ხელახლა დაიპყრეს და მეოტიის (აზოვის) ზღვის შემოგარენიც შემოიმტკიცეს.

მანამდე უძლეველმა სკვითებმა მითრიდატე ევპატორის ხელისუფლება სცნეს. ამის შემდეგ ისინი მითრიდატეს ლაშქარში ხშირად არიან მოხსენიებული ხან ქვეშევრდომებად, ხან მოკავშირეებად.

რომის ხელისუფლებამ ეს პირველი „აზიური აბი“ მწარედ ჩაყლაპა.

ამის შემდგომ მითრიდატეს სარდლებმა და დიპლომატებმა მთელი შავი ზღვის აუზის ყოველი მხარე შემორკინეს: ზოგი მახვილით მორჩილქმნეს, ზოგიც „თაფლით“ მოისადაგეს.

90-ანი წლების ახლო ხანებში მითრიდატემ თავის სამფლობელოებს შეუერთა კოლხეთი. კოლხების — „ამ შმაგად მეომარი ტომის“ — დამორჩილებას ხელი შეუწყო იმან, რომ ამ დროს კოლხეთი პოლიტიკურად დაქუცმაცებული ქვეყანა ყოფილა და მის ცალკეულ ნაწილთა გამგებლებს იმდენი ძალა არ შესწევდათ, უკვე გამძლეობულ პონტოს სამეფოს ცალ-ცალკე გამკლავებოდნენ.

მითრიდატე კოლხეთის სამმართველოდ ყოველთვის თავის ყველაზე რჩეულსა და ახლობელ კაცს გზავნიდა.

პონტოს მეფეს კოლხეთიდან შეეძლო გაეტანა გემთსაშენი ხე-ტყე. საყოველთაოდ ცნობილი ძელქვა, სელი, კანაფი, თაფლი, ცვი-

ლი... შეეძლო თავისი არმიისა და ფლოტის რიგებში ჩაერიცხა მამაცი, „მზაგად მეომარი“ კოლხი მებრძოლები და ზღვაოსნები.

დაახლოებით იმავე პერიოდში მითრიდატემ მეგობრული კავშირი იჭერა იბერიასთან, პართიასთან, მიდიასთან და დიდ სომხეთთან, ხოლო მცირე სომხეთი დაიმორჩილა და შეიერთა.

მის შემდეგ მთავარი საზრუნავი შეიქნა სამხრეთით კაპადოკიისა და დასავლეთით ბითინიის დაპყრობა.

ერთ დღეს მეფე უეცრად გაუჩინარდა. მოხეტიალე-მოგზაურის ტანსაცმელში გამოწყობილმა შემოიარა მთელი მცირე აზია. საკვირველი სიბეჯითითა და სისწრაფით სწავლობდა სხვადასხვა ენაზე მოლაპარაკე ხალხთა ენებს, ზნე-ჩვეულებებს, განწყობილებას რომაელთა და პონტოელთა მიმართ. სწავლობდა ყოველი ქვეყნისა და ქალაქის ადგილმდებარეობას, ბუნებას და ყველაფერს, რასაც მისთვის მნიშვნელობა უნდა ჰქონოდა მომავალ ომებში.

ამ ხნის განმავლობაში პონტოს სასახლის კარზე ხმა დაირხა, მეფე მოკვდაო. მითრიდატეს მეუღლემ, რომელსაც იმეამად ტახტის მემკვიდრე შესძენოდა, ფავორიტები გაიჩინა და მათთან დროსტარებაში ლანძღვა-გინებით იხსენიებდა დაკარგულ ქმარს.

მოულოდნელად გამოჩნდა მითრიდატე, რომელსაც ზღურბლზე ფეხშედგმულს დედოფალმა და მეუღლემ საწამლავეთ სავსე ფიალა შიაწოდა — შენი მშვიდობით დაბრუნება, ჩემი დახვედრა და ახლად-შობილი უფლისწული დალოცეო.

რომელიღაც მსახურ გოგონას მეფე წინასწარ გაუფრთხილებია — დედოფალი საწამლავს შეგასმევსო.

მითრიდატემ ცოლს საწამლავეთ სავსე თასი ჩამოართვა და იქვე თავის ხელით დააღვინა. მის ფავორიტებსაც ძალით ჩაასხა ყელში საწამლავეი.

ასე „განკურნა მეფემ ბოროტებით ბოროტება“.

მე წელს მითრიდატემ დაიპყრო ბითინია და კაპადოკია და მიადგა ყოფილ პერგამოსის სამეფოს, რომელიც იმეამად „პროვინცია აზიას“ სახელით რომის სამფლობელოთა საზღვრებში შედიოდა.

რომსა და პონტოს შორის ომი გარდაუვალი შეიქმნა.

#### 4. „მითრიდატული ომის“ დასაწყისი

ბითინიისა და კაპადოკიის ტახტთაგან გადაგდებულმა მეფეებმა, ნიკომედე III და არიობარხანმა რომში საჩივარი აღძრეს მითრიდატე პონტოელის წინააღმდეგ. ისინი პონტოელთა ჯარებისაგან თავი-

ანთი სამეფოების დაცლასა და ტახტ-გვირგვინთა დაბრუნებას ითხოვდნენ. რომის ხელისუფლებას კი უბრალო საბაბიც აღარ სჭირდებოდა, რადგან მითრიდატე აკი რომის სამფლობელოებსაც ხელჰყოფდა მცირე აზიაში.

რომიდან აზიაში გაიგზავნა ათაკიანი (დეცემვირთა) კომისია მანიუს აქვილიუსისა და მანლიუს მალტინუსის მეთაურობით. საგანგებო დადგენილებით კილიკიის მაშინდელ პრეტორს, ლუციუს კასიუსს ევალებოდა, საკირო შემთხვევაში სამხედრო დახმარება გაეწია კომისიისათვის.

რომაელი დეცემვირები აშკარად ომის გასაჩაღებლად ჩამოვიდნენ აზიაში. მათ წააქეხეს ნიკომედე ბითინიელი, დაეწყო შეტევა პონტოს წინააღმდეგ. ნიკომედემაც, რომის ყურმოჭრილმა ყმამ, რომელ ვალებში ჩაფლულმა ჯუჯა-მეფემ, ომი დაიწყო. იგი შეიჭრა პონტოს საზღვრებში, ოთხასამდე სოფელი და ციხე-ქალაქი მოაოხრა და მდიდარი ნადავლით გაბრუნდა ბითინიაში. მან შავ ზღვაში გასასვლელი სრუტეებიც ჩაჰკეტა, რათა გზა დაეხშო პონტოს სავაჭრო და სამხედრო გემებისათვის ხმელთაშუა ზღვისკენ მიმავალ გზებზე.

მითრიდატემ რომელ დეცემვირებთან ელჩები გაგზავნა და უთანხმოების გაქარწყლება მშვიდობიანი მოლაპარაკების ვხით სცადა.

ელჩთა შეხვედრას არავითარი შედეგი არ მოჰყოლია. რომელიები უკვე გამალებით კრებდნენ ჯარებს. მათი მთავარი ძალები „პროვინცია აზიის“ მმართველის, ლუციუს კასიუსის ლეგიონებ-საგან შედგებოდა. მობილიზაცია გამოაცხადეს ბითინიაში, პაფლაგონიაში, გალატიაში, კაპადოკიაში, ლიკიასა და კილიკიაში.

რომაელებმა და მათმა მომხრეებმა სცადეს ბლოკადაში მოექციათ პონტოს სამფლობელოთა სამხრეთ-დასავლეთი და ჩრდილო-დასავლეთი მხარეები. მათმა ფლოტმა გაამაგრა შავი ზღვიდან გასასვლელები. მანიუს აქვილიუსი გაამაგრა იქ, სადაც მითრიდატეს ადვილად შეეძლო გაჭირილიყო ბითინიისკენ (სკორობის მთის მახლობლად). ლუციუს კასიუსი დაბანაკდა ბითინიისა და გალატიის საზღვარზე, ხოლო კვინტუს ოპიუსმა თავისი არმია კაპადოკიის საზღვართან განალაგა. თითოეულ მათგანს 40 000 ქვეითი და 4 000 ცხენოსანი ჰყავდა. ნიკომედე თავისი ბითინიური ჯარებით დაბანაკდა ქალაქ ამასტრისის მახლობლად.

ომი, რომელიც ისტორიაში შევიდა „პირველი მითრიდატული ომის“ სახელწოდებით, დაიწყო 88 წლის გაზაფხულზე.

ჯერ ერთმანეთს შეხვდნენ ნიკომედე ბითინიელი და მითრიდა-

ტეს სარდლები — არქელაოსი და ნეოპტოლემეოსი. ბრძოლა მოხდა ლალისის შენაკადის, მდინარე ამნეიონის ფართო ველზე.

ნიკომედე მთელის ძალებით დაიძრა მტრისკენ. მითრიდატეს სარდლებმა მსუბუქად შეიარაღებულ ცხენოსანთა ერთი რაზმეულა და რამდენიმე ეტლი შეაგებეს. ნიკომედეს რიცხობრივი სიჭარბის იმედი ჰქონდა და მხნედ უტევდა ფრონტის შუაგულში. გადამწყვეტ ეპოს არქელაოსმა ბრძოლაში ჩააბა პონტოური ფლანგა. მალე პონტოელებმა ფლანგებიდან შემოუარეს და ალყაში მოაქციეს ბითინიელთა არმია. ბოლოს არქელაოსმა ბითინიელებს ცელებით გაწყობილი ეტლები მიუსია და სულ ერთიანად ააყაფვინა. ნიკომედეს მეომრები ზარდაცემულნი გარბოდნენ უგზოუკვლოდ, როცა ჰმედავდნენ შუა-შუა დაკვეთილ, ნაკუწებადქცეულ და ეტლთა ბორბლებზე ნაფლეთებად დაკიდულ ადამიანებს. ნიკომედემ თითქმის მთელი არმია დატოვა ბრძოლის ველზე. თვითონ მცირეთა თანხლებით გაასწრო სიკვდილს.

პონტოელთა გამარჯვებამ შიშის ზარი დასცა რომაელებს და მათ მოკაეშირებებს. მითრიდატეს სახელი უფრო გაიზარდა იმით, რომ იგი სამხედრო ტყვეებს ათავისუფლებდა, ასაჩუქრებდა და ისე ისტუმრებდა. რასაკვირველია, ასეთი „ბედნიერი ტყვეები“ მხოლოდ აზიელები უნდა ყოფილიყვნენ.

მითრიდატემ დაიბანაკა სკორობის მთაზე, ბითინია-პონტოს საზღვარზე. განადგურებული ნიკომედე გადარჩენილი მეომრებით მანაუს აქვილიუსის გვერდით დადგა.

სანამ გადაწყვეტი ბრძოლა მოხდებოდა, მითრიდატეს ჯარიდან ასამდე მხედარი დაწინაურდა და რეასაკაციანი ბითინიური რაზმი დაამარცხა. ზოგი ტყვედ მოჰკვარეს მეფეს. მითრიდატემ ეს ტყვეებიც გზის ფულით დაასაჩუქრა და გაათავისუფლა.

მითრიდატეს პირისპირ მდგარმა მანიუს აქვილიუსმა ველარ გაბედა გამარჯვებით გალალებულ პონტოელებთან შებმა, სწრაფად დაიწყო უკანდახვევა და გაიქცა პერგამონისაკენ, „პროვინცია აზიის“ მთავარი ქალაქისაკენ. ნიკომედეც მას შეუერთდა.

მითრიდატემ ბრძანა, სასწრაფოდ დაღევენებოდნენ გაქცეულ მტერს.

პაქიად წოდებულ ადგილზე პონტოელები წამოეწვივნენ აქვილიუსის ლაშქარს და აიძულეს ბრძოლაში ჩაბმულიყო. რომაელები საშინლად დამარცხდნენ. მათგან 10 000 კაცი დაიღუპა, 300 ტყვედ ჩავარდა. რომაელთა ბანაკი პონტოელთა ალაფად იქცა. თვითონ აქვილიუსმა ძლივს მოასწრო პერგამონში თავშეფარება.

პონტოელთა არმიის მეორე ნაწილმა სასტიკად დაამარცხა ოპიუსისა და მალტინუსის ჯარები კაპადოკიაში.

ახლა მითრიდატე ამას ფიქრობდა:

როგორ უნდა მოქცეულიყო რომაელებისა და მისი მოკავშირეების განადგურების შემდეგ? დაესვა წერტილი შეტევებისათვის და დაკმაყოფილებულიყო ახალი მონაპოვრებით, — პაფლაგონიის, გალატიის და კაპადოკიის შემოერთებით, — თუ განეგრძო შეტევა რომის წინააღმდეგ? როგორი თვალთ ხედავდა მითრიდატე იმჟამად შექმნილ პოლიტიკურ ატმოსფეროს? რა უნდა მოჰყოლოდა შედეგად მის ახალ წარმატებებს აზიაში; როგორ შეხვდებოდა რომი მითრიდატეს უეცარ აზვირთებას აღმოსავლეთში?

მითრიდატე უეპველად კარგად ხედავდა, რომ რომი ვერაერთად შემოხვევაში ვერ შეურიგდებოდა თავისი უფლებების გათელვას და განადგურებას აზიაში: ხედავდა, რომაელთა და პონტოელთა მორიგება აღმოსავლეთში. განსაკუთრებით ამ უკანასკნელ სისხლისღვრათა შემდეგ. მშვიდობიანი გზით აღარ შეიძლებოდა. გაშიშვლებული და სისხლიანი მახვილი ასე იოლად ქარქაშს აღარ დაუბრუნდებოდა.

პონტოელი ხელმწიფის სულისკეთებასა და განწყობილებას ნათლად გამოხატავს მისი სიტყვა, რომლითაც მან მიმართა თავის არმიას:

„ჩემთვის სასურველი იქნებოდა, მელაპარაკა იმაზე, ომი სჯობს რომაელებთან, თუ მშვიდობა. ხოლო, თავდამსხმელს რომ დახვედრა უნდა, ამაში ისინიც კი არ ყოყმანობენ, ვისაც გამარჯვების არავითარი იმედი არა აქვს. ავაზაკის მიმართ ყოველი აღმართავს იარაღს, თუნდაც არ ჰქონდეს იმედი თვისი სიცოცხლის გადარჩენისა: იარაღს აღმართავს უკიდურეს შემთხვევაში, შურის საძიებლად მანც... რომაელები თვითონ ამტკიცებენ. რომ მათი უპირველესი წინაპარი მგლის ძეძუთი არიან გაზრდილნი. მართლაცდა. მთელ მათ ხალხს, ყოველ რომაელს, აქვს მგლის სული, გაუმძღარი სხვათა სისხლით და სხვათა დაპყრობით, მსუნაგი სიმდიდრისადმი და უნაპიროდ შურიანი სხვათა სიკეთისადმი, მაშ, რომაელებს ომი უნდათ! დე. იყოს ომი! სულ სხვა იქნება ომი ჩვენგან წარმოებული, ვინაიდან არ არსებობს მთელს ქვეყანაზე ცა უფრო მშვენიერი, მიწა უფრო ნაყოფიერი და სიმრავლე მშვენიერი ქალაქებისა, ვიდრე აზიაში. ჩვენ ომის უმეტეს ნაწილს გავატარებთ არა როგორც ლაშქრობაში, არამედ როგორც დღესასწაულში. ძნელია ითქვას, რით იქნება ეს ომი უკეთესი, სიადვილით თუ სარფიანობით. თქვენ გაგიგიათ პერგამოსის ატალიდთა სიმდიდრის ამბავი, ლიდიისა და იონიის საგანძურების ამბავი. ჩვენ მივდივართ ამ საუნჯეთა დასაუფლებლად. მთელი აზია მოუთმენლად ელოდება ჩემს გამოჩენას. ყველგან რომაელთადმი უდიდესი სიძულვილი გააღვივა პროკონსულების



შპარცველობამ, ხარკის ამკრეფთა მხეცობამ და გამუდმებული დავის ამტეხთა უსინდისობამ“.

მითრიდატე ევპატორმა შეტევა განაგრძო.

აქვილიუსის სამარცხვინო მარცხის შემდეგ ლუციუს კასიუსი და ნიკომედე ბითინიელი სასწრაფოდ გადავიდნენ ფრიგიაში და დაბანაკდნენ კარგად გამაგრებულ ლეონტოკეფალიაში. აქ ისინი ახალი ჯარის შეკრებას შეუდგნენ. მალე ყოველგვარი იმედი დაკარგეს, ახლად შეკრებილი ჯარები ისევ დაშალეს და საკუთარი ტყავის გადარჩენაზე დაიწყეს ზრუნვა. კასიუსმა თავი შეაფარა აპამეას, ნიკომედემ — პერგამონს, ხოლო მანიუს აქვილიოტი პერგამონიდან როდოსზე გაიქცა. მერე კასიუსმა გადაინაცვლა როდოსზე, ხოლო აქვილიუსმა — ლესბოსზე.

როცა პროპონტიდამი (მარმარილოს ზღვა) მდგარმა მეზღვაურებმა სახმელეთო არმიების ასეთი მარცხი და სარდლების სამარცხვინო გაქცევის ამბავი შეიტყვეს, ყოველგვარი წინააღმდეგობა უაზროდ ჩათვალეს და მთელი ფლოტი და პონტოს ზღვის გასალეზნი ძლევამოსილ ევპატორს გადასცეს.

ამრიგად, მითრიდატეს ხელში აღმოჩნდა მთელი მცირე აზია: ბითინია, პროკინცია აზია, მიზია, ფრიგია, გალატია, კაპადოკია და უკვე მისად ჰყავდა ჯარები ეგეოსის არქიპელაგზე გადასასხმელად.

მეფე დაუყოვნებლივ შეუდგა ომებისაგან აფორიაქებული მცირე აზიის საქმეთა მოწესრიგებას. მალე მან შემოიერთა ლიკია, პამფილია და ყველა ოლქი იონიამდე. ჯერჯერობით წინააღმდეგობას ეწეოდა მდინარე ლიკოსზე მდებარე ქალაქი ლაოდიკეა. სადაც მცირერიცხოვანი მხედრობითა და დაქირავებული მეომრებით თავს აფარებდა ქვინტუს ოპიუსი. რომელიც ცოტა ხნის წინ სასტიკად დამარცხდა პონტოელთაგან კაპადოკიაში.

მითრიდატემ ლაოდიკეის მცხოვრებლებს გამოუცხადა, რომ მათ ქალაქს არავითარ ვნებას არ მიაყენებს, თუ ისინი იქ შეფარებულ რომაელ სარდალს დაატყვევებენ და მას გადასცემენ. ქალაქის მცხოვრებლებმა გაათავისუფლეს ოპიუსის დაქირავებულნი, ხოლო თვით ოპიუსს დაცინვით წინ ლიქტორები წაუმძღვარეს და ასე დამცირებული მიჰგვარეს მეფეს. ამ ამპარტავან რომაელ სარდალს მოუთხრობდნენ, რომ მითრიდატე დიდხანს ბორკილდადებულს დაატარებდა და ყველას აჩვენებდა ძლეულსა და პატივყარულს.

კიდევ უარესი ბედი ხვდა წილად მანიუს აქვილიუსს. იგი მითრიდატემ შეიპყრო კუნძულ ლესბოსზე. მეფის ბრძანებით, აქვილიუსი სახედარზე უკულმა შესვეს და ისე დაატარებდნენ. თან ყველას მოუთხრობდნენ, რომ ეს იყო მანიუს აქვილიუსი, რომაელი სარდა-

ლი, ომის მთავარი გამჩაღებელი. საშინელი იყო რომაელის აღსას-  
რული: პერგამონში ყოფნისას მითრიდატემ ბრძანა და მანიუს აქვი-  
ლიუსს, რომაელ მთავარსარდალს, ფულზე და ფუფუნებაზე დასარ-  
ბებულ პლუტოკრატს, პირში აღუღებული ოქრო ჩაასხეს (!).

პერგამონში მითრიდატემ თავისი ახალი, დიდი იმპერიის ეკო-  
ნომიური სიმტკიცისათვის ერთიანი ოქროს მონეტების გამოშვება  
დაიწყო.

პერგამონიდან მითრიდატე ჩავიდა მაგნეზიაში, ეფესოში და შემ-  
დეგ ლესბოსზე — მილიტენაში. პონტოელს თითქმის ყველგან გულ-  
თბილად ხვდებოდნენ და სიამოვნებით დგებოდნენ მისი საბრძოლო  
დროშის ქვეშ.

სანამ რომი აღმოსავლეთში გართულებულ მდგომარეობაზე ფიქ-  
რით თავს იმტერედა, მითრიდატემ გადაწყვიტა, აზიაში რომაელთა  
არსებობაც კი სავსებით აღეკვეთა. ის ითვალისწინებდა აზიის მო-  
სახლეობის განუზომელ სიძულვილს რომაელთადმი.

მითრიდატე ეფესოში იყო. აქედან მან ერთ დღეს ბითინიის, კა-  
პადოკიისა და ფრიგიის მმართველებსა და აზიის ქალაქთა უფროსებს.  
დაუგზავნა ბრძანება, რომლის თანახმად, ამ ბრძანების მიღებიდან  
ოცდაათი დღის თავზე უნდა დაეწყოთ აზიაში მცხოვრები ყველა  
რომაელისა და იტალიელის, აგრეთვე, ეგვიპტელი და ებრაელი ვაჭ-  
რების ხოცვა-ჟლეტა. ბრძანება სასტიკად კრძალავდა ყოველგვარ  
შებრალებას. განუჩიევლად და განუკითხავად უნდა დაეხოცათ მო-  
ხუცი, ბავშვი, კაცი თუ ქალი. სიკვდილი ელოდა ყველას, ვინც შე-  
ეცდებოდა რაიმე დახმარება აღმოეჩინა განწირულთათვის. სიკვდილს  
ვერც ასცდებოდა ისიც, ვინც სიკვდილმისჯილს მ-წას მიაბარებდა.  
მონები, რომლებიც თავიანთ ბატონებს დააბეზლებდნენ, თავისუფ-  
ლებას ლებულობდნენ. ვალისაგან თავისუფლდებოდა ყველა. ვინც  
კი თავის რომაელ კრედიტორს სიკვდილს შეჰყრიდა. ცხადდებოდა  
განწირულთა მთელი ქონების კონფისკაცია და გაყოფა მეფესა და  
მკვლელთა შორის.

ასეთ ბრძანებას საზარელი ხოცვა-ჟლეტა მოჰყვა. ეფესოს ედიქ-  
ტში აღნიშნულ დღეს აზიაში 80 000 უცხოელი — რომაელები, იტა-  
ლიელები, ეგვიპტელები, ებრაელები — გაიჟლიტა.

ძნელი ხდება, რაიმე გამართლება მოეძებნოს იმ საშინელ სის-  
ხლისღვრას, რასაც წყაროები მოგვითხრობენ აზიაში მომხდარი ამ-  
ბების აღწერისას. რა თქმა უნდა, არ შეიძლებოდა მარტო მითრიდა-  
ტეს სასტიკ ნება-სურვილს მოჰყოლოდა ასეთი შემაზრზენი ამბები.  
როგორც კი გავიხსენებთ იმ უსასტიკეს ექსპლოატაციასა და თავ-  
გასულ ძალმომრეობას, რასაც რომაელები აღმოსავლეთში ეწეოდ-

ნენ, მაშინ ცხადი ხდება, რას უნდა გამოეწვია ეს მძიმე ტრაგედია. ამის მთავარი მიზეზი სწორედ საშინელი ეკონომიური და სულიერი ჩაგვრიდან გამომდინარე სიძულვილი იყო დასავლეთელი დამპყრობლების მიმართ. სწორედ ამ მძულვარების გამო საკმარისი გახდა მხოლოდ ერთი ნიშანი, რომ სასტიკი მოძალადეების წინააღმდეგ ამდენი ხნის დაგუბებული ბოღმა სისხლიან შურისგებად გადმოღვრილიყო. ეს ნიშანი მათ პონტოს მეფემ მისცათ. იგივე პონტოელი ხელმწიფე აზიელმა ხალხებმა თავიანთ მსხნელად და ახალ დიონისედ მიიჩნიეს. მისი მოწოდება აზიაში მოსული „მგლის შთამომავალი და სისხლით გაუმძღარი მგლის მადის მქონე რომაელთა“ წინააღმდეგ დაუნდობელი ბრძოლა იყო.

მითრიდატეს ტრიუმფალურ შეტევებს და მის საბრძოლო მოწოდებებს თან სდევდა დიდი საზოგადოებრივი მოძრაობანი. უკვე ითქვა, რომ მონა, რომელიც დაუნდობელი იქნებოდა თავისი ბატონისადმი. მონის ბორკილს იხსნიდა: მოვალე ვალისაგან თავისუფლებოდა. მითრიდატემ აზიის მოსახლეობა ხუთი წლის გადასახადისაგან გაათავისუფლა. ეტყობა, მან ალღო აუღო იმ დაძაბულ მდგომარეობას, რაც მდიდარ ექსპლოატატორებსა და დაჩაგრულ სოციალურ ფენებს შორის არსებობდა.

ერთი სიტყვით, მითრიდატემ თავისი ძალაუფლების გასაგრძელებლად და სახელ-დიდების ასამაღლებლად კარგად გამოიყენა ის მარადიული მტრობა და სიძულვილი, რაიც ასევე მარადიულად არსებობს მდიდარსა და ღარიბს შორის, მქონებელსა და უქონელს შორის, მჩაგვრელსა და ჩაგრულს შორის.

მითრიდატე არ დაკმაყოფილდა აზიიდან რომაელების განდევნითა და განადგურებით. იგი შეუდგა ჯარების გადასხმას ეგეოსის კუნძულებზე. სამეფო რეზიდენცია სინოპიდან პერგამონში გადაიტანა და უშუალოდ დაუახლოვდა საომარ ასპარეზს. აქედან იგი პირადად ხელმძღვანელობდა ლაშქრობებს.

ეგეოსის ბევრი კუნძული და ქალაქი ევპატორს უბრძოლველად წებდებოდა. მრავალი მათგანი ზეიმითა და დღესასწაულით უღებდა კარიბჭეებს. ჯერჯერობით მითრიდატეს უძკლავდებოდა მხოლოდ როდოსი, რომელიც აზიიდან გაქცეული რომაელების თავშესაფარ ციხესიმაგრედ ქცეულიყო.

მითრიდატემ როდოსის წინააღმდეგ ბრძოლის ხელმძღვანელობა თავის სარდალს, პელოპიდეს ჩააბარა, ხოლო არქელაოსი ძლიერა საზღვაო ფლოტითა და დიდი სახმელეთო არმიით ბალკანეთისაკენ ვაგზავნა. თვითონ მეფე ახალ ჯარებს კრებდა და წვრთნიდა.

არქელაოსმა ბალკანეთზე გადასვლამდე კუნძული დელოსი აიღო

და 20 000 ადამიანი ამოყლიტა. უმრავლესობა იტალიელები. მან დელოსი ათენს უბოძა და ამით საბერძნეთის მთავარი ქალაქის მოკავშირეობა მოიპოვა.

მაგრამ მითრიდატესთვის არც ეს კმაროდა. მას როგორღე უნდა მოეხერხებინა და საბერძნეთის შუაგულში, ათენში, თავისი კოხიონი ჰყოლოდა. ამ განზრახვის შესასრულებლად უხეში მახვილის გამოყენებას ათენის. ამ „მსოფლიო აკადემიის“ მიმართ, ცუდი ზირი უჩანდა. მართალია, საბერძნეთსაც დიდი ხანია მძიმედ აწვებოდა რომაული ჩაგვრის უღელი, მაგრამ ბერძნებმა თავისი ტრაგიკული ისტორიის გაკვეთილებით ძალიან კარგად იცოდნენ, რასაც ნაშნავდა უცხოურ უღელთა ცვალებადობა!

ამიტომ არქელაოსმა ხერხს მიმართა.

მასთან ამ დროს იმყოფებოდა ეპიკურეული ფილოსოფიის მასწავლებელი, ათენელი არისტოინი. რომელსაც მითრიდატესთან დიდი მეგობრობა ჰქონდა. არქელაოსმა ლესბოსში ნაალაფევი საღვთო ოქრო-ვერცხლი არისტოინს გადასცა ათენის ხაზინაში შესატანად. თან ამ განძის „დასაცავად“ ორი ათასი მეომარიც გააყოლა. არისტოინი ათენში მივიდა და ხალხს რომაელთა წინააღმდეგ ბრძოლა და მითრიდატეს მხარეზე გადასვლა მოუწოდა. ათენელებმა მდგომარეობა „დროის ლოგიკით“ შეაფასეს: არისტოინი ჯარით იყო მოსული. რომაული უღელი კი მეტისმეტად მძიმე იყო და აუტანელი; მითრიდატე უფრო „ნაკლები ბოროტება“ ჩანდა, მით უფრო. რომ იგი ჰელანური კულტურის დაცვისა და გათავისუფლების დროშით იბრძოდა.

ხალხის უმრავლესობამ მითრიდატეს ძალაუფლებას მხარი დაუჭირა. არისტოინმა რომაელების მომხრე არისტოკრატია ადვილად გაანადგურა; ზოგი ამოხოცა, ზოგიც მითრიდატეს გაუგზავნა საბოლოო განჩინების გამოსატანად. ათენში არისტოინის „ტირანია“ დამყარდა. რომელიც პონტოს მეფის უმაღლეს ხელისუფლებას ემორჩილებოდა.

არქელაოსის გამოჩენისთანავე საბერძნეთის ქალაქებისა და ოლქების უმრავლესობა აგრეთვე მითრიდატეს დაემორჩილა. მთელი პელოპონესი, მრისხანე სპარტელებიც კი, მითრიდატეს მხარეზე დადგნენ. არქელაოსმა შეიერთა მთელი ბეოტიაც.

არქელაოსის ლაშქარს მითრიდატემ ძლიერი ფლოტი და ჯარი გააყოლა მიტროფანეს სარდლობით. მიტროფანე მიაღდა კუნძულ ევბეას, დიდ ქალაქებს, — დემეტრიადას და მაგნეზიას, — და ურჩობისათვის მათ დარბევას შეუდგა, მაგრამ მიტროფანეს წინსვლას გადაეღობა მაკედონიიდან სწრაფად მომავალი მამაცი სარდალი ბრუ-

ტიუს სურა. მან შეძლო მიტროფანეს დამარცხება და მყისვე მიუბრუნდა ბეოტიაში მდგარ არქელაოსს. ქალაქ ქერონეასთან სამდღიანი ბრძოლა უშედეგოდ დამთავრდა. მერე პონტოელ სარდალს აქელები და სპარტელები მოეშველნენ და ბრუტიუსმა ველარ გაბედა ბრძოლის გაგრძელება. იგი პირვეისისაკენ გაეშურა, მაგრამ არქელაოსმა აქაც დაასწრო და პირვესი თვითონ დაიკავა.

ამასობაში მიტროფანემ დაიკავა ამასტრავა, ქალკიდა და მთელი ეგებია.

ამავე ხანებში მითრიდატეს მემკვიდრე არიარათე თრაკიიდან შეიჭრა მაკედონიაში, დაიპყრო და დაანაწილა პონტოს ქვეშევრდომ ოლქებად.

ამგვარად, 87 წლის დასაწყისში პონტოს მეფის ძალაუფლებას ემორჩილებოდა ყველა რომაული სამფლობელო აღმოსავლეთში. მის ხელში იყო მთელი მცირე აზია, მაკედონიის უდიდესი ნაწილი და საბერძნეთი ეპირის გამოკლებით. სიცილიიდან მცირე აზიის სანაპირომდე ხმელთაშუა ზღვის სრული ბატონ-პატრონი პონტოს ფლოტი იყო.

ასე, ერთი ძლიერი დარტყმით ქრებოდა რომაული ბატონობის ვარსკვლავი აღმოსავლეთში. ახლა თვით იტალიის მახლობლად ჩამოწვა საშიში ქარიშხლის, რომაული ექსპანსიის საპასუხოდ „აღმოსავლურ-პონტოური ექსპანსიის“ მომასწავებელი ღრუბელი.

რომი კარგავდა თავისი მსოფლიო სამბრძანებლოს აღმოსავლეთ ნახევარს, ე. ი. იმ ნაწილს, რომლის დაპყრობის შემდეგ ეწოდა მას მსოფლიო სახელმწიფო, რომლის დაუფლებითაც შექმნა მან თავისი ყოვლისმომცველი სისტემა. მისთვის დამახასიათებელი სოციალურ-ეკონომიური და სოციალურ-პოლიტიკური ცხოვრებით.

ეჭვი არ არის, რომ ამ დღე. აონანულად გრანდიოზულ აღმოსავლურ-პონტოურ საფრთხეს რომში დიდი საზოგადოებრივი და პოლიტიკური ძვრები უნდა გამოეწვია.

## თავი მეექვსე

### „საპრიზო ბრძოლა“

#### 1. „საპრიზო ბრძოლის“ წინაღვე

ეს დიდი აღმოსავლურ-პონტოური მოვლენა გახდა ბიძგის მიმცემი ახალი დიდი სოციალურ-პოლიტიკურ სულთა ბრძოლისა და ვნებათა ქიდილისა რომში. რომაელთა სამოქალაქო ომის ამ ახალ ეტაპს ეწოდება ბრძოლები მარიუსისა და სულას მიმდევართა, ანუ მარიუსელთა და სულანელთა შორის. საზოგადოებრივი ქიდილის ამ საფეხურის სიახლე იმაში მდგომარეობს, რომ რომაელი სარდლები პირველად ეომებიან ერთმანეთს თავიანთი არმიებით, ნამდვილი საომარი წესებით, ტიპური „სტრატეგიითა“ და „ტაქტიკით“, და ამ ბრძოლაში მათი სამშობლო რომი პრიზის როლს ასრულებს. ამ უცნაური პრიზისათვის, მშობელი ქალაქის აღებისა და დაპყრობისთვის იწყებენ ომებს თვით ამ ქალაქის იარაღსხმული ღვიძლი შვილები.

ეს იყო პირდაპირი შედეგი მარიუსის სამხედრო რეფორმისა, რომელმაც რომაული სამოქალაქო ლაშქარი პროფესიონალური არმიით შეცვალა. რომში მსხვილმა საპლანტაციო-ლატიფუნდიალურმა მეურნეობამ აგრეკოლა-მეომართა რიცხვი შეამცირა, მარიუსმაც არმიების დაკომპლექტება პროლეტარებითა და პროვინციელებით დაიწყო. ბუნებრივია, არმიას თითქმის აღარავითარი კავშირი აღარ უნდა ჰქონოდა „მშობლიური რესპუბლიკის“ ინტერესებთან. პირიქით, იგი თვითონ გახდა იარაღი „რესპუბლიკის“ დამხობისა. როცა ლეგიონებში სამსახური პროფესიად იქცა, „რომაელი ხალხი“ და „რომაული სამხედრო ძალა“ ერთ ცნებას აღარ წარმოადგენდა.

დადგა დრო, როცა არმიები იწყებენ „რესპუბლიკის“ შეცვლას „იმპერიით“, სახელმწიფო ცხოვრების ცენტრი კურიიდან სამხედრო ბანაკში გადავიდა. ამიერიდან რომში ნამდვილ, რეალურ ძალად იქცა პროფესიონალი ლეგიონერი, რომელიც მხოლოდ და მხოლოდ თავისი სარდლის ხელისუფლებას ცნობს. ამიერიდან „უსამშობლო“ ჯარისკაცისთვის („უსამშობლო“ იმიტომ, რომ მისი სამშობლო არის მისი სარდალი) უცხო ხდება ტრადიციული საომარი მოწოდება: „კერიისა და საკურთხევისათვის!“. ამიერიდან იგი ცნობს მხოლოდ სარდალს, რომელიც მას მისცემს ფულს, საჩუქრებს, ჯილდოს, ნადავლსა და მიწას.

ამიერიდან მეომრად ქცეული პროლეტარი (რომელსაც მსხვილ მიწათმეურნეობასთან მეტოქეობაში საკუთარი მიწის ნაკვეთი დაუქარგავს) საარსებო და საფუფუნებო ქონების მოსაპოვებლად ყველაფერს გააკეთებს მთავარსარდლისთვის, imperator-ისთვის, თუნდაც ამ უკანასკნელის კაპრიზებს მსხვერპლად შეეწიროს „მშობლიური რომი“.

სენატს ყოველთვის ესმოდა, რომ თავისი ბატონობის შესანარჩუნებლად როგორმე უნდა დაეთრგუნა ინდივიდუალიზმი, მაგრამ მარიუსის რეფორმამ არმია სენატს გამოსტაცა და სწორედ ინდივიდუუმებს მისცა ხელთ.

ამიერიდან რესპუბლიკას აღარ ჰყავს ჯარი, რადგან ის უკვე ეკუთვნის მხოლოდ ცალკეულ მარიუსებს, სულებს, პომპეუსებს, კეისრებს.

ამიერიდან ინდივიდუუმ-იმპერატორებს შეუძლიათ, ომის ნააღფევით გაერთგულებულ არმიაზე დაყრდნობით, სენატს ხელიდან გამოჰგლიჯონ სახელმწიფოს მართვა-გამგეობის სადავეები. მათ შეუძლიათ, რესპუბლიკური კონსტიტუციით ნაკურთხი ექვსთვიანი „დიქტატურა“ სამუდამო ერთპიროვნულ „ტირანიად“ აქციონ.

იწყება ბრძოლა ინდივიდუუმ „ტირანთა“ შორის უბრწყინვალესი „პრიზისათვის“ — რომის უმაღლესი ხელისუფლების დაპატრონებისათვის. ამ უცნაური „საპრიზო ბრძოლის“ უპირველესი გმირები შეიქნენ გაიუს მარიუსი და ლუციუს კორნელიუს სულა; ისევ ისინი, რომის დიდი გმირნი, „ლაზათნი და სამკაულნი საუკუნისათვისისა“.

საიმპერატორო ხელისუფლებისათვის ბრძოლის ისტორიის ეს პირველი სისხლიანი ფურცელი, რომელიც მარიუსმა და სულამ მახვილითა ჯვარედინით გადაშალეს, სწორედ აღმოსავლეთის გამძაფრებულ სიტუაციას დაუკავშირდა.

რომში დაისვა დროის უმნიშვნელოვანესი საკითხები:

ვინ იქნება ის, ვინც დაუბრუნებს „მსოფლიო ქალაქს“ ასე ხელი-  
ეროპირად დაკარგულ აღმოსავლეთს?

ვინ იქნება მთავარსარდალი, რომელმაც უნდა აღადგინოს „მა-  
რადიული ქალაქის“ მსოფლიო მბრძანებლობის სისტემა?

ვის ძალუძს, კვლავ ჩართოს რომაული ეკონომიკის საბრუნავში  
აწ მოკვეთილი, სისხლჭარბი აღმოსავლური არტერიები?

ვის შეუძლია, კვლავ დაუბრუნოს დიდებამოსილება აზიელი  
მბრძანებლისაგან შერცხვენილ და გაწბილებულ რომაულ მახვილს?

ვის აქვს პატივი, ბრძოლაში შეხვდეს დიდ მითრიდატეს, „აღ-  
მოსავლეთის ჰანიბალს“?

რომში ბევრი პოლიტიკური მოღვაწე სურვილობდა, სათავეში  
მოქცეოდა ამ ურთულესი და, იმავე დროს, უაღრესად მომხიბლავი  
მისიის აღსრულებას. ყოველი საშუალებით ცდილობდნენ, ხალხის  
მხარდაჭერა ეპოვათ ამ საოცნებო სურვილის ხორცშესხმისათვის.

და, აჰა, კვლავ ამოიმართა გაიუს მარიუსი. ისევ გაულიმა ომის  
ღვთაებამ დაუქმებულ და დაქანგულ იარაღს. „რომის მესამე დამა-  
არსებელმა“ კვლავ მოაგონა ქვეყანას თავისი ღვაწლი სამშობლო-  
სადმი. მან გადაარჩინა რომი „სამხრეთული და ჩრდილოური  
საფრთხეებისაგან“; ახლა ასევე წარმატებით შეძლებს იგი, მოსპოს  
„აღმოსავლური საფრთხე“, ხელში აიტაცოს პონტოელთაგან მო-  
თხრილი სასაზღვრო სამანები და მძლავრი ხელით დაარქოს ისინი  
წინა აზიის შიგ შუაგულში.

სამოცდაშვიდი წლის მოხუცი, პატივისა და დიდებისმოყვარე-  
ობისაგან ჰკუადაკარგული, თავს არ იზოგავდა, მტერ-მოყვარისთვის  
ეჩვენებინა, რომ მის ბებერ ძარღვებში ახალგაზრდული სისხლი  
ჯერ არ გამშრალა და არც მის სამხედრო გენიას შეჰპარვია ჩრჩილი  
ლპობისა. არავის ამჩნევენებდა, როგორ ჰამდა რევემატიზმი მის  
სახსრებს, როგორ უჭირდა ტარება მის ვენაგაგანიერებულ ფეხებს  
სიმსუქნით დატვირთული ზორბა სხეულისა.

ერთ ღღეს დასტაქარი დაისვა და ნეკრესის ქარებით დასახიჩ-  
რებული ფეხები საოპერაციოდ წინ დაულაგა. არც ხელების შეკ-  
ვრა დასჭირვებია, არც კენესა წასცდენია, არც წარბი შესკმუხვნია  
და არც სახეზე ფერი შესცვლია, ისე მოითმინა ერთ ბარძაყზე ხორ-  
ცთა და ძარღვთა ფლეთა. მაგრამ როცა აქიმმა დანა მეორე ბარძაყ-  
საც დაადო, მარიუსმა ხელი გაუკრა და მწარე სიცილით თქვა:

„არა მგონია, განკურნება ამდენ ტკივილად ღირდეს!“

მერე კამპანიიში გაემგზავრა და იქ, ნეაპოლის მახლობლად,  
ცნობილ აგარაკზე, ბაიაში, გოგირდის ცხელი აბაზანებით „იახალ-  
გაზრდავებდა“ და იშუშებდა ქარებით განაწამებ სხეულს.



რომში დაბრუნების შემდეგ იგი ყოველდღე მიდიოდა მარსის ელზე, გაერეოდა ახალგაზრდებში და ეჭიბრებოდა მათ საომარ-საწვრთნელ ასპარეზობაში; ცდილობდა ყველა დაერწმუნებინა, რომ ჯერ კიდევ თავისუფლად, ახალგაზრდული სივრცეებით შექმნილი ფარისა და მახვილის ქნევა, უნაგირზე მსუბუქად ჯდომა. მას დას-ცინოდნენ „უგვანო, ბებრული ტუნდრუკისათვის“. ძრახავდნენ, რომ მას, ერთ დროს სავსებით უქონელს და ახლა უზომოდ გამდიდრე-ბულს, ერთ დროს აჩარაობას და ახლა უდიადესი და უბრწყინვა-ლესი გვირგვინებით შემკულს, მოპოვებული მიღწევებით დატკობა ვერ უსწავლია. იგი მიილტვოდა ახალ-ახალი სახელ-დიდებისა და სიმდიდრეებისკენ, რომელიც მას ევქსინის პონტოს ნაპირებზე ეგულებოდა. არავის სჯეროდა მისი თავის მართლება, თითქოს აღ-მოსავლურ ომში მთავარსარდლობა მხოლოდ იმეტომ სჭირდებოდა, რომ თავისი ვაჟი გამოეწრთო საომარ ცეცხლში. გულში იმედი ჰქონდა, რომაელები მხოლოდ და მხოლოდ მას მიანდობდნენ მით-რიდატე პონტოელის წინააღმდეგ ომის მთავარსარდლობას.

მაგრამ პონტოური სიმდიდრეებისა და აღმოსავლური სახელ-დიდების მოპოვებისთვის ბრძოლაში გაიუს მარიუსის პარსპირ კვლავ აღიმართა მისი „ბედისწერა“ — ლუციუს კორნელიუს სულა.

სანამ მარიუსი დაძაბუნებულ სხეულს ბაიას ცხელი აბანანით „იხალგაზრდავებდა“, მისმა მეტოქემ მიაღწია თავის საწადელს. 88 წელს კონსულებად გავიდნენ ლუციუს კორნელიუს სულა და კვინ-ტუს პომპეუს რუფუსი.

სულა გახდა მთავარსარდალი ახალი აღმოსავლური ლაშქრობი-სა. კამპანიის ქალაქ ნოლაში მას ელოდებოდა ექვსი ლეგიონი მით-რიდატეს წინააღმდეგ სალაშქროდ.

მაგრამ მარიუსმა არ დაუთმო აღმოსავლური ოქროს კვერთხი. მან დაიწყო მოკავშირის ძებნა არისტოკრატიისა და მისი სასტიკი თავკაცის წინააღმდეგ საბრძოლველად მათი სამუდამოდ განადგუ-რების მიზნით.

## 2. მარიუსის ახალი ნოკაპვირა

სწორედ ამ დღეებში მრავალი ხლართით დახვანჯულ პოლიტი-კურ ასპარეზზე მტკიცე და განიერი ნაბიჯით შემოდის სახალხო ტრიბუნი პუბლიუს სულპიცეუს რუფუსი, დრუზუსის მსგავსად წარ-ჩინებული და მდიდარი, ნიჭიერი და გაბედული. რომაელ ხალხს ხიბლავდა მისი ორატორული მგზნებარება, ზახიანი ხმა და თეატრა-ლური ექსტიკულაცია.

პირველ ხანებში სულბიციუსი წინააღმდეგი იყო ყოველგვარი ახლის შეტანისა „რესპუბლიკურ კონსტიტუციაში“. იგი ებრძოდა გაიუს იულიუს კეისარს, რადგან მას სურდა დაერღვია კანონი, რომელიც კონსულად გასვლამდე პრეტორობის გავლის აუცილებლობას გულისხმობდა. კეისარს, რომელსაც ჯერ პრეტორობის მაგისტრატურა არ გაეწეო, უნდოდა კონსულობა და მთავარსარდლობა მიეღო მითრიდატეს წინააღმდეგ ომში. სულბიციუსი დარწმუნდა, რომ საჭირო იყო კეისარის მსგავს არისტოკრატთა და სენატორთა ეგოიზმის განადგურება. მან გადაწყვიტა, გაეწმინდა სენატი და შეევესო იგი პატიოსანი და ჭეშმარიტად პატრიოტი მოღვაწეებით.

სულბიციუსმა წამოაყენა კანონპროექტი, რომლის ძალით სენატიდან უნდა გარიცხულიყო ყველა სენატორი, ვისაც ვალი ჰქონდა აღებული 2 000 დენარიუსზე (დაახლ. 600 მან.) მეტი რაოდენობით. კანონპროექტის მეორე მუხლი ამნისტიას უცხადებდა ყველა რომაელს, რომელიც სამშობლოდან განიდეგნა „მოკავშირეთა ომის“ დროს.

ვალში ჩავარდნილი სენატორები სენატიდან გარიცხვის საფრთხის წინაშე დადგნენ, ხოლო მდიდარი სენატორები მათზე დამოკიდებულ და მათგან დავალიანებულ კოლეგათა ხმებს კარგავდნენ. ამიტომ არისტოკრატია იულიუსების გავლენიანი გვარის მეთაურობით ფეხზე დადგა სულბიციუსის გასანადგურებლად.

არისტოკრატიის საქციელით გააფთრებული სულბიციუსი შეუკავშირდა მისი კავშირის მაძიებელს. მარიუსთან კავშირში სულბიციუსი ერთბაშად გრაკხუსების ეპიგონად გადაიქცა. მან მოისურვა სენატის უგულვებელყოფითა და გვერდის ავლით მთელი ძალაუფლება გადაეცა სახალხო კრებისათვის. მარიუსის რჩევით, სულბიციუსმა თავის კანონპროექტს მიუმატა კიდევ ახალი პუნქტი, რომლის მიხედვით, იტალიკი მოქალაქენი და გააზატებული მონები ნაწილდებოდნენ ყველა 35 ტრიბაზე. ეს იმას ნიშნავდა, რომ მარიუსსა და სულბიციუსს სახალხო კრებაზე მუდამ ექნებოდათ ხმის აბსოლუტური უმრავლესობა.

სენატი და არისტოკრატიული ოლიგარქია კიდევ უფრო მეტად გააცოფა და საომრად განაწყო „ახალი გრაკხუსის“ ახალმა განზრახვამ. კონსულებმა, სულამ და პომპეუსმა ხანგრძლივი რელიგიური დღესასწაულები და მისტერიები გამოაცხადეს, რომელთა დროს აკრძალული იყო კომიციების მოწვევა. მაშინ სულბიციუსი სავსებით ჯადავიდა დემოკრატთა მხარეზე და მტკიცედ დადგა მარიუსის ჯვერდით. ტრიბუნი გაემზადა ყოველგვარი საფრთხის აღსაკვეთად. მის მოწოდებაზე მუდამ მზად იყო 3 000 დაქირავებული მეო-

მარი. მას განუყრელად თან ახლდა 600 ახალგაზრდა კაცისაგან შემდგარი ამაღლა, რომელსაც იგი „ანტიენატს“ უწოდებდა.

სულპიციუსს რუფუსმა მოიწვია სახალხო კრება და მოითხოვა კონსულთაგან გამოცხადებული რელიგიური დღესასწაულების გაუქმება.

რომის ფორუმზე ოპტიმატებსა და პოპულარებს შორის ხელჩართული ხოცვა-ჟლეტა გაჩაღდა. სულპიციუსმა და მისმა მომხრეებმა გაიმარჯვეს. ბრძოლაში დაიღუპა ახალგაზრდა კვინტუს პომპეუსი, რომელიც ერთი კონსულის (პომპეუსს რუფუსის) შვილი იყო, ხოლო მეორე კონსულისა (კორნელიუს სულასი) — სიძე.

თვითონ სულა ძლივს გადაურჩა სიკვდილს. მას მოსაკლავად მოსდევდნენ. ლტოლვილმა მარიუსის სახლს მიაღწია და ანგარიშშიუცემლად შიგ შევარდა.

აი, ერთადერთი შემთხვევა, როცა გაიუს მარიუსს ხელთ ჩაუვარდა მისი „ბედისწერა“!

და მან გაუშვა, — საიღუმლო კარით გაატარა და გადაარჩინა მოსისხლე მტერი!

უეჭველი სიკვდილის ბუნაგიდან თავდახსნილი „ლომ-მელა“ ერთბაშად მოეგო გონს. გული გაიკაჟა, მუხლი და მკლავი განიმტკიცა და პირდაპირ გაემართა ნოლასაკენ, სადაც მას, ვითარცა კონსულსა და მთავარსარდალს, ექვსი ლეგიონი ელოდებოდა აღმოსავლეთში გასამგზავრებლად.

მარიუსი კი გვიან მოეგო გონს. იგი მიხვდა, რომ დაუშვა საბედისწერო შეცდომა, და ახლა შეეცადა მის გამოსწორებას.

სახალხო კრებამ უკვე მიიღო სულპიციუსის კანონმდებლობა, მაგრამ ძნელი იყო მისი შენარჩუნება, მით უფრო, რომ სულა საომრად გამზადებული ლეგიონებისაკენ მიჰქროდა. საჭირო იყო ძალზე სწრაფი მოქმედება. მარიუსი და სულპიციუსი კიდევ უფრო მტკიცედ შეეკვრნენ ერთმანეთს. სულპიციუსმა სახალხო კრებაზე გამოიტანა ახალი პროექტი აღმოსავლეთის ომის მთავარსარდალობიდან სულას გადაყენებისა და მის ნაცვლად მარიუსის დანიშვნის შესახებ.

ეს დადგენილებაც მიღებულ იქნა. სულპიციუსმა სასწრაფოდ აფრინა ნოლაში სამხედრო ტრიბუნები, რომელთაც ლეგიონები უნდა გადაეცათ ახლად დანიშნული მთავარსარდალისათვის.

მაგრამ ისევ მოასწრო „ფელიციტას“ (ბედნიერება) კუმირმა.

ლუციუს კორნელიუს სულამ სახელმწიფოს ბედი თავის სიცოცხლესთან ერთად შეაგდო ყოფნა-არყოფნის სასწორზე, ოღონდ კი მოპირდაპირეთვის არ დაეთმო „ტახტი აღმოსავლეთისა“. მან გა-

დაწვევითა, ომის, იარაღის ძალით გადაეჭრა საკითხი. ცბიერმა დიპლომატმა ყველაზე მგრძობიარე ნერვი გაუღიზიანა მძარცველობისთვის წვიპზე შემდგარ ლეგიონებს. მან არმიას გააცნო რომში დატრიალებული ამბები, უთხრა, რომ სულა გადაყენებულია თავხედი სულპიცისა და მარიუსისაგან; მის მაგივრად მთავარსარდლად დანიშნულია მარიუსი, რომელიც აღმოსავლეთში სალაშქროდ, რასაკვირველია, სულ სხვა, თავისი ვეტერანებისაგან შედგენილ არმიას წაიყვანს.

ეს მოკლე განცხადება სავსებით საკმარისი შეიქნა იმისათვის, რომ რომის პოლიტიკური და საზოგადოებრივი ისტორია ერთბაშად ახალ, კვლავ უპრეცედენტო გზას დასდგომოდა. არმია, რომელიც სულას დემაგოგიამდეც მოუთმენლად მიისწრაფოდა შემოსავლის დიდი წყაროსკენ — მითრიდატეს წინააღმდეგ სალაშქროდ, — დაწმენილი იყო, მარიუსის სხვა არმიას წაიყვანდა აღმოსავლეთში გასამდიდრებლად.

და ერთბაშად გამჟღავნდა ის, რასაც თავისი რეფორმით საფუძველი დაუდო თვით გაიუს მარიუსმა:

არმიამ რომის სამხედრო პოლიტიკურ ისტორიაში პირველად აღიმალა ხმა, როგორც ყოველგვარი სახელმწიფოსაგან (მათ შორის მშობლიურისაგან) დამოუკიდებელმა დიდმა სოციალურმა ძალამ.

სულამაც დაინახა ის, რის დანახვაც მას ასე სწყუროდა:

ექვსი რომაული ლეგიონი სულ ერთიანად მისი ორეულებისაგან შედგებოდა; მას თვალში შესცქეროდა 35 000 პატარა სულა, მძარცველობისა და გამდიდრების დაუოკებელი წყურვილით სისხლამღვრელი. ისინი სიკვდილ-სიცოცხლის ფასადაც არავის დაუთმობდნენ მდიდარ საძარცვავ ასპარეზს. მათი სურვილი იყო, დაუყოვნებლივ გაენადგურებინათ ყველა და ყველაფერი, ვინც და რაც წინ ეღობებოდა მათს ლაშქრობას აღმოსავლეთში.

მაშ, პირველი საფრთხე ელოდა თვითონ გაიუს მარიუსს, ვინც მორჩილი აგრიკოლა-მოლაშქრე გულქვა და გულხარბი პროფესიონალი ლეგიონერთი შეცვალა.

მაგრამ ჯარისკაცები მარიუსის დასჯით როდი იწყებენ. ისინი უფრო დიდი, მანამდე ხელშეუხებელი, გრანდიოზული კერპის ხელისუფლებას მოითხოვენ.

ეს კერპი არის თვითონ რომი, მშობლიური ქალაქი!

ის იყო, სულამ თავისი მოკლე სიტყვა დაამთავრა და 35 000 ჯარისკაცმა ერთხმად, იარაღის ზრიალით შეპლრიალა:

„წაგვიყვანე, სარდალო, რომზე! გაბედულად წაგვიყვანე! რომზე, რომზე საიერიშოდ!“

მამასადამე, რომაელებმა იარაღი აღმართეს რომზე, რასაც ვერ ბედავდა რომის მტერთაგან უსაშინლესი ჰანიბალიც კი.

სულას გავეშებულმა ჯარისკაცებმა დაიწყეს იმით, რომ იქვე, ნოლაში, დახოცეს მარიუსისა და სულაციუსის მოციქული სამხედრო ტრიბუნები.

„მაშ, რომზე?!“

და ლუციუს კორნელიუს სულამ ღაძრა ლეგიონები რომისაკენ. რომაული ლაშქარი პირველად მიდის მშობლიურ მიწაზე, ვითარცა მტრის მიწაზე. ამიერიდან რომი საომარ ასპარეზად უნდა იქცეს სარდლობისა და მათი არმიებისაგან.

ამგვარად, აღმოსავლურ-პონტოურმა საკითხმა რომის ისტორიაში სრულიად ახალი ფურცლები გადაშალა: ეს იყო ბრძოლა ერთ-პიროვნული დიქტატურის\* დამყარებისათვის რომში; ბრძოლა მონათმფლობელურ-რესპუბლიკურ ხელისუფლებასა და მონარქიულიმპერატორულ ტენდენციებს შორის.

მაშ, სულა რომში მოდის, ვითარცა მტერი „აზრითაც და საქმითაც“.

ჩვენც მივდივით ფეხდაფეხ რომის წინააღმდეგ მოლაშქრე პირველ რომაელებს.

### 3. მგელთა გუნაგი მგლებივსაგან აღეგულია!

ლუციუს კორნელიუს სულა ლეგიონებით მიემართება რომისაკენ. მას ოდნავაც არ აფიქრებს მისი გაუგონარი გადაწყვეტილებით შეძრწუნებული ზოგიერთი სამხედრო მეთაურის გაქცევა. იგი მიდის უჩიათი ნაბიჯით, ჯაგარმოსილი გულითა და ანგარიშიანი გონებით, რადგან იცის, უკან მოსდევს მისივე მსგავსი მრავალი ათასი „სულანელი“.

აი, გამოჩნდნენ შიკრიკები, რომელთაც სენატისაგან მოაქვთ შიშით აღსავსე შეკითხვა:

„რა სურს და რას აპირებს სულა?“

„კონსული და მთავარსარდალი ლუციუს კორნელიუს სულა მიეშურება რომში, რათა დაამხოს ტირანია!“ — იყო სუსხიანი პასუხი.

იგივე პასუხი მიიღო კვლავ სამგზის გამოცხადებულმა ელჩობამ.

ბოლოს გამოჩნდა მეორე კონსული, კვინტუს პომპეუს რუფუსი თავისიანთა თანხლებით, მაგრამ სამტროდ, თუ სამოყვროდ?

სამოყვროდ და სამეგობროდ მოვიდა, კოლეგას გადაწყვეტილება მოუწონა და მხარში ამოუდგა.

რომს საშინელი, სულისშემხუთველი ატმოსფერო დააწვა.

მარიუსი და სულპიციუსი ემზადებოდნენ, მაგრამ ამ უჩვეულო ფათერაკის აცილებისათვის სამზადისი პანიკასა და ისტერიას დაეპყრო. მათ დროის მოგება სჭირდებოდათ და ამიტომ ელჩები გაუგზავნეს სულას და სთხოვეს, არ მოახლოებოდა რომს ორმოცი სტადიუმის მანძილზე, სანამ სენატი არ განიხილავდა შექმნილ მდგომარეობას.

სულა როგორი სულა იქნებოდა, მტრის ასეთ „დიპლომატურ ხუმრობას“ ვერ მიმხვდარყო. მაგრამ როდი შეიმჩნია, მან „მოიწონა“ მოწინააღმდეგეთაგან შემოთავაზებული წინადადება და როგორც კი დაიმედებული ელჩები თვალს მიეფარნენ, კვლავ განაგრძო რომისკენ სვლა.

რომაელები გაშიშვლებული მახვილით მიადგნენ რომს. სულამ ერთი ლეგიონი მიაყენა ესკვილინუმის კარს, მეორე, პომპეუსის სარდლობით, — კოლინის კარს, მესამე ხის ხიდთან განალაგა, მეოთხე თადარიგში ჩააყენა. დანარჩენი ორი ლეგიონით სულამ გადალახა პომერიუმი (ქალაქის სასაზღვრო ხაზი) და შეიჭრა ქალაქში, ვითარცა აშკარა მტერი „აზრითაც და საქმითაც“.

მოსახლეობა მტრულად შეხვდა საომარი წყობით შემოჭრილ „მშობლიურ ლეგიონებს“. მოქალაქენი სახლებიდან და სახურავებიდან უშენდნენ მათ ყველაფერს, რაც ხელში მოხვდებოდათ. მაშინ სულამ ცეცხლმოკიდებული ჩირადდანი აღმართა და ზარდამცემი ხმით დაიღმუვლა:

„თუ არ შეწყვეტთ, ქალაქს გადავწვავ!“

ხალხმაც შეწყვიტა წინააღმდეგობა, სახლებში ჩაიკეტა და ჩაჩუმდა.

წუთიერი ღუმილი საომარი ნალარების ცემამ და იარაღის უღარუნ-ზრიალმა დაარღვია.

მარიუსი და სულპიციუსი თავიანთი ჯარებით ესკვილინუმის მოედანზე დაუხვდნენ სულას.

აი, პირველი ბრძოლა რომის ქუჩებში რომაულ არმიებს შორის, ჩვეულებრივი მკაცრი საომარი წესებით, ბუკ-ნაღარის ცემით, დროშების ფრიალით, შტანდარტთა ზრიალით, ვერცხლის არწივთა კრიალით, ყიყინით, მახვილთა კვეთებითა და შუბთა ძგვრებით.

დემოკრატთა არმია მცირერიცხოვანი იყო და სახელდახელოდ შეყრილი, მაგრამ მისმა თავგანწირულებამ შეაჯრთო სულანელები. ის იყო, ზურგი უნდა ექციათ კიდევ ბრძოლის ველისთვის, რომ

სულამ ხელში აიტაცა ლეგიონის დროშა და თავგანწირვით გადაეშვა მტრის შიგ შუაგულში. მისიანებიც შემობრუნდნენ ბელადის თავზეხელაღებული სიმამაცითა და თავგანწირულობით გამხნეებულნი. იმავე წუთს სულამ ბრძოლაში ჩააბა სათადარიგო ჯარები და მტრის ზურგისკენაც აფრინა სახელდახელო კოჰორტები, მარიუსმა დასახმარებლად მოუხმო სახლებში ჩაკეტილ მოქალაქეებსა და მონებს, მაგრამ სულიერთაგან არავინ გამოხმაურებია მის მოწოდებას.

ბრძოლა გათავდა.

სულანელები გამარჯვებას ზეიმობდნენ.

მარიუსელები მარცხიან ღამეს შეეფარნენ და გაუჩინარდნენ.

მსოფლიოს მბრძანებელი ქალაქი — უბრწყინვალესი საომარი „პრიზი“ ხელთ ეპყრა „ფელიციტას“ კერპს, ლუციუს კორნელიუს სულას.

მთელ იმ საბედისწერო ღამეს რომის ფორუმზე საომარ ბანაკად დაცემულ კარვებში ჩაუქრობლად ენთო ცეცხლი.

ყოველ ქუჩაზე, მოსახვევში, გზაჯვარედინზე იარაღასხმული, საომრად გამართული სულანელი გუშაგები იდგნენ.

რომი საშინელი მოლოდინისა და ძრწოლის ბურუსში იყო გახვეული.

არავინ იცოდა, რას მოიტანდა ხვალინდელი დღე.

#### 4. რომი „რომაული ომის“ შემდგომ

ეს უძილო ღამეც გასრულდა და პირველი, რაც ამ დღეს რომაელებმა მოისმინეს, ეს იყო სულას ბრძანება სულპიცეუსის კანონმდებლობის გაუქმების შესახებ. ამასთანავე, თორმეტი დემოკრატი მოღვაწე ხალხისა და სახელმწიფოს მტრებად გამოაცხადეს და სიკვდილი მიუსაჯეს. მათ შორის იყვნენ სულპიცეუსი, მარიუსი და მისი ვაჟი.

ამის შემდეგ სულამ თავის თავში ლომი დააძინა და მელა გაადვიძა. იგი აცხადებდა მშვიდობიანობას, წესრიგიანობასა და თავისუფლებას (ღიახ, თავისუფლებას!) ქვეყანასა ზედა. მან „რესპუბლიკის“ სახელით დაამხო „ტირანია“ სულპიცეუსისა და მარიუსისა და აღადგინა სენატის ტრადიციული რესპუბლიკური მმართველობა. მან სამას სენატორს კიდევ სამასი დაუმატა და ექვსასკაციან სენატს დაუბრუნდა ყველა უმაღლესი რწმუნებანი, რაც მას გრავატსების დროიდან სრულიად აღარ ჰქონია. მთავარი ის იყო, სენატს დაუბრუნდა „მოწონების უფლება“ (auctoritas sentus), ურომლი-

სოდაც სახალხო კრებას არავითარი კანონის მიღება არ შეეძლო. ამგვარად, არარად იქცა კომიციისა და სახალხო ტრიბუნატის ფუნქციები.

ამის შემდეგ სულამ ჩაატარა კონსულთა არჩევნები მომავალი 87 წლისათვის. კონსულებად გავიდნენ გნეუს ოქტავიუსი და ლუციუს კორნელიუს ცინა. პირველი ოპტიმატთა პარტიის წარმომადგენელი და სულას ერთგული მოკავშირე-მეგობარი გახლდათ, ხოლო ცინა უაღრესად აქტიურ და გაბედულ დემოკრატად იყო ცნობილი. სულამ ვერ გაბედა ცინას წინააღმდეგ ხმის ამაღლება, რადგან ხალხის ამხედრებას უფრთხობდა. იგი საერთოდ ფრთხილობდა, შორს იქიჩებოდა; მთავარი საზრუნავი — აღმოსავლური ლაშქრობა, რესთვისაც მან ამდენი სისხლი დაღვარა, ჯერ ხელუხლებლად ედო წინ. სულას არ შეეძლო დაევიწყებინა, როგორ შეხვდა ხალხი სულპიცის სიკვდილს.

მიმალული სულპიცის საკუთარმა მონამ გასთქვა. როცა მისი თავი სულას მიუტანეს, სულამ დემოკრატთა საყვარელი ტრიბუნის თავი იმ ტრიბუნაზე გამოჰკიდა, საიდანაც ამ რამდენიმე დღის წინ იგი ბრწყინვალე სიტყვით აღელვებდა და ატკბობდა ხალხს. ხოლო გამყიდველ მონას სულამ თავისუფლება აჩუქა. ხალხი აღაშფოთა ასეთმა შემაზრუნებმა მკრებელობამ. სულამაც უმაღლეს იყნოსა საშიშროება. მაშინვე სულპიცის თავიც გაასვენა და მისი გამცემი მონაც, „ბატონისადმი ორგულობისთვის“, ტარპეუმის კლდიდან გადაჩეხა.

ახლა კიდევ ამ „თავხედმა პოპულარებმა“ ერთ-ერთ კონსულად თავისი კაცი გაიყვანეს. მაგრამ რა გაეწყობა, დე ასე იყოს. ვნახოთ, რას გახდება ეს ცინა, როცა სულას თვით გაიუს მარიუსმაც ვერაფერი დააკლო.

ასე შეურიგდა სულა თავისი ერთ-ერთი არასასურველი პიროვნების (persona non grata) გაკონსულებას. თან ეს „შერიგება“ საქვეყნოდ ასე გამოთქვა:

„დე იყოს ისე, როგორც სურს რომაელ ხალხს, რადგან მან ხომ ჩემის წყალობით მოიპოვა თავისუფლება!“

ეს ისე სერიოზულად თქვა, თითქოს არავის შეუძინებია, რამდენი ცინიზმი და გ.ა.ლი იყო მასში ჩაგუბებულნი.

ასეთ „ხუმრობას“ სულამ ისიც მიუმატა, აღმოსავლეთში წასვლის წინ ცინას ხალხის წინაშე ფიცი ჩამოართვა, რომ იგი სამარად-უამოდ მისი ერთგული იქნებოდა.

ესეც სავსებით გაუგონარი მოვლენა იყო: კონსული აძლევს ფიცს კერძო კაცს, რომელსაც კონსულობის ვადა გასვლია და მხოლოდ



პროკონსულის უფლებით აპირებს საომრად წასვლას. ასეთი რამ არასოდეს არ მომხდარა. ეს უცნაური აქტივ სულამ სავსებით კომიკურ გარემოებაში ჩაატარა: ცინა კაპიტოლიუმზე აიყვანა, მთელი ხალხის წინაშე ქვა გაასროლინა და დააძახებინა:

„ამ ქვასაებრ ვიქნე მე გატყორცნილი. თუ სულას ვუღალატო!“

არასასურველი კონსულის ასეთი გამასხრების შემდეგ რომში მდგომარეობა საიმედოდ მიიჩნია და 87 წლის ადრიან გაზაფხულზე აღმოსავლეთში გაეშურა.

მიდიოდა სულა რომიდან და მხოლოდ ერთ რამეზე ეთანადრებოდა გული: ვაი, რომ ფორუმ რომანიუმზე სულპიცის თავის გვერდით მარიუსის თავეც ვერ გამოჰკიდა!

ნუთუ კვლავ ცოცხალია გაიუს მარიუსი?!

## 5. დიდი კაცის ნამსხვრევი დიდი ქალაქის ნანგრევებზე

სიკვდილმისჯილი მარიუსი სიკვდილს გაურბოდა. იგი მისგანვე გადარჩენილი იტალიის ყოველ კუთხეში ეძებდა ადგილს, რომელიც საკმარისი იქნებოდა მისი ლტოლვილი და გვემული სხეულის დასაფარავად.

რომიდან გაქცეული ჯერ ოსტიაში მივიდა და მისთვის გამზადებულ ვეშში ჩაჯდა. ერთხანს მშვიდობიანად მიცურავდა იტალიის გასწვრივ. მაგრამ უეცრად ზღვა აღელდა, მარიუსსაც პირისღებინება აუტყდა, ქარტახილთან ბრძოლაც გაჰირდა, სურსათიც შემოვლიათ და მეზღვაურებმა ხომალდი კირაკეის მახლობლად მიატურეს.

აქ მარიუსი მწყემსებმა იცნეს და მოახსენეს, რომ ორიოდ დღის წინ ამ ადგილებში სულასაგან წარმოგზავნილი მხედრები ეძებდნენ მას.

ის ღამე მარიუსმა უღრან ტყეში გაათია, როგორც ნადირმა. მეორე დღეს კვლავ გამოძვრა დამშეული და უძინარი. მაინც გაამხნევა თავისიანები. კვლავ მოაგონა მათ: რაკი ბავშვობისას კალთაში შვიდბარტყიანი არწივის ბუდე ჩამივარდა, ღმერთების ნებით, უეკველად მეშვიდედ გავხდებო კონსული!

აღელვებული ზღვა ლტოლვილებს აღარ ღებულობდა. იტალიის მხსნელი და „რომის დამაარსებელი“, მშვიერ-მწყურვალი, ძილგამფრთხალი, ნერვებმოშლილი და ტანსაცმელშემოძარცული ღამეებს ღია ცის ქვეშ, შიშველ მიწაზე, ბუჩქნარებსა და ლერწმიანებში ათეხებდა, ვერ ბედავდა გზაზე გამოსვლას. ვერც კაცთაგან ვისმესთან მისვლას. ადამიანის ნატერფალსაც უფრთხოდა იგი.

ასე ვაი-ვაგლახითა და ვაი-ვიშით მიუახლოვდნენ კამპანიის საზღვართან მდებარე ქალაქ მინტურსს. აქ ლტოლვილებმა უეცრად შეამჩნიეს მღევრები, რომლებიც ცხენებზე ამხედრებულნი მოჰქროდნენ მათკენ.

განწირულნი გაიქცნენ ზღვისკენ. ნაპირთან ახლოს ორი სატვირთო ხომალდი მიცურავდა.

ისინი შეცვივდნენ ზღვაში და სასოწარკვეთილი ბლავილით სთხოვეს შველა გემთა მფლობელებს. ამათაც ხომალდები გააჩერეს და ლტოლვილები აიყვანეს.

ის იყო, ორმა მონამ გემბანზე ძლივს აიტანა მარიუსის ზორბა სხეული, რომ მღევრები ზღვისპირს მოაწყდნენ და მეზღვაურებს მუქარით უბრძანეს, უკანვე გადმოესხათ სიკვდილმისჯილი „სახელმწიფო მოლაღატენი“.

გემთა მფლობელნი შეჩერდნენ და შეუყოყმანდნენ.

და, აჰა, დიდი გაიუს მარიუსი ამ ვილაც მეხომალდეთა წინაშე მუხლებზე ეცემა და ცრემლების ღაპალუპით შესთხოვს მფარველობას!

მარიუსის ცრემლმა გასჭრა. ხომალდებმა ცურვა განაგრძეს. გაცოფებული მღევრები ყვირილითა და მუქარით გაშორდნენ ზღვისპირს.

მაგრამ მარიუსს საფრთხე და ხიფათი მაინც არ შორდებოდა. გემთა მფლობელნი ძალიან ჩაეფიქრებინა მღევართა მუქარასა და სულას მრისხანებას. მათ გემები მიაცურეს მდინარე ლირისის (ახლ. გარილიანო) ჭაობიან შესართავში და მარიუსს, ზურგქარის ამოვარდნამდე, გადმოსვლა, დანაყრება და დასვენება შესთავაზეს.

მარიუსი დათანხმდა. მალე მას ზღვის პირას ბალახზე მიგდებულს მიეძინა. დიდხანს ეძინა, როცა გამოიღვიძა, გემები და მისი მხლებლები აღარსად ჩანდნენ.

იგი მიატოვეს, ვითარცა ტვირთი აბეზარი და ლეში, საშიში სენის შემყრელი.

დიდხანს იწვა მარიუსი გაუნძრევლად, გარინდებული და მეხდაცემული. მერე წამოდგა და წალასლასდა უგზოუკვლოდ, უმისამართოდ, უანგარიშოდ.

მიდიოდა და მიფოფხავდა ბორცვებსა და ღრანტეებზე; მითხლავუნობდა გაუვალ ჭაობებში და ლაქაშებში, ბალყებით დამპალ წყლებსა და ოლეებში. ბოლოს მიადგა ვილაც მოხუცი მეთევზის ქონს.

და მარიუსმა უთხრა მეთევზეს:

„მოხუცო, დაეხმარე და უშველე კაცს, რომელსაც შეუძლია.

თუ ახლა გადაურჩა სიკვდილს, მალე ისე დაგაჯილდოოს, ფიქრადაც ვერ წარმოიდგინო!“

კარგა ხანს უცქირა მოხუცმა მეთევზემ ლტოლვილ სტუმარს.

იქნება იცნო კიდეც მარიუსი.

იქნება დაიჯერა მისი აღთქმა „არნახული დაჯილდოებისა“.

და უპასუხა:

„თუ სტუმარს ნებავეს დასვენება, ამისათვის ეს ქოხიც გამოდგება. ხოლო, თუ იგი გამოქცეულა და მდევარს ემალება, მაშინ მე მას დავმალავ უშიშარ ადგილას“.

„ჰო, ჰო, სწორედ ასეა!.. უნდა დამმალო, უნდა დამმალო!“ — სხაპასხუპით მიაყარა მოთმინებადაკარგულმა მარიუსმა.

მეთევზემ მარიუსი შეიყვანა ჭაობებში და მდინარის მახლობლად ერთ ვიწრო ნაპრალში ჩაჩუმქრა. ზემოდან ბალახი და ფოთლიანი რტოები დააყარა.

დიდი ხანი არ გასულა, რომ საფარში სუნთქვაშემკრულ მარიუსს ქოხის მხრიდან ყვირილი და ხმაური შემოესმა. ვილაცები მეთევზეს აგინებდნენ და უყვიროდნენ, რომ მან სადღაც დამალა მტერი რომელი ხალხისა.

მარიუსმა იფიქრა, აქ მომაგნებენ, ან მდევრები მოხუც მეთევზეს გატეხნენ, ამიტომ გულმა ველარ გაუძლო, იმ საფარიდან ამოძვრა, სასწრაფოდ ტანთ გაიძრო და შლამიან და შმორიან ჭაობში დღიშობილა ჩაძვრა.

მდევრებმა ჭაობები და ლაქაშები სულ ფეხით მოიარეს და მოჩხრიკეს.

მარიუსს მიაგნეს. ამოთხარეს და ტანშიშველი, სულ ერთიანად ლაფში ამოსვრილი და ყელზე ბაწარჩაბმული „სამშობლოს მამა“ მინტურნის მმართველთ წარუდგინეს.

მინტურნის მესვეურებმა ხანმოკლე ბჭობის შემდეგ გადაწყვიტეს მარიუსის მოკვლა. მაგრამ მოქალაქეთაგან არავინ იკისრა ლეგენდარული გმირის სისხლში ხელის გასვრა.

ბოლოს მიაგნეს შესაფერის მკვლელს, ვილაც კიმბრს, რომელსაც სწორედ მარიუსის წყალობით ჰქონდა დაკარგული სამშობლო და თავისუფლება.

ალბათ, რამდენჯერ უოცნებია ამ გერმანელ-კიმბრს, როგორც ყველა მის თანამოძმეს, მარიუსის სისხლის დაღვევა!

და, აი, ახლა მას ხელში მახვილს აძლევენ თვითონ იტალიელები მათივე მხსნელის მოსაკვდინებლად!

მინტურნის ხელისუფალნი და მოქალაქენი რადაცნაირი უგემური გატაცებითა და შიშით ენაჩავარდნილნი მისდგომიან სახლს, რომელშიც სიკვდილს ელის გაიუს მარიუსი.

გერმანელი მახვილმართელი შევიდა.

მარიუსის მზერა შეეჭრა ფოლადის ელვარებას.

კიმბრს მოეჩვენა, განწირულის თვალები კვესავდნენ ბნელში.

და როგორც კი მან მახვილი აღმართა, იმავე წამს მარიუსი ფეხზე წამოიჭრა და შეპღრიალა:

„ნუთუ შენ გაბედავ, მოკლა გაიუს მარიუსი!“

გერმანელი ზარდაცემული და აცახცახებული გამოვარდა, მახვილი შორს გასტყორცნა და მთრთოლვარე ხმით შესძახა ხალხს:

„აბა, მე არ შემოძლია მოვკლა გაიუს მარიუსი!“

ყველანი შიშმა, სირცხვილმა და სინანულმა მოიცვა.

მოსიხსლემ ვერ შეპბედა მარიუსის სიცოცხლეს, მისგან დახსნილნი და გადარჩენილნი კი სდევნიდნენ მას.

მარიუსი კვლავ გადარჩა. მინტურნის ხელისუფლებმა დადგენილება შეცვალეს და სიკვდილმისჯილის გაძევება ბრძანეს. მარიუსი ხომალდში ჩასვეს და იტალიიდან გააძევეს.

მარიუსი მივიდა კუნძულ ენარიაზე (ისკია), სადაც მას შეუერთდნენ სიკვდილს გადარჩენილი მომხრე-ლტოლვილნი. აქედან ისინი გადავიდნენ სიცილიაში. ციხესიმაგრე ერიქსის მახლობლად მათ თავს დაესხათ რომაელი კვესტორი. ამ შეტაკებაში მარიუსს თექვსმეტი კაცი დაეღუპა და თვითონაც ძლივს დააღწია თავი ტყვეობას.

ამნაირად, ევროპის მიწა ყველგან გამწარდა ყველაზე დიდი ევროპელისთვის. ახლა მან თავის დახსნა აფრიკის ცხელ მიწაზე სცადა.

მარიუსი მიადგა იმ ადგილს, სადაც ერთ დროს ბრწყინვალეებდა დიადი კართაგენი.

მაგრამ მარიუსს არც მის წინაპართაგან დანგრეული, დახნული და დაწყევლილი მიწა ლებულობდა.

როგორც კი მან კართაგენის მიწაზე ფეხი შედგა და ჩაიმუხლა, მაშინვე მოვარდა აფრიკის პრეტორისგან გამოგზავნილი შიკრიკი და მკაცრად მიახლა:

„პრეტორი სექტილიუსი გიკრძალავს შენ, გაიუს მარიუსს, აფრიკაში გადმოსვლას. ხოლო, თუ არ დაიშლი, იგი აღასრულებს სენატის დადგენილებას და მოგეპყრობა ისე, როგორც რომაელი ხალხის მტერს!“

დიდხანს იჯდა მარიუსი მღუმარე და გარინდებული.

მერე ღვრემამორეული და პირქუში სახე მიაპყრო ეჭიბს და ამოვიგინა:

„უთხარი პრეტორს, რომ შენ იხილე, როგორ ზის ლტოლვილი მარიუსი კართაგენის ნანგრევებზე!“

მარიუსის ბედის ასეთი მხატვრულ-სიმბოლიკური განმარტება ჰომეროსსაც შეუზღუდებოდა: დიდი მარიუსის ნამსხვრევი დიდი კართაგენის ნანგრევებს შეერთებოდა. ერთ ღროს ჰყვოდა კართაგენი და დღეს ნანგრევებად და ნაცართუტად ქცეულა! ერთ ღროს ჰყვოდა გაიუს მარიუსი და დღეს მხოლოდ ნაკაცარ ზორცის გუნდად დარჩენილა!

დიდი ადამიანის ბედი დიდ სახელმწიფოთა ბედის მსგავსი ყოფილა.

მაგრამ უკიდურეს უბედობაში ჩავარდნილი კაცის პირით ნათქვამი სიტყვის მხურვალეობა ვერ შესძრავდა გულმშრალ რომაელს. მარიუსი აქედანაც უნდა გადახვეწილიყო.

ლტოლვილები გაეშურნენ ნუმიდიაში, მეფე ჰიემპსალ II-სთან, რომელმაც მართლა შეიხიზნა ისინი, მაგრამ მალე აღმოჩნდა. რომ რომის ყურმოჭრილი ნუმიდიელი ვასალიც მასთან თავშეფარებულებს სიკვდილს უმზადებდა. შემთხვევამ იხსნა ისინი უეცველი დაღუპვისაგან.

მარიუსის ვაჟი, გაიუს მარიუს მრწემი, მეტად ლამაზი და მომხიბლავი ვაჟკაცი, შეჰყვარებოდა რომელიღაც მხევალს მეფისას. დევნილები მისი დახმარებით გაერიდნენ სიკვდილს. მათ მაშინ შეასწრეს ზომალდში, როცა ნაპირზე უკვე მოაწყდნენ ცხენოსანი მღვერები.

ბოლოს და ბოლოს, ლტოლვილებმა მიაღწიეს ტუნისის სანაპიროსთან მდებარე პატარა კუნძულს, კერკინას.

აქ დაბანაკდნენ და დაუწყეს ლოდინი მუხანათი ფორტუნასაგან მოგდებულ მომავალ წილხვედრს.

მარიუსს ხომ ჯერ მეშვიდე არწივი არ აუფრენია!..

ნაწილი  
მეორე



# სულა აკომთეოზი

თავი პირველი

## სულა აღმოსავლეთში

### 1. ა ბ ი კ ა



წორედ ამ დროს სულა უკვე ბალკანეთზე მძვინვარებდა. იგი ებრძოდა მითრიდატეს ჯარებს საბერძნეთში.

სულამ ბეოტიაში შეეკრით დაიწყო. შიშით შეპყრობილი აქაური ქალაქები, მათ შორის, მთავარი ქალაქი თებე, მანინვე პონტოელი მეფის ბანაკიდან რომაელთა მორჩილებას დაუბრუნდნენ. ბეოტიის ის ორიოდე მცირე ქალაქი, რომლებიც ჯერ კიდევ არ ფიქრობდნენ პონტოელთა ღალატს, სულამ უეცარი თავდასხმით ჩაიგდო ხელში.

ბეოტიის დაპყრობის შემდეგ სულა მიუახლოვდა ატიკას — საბერძნეთის გულს. აქ მან ჯარი ორ ნაწილად გაყო. ერთი გაგზავნა ათენისაკენ, სადაც გამაგრებული იყო არისტონი; მეორე ნაწილს თვითონ ჩაუდგა სათავეში და გაეშურა პირევსისაკენ, სადაც მას ძლიერი ლაშქრით ელოდებოდა მითრიდატეს სარდალი არქელაოსი.

რომაელებმა იერიში მიიტანეს პირევსის „დიდ კედლებზე“ —

სახელოვანი პერიკლეს დიად არქიტექტურულ-სტრატეგიულ ქმნილებებზე.

სულამ ბრძანა, საიერიშო კიბეები მიედგათ ორმოცი წყრთის სიმალლე ქვის ზღუდეებზე, ასულიყვნენ და თავს დასტყდომოდნენ სიმაგრის შიგნით ჩარაზმულ მოწინააღმდეგეს. რომაელები ათიათას წყვილ სახეღარს ამუშავებდნენ ახალ-ახალ საიერიშო მანქანათა, სიმაგრეთა და მიწაყრილთა აღსამართავად.

პირვესში გამაგრებული პონტოელები მედგარად იცავდნენ თავს. ისინი უმაღლე ანგრევდნენ და წვაგდნენ ყოველ ახალ მოწყობილობას, როგორც კი რომაელები აღმართავდნენ მას კედლების გადასალახავად.

სულა იძულებული გახდა იერიშებზე დროებით ხელი აეღო. იგი დაბრუნდა მეგარაში და ახალი, გადამწყვეტი შეტევის სამზადისს შეუდგა.

საჭირო იყო ხე-ტყე კატაპულტების, საიერიშო კიბეებისა და მანქანების ასაგებად. საამისოდ სულამ კულტურული სამყაროს ყველაზე სათაყვანო წმიდა ადგილებიც კი არ დაზოგა.

მისი ბრძანებით რომაელებმა გასჩეხეს აკადემიისა და ლიკეიონის ბრწყინვალე ხეივნები, სადაც ერთ დროს თავიანთ მეცნიერებას მოწაფეებს აზიარებდნენ სახელოვანი პლატონი და არისტოტელე.

რომაელმა სარდალმა არანაკლები მკრეხელობა ჩაიდინა ფულის შესაგროვებლად. მან ბრძანება გასცა, გაეძარცვათ ეპიდავრის, ასკლეპიოსისა და ოლიმპიის ზევისის მდიდარი ტაძრები. მერე მთელს მსოფლიოში განთქმულ დელფოს ტაძარში გაგზავნა მძარცველები. აქ ხომ აპოლონის სახელობაზე აუარებელი შესაწირავი გროვდებოდა საუკუნეების მანძილზე.

სულა მოუთმენლად ელოდა დელფოს ბრწყინვალე განძეულობას. როგორი იყო გულგოროზი დამპყრობელის გაოცება, როცა დელფოს გასაძარცვავად წასული მეომრები უკან ხელცარიელი დაბრუნდნენ.

„რა მოხდა?!“ — რისხვეულად იკითხა სულამ.

ბეომრები ფერდაკარგული იდგნენ და ხმას ვერ იღებდნენ.

„რა მოხდა-მეთქი?!“ — დაიჰქეკა მთავარსარდალმა.

როგორც იქნა, ერთმა ამოიღგა ენა:

„ტაძარში რომ შევედით და ის იყო დიდ ოქროს კრატერს ხელი შევახეთ, ჩვენ გავიგონეთ ლირის ჟღერა... ასე არ იყო?“ — მიუბრუნდა იგი მეორე მეომარს.

„პო, მეც მომესმა. სწორედ ლირის სიმი აჟღერდა!“

„ბრიყვებო, რა ღირა, რა ღირის სიმი, რა ღირის ჟღერა?!“ —  
გაოცდა სულა.

„ღირა ხომ ღმერთ აპოლონს უჭირავს ხელში. უეჭველად ისან  
ამოჰკრა სიმს ხელი, როცა დაინახა, ჩვენ მისი ტაძრის გაძარცვას  
ვაპირებდით“.

სულა წამით ჩაფიქრდა, მერე ბოროტად ჩაეცინა და თქვა:

„რეგვნებო, განა არ იცით, ღირას ის აქღერებს, ვინც დიდ სი-  
ხარულსა და აღტაცებას განიცდის. აპოლონსაც მოსწონებია თქვენი  
საქციელი და ღირაც იმად აუჯღერებია. მამ ახლავე გასწით და შე-  
ასრულეთ თვით დიადი აპოლონის ნება-სურვილი!“

„მამ, ყველაფერი გამოვიტანოთ?“

„სუყველაფერი წამოიღეთ! დანარჩენი მე ვიცოდე და აპო-  
ლონმა!“

ეს თქვა სულამ და მკერდი გაიღელა.

მეომრებმა შეხედეს:

სულას მკერდზე აპოლონის ოქროს ქანდაკი ეკიდა.

აპოლონის ტაძარი რომაელებმა მთლიანად გაძარცვეს და გააში-  
შელეს.

რასაკვირველია, ბერძენთა აღშფოთებას არაფერ ანგარიშს ვაუ-  
წევდნენ ისეთი ადამიანები, რომელთაც საკუთარი სამშობლოც კი  
ყიდვა-გაყიდვის საგნად აქციეს.

შემდეგ სულამ თებეს მცხოვრებლებს მიწები ჩამოართვა და გა-  
ძარცველ ტაძრებს გადასცა. ალბათ ამით სურდა შეენელებინა მის-  
დამი ჰელინთა სიძულვილი და დაესაჯა თებელები, რომლებიც სის-  
ტემატურად ღალატობდნენ ხან ერთ და ხან მეორე მხარეს.

მიღებული ფულადი თანხა სულას პირველ რიგში უნდა გამო-  
ეყენებინა ათენისა და პირევისის ალყის წარმატებით გასაგრძელებ-  
ლად. ამასთან, საშუალება ეძლეოდა, ქარისკაცებისათვისაც მიეცა  
ფული და ჯილდოები.

რომაელებმა კვლავ გააჩაღეს იერიშები ათენსა და პირევსზე.

არქელაოსის ბანაკში მოღალატენი გაჩნდნენ. ორი ატიკელი მონა  
პონტოელთა ბანაკიდან რომაელებისკენ შურდულით ტყორცნიდნენ  
ტყვიის ბურთულებს წარწერებით, რითაც სულას ატყობინებდნენ,  
რა ღონისძიებებისა და გეგმების განხორციელებას აპირებდნენ პონ-  
ტოელები.

ასე შეატყობინეს სულას, რომ მეორე დღეს არქელაოსის ქვეითი  
ჯარი პირდაპირი ფრონტით დაესხმოდა თავს პირევსის კედლებთან  
საალყო მანქანებსა და მიწაყრილებზე მომუშავე რომაელებს. სო-  
ლო კავალერია ორივე ფლანგიდან შეუტევდა მათ.



რომეღმა სარდალმაც კონტროლისძიებით, მოღალატეთაგან ბიღებული ცნობის მეოხებით, წარმატებით მოიგერია არქელაოსის შემოტევა.

მაგრამ პირევისს ალყა მაინც კიანურდებოდა. მოწინააღმდეგე-ნი გაათრებული სისხლათხევით ართმევდნენ ერთურთს ყოველ გოჯ მიწას. როცა სულამ მაღალი კედლის გადასალახავად მიწაური-ლები აღმართა, მასზე აცოცებულ რომეღებს არქელაოსმა ახალ სიმაგრეები დ გოდოლები დაახედრა. ამავე დროს, პონტოელმა სარდალმა პირევისს დამცველთა რიგები თავისი ფლოტის მეზღაუ-რებით გააძლიერა. ღამით პონტოელები გადაცოცდნენ კედლებზე და დაანგრეს და დაწვეს სულას ახლად აღმართული საიერწო მოწყობილობანი. მაგრამ რომეღებმა ათი დღის განმავლობაში კვლავ განაახლეს ისინი. თავის მხრივ პონტოელებმაც მათ წინააღ-მდეგ იავე აღმართეს ციხე-კოშკები.

ამასობაში არქელაოსმა ნოთრიდატესაგან მიიღო მამველი ძა-ლები დრომიქეტეს სარდლობით და გადაწყვიტა, მთელი ძალებით გამოსულყო რომეღთა წინააღმდეგ.

პირევისს კედლებთან ღამით. მამხალების შექიჟე, საშინელი სის-ხლისღვრა გამართა. ბრძოლის სასწორი დიდხანს ცვალებადად ქა-ნობდა. სარდლები ბრძოლის ველზე ძლივს აბრუნებდნენ ხოცვა-ჯლეტით შეძრწუნებულ მეომრებს. სულას არმია დამარცხებისგან იქნა ხე-ტყის დამხადებიდან დაბრუნებულმა მეორე ლეგიონმა და სახელმწიფო დამნაშავეებმა. რომელმაც მიჰკილო ჰქონდათ, ბრძო-ლის ველზე გამოესყიდათ თავიანთი დანაშაული. ისინი განსაკუთრე-ბული გაათრებით შეებნენ პონტოელებს. არქელაოსმა ინიციატივა დაკარგა და ბრძოლა წააგო.

მაგრამ არც ამ შეტაკებას მოჰყოლია ვადამწყვეტი შედეგი. პი-რევისი და ათენი კვლავ მედგრად იცავდნენ თავს. ზამთარი დგებო-და და საოზარი მოქმედებანიც უნდა შესუსტებულყო, მაგრამ მოწი-ნააღმდეგენი მაინც არ ცხრებოდნენ.

სულა ელევსინში გამაგრდა და ზღვისაკენ ღრმა თხრილების გაყ-ვანას შეუდგა. რათა ამ მხრიდან თავი დაეზღვია მოწინააღმდეგის კავალერიის შემოტევისაგან. მაგრამ ამ ხნის განმავლობაში არქე-ლაოსს კედლებს გარეთ გამოჰყავდა თავისი მეომრები და მოსვე-ნებას არ აძლევდა რომეღებს.

სულას კიდევ უფრო იმიტომ უჭირდა, რომ ზღვაზე არც ერთი ხომალდი არ ჰყავდა. ამის გამო პონტოელებს საშუალება ეძლეო-დათ, ზღვიდანაც დასხმოდნენ მას თავს. რომეღმა სარდალმა დახ-მარება სთხოვა როდოსს, მაგრამ როდოსელებმაც ვერ მოახერხეს

მიშველებოდნენ, რადგან ზღვაზე მითრიდატეს ფლოტი მბრძანებლობდა.

ჰაშინ სულამ უბრძანა თავის ლეგატს, ლუციუს ლიცინიუს ლუციუსს (შემდგომში, მითრიდატეს წინააღმდეგ მესამე ომში, რომაელთა მთავარსარდალი) საიდუმლოდ ჩასულიყო ალექსანდრიასა და სირიაში და ადგილობრივ ხელისუფალთათვის ეთხოვა დახმარება როდოსის ფლოტის გასატარებლად რომაელთა ბანაკისაკენ.

ოში ქიანურდებოდა, ხოლო რომაელ სარდალს არსაიდან არ ჰქონდა დამხმარე ძალების მიღების იმედი. რომიდან საშინელი ამბავი მოვიდა: მისიანები დამარცხებულიყვნენ. უსუსურ სენატსაც არავითარი დახმარების გაწევა აღარ შეეძლო თავისი რჩეულისათვის. უფრო მეტიც: სულა რომში სახელმწიფოს მტრად გამოეცხადებინათ და მის შესაცვლელად ახალი მთავარსარდალი, კონსული ვალერიუს ფლავუსი მოეშურებოდა ახალი არმიით.

უკიათი „ფელიქსი“ უბედობას მაინც არ ურიგდებოდა.

სულას მთავარი იმედი იმას ემყარებოდა, რომ მითრიდატეს მამველ ძალები იგვიანებდნენ და მარტო არქელაოსისა და არისტონის ჯარები მათზე გაპიროვნებულ საომარ ობიექტებს ძლივს ინარჩუნებდნენ.

პიტომ სულა ერთ წუთსაც არ კარგავდა: უნდოდა, მალე დაემთავრებინა პირველისა და ათენის ალება; არ დაეშვა მოწინააღმდეგის არმების გაერთიანება, რათა ცალ-ცალკე გაენადვურებინა ისინი.

სულა განსაკუთრებული სიმძაფრით უტევდა ათენს. ქალაქში შემშლილი მძვინვარებდა. მშვიერი ხალხი აკროპოლისზე ამოსულ ბაღაჩს ძოვდა. ყოველგვარი საქონელი და პირუტყვი უკვე გაუღებელი იყო. ხარშავდნენ ტყავებს, ლოდნიდნენ და ნახარშს ეწაფებოდნენ. ათენელები უკვე შიმშილით დახოცილ ადამიანთა ლემსაც ეტანებოდნენ.

არქელაოსმა პირველის დაცვის დროს რამდენჯერმე სცადა, დამნეული ათენისათვის სურსათი მიეწოდებინა, მაგრამ ამ ცდებს ტყუილშეპრალოდ სისხლისღვრის გარდა შედეგად არაფერი მოჰყოლია. როცა არქელაოსი ათენში სურსათ-სანოვავის გაგზავნას აპირებდა, ნის ბანაკიდან მოღალატეებმა რომაელთა ბანაკში გადაისროლეს ტყუილ ფირფიტა წარწერით, რომელიც სულას აუწყებდა არქელაოსის განზრახვას.

რომაელმა სარდალმაც ჯარის ნაწილი გაგზავნა და ათენისაკენ მიმავალი სანოვავე თავის ბანაკში მოატანინა. გამცემლების წყალობით კიდევ რამდენჯერმე ჩაიშალა ათენიდან შიმშილის განდევნის ცდა.

მერე ღალატში დაექვებულმა პონტოელმა სარდალმა თავისი მეომრები ალაყაფის კართან საომრად განალაგა, რომ ამით რომელთა ყურადღება ჩამოეშორებინა ათენში გაგზავნილი ალალისაგან. მაგრამ სულამ ამყვარდაც ხელთ ივდო ათენელთათვის განკუთვნილი პური, თუმცა იმის საფასურად, რომ პონტოელებმა პირველთან დაწვეს რამდენიმე რომაული სააღყო მანქანა.

ამ დროს ატიკაში შექმნილი მძიმე მდგომარეობიდან განოსავალ იმედად გამობრწყინდა მითრიდატეს ძის არიარათეს შეჭრა მაკედონიაში. პონტოელმა უფლისწულმა სწრაფად დაიპყრო მთელი მაკედონია, ჩააბარა საგანგებოდ დანიშნულ მმართველებს და უწაღვე დაიძრა სულას წინააღმდეგ.

მაგრამ რომაელ „ფელიქს“ ბედი მართლაც სწყალობდა.

მითრიდატეს მამაცი და ნიჭიერი მემკვიდრე გზაზე ავად გახდა და გარდაიცვალა. ამგვარად, სულას წინააღმდეგ ეს სწრაფი და საშიში ლაშქრობა სწრაფადვე ჩაქრა.

ათენის დაცვას უარეს განწირულობაში აგდებდა თვითონ არისტოინის დაუდევრობა და თავგასულობა. როცა ათენელი მოქალაქენი შიმშილით იხოცებოდნენ, არისტოინი ღვინობდა, განცხრომას ეძლეოდა, თან რომაელებს აბრაზებდა და სასაცილოდ იგდებდა.

სულას უნდოდა მოესწრო დამწეული ქალაქის აღება.

შიმშილისაგან განადგურების პირას მისული ათენელები რომაელებთან დაზავებას მოითხოვდნენ. არისტოინი იძულებული გახდა, დათანხმებულიყო და ელჩები გაეგზავნა სულასათვის.

ათენელმა დესპანებმა შორიდან დაიწყეს. მათ რომაელ სარდალს გაახსენეს ათენის ლეგენდარული და გმირული წარსული, ბერძენ-სპარსელთა ომიანობაში მათ წინაპართა საქმენი საგმირონი და სხვა მრავალი მისთანანი. მოსაგონარი მართლაც რომ მრავლად ჰქონდა ათენს — „ჰელადას ჰელადაში“.

მაგრამ რა! სულამ სასაცილოდ აიგდო ათენის წარსულიც. აწყობოცა და მომავალიც. მან გესლიანი სიცილით შეაწყვეტინა ელჩებს:

„დაბრუნდით შინ, ჩემო საყვარლებო, და თან წაიღეთ ყველა ეგ იგავ-არაკი. მე რომაელთაგან ათენში გამოგზავნილი ვარ არა სასწავლებლად, არამედ აჯანყებულთა დასამშვიდებლად.“

ელჩები პირში ჩალაგამოვლებულები დაბრუნდნენ.

ათენის კატასტროფა გარღვეული შეიქნა.

სულამ ათენი საგანგებოდ ისეთ მარწუხებში მოაქცია, რომ ქიდან სათითაოდაც ვერ მოეხერხებინათ გაქცევა და დამალვა. მას სურდა, ათენელები სულ დედაბუდიანად გაეყუთა.

სარდალმა იერიშისათვის მიზანში ამოიღო ქალაქის კედლების

ყველაზე ცუდად დაცული ნაწილი. პირველისა და საღვთო კარიბჭე-  
თა შორის. მიზიდა იქ საიერიშო კიბეები და შეუდგა კედლების ძი-  
რის გამოთხრას. რომაელებმა კედელი მიწაზე დასცეს და შუალამი-  
საა (86 წლის 1 მარტი) შეიჭრნენ ქალაქში.

ვახშებულმა დამპყრობლებმა არნახული ხოცვა-ჟლეტა და  
ძარცვა-გლეჯა გააჩადეს. სულამ სწორედ თავის თავს გადააწარბა.  
მან თავის დაგეშილ ათასობით „პატარა სულას“ ყოველგვარი ბორო-  
ტების უფლება მისცა.

რომაელთა ჯარები გამაყრუებელი ბუკ-ნალარის ცემით, ღრია-  
ლითა და მახვილის ქნევით ჯგროდ მოედინებოდნენ ათენის ქუჩებ-  
ში. დიდმა რომაელმა მათ ნება დართო, ეყლიტათ განუჩრევლად  
სუვეელა, კაცი თუ ქალი, ბალღი თუ მოხუცი; დაეტაცებინათ ყვე-  
ლაფერი, რის დატაცებაც მოხერხდებოდა; მოესპოთ ყველაფერი.  
რის წაღებასაც ვერ შესძლებდნენ.

რაკი დახოცილებს ანგარიში არ ჰქონდა, ათენში ჩადენილი ბო-  
როტროქმედების შესახებ მსჯელობენ ფართობის იმ მოცულობით,  
სადაც სისხლი მოედინებოდა! გვარწმუნებენ, რომ დახოცილთა  
სისხლმა წაღეჯა ქალაქის მოედანი, უბანი კერამიკა და დიპილონის  
კარიბჭე. ბევრმა ათენელმა თვითონ მოიკლა თავი, ან თავისი ნებით  
წამოეგო რომაელთა მახვილს, რამეთუ აღარ ეხილათ სამშობლოს  
და ნოყვასთა საშინელი ტრაგედია.

ნრავალი ათენელი მოქალაქე სულამ დეციმაციის (ყოველი მე-  
ათე) წესით შეჰყარა სიკვდილს.

ვაქელტილი, განადგურებული და გაძარცვული ქალაქი ხანძრის  
შსხვერპლიც უნდა გამხდარიყო. მაგრამ სულასთან შუამდგომლო-  
ბით წარსდგნენ მისი თანამოლაშქრე სენატორნი. ისინი შეძრწუნე-  
ბულნი იყვნენ სახელოვანი ჰელინიური ცივილიზაციის ცენტრის  
ბედ-თ. სულას „გული აუჩვილეს“, როცა ერთხელ კიდევ მოაგონეს  
ათენ-ის დიადი წარსული. და დაიყოლიეს, შეეწყვიტა განწირული ქა-  
ლაქ-ის განადგურება.

სულამ „დიდსულოვნად“ განაცხადა:

„დე. ასე იყოს: მკვდართა პატივისცემით მიპატიებია ცოცხლე-  
ბისათვის!“

მაგრამ ათენი უკვე დანგრეული და გაპარტახებული დარჩა. მო-  
სახლეობის უმრავლესობა გაიყლიტა. ხოლო დანარჩენები მონებად  
გაიყიდა. დემოკრატის მოძულე რომაელმა პატრიციუსმა ათენე-  
ლებს, რომლებიც „სულ ცოტანი-ლა დარჩნენ“, წაართვა და აუქრძა-  
ლა მათთვის უძვირფასესი დემოკრატიული წესები.

სიკვდილს ვერ ასცდებოდა არისტოინი თავისი თანამოაზრე-

ბით. მათ აკროპოლისში სცადეს გამაგრება. წინასწარ დაწვეს ოდეონი. რათა სულას მისი ხის მასალა აკროპოლისის ალყისათვის არ გამოეყენებინა.

აკროპოლისის ალყა და იქ შეფარებულთა შეპყრობა სულამ დაავალა თავის ლეგატს, გაიუს სკრიბონიუს კურიოს. აკროპოლისში ჩაკეტილები ისე დაასუსტა შიმშილ-წყურვილმა. რომ მცირეოდენი წინააღმდეგობის შემდგომ თავიანთი ბედი გამარჯვებულებს ჩააბარეს.

სულამ ყველანი სიკვდილით დასაჯა.

რომაელმა სარდალმა კვლავ ხელი მიჰყო საბერძნეთის მდიდარი ტაძრების ძარცვას. მარტო ათენის აკროპოლისიდან ორმოცი გირვანქა ოქრო და რვაასი გირვანქა ვერცხლი გაიტანა.

სულამ ათენში ციხიონი ჩააყენა და თვითონ სასწრაფოდ მიუბრუნდა პირეესის ალყას. მაშინვე ამუშავა კედელსანგრევი და ლოდაატყორცნი მანქანები.

მკვრამ სანამ სულა ათენში იბრძოდა. პონტოელებს დღე-ღამის სწორებით მრავალი სიმაგრე აეგოთ. რომაელებმა მაინც შეძლეს პონტოელთა ნამგალა მთვარისებრი სიმაგრენი მიწასთან გაესწორებინათ, რადგან ახალი ზღუდეები ჯერ ისევ სველი იყო და ძლიერი დარტყმებისაგან ადვილად ინგრეოდა. პონტოელები მაინც არ ცხრებოდნენ, ისე შეუჩერებლივ აგებდნენ ახალ-ახალ კედლებს და გზას უღობავდნენ მოიერიშე მტერს.

სულა განუწყვეტლივ ცვლიდა დაქანცულ მეომრებს და წინანდებურად ამხნევებდა და აქეზებდა მათ. ყველას მოაგონებდა, რომ მათ გმირობასა და თავდადებაზე არის დამყარებული დიდი ნადავლის შოვნა. სარდალმა იცოდა, სიმდიდრისათვის გახელებული რომაელი მეომარი სიცოცხლესაც რომ არ დაიზოგავდა.

არქელაოსი გატყდა, პირეესი მიატოვა და მეორე ნავსადგურში, მუნისიაში გადაინაცვლა.

რომაელებმა უპატრონოდ მიტოვებული პირეესი აიღეს და მისი უმეტესი ნაწილი ცეცხლს მისცეს. დაიწვა საუკეთესო ნაგებობანი, მათ შორის ფილონის ნახელავი ხუროთმოძღვრების დიდებული ძეგლი. არსენალი და გემთსამენი. პერიკლეს ბრწყინვალე ქმნილება მუორედ განიცადა საშინელი ნგრევა: პირველად პელოპონესის ომის დროს. ლისანდრეს სარდლობით, მუსიკის გრიალში დანგრეეს სპარტანელებმა (404 წ.), ახლა კი კორნელიუს სულას მეთაურობით რომაელებმა მოუღეს ბოლო.

ახლა სულას არც პირვესისა და არც ათენის შტკიცე კედლები წინ აღარ ელობებოდა. მას შეეძლო დაძრულიყო ნახევარკუნძულის აღმოსავლეთისკენ და ჩრდილო-აღმოსავლეთისკენ, საითაც მტრის ახალი საბრძოლო ძალები ელოდებოდა.

იმეამიდ ყველაზე უფრო სერიოზული ძალა, საბერძნეთში პონტოელთა მონაპოვრების გადარჩენა რომ შეეძლო, იყო ის არმია, რომელსაც ცოტა ხნის წინათ დღემოკლე პონტოელი უფლისწული სარდლობდა. ახლა მას სათავეში ედგა მითრიდატეს სარდალი ტაქსილე. ჯერ კიდევ ათენის დაცემამდე ტაქსილემ ხელთ იჯდო თერმოპოლისი, შემდეგ ფოკიდა, და ელატიის ალყის დროს შეიტყო ათენის ტრაგედიის ამბავი.

როგორც იქნა, საბერძნეთში მიმოფანტული პონტოური ჯარები გაერთიანდნენ. არქელაოსმა ისინი გადაიყვანა ბეოტიაში და ქალაქ ქერონეას მახლობლად დაიბანაკა.

სულამ შეიერთა ათენის აკროპოლისში მყოფი სკრიბონიუს კუროს ციხიონი, შემდეგ ლეგატ ჰორტენზიუსის 6 000 მეომარი და თვითონაც ბეოტიას მიაშურა.

სულას გადამწყვეტი ბრძოლა ეჩქარებოდა, რადგან ბალკანეთზე უკვე გამოჩნდა მისი შემცვლელი ვალერიუს ფლაკუსი ახალი არმიით. ყოველ წუთს მოსალოდნელი იყო თანამემამულეთა შეჯახება. მაგრამ პონტოს არმიის მეთაურნი თითქოს ხელს უწყობდნენ მტრის ხაფანგიდან გამოხსნას. მათ გადამწყვეტი ბრძოლა რომ არ დაეჩქარებინათ, შესაძლოა, სულასა და ფლაკუსს შორის ატეხილი ბრძოლის მოწმენი გამხდარიყვნენ.

ეტყობა, არქელაოსიც წინდახედულად ზომავდა მტრის მძიმე მდგომარეობას და ცდილობდა, შეტაკება არ დაეჩქარებულყო. მაგრამ დანარჩენ პონტოელ სარდალთა დაჟინებული მოთხოვნით ბოლოს ისიც დათანხმდა, საბრძოლველად განელაგებინა არმია.

ბრძოლა მოხდა 86 წლის მარტში მდინარე კეფისოსის ველზე, ქალაქ ქერონეას მახლობლად.

სულას 15 000 ლეგიონერი და 1 500 ცხენოსანი ჰყავდა. არქელაოსს — 50 000. მაგრამ პონტოელებმა ვერ გამოიყენეს რიცხოვრები უპირატესობა. მათი არმიის სურსათ-სანოვავით მომარაგების საქმეც მოუგვარებელი იყო. ამის გამო მეომრები ახლომახლო პუნქტებს ძარცვავდნენ, რაც ადგილობრივი მოსახლეობის მტრულ განწყობილებას იწვევდა. ეს კი, თავის მხრივ, ხვალისდელ ომში უეჭველად პონტოელთათვის საზიანო და რომელთათვის სასარგებლო შედეგს მოიტანდა.

ამას გარდა, არქელაოსს ვერ დაემყარებინა საჭირო წესრიგი თავის მრავალრიცხოვან, სხვადასხვა ენაზე მოლაპარაკე მეომართაგან შემდგარ ლაშქარში.

სულ სხვა ატმოსფერო შექმნა რომაელმა სარდალმა თავის ზანაკში, ის მტრის სიმრავლემ ვერ დააბნია. მან გადაწყვიტა, ბრძოლის დაწყებამდე ჯარისკაცები მძიმე შრომითა და მკაცრი მოპყრობით დაეტანჯა, რომ მათში ჩაენერგა ბრძოლისადმი წყურვილი და მისწრაფება. სულამ ბრძანა, კალაპოტიდან გადაეგდოთ იქვე მომდნარე კეფისოსი და ბანაკის ორივე ფლანგზე ფართო და ღრმა თხრილები გაეთხარათ. ოდნავი შესვენების უფლებასაც არავის აძლევდა და ჩამორჩენილებს სასტიკად სჯიდა.

გაწამებული მეომრები ბრძოლად გასვლას მოითხოვდნენ, რადგან ომი ახლა მათ უფრო იოლ საქმედ მიაჩნდათ. ამის შემდეგ სულამ შესაძლებლად ჩათვალა შეტევის დაწყება.

არქელაოსმა ვიწრო, ოღროხოლო, დაქანებულ ველზე განლაგა არმია. მან ვერ გაითვალისწინა, რომ ასეთ ადგილზე ძნელი იქნებოდა მისი მრავალრიცხოვანი ლაშქრის მანევრირება. საჭიროების შემთხვევაში, უკანდახევაც შეუძლებელი იქნებოდა, რადგან ზურგში კეფისოსი მოედინებოდა და იქვე მთებიც იყო წამოზიდული.

არქელაოსმა პირველ რიგში ცელებით შექპურვილი ეტლები ჩამწყრივა, მათ უკან 15 000 მონა დააყენა, რომელთაც გამარჯვების შემთხვევაში თავისუფლება ჰქონდათ აღთქმული. მონებს უკან იდვა პონტოელთა ფლანგა, ხოლო შემდეგ მოსდევდნენ დამხმარე ნაწილები და იტალიელი ემიგრანტები: სულ ბოლოს, ზურგში იდგნენ მსუბუქად შეიარაღებული მეომრები. პონტოელთა სარდალი განსაკუთრებულ იმედებს ამყარებდა მძლავრ კავალერიაზე. ამიტომ მან ცხენოსნები დააყენა ორივე ფლანგზე, საიდანაც იგი მტრის გარემორტყმას ვარაუდობდა.

სულამ ფლანგებზე ღრმა თხრილები გაათხრევინა და მიწყრილებიც აღმართა იქვე. პონტოელთა კავალერიის პირისპირ თავისი მხედრობა დააყენა. კავალერიის მარცხენა ფლანგი გადასცა ლუციუს მურენას, ხოლო მარჯვენას თვითონ უსარდლა. ლეგიონები სამ რიგად განლაგა. მათ შორის, ფართო ინტერვალებზე, მოწინააღმდეგის ეტლების თავდასხმის უნებელსაყოფად, ხშირი ლობურები გააწყობინა. სულ ბოლოს, ღრმა ზურგში, დადგნენ სათადარიგო ნაწილები პორტენზიუსისა და გალბას მეთაურობით. ამათ აგრეთვე ევალეზობდათ უკუგდება მტრის მოსალოდნელი გარემორტყმისა.

ბრძოლა იმით დაიწყო, რომ ქერონეელი ბერძნების დახმარებით რომაელთა სახელდახელო რაზმმა პონტოელთა უკიდურეს მარ-

ცხენა ფლანგს შეუტია. ეს ფლანგი განლაგებული იყო თურიონის ბოლოცხე. პონტოელები მოულოდნელ თავდასხმას გაეჭკნენ, თავისიანთა რიგებს მიაწყდნენ და ისინიც არივდარივეს. სულა მაშინვე ვადავიდა შეტევაზე. არქელაოსმა ცხენოსანთა რაზმი აფრინა, მაგრამ რომაელებმა იგი უკუაქციეს ძლიერი დარტყმით. მაშინ არქელაოსმა ცელებიანი ეტლები მიუშვა ფრონტზე. მაგრამ ეტლებმა ადგარის სიეწროვის გამო სიჩქარე ვერ აიღეს და უამისოდ დიდი ზიანი ვერ მიაყენეს მტერს. რომაელები ღობურებს ამოეფარნენ და ვზა მისცეს პონტოელთა მოიერიშე ეტლებს, რომლებმაც გვერდით უსაზმნოდ ჩაუბრინეს და რომაელთა განლაგების ბოლოში სისხლდაუქცევლად მოექცნენ. აქ მათ შემობრუნება გაუჭირდათ, ელიც ვერ გამოიღეს და რომაელთა ხელით მთლიანად განადგურდნენ.

ახლა ბრძოლაში ჩაებნენ შუაგული ნაწილები. რომაელებს ძალიან გაუჭირდათ ბრძოლა ქვეითი არმიის წინ მდგარ მონათა წინააღმდეგ. მონები საოცარი თავგანწირულებით უტევდნენ, მაგრამ წინა ხაზზე გასაქირში ჩავარდნილ რომაელებს წამოეშველნენ თაღარიგში მდგომნი და ცეცხლწაქიდებული ისრების სეტყვით გასტეხეს მონათა წინააღმდეგობა.

მერე რომაელები ეკვეთნენ პონტოელთა ფლანგებს და აქაც სრული უპირატესობა ივდეს ხელთ. ბრძოლა ახალ საბრუნავში შევიდა. არქელაოსმა ორი ათასი მხედრით წამოიწყო შეტევა მარჯვენა ფლანგიდან. ალყაში სურდა მოექცია მოპირდაპირე. მის წინააღმდეგ აასწრაფოდ დაიძრნენ ჰორტენზიუსი და ვალბა, მაგრამ სასტიკად დამარცხდნენ და უკუიქცნენ. პონტოელმა მხედრებმა მათი ლაშქარი მოსწყვიტეს რომელთა დანარჩენ ნაწილებს და რკალში მომწყვდევით დაემუქრნენ. სულამ მიატოვა თავისი მარჯვენა ფლანგი, — რომელიც ბრძოლაში ჯერ კიდევ არ ჩაბმულიყო — და ჰორტენზიუსისა და ვალბას მისაშველებლად გაქუსლა.

მაშინ არქელაოსმა თავი მიანება მტრის მარცხენა ფლანგს და უმეთაუროდ დარჩენილ რომაელთა მარჯვენა მხარეს მიაშურა. იმავე დროს ტაქსილეს სარდლობით პონტოელთა კავალერიის მეორე ფლანგმაც დაიწყო შეტევა მის პირდაპირ მდგარი მურენას წინააღმდეგ.

აჟლა ერთხანს დაიბნა კიდევ: აღარ იცოდა, რომელ მხარეს მრშველებოდა. ბოლოს არჩია ისევე მარჯვენა ფლანგი, რომელსაც გაშმაგებით უტევდა თვითონ არქელაოსი. მაგრამ სულამ შეაძინია, რომ ძალიან უჭირდა მურენას ტაქსილეს მხედართა შემოტევისაგან. ამიტომ მან მურენას დასახმარებლად გადაისროლა ჰორტენზი-



უსისა და გალბას სათადარიგო ჯარები, თვითონ კი ერთი კოპორტი მიიჭრა მარჯვენა ფლანგზე.

არქელაოსი დამარცხდა და უკუიქცა. სულა შემობრუნდა და უკვე გასაქცევად გამზადებულ მურენას მიუშველა. აქაც გამარჯვების სასწორი რომაელთა მხარეს გადაიხარა. ტაქსილემაც ზურგი აქცია ბრძოლას. რაკი პონტოელთა არმიის ყველაზე ძლიერმა ნაწილებმა მარცხი განიცადეს, ველარც დანარჩენებმა შეაკავეს რომაული ლეგიონების მძლავრი შეტევა.

არქელაოსის მთელი არმია დამარცხებული იყო. რომაელები პონტოელთა სამხედრო ბანაკსაც დაეუფლნენ.

ამ გამარჯვებას სულასათვის უფრო მორალური მნიშვნელობა უნდა ჰქონოდა. ამით საგრძნობლად უნდა განმტკიცებულიყო მისი პრესტიჟი რომში, სადაც პოპულარები გამარჯვებას ზეიმობდნენ და სულა ნაცვლად აღმოსავლეთის სარდლად ვალერიუს ფლაკუსს თვლიდნენ. ბრძოლაში სულას თავგანწირულებამ და სიმამაცემ კიდევ მეტად გაზარდა მისდამი პატივისცემა მეომართა შორის. იგი ნამდვილ გმირად იქცა.

ქერონეასთან დამარცხებამ შეარყია მითრიდატეს გავლენა მის ქვეშევრდომთა და მოკავშირეთა შორის. სწორედ ამიტომ პონტოს მეფემ თავის ბევრ ქვეშევრდომს ექვის თვალით დაუწყო ცქერა და ტერორის გზით სცადა საეჭვოთა ჩამოცილება.

სულასათვის ამ ბრძოლას პრაქტიკულად თითქმის არაფერი მიუცია. მას არ გააჩნდა არც ერთი ხომალდი, ხოლო ზღვაზე კვლავ პონტოელთა ფლოტი ბატონობდა. მითრიდატეს ყოველ წუთს შეეძლო ახალ-ახალი ჯარები გადაესხა ბალკანეთზე და აღედგინა თავისი პატივობა. სულას ძალიან აშფოთებდა საბერძნეთში პოპულართა არმიის ჩამოსვლა.

მც წლის დასაწყისში კონსულმა ვალერიუს ფლაკუსმა, ადრიატიკზე მითრიდატეს მეზღვაურთაგან მიღებული ზარალის მიუხედავად, ორი ლეგიონი გადაიყვანა ეპირში. მერე აქედან გაეშურა სულას წინააღმდეგ საბრძოლველად ბეოტიაში.

სულამ როგორც კი ეს ამბავი შეიტყო, შემობრუნდა არქელაოსზე დასადევნებლად გამზადებული არმია და გადავიდა თესალიაში ფლაკუსთან შესახვედრად.

ვალერიუს ფლაკუსი ბრძოლაში გამოუცდელი, სასტიკი, გულმხარბი ანგარი და სულმოკლე კაცი იყო. ამიტომ მას ბევრმა მებრძოლმა უღალატა და სულას ბანაკს მიაშურა. მეომრები ძლივს შეაკავე ფლაკუსის ლეგატმა ფიმბრიამ.

მოწინააღმდეგე რომაელი სარდლები თავიანთი არმიებით ერთმანეთს შეხვდნენ ქალაქ მელიტეასთან, თესალიაში.

მებრძოლთა ღალატით შემკრთალმა ფლაკუსმა ვერ გაბედა 'მებრძოლებოდა მრისხანე სარდალს, რომელიც ახლახან ბრუნდებოდა ბრძოლის ველიდან გამარჯვების შარავანდედით მოსილი. ერთგული და ბრძოლაში ნაწრთობი არმიით. ფლაკუსმა გვერდი აუქცია სულანელებს და გაემართა ჩრდილო-აღმოსავლეთით, რათა მაკედონიისა და თრაკიის გავლით გადასულიყო აზიაში და იქ მებრძოლებოდა მითრიდატე პონტოელს.

სულამაც თავი შეიკავა და მეტოქეს არ გამოედევნა.

საქმე იმაში იყო, რომ აზიიდან ხმა მოვიდა, მითრიდატემ ახალი ძლიერი ჯარი შეკრიბა და რომაელთა წინააღმდეგ გამოგზავნათ. ამიტომ მეტისმეტი წინდაუხედაობა იქნებოდა თანამომკმეებზე თავდასხმა და შემდეგ, ან იმავდროულად, ძლიერი მტრის წინააღმდეგ გალაშქრება. ასეთი გეგმის განხორციელება დიდ ძალებს მოითხოვდა, ხოლო სულას მაშინ ამის შესაძლებლობა არა ჰქონდა. უმჯობესი იყო, რომ სულას მცირედად მაინც გამოეყენებინა ფლაკუსის არმია მტრის წინააღმდეგ ბრძოლაში. თუმცა ეს ამბავი ცოტათი შელახავდა მის განუზომელ პატივმოყვარეობას, მაგრამ კონსულის მომრების მის მხარეზე გადასვლამ, ალბათ, დაარწმუნა, რომ პოპულარების არმიის სარდლობას აზიაში დიდი დღე არ ჰქონდა, და იმედოვნებდა, ფლაკუსის ლეგიონები დღეს თუ ხვალ მთლიანად მისი დროშის ქვეშ დადგებოდნენ.

სულას აზინებდა აღმოსავლეთის ძლიერი მბრძანებელი, რომელიც ფხიზლად უთვალთვალებდა რომაელთა შორის ყოველწინაირ განხეთქილებას. მათი შუღლი პონტოს მეფეს ფრთებს ასხამდა და ძალას მატებდა.

ყოველივე ამას სულა კარგად ხედავდა, ამიტომ მელიტეიდან შემობრუნდა და ატიკისაკენ გაეშურა მტრის ახალ ჯარებთან შესახვედრად.

## 8. ო რ ა მ ე ნ ი

ქერონეასთან მარცხმა მითრიდატეს იარაღი ვერ დააყრევინა. იგი სწრაფად შეუდგა ახალი ჯარების შეკრებას. მან 70 000 მკომრისგან შემდგარი არმია ჩააბარა სარდალ დორილაოსს და სარევიან-შო ბრძოლისათვის საბერძნეთში გაგზავნა.

დორილაოსი ქალკიდაში მივიდა. აქ მას შეუერთდა არქელაოსი. გადარჩენილი 10 000 მეომრით.

ამგვარად, ოთხმოცათასიანი პონტოური არმია ხელახლა შეიჭრა ბეოტიაში და დაიპყრო იგი.

პონტოელ სარდალთა შორის უთანხმოება ჩამოვარდა. როგორც რომაელებთან შეტაკებაში არაერთგზის ნაცადი, არქელაოსი უფრო ფრთხილობდა და მოითხოვდა გადამწყვეტი ბრძოლა არ დაეჩქარებინათ. ეს ტაქტიკური მოსაზრება სწორი იყო, რადგანაც ომის განხანგრძლივებას სულა ვერ გაუძლებდა. მას სული ელეოდა, როდის მორჩებოდა მითრიდატეს არმიებთან ჭიდილს, რომ აღმოსავლეთში დაგროვილი ნაძარცვით დატვირთული და დიდებით შემეკული დაბრუნებულყო რომს, სადაც დრო იმეამად მის წინააღმდეგ მოქმედებდა.

დორილაოსი კი მოითხოვდა, დაუყოვნებლივ შებმოდნენ სულას. ჭერონეასთან მარცხის მიზეზად მას ლალატი მიაჩნდა. ამიტომ სრული იმედი ჰქონდა თავისი არმიის რიცხობრივი უპირატესობისა და გადაჭრით მოითხოვდა ბრძოლის სასწრაფოდ დაწყებას.

რომაელნი და პონტოელნი ახალ დიდ ბრძოლაში ერთმანეთს შეხვდნენ ისევ კედისოსის ველზე, ქალაქ ორქომენის მახლობლად. ორქომენის ფართო ველმა, სადაც პონტოელთა ძლიერ კავალერიას თავისუფალი მანევრირების საშუალება ექნებოდა, არქელაოსიც წააქეზა, დათანხმებოდა ბრძოლის დაწყებას.

სულა სასწრაფოდ შეუდგა ფლანგებიდან ღრმა თხრილების გაკრას, რათა მოწინააღმდეგის მხედრობისათვის გზები მოეკვეთა მანევრირებისათვის მოსახერხებელი ადგილებისაკენ და შეერეკა ისინი კედისოსის გაუვალ ჭაობებში. როცა პონტოელმა სარდლებმა ეს შეამჩნიეს, შეტევას განკარგულება გასცეს.

პონტოელთა კავალერია შეუკავებელი ნიაღვარივით ეკვეთა რომაელთა განლაგებებს. რომაელებმა ვეღარ გაუძლეს მტრის მხედრების შემოტევას და უწესრიგოდ უკუიქცნენ.

სულამ საქმის გამოსწორება ჩვეული წაჭეზებითა და გამხნევებით სცადა, მაგრამ ამოდ: მისი მეომრები ბრძოლის ველს აღარ უბრუნდებოდნენ.

მაშინ სულა გადმოხტა ცხენიდან, აღმართა არმიის დროშა და თავისი მცველებით გარშემორტყმული შეიჭრა მტრის ლაშქარში, თანაც საშინელი ხმით შეჰყვირა შეშინებულ და ბრძოლიდან გამოქცეულ თავისიანებს:

„რომალებო, მე აქ მოკვდები მშვენიერი სიკვდილით! ხოლო, თქვენ, როცა გკითხავენ, თქვენს სარდალს სულას სად უღალატეთო, არ დაგავიწყდეთ, უპასუხოთ: როდესაც ის ორქომენტან იბრძოდა-თქო“.

მთავარსარდლის ასეთმა თავგანწირულებამ ბრძოლის ველისკენ შემობრუნა ჯერ ცალკეული რაზმების წინამძღოლნი, შემდეგ დანარჩენი მეომრებიც.

სულამ არაჩვეულებრივი სიმამაცის. თავგანწირულებისა და ენერჯის წყალობით ისევ თავისკენ შემობრუნა ბრძოლის წარხი. პონტოელებმა ვერ გამოიყენეს პირველი წარმატება და ბრძოლის ველს ზურგი აქციეს. სულამ შეამკიდროვა თავისიანები და ხელახლა შეუდგა თხრილების გაქრას მტრის გარშემო. პონტოელებმა ამის საპასუხოდ ისევ დაიწყეს შეტევა. მაგრამ მათ ველარ შეძლეს დაკარგული უპირატესობის დაბრუნება.

განსაკუთრებული სიმამაცით იბრძოდა პონტოელთა არმიის მარჯვენა ფლანგი, რომელსაც არქელაოსის ვაჟი დიოგენე მეთაურობდა. პონტოელ მშვილდოსნებს საჭირო მანძილის უქონლობის გამო ისრის გასროლა არ შეეძლოთ და მოწინააღმდეგეთ ისრის კონებს მახვილებივით აძგერებდნენ. დაღამებისას მათ დაიხიეს თავისი ბანაკისაკენ.

მეორე დღეს რომაელებმა ისევ დაიწყეს მტრის გარშემო თხრილების გათხრა. პონტოელებმაც კვლავ შეუტყეს. სულა კონტრშეტევაზე გადავიდა. ბრძოლის ამ უკანასკნელ დღეს ორივე მხარე განსაკუთრებული სიმამაცითა და სიკისკასით იბრძოდა.

ბოლოს რომაელებმა მოახერხეს მოწინააღმდეგის სიმაგრეთა გარღვევა. მაშინ პონტოელები, მახვილებით ხელში, ერთიმეორესთან მხარდამხარ მკიდროდ მდგარნი, სანგრებში გამაგრდნენ და ასე იცავდნენ თავს, ვიდრე ერთ-ერთმა ლეგიონის მეთაურმა, ბასილიმ, მეომრებით არ გაარღვია მათი რიგები და არ შეიჭრა ბანაკში.

პონტოელებს უკვე აღარ შეეძლო შეეკავებინათ ბანაკში შემოჭრილ რომაელთა მძვინვარება. ბევრი მათგანი მტრის მახვილს წაწოვებოდა, ბევრიც ქაობებში ჩაიხრჩო. არქელაოსი ქალკიდაში გაიქცა და იქ შეუდგა გადარჩენილ მეომართა თავის მოყრას. ბრძოლის ველზე 15 000 პონტოელი მეომარი დარჩა.

#### 4. პირველი „მითრიდატული“ დასასრული

სანამ საბერძნეთში რომაელები და პონტოელები ერთიმეორეს ერკინებოდნენ, არანაკლები მნიშვნელობის ამბები ხდებოდა აზიაში.

მითრიდატემ ჯერ კიდევ ქერონის მარცხის შეტყობისთანავე, როგორც უკვე ითქვა, ეკვის თვალით დაუწყო ცქერა ქვეშევრდომებსა და მოკავშირეებს. ამიტომ იგი ყველა საეჭვოთა მიმართ ტერორის გამოყენებას შეუდგა. პირველ რიგში მოაკვლევინა გალატიელი ტეტარაქები, რომელთაც, საერთოდ, ნაკლებად ენდობოდა

და რომაელთა გამოჩენისთანავე მათგან ღალატს ელოდა. მითრიდატემ დახოცილ ტეტრარქთა ქონების კონფისკაცია მოახდინა და მათ ქალაქებში გარნიზონები ჩააყენა.

მითრიდატეს კუნძული ქიოსიც გადაუდგა და რომალებსა და როდოსელებს მიემხრო. ბევრი ქიოსელი მოქალაქე სულასთან გაბოდა. მეფემ ქიოსის დასასჯელად გაგზავნა თავისი სარდალი ზენობი. სარდალმა კუნძული დაიპყრო. ორი ათასი ტალანტი (4 800 000 მან. ოქრ.) გადაახდევინა, ქიოსელები პონტოში გადაასახლა და მათ ადგილებზე პონტოელები ჩაასახლა.

მითრიდატეს გადაუდგნენ, აგრეთვე, ეფესო, ტრალი. ჰიპეა, მესოპოლისი, სარდი და მცირე აზიის სხვა მნიშვნელოვანი ქალაქები. მეფემ ისინიც სასტიკად დასაჯა. თანაც, მომავალში ღალატის თავიდან ასაცილებლად, თავისუფლება მიანიჭა ზოგიერთ ერთგულ ბერძნულ ქალაქს.

ეს ამბები მოწმობენ, რომ რომაელთა წარმატებებმა მითრიდატეს ახლად წარმოქმნილ იმპერიაში ნგრევა შეიტანა. მართალია. აზიის მოსახლეობა მას დიდი მონდომებით გაჰყვა საძულველი რომაელების წინააღმდეგ ბრძოლაში. მაგრამ მითრიდატე მაინც სასტიკ დესპოტად რჩებოდა, ხოლო დესპოტს არასოდეს არ მოუტანია ბედნიერება მოსახლეობის ფართო ფენებისათვის. მითრიდატემ, იტალიელების გაყლუტისა და ევროპაზე შეტევის პირველი ენთუზიაზმის შემდეგ, მეტისმეტი მკაცრი რეჟიმით შეაშუოთა და აიძვდრა თავისი ქვეშევრდომი ხალხებზე. განსაკუთრებით მას შემდეგ, რაც სულამ ზედიზედ დაამარცხა მითრიდატეს ძლიერი არმიები ათენთან, პირევსთან, ქერონეასთან და ორქონედთან.

მითრიდატეს ძლიერების ნერწყვი ერთ-ერთ ძირითად მიზეზად მის წინააღმდეგ ადგილობრივი, აზიელი წარჩინებული მოქალაქეებისა და მდიდარი მონათმფლობელებისა ამბედრებაც უნდა ჩაითვალოს. მითრიდატე ევპატორის პოლიტიკა, რომელიც, ძირითადად რომაელთა ძლიერების განადგურების მიზანს ემსახურებოდა, მძაფრ საზოგადოებრივ კრიზისს უწყობდა ხელს. მეფე ათიათასობით მონას ათავისუფლებდა და რომაელთა წინააღმდეგ ბრძოლაში აბამდა: მონათმფლობელთა და მდიდარ ფინანსისტთა კაბალაში მყოფ ვალაჩიბებულ მოსახლეობას ვალებისაგან ათავისუფლებდა და საბრძოლველად ერეკებოდა. ამიტომ აზიელი საზოგადოების მდიდარი ფენები უკმაყოფილონი იყვნენ და პონტოს მეფეს პირველ რიგში სწორედ ისინი მტრობდნენ; თავიანთი დაკარგული ეკონომიური მდგომარეობის აღდგენას რომაული ოლიგარქიის არმიასთან შეთანხმებით ცდილობდნენ და ამ საქმის მოსაგვარებლად აზიის „საუკე-

ულსო მოქალაქენი“ რომის პატრიციატის „პრინცეპსთან“ გარბოდ-  
ნენ.

თვით სამეფო კარზე მითრიდატეს წინააღმდეგ მისმა ახლობლებ-  
მა და მისი პოლიტიკით უკმაყოფილო დიდებულებმა არაერთგზის  
მოაწყვეს შეთქმულება. გამძვინვარებულმა მეფემ ათას ექვსასი  
წელქმული დასაჯა სიკვდილით...

მიუხედავად იმისა, რომ სულამ ორქომენის ბრძოლაც მოიგო და  
აზიაშიც მეფის წინააღმდეგ მღელვარებანი დაიწყო, მითრიდატეს  
ძლიერება მაინც ფეხზე იდგა. დიდ ბრძოლებს დიდი შედეგები არ  
მოაღწევდა. სულას კვლავ არც ერთი ხომალდი არ გააჩნდა, რომ  
ფლოტის საშუალებით ზღვა გადაელახა და თავს დასხმოდა პერგა-  
მონში მყოფ „აღმოსავლეთის ჰანიბალს“. რომელს იმის საშუალე-  
ბაც არ ჰქონდა, ვიწრო სრუტე გაეეცო, კუნძულ ევბეაზე გადასუ-  
ლიყო და დაეკავებინა ქალკიდა, სადაც თავს აფარებდნენ არქელა-  
ოსის ჯარის ნაშთები.

მითრიდატეს ბალკანეთზე არც ერთი ძლიერი არმია აღარ ჰყავდა,  
მაგრამ თუ ხელსაყრელ დროს დაინახავდა, თუ, მაგალითად, სულა  
იტალიაში დაბრუნდებოდა, შეეძლო აღედგინა საბერძნეთში დაკარ-  
გული ბატონობა.

სულას კი დრო დაყოვნების საშუალებას არ აძლევდა. რომიდან  
საშინელი ამბები მოსდიოდა. მასთან მორბოდნენ მარიუსელთაგან  
დენილნი; ახლობლები უთვლიდნენ, სასწრაფოდ დაბრუნებულიყო  
და მიშველებოდა მათ; მისი ვილები და კარმიდამო ნაცრად ქცეუ-  
ლიყო.

სულას დაბრუნება ეჩქარებოდა, მაგრამ პონტოს საბოლოო და-  
მარცხების გარეშე იტალიაში ჩასვლა მას სიკვდილის მეტს არაფერს  
უქაჯდა. მხოლოდ დიდებამოსილსა და სიმდიდრემოხვეჭილს შეეძ-  
ლო რომში დაბრუნება და თავისი ცხოვრების უმაღლესი მიზანდა-  
სახულების განხორციელება...

მაგრამ პონტოს საბოლოო განადგურებას კოლოსალური ძალები  
ღა ხანგრძლივი დრო სჭირდებოდა, სულას კი არც ერთი და არც  
მეორე არ სწყალობდა. ძალები ელეოდა, დრო კი რომისკენ ეზიდე-  
მოდა.

ამიტომ სულამ თავისი უმაღლესი იდეალის (ერთპიროვნული  
დიქტატურა!) განხორციელებისათვის საკმარისად მიიჩნია ის, რაც  
უკვე მოპოვებული ჰქონდა აღმოსავლეთში ამ პირველი შეტევების  
შედეგად. ე. ი. მას ამ მონაპოვართა შესანარჩუნებლად ზავი სწყუ-  
როდა. მან იცოდა, მითრიდატეს აზიაში პოლიტიკური მდგომარეობა

საგრძობლად შერყეოდა და საზავო მოლაპარაკების ინიციატივა-  
საც მისგანვე მოელოდა.

მითრიდატემაც იცოდა სულას მდგომარეობა და ისიც საზავო  
წამოწყებას მოპირდაპირისგან ელოდებოდა.

ასე უცდიდნენ ერთმეორეს მეომარნი და ზავის მოსურნენი,  
ვიდრე ვალერიუს ფლავუსის მოქმედებამ „წილი არ ჰყარა“.

პოპულარების არმია თესალიიდან მაკედონიაში გადავიდა და  
ბიზანტიონთან ბოსფორის სრუტეს მიაღდა. აქ ერთ ინიცედენტს  
მსხვერპლად შეეწირა კონსული ვალერიუს ფლავუსი.

ლეგატი გაიუს ვალერიუს ფიმბრია და არმიის კავალერიის უფ-  
როსი, კვესტორი, ერთმანეთს წაეკიდნენ რალაც ნაძარცვის გაყო-  
ფისათვის. კონსულმა ვალერიუს ფლავუსმა კვესტორის მხარე დაი-  
წირა. ფიმბრიამ ეს შეურაცხყოფა გულში ჩაიმარხა და სამაგიეროს  
გადახდაზე დაიწყო ფიქრი.

როცა ამის შემდგომ ვალერიუს ფლავუსმა არმია ბოსფორზე  
გადაიყვანა და ქალკედონისაკენ გაეშურა, ფიმბრიამ ფასცები (წყეპ-  
ლების კონები) წაართვა კონსულის ერთ-ერთ ლიქტორს. ეს კონსუ-  
ლის უმაღლესი ხელისუფლების შელახვას ნიშნავდა.

გაბრაზებულმა ფლავუსმა გათაუხედებელი ფიმბრიას დასჯა სცა-  
და, მაგრამ ჯარისკაცები მთავარსარდალსა და კონსულს გაუარშიე-  
დნენ და ფიმბრიას მიემხრნენ.

უჯაროდ დარჩენილი ფლავუსი ქალკედონში ვაიქცა. ფიმბრიას  
მოხარენი განოცდევნეს. კონსული ქალკედონიდან ნიკომედიაში გა-  
დავიდა. მდევრებიც მიჰყვნენ. ვალერიუს ფლავუსი, რომის უმაღ-  
ლესი ხელისუფალი. კონსული და მთავარსარდალი სიცოცხლის გა-  
დასარჩენად ჭაში ჩაძვრა. ფიმბრიანელებმა მას მიაგნეს. ამოართვიეს  
და მახვილით ყელი გამოსწრეს. თავი მოჰკვეთეს და ზღვაში ის-  
როლეს, ტანი დაუმარხავად დააგდეს.

ასეთი ამბავიც არ მოსწრებია რომის ისტორიას: რომის კონსუ-  
ლი თავისი ქვენა კაპრიზის ნიადაგზე მოჰკლა ვილაც კერძო კაცნა.

ფიმბრიამ მთავარსარდლობა ჩაიბარა და ლაშქრობა განაგრძო.

პონტოს მეფემ მის წინააღმდეგ გაგზავნა არმია თავისი შვილის,  
კოლხეთის მმართველის, მითრიდატეს სარდლობით. მითრიდატე  
უმცროსს ამ ლაშქრობაში თან ახლდნენ ცნობილი სარდლები —  
დიოფანტე, ტაქსილე და მენანდრე.

მოწინააღმდეგენი ერთმანეთს შეხვდნენ მილეტოპოლისთან.  
მდინარე რინდაკზე.

ფიმბრიამ გაითვალისწინა მოწინააღმდეგის კავალერიის სიძლი-  
ერე და თავისი ბანაკის ორივე მხარეზე მიწყარდლები აღმართა. ხო-  
ნ. ლ. სანიკიძე

ლო წინ, ფრონტით, თხრილები ამოთხარა ისე, რომ შუაში ვიწრო შესავალი დატოვა.

პონტოელებმა დაუყოვნებლივ მიიტანეს იერიში, მაგრამ რომაელთა თავდაცვით ზღუდეებზე ცხენოსანთა რიგები ვერ გაშალეს და რეასი მხედარი დაქარგეს.

მერე რომაელები გამოიჭრნენ ბანაკიდან და მტერს შეებნენ, მაგრამ დამარცხდნენ, უკუიქცნენ და ისევ ბანაკში ჩაიკეტნენ.

ბოლოს ვერც ახალგაზრდა უფლისწულმა და ვერც გამოცდილმა ვეტერანმა სარდლებმა წინდახედულება ვერ გამოიჩინეს. გარიყრაისას, კოკისპირულ წვიმაში, როცა პონტოელთა ბანაკს უდარდელად ეძინა, ფიმბრიამ ბრძანა, მდინარე გადაელახათ და მძინარე მტერს თავს დასხმოდნენ.

მართლაც, რომაელები სრულიად მოულოდნელად შეიჭრნენ პონტოელთა ბანაკში. მითრიდატე მრწემმა მხოლოდ მცირეთა თანხლებით გასწრო სიკვდილს.

მეფის ჯარების ამ ახალი დამარცხების შემდეგ მცირე აზიის ქალაქთა დიდი ნაწილი რომაელთა მხარეზე გადავიდა.

ფიმბრიას ჯარებმა ხელი მიჰყვეს აზიური ქალაქებისა და ადგილობრივი მოსახლეობის ძარცვა-გლეჯასა და ხოცვა-ჟლეტას. ფიმბრიამ ქალაქ კიზიკოსის მდიდარ მოქალაქეთაგან რამდენიმე კაცი სამაგალითოდ გააჯოხინა და შემდგომ თავები დააყრევინა. შეშინებულმა სხვა მოქალაქეებმა სიცოცხლის შესანარჩუნებლად აღარაფერი დაზოგეს და დიდძალი გამოსასყიდი მიართვეს სარდლობის უზურპატორს.

მერე ფიმბრიას ლეგიონები უეცრად გაჩნდნენ პერგამონის კედლებთან, სადაც იმჟამად იმყოფებოდა თვითონ მითრიდატე ევპატორი.

მეფემ სასწრაფოდ დატოვა ქალაქი და გაეშურა ახლო ნავსადგურ პიტანეში. აქ იგი ჩაჯდა გემში და ლესბოსისაკენ აიღო გეზი.

სწორედ ამ დროს გამოჩნდა სულას მიერ ფლოტისთვის გაგზავნილი ლუკულუსი, რომელსაც მართლაც შეეგროვებინა ხომალდები და სასწრაფოდ მიეშურებოდა სულას მისაშველებლად. ფიმბრიამ ოზოვნით მიმართა ლუკულუსს, ფლოტი მომანხარე მითრიდატეს შესაპყრობადო.

ლუკულუსმა ყური არ ათხოვა ფიმბრიას თხოვნას. მან მიატოვა თავისი თანამემამულე და გზა განაგრძო.

მითრიდატემ დატოვა პიტანე და არხენინად ჩავიდა ლესბოსზე, მიტილენაში.

იმედგაცრუებული ფიმბრია გაცოფებული მიუბრუნდა აზიის ქა-



ლაქებს და განაახლა მათზე თარეში. იგი მიაღვა სახელოვან ილიონს და ათი დღის ალყის შემდეგ აიღო.

ილიონს ასეთი ტრაგედია აღარ ახსოვდა სახელგანთქმული „ტროას ომის“ დროიდან. რომაელები ხოცავდნენ ყველას, ვისაც კი მოახელებდნენ; იტაცებდნენ ყველაფერს და წვაავდნენ ყველაფერს, რის წაღებაც აღარ შეეძლოთ. ფიმბრიამ არ დაინდო არც წმინდა ტაძრები. მას თავი არ შეუწუხებია ათენას ტაძარში თავშეფარებული ხალხის გარეთ გამოსადევნად; გარედან კარი დაკეტა და ტაძართან ერთად ყველანი ხანძარს მისცა. შემდეგ ბრძანა, ქალაქის კედლები მიწასთან გაესწორებინათ. მეორე დღეს თვითონ შემოუარა ქალაქს, რათა პირადად დარწმუნებულყო, რომ ყველაფერი „კარგად, პირწმინდად“ იყო დანგრეული და დაქცეული. დაუნგრეველი და დაუმსხვრეველი არ გადარჩენილა არც ერთი საკურთხეველი, არც ერთი სამლოცველო, არც ერთი ქანდაკება, აუოხრებელი არ დარჩენილა არც ერთი კერა.

ასე დაანგრია ტროა-ილიონი და ააწიოკა მისი ხალხი მისივე „ნათესავმა“. რომაელები ხომ თავის შთამომავლობას ტროა-ილიონიდან იწყებდნენ!

თვითონ ფიმბრიამ დაიკვება:

„მე ათ დღეში ავიღე ის ქალაქი, რომელსაც ათი წლის ომის შემდეგ ძლივს დაეუფლა აგამემნონი ათი ათასი ხომალდისაგან შემდგარი ფლოტით და მთელი ჰელადის ლაშქართა თანხლებით!

ამაზე ერთმა ილიონელმა სინანულით უპასუხა:

„ეს იმიტომ მოხდა, რომ ამჯერად ჩვენს ქალაქს დამცველად არ გამოუჩნდა გმირი ჰექტორი“.

ფიმბრიას წარმატებებმა ზავი დააჩქარეს. მართალია, სულასთვის ხელსაყრელი იყო, თავისი მეტოქის არმია რამდენადმე მაინც გამოეყენებინა მტრის დასასუსტებლად, მაგრამ არა ისე, რომ მისი ნაყოფი ფიმბრიას მოეწყვიტა. პატივმოყვარე კორნელიუს სულა არავითარ შემთხვევაში არ შეურიგდებოდა ზავის დადებას პონტოს მეფესა და ფიმბრიას შორის. ეს იქნებოდა მისი სრული მარცხის მომასწავებელი. ახლა რომაელ სარდლებს შორის მდგომარეობა კიდევ უფრო გაამწვავა იმან, რომ ფიმბრიამ სულასთან მოსალაპარაკებლად გაგზავნილი ილიონელი ელჩები დაახოცვინა და ამით მის მეტოქეს აზიაში ფეხის მოკიდების საშუალება დაუკარგა. სულას მიერ საბერძნეთში ჩატარებული სისხლისმღვრელი ომების შედეგთა მომკას ფიმბრია აპირებდა, როცა თავად სულა ფიქრობდა, პოპულარების არმიის გამოყენებით დაეჩოქებინა მითრიდატე და გამარჯვების ნაყოფი თვითონ მოეწყვიტა. ახლა მცირე აზიაში რომაე-

ლების გამარჯვება (ფიმბრიას გამარჯვება) უდრიდა რომაელების დამარცხებას საბერძნეთში (სულას დამარცხება). ამიტომ სულას როგორმე თვითონ უნდა მიეღწია მითრიდატესთან ზავის დადებისათვის.

მითრიდატესაც უკვე შეეძლო აერჩია, რომელ რომაელთან დაეწყო საზავო მოლაპარაკება, ფიმბრიასთან, თუ სულასთან. მან სულა ამჯობინა, რადგან ფიმბრიას, რომელიც უკვე აზიაში მოქმედებდა. შეეძლო უფრო მძიმე საზავო პირობები წაეყენებია მეფისათვის.

მითრიდატემ არქელაოსის პირით შეუთვალა სულას, რომ შეიძლებოდა მასთან ზავზე ლაპარაკი.

სულამ ღიდი სიამოვნებით მიიღო პონტოელი მეფის წინადადება.

ღაინიშნა პაემანი.

84 წლის ნათხულში მითრიდატე და სულა ერთმანეთს შეხვდნენ ქალაქ დარდანში, მცირე აზიაში, მცირეოდენი საყვედურებისა და მობოროტებების შემდეგ ისინი შეთანხმდნენ საზავო პირობებზე:

ტერიტორიულად წესდებოდა „მდგომარეობა ომის დაწყებამდე“ (status quo ante bellum). მითრიდატე ხელს იღებდა მის მიერ დაპყრობილ ტერიტორიებზე — მცირე აზიასა და ბალკანეთზე. მას უნდა დაებრუნებინა რომაელებისათვის „პროვინცია აზია“ (ყოფილი პერგამონის სამეფო), არიობარზანისათვის — კაპადოკია და ნიკომედესისათვის — ბითინია: გაეთავისუფლებინა პაფლაგონია და, საერთოდ, დასჯერებოდა ყველა იმ ტერიტორიას, რაც მას ხელთ ჰქონდა რომაელებთან ომის დაწყებამდე.

მითრიდატეს სულასთვის უნდა გადაეცა მთლიანად შეტყურილი სამოცდაათი გემი ზუთასი მშვილდოსნის თანხლებით.

აგრეთვე სულას სასარგებლოდ უნდა გადაეხადა ორი ათასი ტანკი.

გარდა ამისა, რომაელთა ბანაკში უნდა დაებრუნებინა ტყვე ჯარის უფროსები (ლუციუს კასიუსი და ქვინტუს ოპიუსი), ტყვეები, მოლაღატენი და გაქცეული მონები.

მითრიდატეს თავის სამშობლოში უნდა დაებრუნებინა პონტონი ძალით გასახლებული ქიოსელები და სხვა მოსახლენი.

რომაელები ვალდებულებას კისრულობდნენ, არავითარი ზიანი არ მიეყენებინათ იმ ქალაქებისთვის, რომლებიც მითრიდატეს ემხრობოდნენ.

რომე სცნობდა მითრიდატეს ყველა დანარჩენ სამფლობელოს, გარდა აღნიშნულისა. და აღიარებდა მას „რომაელი ხალხის მოკავშირედ და მეგობრად“.

ზავი წერილობით არ გაფორმებულა.

სულას იტალიაში დაბრუნება მანამ არ შეეძლო, სანამ ფიმბრია პოპულარტა არმიით აზიაში დათარეშობდა, ამიტომ იგი მითრიდატესთან ზავის დადებისთანავე გაეშურა თავისი მეტოქისაკენ.

ფიმბრია პერგამონის მახლობლად იყო დაბანაკებული.

სულა მიუახლოვდა და თვითონაც დაბანაკდა.

ფიმბრიას ჯარისკაცებს ისევ სულასკენ ეკირათ თვალი. ისინი მას თვლიდნენ ნამდვილ სარდლად. ხოლო ფიმბრიას უკვე არარად აგდებდნენ. ყოველ დილით ფიმბრიას ჯარისკაცები გამოდიოდნენ და ხმამაღლა ესალმებოდნენ სულას მეომრებს, ეხმარებოდნენ მათ თხრილების გაკრაში და ბევრი მათგანი ფიმბრიასთან ალარც კი ბრუნდებოდა.

სულამ ბანაკი მოაწყო, გაამაგრა, ფიმბრიას კაცი გაუგზავნა და შეუთვალა:

„დაუყოვნებლივ ჩამაბარე ჯარები, რომელთაც შენ უკანონოდ სარდლობ!“

პასუხიც ასეთივე მოკლე იყო და აგდებული:

„მე თუ უკანონო სარდალი ვარ, არც შენ ბრძანდები კანონიერი. რომში შენ ხომ უკვე გადაგაყენეს მთავარსარდლობიდან!“

სულა სიბრაზისაგან კინალამ გაგრედა.

სასწრაფოდ მთელი არმია ფეხზე დააყენა და მოპირდაპირის ბანაკის გარშემო ღრმა და ფართო თხრილების გათხრას შეუდგა.

ფიმბრიანელებმა გაახშირეს სულას მხარეზე გადასვლა.

ფიმბრიამ სიტყვით მიმართა ლეგიონებს. არცხვენდა და ემუქრებოდა ყველა გაქცეულთ და მოუწოდებდა დანარჩენებს, სასწრაფოდ გამზადებულიყვნენ სულასთან საომრად.

საპასუხოდ ჯარისკაცებმა დაიღრიალეს. რომ არ იომებდნენ თანამემამულეთა წინააღმდეგ.

ფიმბრია ისტერიამ შეიპყრო. ტანსაცმელი შემოიხია, მიწაზე გაგორდა, იყვირა, იღრიალა, იღმუვლა. ცრემლების ღვრით უვარდებოდა ფეხებში მეომრებს და ემუდარებოდა:

„ნუ დამოუბავთ, ნუ მიმატოვებთ. წამომყევით, ვიომოთ, ნუ მიმატოვებთ!..“

არც ამან გამოიღო ნაყოფი.

მავინ ნამტირალევმა, ტანსაცმელშემოძარკვეულმა და სხეულდაჯაწრულმა მანიაკმა ჯარის უფროსები შეკრიბა და ერთგულების ფიცო მოითხოვა.

როცა ამათგანაც უარი მიიღო და მუქართა და მუდართთ არაფერი გამოუვიდა, სულას იღუმალად მკვლელი გაუგზავნა.

ესეც გამჟღავნდა. მერე, სულასთან მოლაპარაკება სცადა. სულამ პასუხის ღირსადაც არ ჩააგდო.

ბოლოს და ბოლოს, როგორც იქნა, ფიმბრიამ გაბედა და თავი მოიკლა.

სულამ ფიმბრიას ლეგიონები შეიერთა.

მერე კურიონს უბრძანა, დაებრუნებია ნიკომედე და არიობარზანი თავიანთ სამეფო ტახტებზე, პირველი — ბითინიაში, მეორე — კაპადოკიაში.

სულას მთავარი საზრუნავი ახლა დიდი ნაძარცვის დაგროვება იყო. რომაელთა სარდალმა აზიის მოსახლეობას არ აკმარა ის ნგრევა და გაჩანაგება, რაც მან იმ ომების შედეგად განიცადა. სულამ თავისი მეომრები ეგზეკუციის წესით ჩაუყენა ყოველ ოჯახს. რომაელი მეომრები ჩვეული თავხედობითა და თვითნებობით იქცეოდნენ.

სულამ ბრძანა, ყოველი სახლის უფროსს მის ოჯახში მდგომი რომაელი რიგითი მეომრისათვის ყოველდღიურად გადაეხადა ოთხი ტეტრადრამა, გამოეყვება უფასოდ და, თუ მეომარი მოისურვებდა, პატივი ეცა მისი მეგობრებისათვისაც, რამდენიც არ უნდა ყოფილიყვნენ ისინი რიცხვით. ხოლო ცენტურიონისათვის (ასმეთაური) მოსახლეს ყოველდღე უნდა მიეცა თხუთმეტი დრამა და ორი წყვილი ტანსაცმელი — ერთი საშინაო და მეორეც საგარეო.

სულამ ანგარიში არ გაუწია მითრიდატესთან დადებული ზაკის; იმ მუხლს, რომლის ძალითაც, მას ვნება არ უნდა მიეყენებინა პონტოს მეფის მომხრე ქალაქებისათვის. მან სასტიკად დასაჯა პონტოური ორიენტაციის ქალაქები და ცალკეული პირები. განსაკუთრებით დაზარალდა ქალაქი ეფესო.

აზიის მოსახლეობას ყველაზე მძიმე ტვირთად დააწვა რომაელი სარდლისაგან დაკისრებული კონტრიბუცია. სულამ მოითხოვა, დაუყოვნებლივ გადაეხადათ მთელი ხუთი წლის გადასახადი, რაც უდრიდა ოცი ათას ტალანტს (ორმოცდარვა მილიონი მანეთი ოქროთი).

სულა საშინელი სისასტიკით კრეფდა ხარკს. ქალაქები, რომელთაც არ ჰქონდათ ხარკის გადახდის საშუალება, იძულებული ხდებოდნენ დაეგირავებინათ თეატრები, გიმნაზიუმები, სიმაგრეები, ნავსადგურები, გემები.

მაგრამ რომაელი მძარცველები მაინც გულნაკლულად გრძნობდნენ თავს. სიმდიდრეზე და ძარცვა-გლეჯაზე შეყვარებულებმა შუ-

რით აღვსილი თვალი გააყოლეს მითრიდატეს, რომელიც მდიდარი ნადავლით დატვირთული გავიდა პერგამონიდან.

სულამ აზიაში დატოვა ლუციუს მურენა და ფიმბრიასეული ორი ლეგიონი.

თვითონ რომისაკენ დაიძრა.

ამგვარად, ამ ომმა რომსა და პონტოს შორის საომარი ამოცანები ვერ გადაჭრა. სანამ მითრიდატე ევპატორი ცოცხალი იყო, „მგლის ნაშიერთ“ აღმოსავლეთში მშვიდი ძილის საშუალება არ ექნებოდათ. პონტოს სამეფო აზიის ჩაგრული ხალხის მედროშე იყო რომაელების წინააღმდეგ ბრძოლაში.

მითრიდატე თავის სამეფოში ისე დაბრუნდა კრილობების მოსაშუშებლად, როგორც ბრძოლაში დაჭრილი ნადირი თავის ბუნავში. და ახალი, უფრო მძლავრი ნახტომისათვის დაიწყო სამზადისი.

მითრიდატე დათანხმდა, დასჭერებოდა სამემკვიდრეო სამეფოს, მაგრამ თავის ხელმწიფური სკიპტრის ქვეშ აზიის გაერთიანების დროშა ხელიდან მაინც არ გაუგდია.

ასე რომ, რომაელებმა აზიის აზვირთებული მდინარე თავის წინანდელ კალაპოტში ჩააყენეს, მაგრამ მისი ხელახალი მოზღვავებისა და აღმოსავლეთში რომაული ნათესის წალეკვის საფრთხე მაინც ვერ აღკვეთეს.

მაგრამ სულამ თავისი უმაღლესი იდეალის განსახორციელებელი რესურსები უკვე მოიპოვა აღმოსავლეთში.

83 წელი იდგა. სულა აზიიდან რომისაკენ მიემშურებოდა.

ვაი მას, ვისაც თავზე დააცხრებოდა!

## თ ა ვ ი მ ე ო რ ე

### მარიუსის მეშვიდე არწივი

#### 1. „ჰვა ვინც ისროლა...“

ხუთი წლით უკან დავიხიოთ.

რა მოხდა რომში სულასა და მარიუსის წასვლიდან სულას დაბრუნებამდე?

როგორც კი სულა იტალიიდან გავიდა, კონსულმა ლუციუს კორნელიუს ცინამ, პოპულართა ბელადმა, დაუყოვნებლივ გამოუცხადა ბრძოლა ოპტიმატურ სენატსა და მისი რჩეულის, სულას კანონმდებლობას.

ამგვარად, დემოკრატიული ბრძოლის სიომ იმ მხრიდან დაჰბერა, საიდანაც არავინ მოელოდა: ცინა არავის, არც მტერსა და არც მოყვარეს, არ მიაჩნდა იმოდენა პიროვნებად, რომ ასეთი დიდი პოლიტიკური ექსცესის სათავეში წარმოედგინათ.

და ერთბაშად, ამ ჩვეულებრივმა, „ტრაფარეტულმა მოკვდავმა“, რომელსაც სულამ უკვე კონსულს, ხალხის წინაშე კაპიტოლიუმიდან ქვა ასროლინა, ახლა პოლიტიკური ბრძოლის ასპარეზზე გამოიტანა დიდი ზომა-წონის მქონე პრობლემები.

ცინამ ჯერ ამნისტია გამოუცხადა სამშობლოდან გაძევებულ და სიკვდილმისჯილ მოქალაქეებს. გარდა ამისა, ყველა ტრიბაზე ანაწილებდა ახალ მოქალაქეებს, იტალიეებსა და ლიბერტინებს (გააზატებული მონები). ეს ნიშნავდა სულპიცეუსის კანონმდებლობის აღდგენას.

ცინას მხარში ამოუდგნენ მამაცი და კეთილშობილი კვინტუს სერტორიუსი და პოპულარული ტრიბუნი გნეუს პაპირიუს კარბონი.

ოპტიმატები მეორე კონსულის, გნეუს ოქტავიუსის მეთაურობით. გააფთრებული წინააღმდეგობით შეხვდნენ დემოკრატთა ახალ გამოსვლას.

იმ დღეს, როცა ცინამ თავისი კანონპროექტები საგანგებოდ მოწვეულ კომიტეაზე გამოიტანა, რომის ფორუმზე არნახული ხოცვა-ჟლეტა გაჩაღდა ოპტიმატებსა და პოპულარებს შორის. ორივე მხრიდან ათი ათასი კაცი დაიღუპა. ოპტიმატებმა გაიმარჯვეს. სენატმა ცინა კონსულობიდან გადააყენა და მის მაგივრად კონსულად უმაღლესი ქურუმი ლუციუს კორნელიუს მერულა გამოაცხადა.

მალე ცინა, სერტორიუსთან, პაპირიუსთან და სხვა აქტიურ დემოკრატებთან ერთად, სახელმწიფოს მტრად გამოაცხადეს და სიკვდილის განაჩენიც გამოუტანეს.

სიკვდილმისჯილები რომიდან გაიქცნენ. ცინა გზადაგზა, ტიბურში, პრენესტეში, ნოლაში და სხვა ქალაქებში, მომხრეებს აგროვებდა და ჯარებს კრებდა, ბოლოს იგი მივიდა კაპუაში, სადაც იმ დროს ერთი რომაული არმია იდგა. ცინამ გადაწყვიტა, რაღაც უნდა დასჯდომოდა, ეს ლეგიონებიც თავის საბრძოლო დროშის ქვეშ დაეყენებინა. ამისათვის პირადი თავმოყვარეობის შელახვასაც არ შოეროდა. დაიწყო იმით, რომ სამხედრო მეთაურებს ემლიქვნელებოდა. მერე გამოვიდა მთელი არმიის წინაშე, კონსულის ინსიგნიები მოიხსნა, ძირს დაყარა და ცრემლების ფრქვევით აყვირა:

„მოქალაქენო. ხომ თქვენგან მივიღე ეს უმაღლესი ძალაუფლება? მე ხომ ხალხმა ამირჩია? ჰოდა, ახლა სენატმა თქვენი თანხმობის გარეშე გადაამაგრო კონსულობიდან! მე ჩემს თავზე გამოვცადე ეს უბედურება, მაგრამ მაინც თქვენთვის მეწვის გული. განა ღირს ამის შემდეგ ტრიბების აღერსი? რაღა ძალა გექნებათ თქვენ სახალხო კრებებზე. ხმის მიცემისას, კონსულთა არჩევნებისას, თუ არ დაიბრუნებთ ყველაფერ იმას, რისი გაცემაც აჭამდე შეგეძლოთ?“

სიტყვა რომ დაამთავრა, ტანსაცმელი შემოიხია, ტრიბუნიდან ჩამოხტა, ხალხს მიაწყდა და წინმდგომთა ხელებზე გადაესვენა.

რასაკვირველია, დევნილი კონსულის მხოლოდ ისტერიულ გამოსვლას არ შეეძლო ხალხის აჯანყება გამოეწვია. საქმე მის საბრძოლო პროგრამაში მდგომარეობდა. ცინა ხალხის ყველაზე მგრძობიარე ნერვს ჩხვლელდა: უმაღლესი ძალაუფლების დაკარგვა და სენატისადმი მისი დათმობა სახალხო ფენებს უსისხლოდ და უმსხვერპლოდ ვერ წარმოედგინათ.

ცინა ჯარისკაცებმა დაამშვიდეს. ზელახლა მორთეს კონსულის ატრიბუტებით, ტოგა წამოასხეს, სპილოს ძვლის სავარძელზე დააბრძანეს და წინ ფასცები დაულაგეს, გაამხნევეს და ბრძოლაში თანადგომა აღუთქვეს. ყველა მეთაურმა ერთგულება შეჰფიცა და თავისი რაზმიც დაათიცა.

ამგვარად, ცინა გაბატონდა კაპუაში. რომის შემდგომ იტალიის

ყველაზე დიდ ქალაქში. მაგრამ ის ამით არ დაკმაყოფილდა. იტალიის დანარჩენ ოლქებში, ქალაქ-სოფლებშიც დადიოდა და თანამებრძოლთა რიგებს ზრდიდა. იტალიელებიც ზომ მუდამ მზად იყვნენ, სენატის წინააღმდეგ აღმოცენებულ ყოველნაირ ოპოზიციას მხარში შესდგომოდნენ. ისინი არც ამკერად იშურებენ საომარ ძალებს და რესურსებს რომაული დემოკრატიის დასახმარებლად.

ცინას ძლიერი მამველი ძალა უნდა მიეღო სულას მიერ დევნილ ემგირანტთა ამნისტიით.

რაც მთავარია. ბრუნდებიან მარიუსი და მარიუსელები.

გაიუს მარიუსს კიდევ ერთხელ შესცინა ბედმა. მან კვლავ დააღწია თავი სიკვდილის ავი თვალების მზერას. იგი მისებრ განაწამები ზუთასი უბედურით კერკინიდან წამოვიდა და მიაღვა ეტრურის ქალაქ ტელამონს.

## 2. სისხლიანი არწივი

ნაპირზე გადმოვიდა თუ არა, იტალიის მიწამ მაშინვე იგრძნო თავისი უძღები შვილის ნაბიჯთა სიმძიმე.

მოდოდა გაიუს მარიუსი, სამოცდაათ წელს მიღწეული მოხუცი, დაძინილი და ჭუჭყით გაზინთული, თვალჩასისხლიანებული და თმაწვერაგაბურძვნილი, ჟამთა სიავით დასეტყვილი და გაბოროტებული.

გადმოსვლისთანავე არისტოკრატიული „ტირანიის“ წინააღმდეგ მოუწოდა იტალიელებსა და მონებს. აღუთქვამდა მათ რომის მოქალაქეობასა და თავისუფლების მინიჭებას.

მის ხელქვეით ერთბაშად ექვსი ათასმა მეომარმა და ორმოცმა გემმა მოიყარა თავი.

ასეთი ძალებით მარიუსი წარსდგა ცინას წინაშე.

ცინამ დიდის სიხარულით მიიღო სახელოვანი გმირი და პროკონსულის რწმუნებით მთავარსარდლობა გადასცა.

კონსულები ოქტავიუსი და მერულა მხნეობას არ კარგავდნენ. მოსახლეობასაც ამხნეებდნენ, ხალხი ქალაქის კედლებისა და თავდაცვით ზღუდეთა გასამაგრებლად გამოჰყავდათ. დამხმარე ძალებისთვის შიკრიკები აფრინეს გალიასა და იტალიის სხვადასხვა ქალაქებში. სასწრაფოდ გამოიწვიეს სამნისტებთან მებრძოლი ცეცილიუს მეტელუსი და გნეუს პომპეიუს სტრაბონი. ცეცილიუსი იგვიანებდა, სტრაბონი კი გამოცხადდა და კოლონის კარებთან დაბანაკდა.

მარიუსმა შემოუტია დასავლეთიდან. მან პირველი იერიშითვე აიღო ოსტია, ანციუმი, ლანუვიუმი, არიცია და სხვა მეზობელი ქა-



ლაქები. მთლიანად მოსწყვიტა რომი პურისა და სხვა მომარაგების რესურსებს ტიბრის შესართავიდან, ზღვიდან და დასავლეთ იტალიიდან.

იმავე დროს ცინა, პაპირიუსი და სერტორიუსი რომს უტევენ სამხრეთიდან, აღმოსავლეთიდან და ჩრდილოეთიდან.

რომი მთლიანად მოსწყდა გარესამყაროს. მოსახლეობა სულიერად დაეცა და მოიშალა. გამოჩნდნენ ყველაზე დიდი მტრები ბლოკადაში ჩავარდნილი ქალაქისათვის: შიმშილი და ეპიდემია. ხალხი ბუზივით იხოცებოდა.

სენატის სარდლები მოქმედებდნენ ზანტად და შიშნეულად. ხალხში გაოცებასა და აღშფოთებას იწვევდა სტრაბონის უმოწყელობა. ზოგიერთი მას ცინასა და მარიუსის მოკავშირედაც თვლიდა.

სტრაბონის გარშემო ამტყდარ მითქმა-მოთქმას სავსებით მოულოდნელად მოელო ბოლო: მის კარავს მეხი დაეცა და სტრაბონი დაიღუპა. მისი გვამი ხალხმა კატაფალკიდან გადმოაგდო და ქუჩები თრევით შემოატარა. დაღუპული პროკონსულის არმია ოქტავიუსმა შეიერთა.

ვერც კონსული ოქტავიუსი მოქმედებდა ენერგიულად. მას ურჩევდნენ, მონებისათვის თავისუფლება აღეთქვა და ბრძოლაში გამოეყვანა. ამაზე ოქტავიუსმა ბრახიანად თქვა:

„მე ჩემს სამშობლოს მონებს არ მივცემ“.

ამასობაში ცეცილიუს მეტელუსიც დაბრუნდა სამნიუმიდან. ოქტავიუსის ბანაკიდან ბევრი გამოცხადდა მეტელუსთან და მთავარსარდლობა შესთავაზა: ოქტავიუსს არ შეუძლია და იქნებ ქალაქი შენ დაიხსნაო.

მეტელუსმა მათ უბრძანა, ისევ კონსულთან დაბრუნებულყვენ.

მაშინ ისინი აღრც ოქტავიუსთან დაბრუნდნენ და ცინასა და მარიუსის ბანაკს ჩაბარდნენ.

ოქტავიუსი მაინც გულს არ იტეხდა, სიბილას წიგნებზე მკითხაობდა და თავისიანებს არწმუნებდა, ყველაფერი ჩვენს სასარგებლოდ გათავდებოა.

სალტე კი თანდათან ვიწროვდებოდა. მარიუსმა უკვე ხელთ იგდო იანიკულუსის ბორცივი. დამშეული, დასნეულებული და სასომიხდილი ქალაქი ძლივს იდგა ფეხზე. ცინამ ქალაქის შიგნით მყოფ მონებს თავისუფლება აღუთქვა და საომრად მოუწოდა. ამ მოწოდებას დიდძალი მონა გამოგხმაურა და დემოკრატთა საბრძოლო დროშას მიაშურა. რომიდან მოპირდაპირე ბანაკში გაქცეულთა შორის ძალიან ბევრი იყო თავისუფალი რომაელი მოქალაქეც.

სენატი შეშინდა, ვაითუ, უკიდურეს გასაჭირში ჩავარდნილმა

და მოთმინებადაკარგულმა ხალხმა აჯანყება მოაწყოსო, და ცინას-თან ელჩები გაგზავნა მოსალაპარაკებლად.

ცინამ ელჩებს ჰკითხა:

„ვისთან მოსულხართ თქვენ, კონსულთან, თუ კერძო კაცთან?“

ელჩები დაბნენ და აღარ იცოდნენ, რა ეპასუხათ, სენატის ბრძანებით, ცინა კონსულობიდან გადაყენებული იყო, მაგრამ თუ ახლა ისინი მას კონსულად არ ჩათვლიდნენ, მაშინ არამცთუ დაზავება, არამედ სიცოცხლის შენარჩუნების იმედიც აღარ უნდა ჰქონოდათ. ამის თაობაზე კი ელჩებს სენატისგან არავითარი მითითება არ ჰქონიათ მიღებული. დაბნეულმა ელჩებმა ცინას ვერაფერი უპასუხეს და ქალაქში ხელცარიელნი დაბრუნდნენ.

სენატი იძულებული გახდა, ცინა კონსულად ეცნო და ხელახლა გაგზავნა მასთან ელჩები.

ცინა სპილოს ძვლის სავარძელში იჯდა.

მის გვერდით გაიუს მარიუსი იდგა, პირჩაღრუბლული და ავის-მაუწყებლად მდუმარე და გარინდებული.

სენატისაგან წარმოგზავნილებმა ცინას, ვითარცა „ნამდვილ კონსულს“, რომის კარიბჭეთა გაღება აღუთქვეს, ხოლო, სამაგიეროდ. მისგან ფიცს ითხოვდნენ, რომ ქალაქში ხოცვა-ჟლეტა არ გაჩაღდებოდა.

ცინამ ფიცის დადება უღირს საქმედ მიიჩნია, მაგრამ აღქმა ვადა:

„ჩემი ნებით მე არ გავხდები დამნაშავე არც ერთი კაცის სიკვდილში. ასევე გადაეცით ოქტავიუსს. არსად შემომხედეს, რათა იმასაც ჩემი ნების გარეშე არაფერი შეემთხვას“.

ელჩებმა კმაყოფილებით მიიღეს ცინას აღთქმა. მათ ყურადღება არ მიუქცევიათ, რა ორჭოფული აზრი იმალებოდა ამ „აღთქმაში“.

მათ არ შეუშინევიათ, წამიერად რა შხამიანმა ღიმილმა გადაურბინა მარიუსის შურისგებით წამონთებულ სახეს.

მაშ. რომაელებმა კვლავ დააჩოქეს რომი.

ამჯერად დემოკრატთა ჯარები შევიდნენ ქალაქში.

ცინა ლიქტორებით გარშემორტყმული მიუძღოდა წინ.

გაიუს მარიუსი კარიბჭესთან შედგა და გესლიანი ირონიით გამოაცხადა:

„მე ქალაქში არ შევალ, სანამ სამშობლოს მოღალატე და სიკვდილმისჯილი მქვია!“

მისი ხილვით დაზაფრულმა სენატორებმა ფიცხლავ შეპყარეს სახალხო კრება და სულმოუთქმელად გააუქმეს მარიუსისადმი სულას მიერ წაყენებული ბრალდებანი.

მარიუსს არც კი დაუტლია ყველა ტრიბის დაკითხვისათვის, ისე ერთბაშად შევიდა რომში.

შევიდა და დაიწყო.

რომის ქუჩები სისხლით დაიტბორა.

თავისიანებითა და „ბარდეებით“ (ილირიული მოდგმის გააზრებული მონები) გარშემორტყმული მარიუსი შეუსვენებლოვ დაძრწოდა ქუჩებში, ბაღებში, საცხოვრებელ სახლებში და უწყალო მახვილით უღეტდა სუყველას, ვისაც ოდესმე მისთვის ქინძისთავით ჩხვლეტა გაებედა. აფრიკელთა და გერმანელთა მკლეტელ მახვილს რომაელთა მკერდის ფლეთაც კარგად შესძლებოდა.

ხუთი დღე-ღამის განმავლობაში პოპულარები შეუსვენებლივ უუჟავდნენ ოპტიმატებს. დედაბუდიანად იღუპებოდნენ ბრწყინვალე არისტოკრატიული ოჯახები, სენატორები, ექსკონსულები, დიდრიანგის ოპტიმატი მაგისტრატები. ხოცავდნენ და მათ გვამებს ძაღლთა და ყორანთა საძიძვნად ყრიდნენ, სახლებს ანგრევდნენ და სწვავდნენ, ძარცვავდნენ და ქონებას იტაცებდნენ.

დაიწყო კონსულ გნეუს ოქტავიუსით. ცინამ და მარიუსმა ჯერ სელუხლებლობის ფიცი გაუგზავნეს. ქურუმები და მკითხავებიც აიძვებდნენ, რომ მას ხიფათი არ ემეჭრებოდა. ხოლო ახლობლები და მეგობრები ურჩევდნენ, რომიდან გაქცეულიყო.

მაგრამ ოქტავიუსმა გამოაცხადა:

„მე, როგორც რომის კონსული. არასოდეს დაეტოვებ რომს!“

ამ სიტყვებით ის ავიდა იანიკულუსზე. მოირთო კონსულის ცრიგით. დაბრძანდა სპილოს ძეგლის საფუძვლზე და გვერდით დაიყენა ფასცებით აღჭურვილი თორმეტი ლიქტორი.

მას მოახსენეს:

„ცინასაგან და მარიუსისაგან გამოგზავნილი ცენზორიანი შორის მწედრობის თანხლებით და, სანამ ვცინა არ არის, თავს უშველეს!“

ცხენიც ფიცხლავ მოართვეს, მაგრამ კონსულმა მაინც არ ინება გაქცევა.

იგი მღუმარგდ და უძრავად ელოდა სიკვდილს.

მკვლელებმაც აღარ დააყოვნეს: ცენზორიანმა მას თავი მოჰკვეთა და ცინას მიართვა. ცინას ბრძანებით, ოქტავიუსის თავი ფორუმ რომანიუმზე გამოჰკიდეს.

ოქტავიუსის თავი ოზლად არ დარჩენილა, მთავალი წარჩინებული რომაელის თავი გაჩნდა მის გვერდით.

მარიუსის და ცინას აეშაგები და მკვლევები გავეშებულნი დაჰქროდნენ, ეძებდნენ, პოულობდნენ, ხოცავდნენ, ყველა განწირულთა ხეღობი ერთბაშად იყო. მხოლოდ დიდი რაინგის მაგისტრატესა

და არისტოკრატ-სენატორებს ებოძათ „განსაკუთრებული პატივი“: მხოლოდ მათი თავები იფინებოდა რომის ფორუმზე.

შარაგზაზე დახოცეს გაიუს იულიუს კეისარი, „მოკავშირეთა რომის“ გმირი, და მისი ძმა ლუციუსი, შესანიშნავი ორატორი და პოეტი.

გზაზე წამოეწივნენ, აგრეთვე, პუბლიუს კრასუსს და მის ვაჟს. მამამ მოასწრო, საკუთარი ხელით მოეკლა შვილი, მაგრამ თვით-მკვლელობა აღარ დააცალეს და მკვლელებმა საშინელი წამებით ამოხადეს სული.

მარიუსი სანადიმო სუფრას უჯდა. ვიღაც მიკიტანმა შეატყობინა, სად იმალებოდა სახელოვანი ორატორი მარკუს ანტონიუსი. მარიუსი აღტაცებული ყივილით წამოიჭრა ფეხზე და თვითონ დააპირა წასვლა, რომ საკუთარი ხელით მოეკლა ანტონიუსი. როგორც იქნა, გადაათქმევივნეს და ორატორის მოსაკლავად გაგზავნეს მკვლელთა ჯგუფი სამხედრო ტრიბუნ ანიუსის მეთაურობით.

ანტონიუსმა თავის დასახსნელად ორატორულ ხელოვნებას მიმართა. მართლაც, მკვლელებს დაავიწყდათ, რისთვისაც იყვნენ მოსულნი, ისინი მოხიბლულნი და მოჯადოებულნი უსმენდნენ განწირულს. მაგრამ ანტონიუსმა მაინც ვერ დააღწია თავი სიკვდილს: ანიუსმა მას თავი მოჰკვეთა და მარიუსს ძღვნად მიართვა სანადიმო სუფრაზე.

ასეთი „სიამოვნების მინიჭებისათვის“ მარიუსი ერთგულ მსახურს გადაეხვია.

კენტიუს ანხარიუსმა, სენატორმა და ექსპრეტორმა, მარიუსის „გულის მობრუნება“ და მასთან შერიგება კაპიტოლიუმის ტაძარში სცადა. ახლოს მივიდა და მიესალმა მარიუსს მაშინ, როცა იგი მსხვერპლს სწირავდა.

საპასუხოდ მარიუსმა წარბი შეკმუხნა და ანხარიუსი იქვე, საკურთხეველის წინ დაკლეს.

ამის შემდეგ მკვლელებმა კარგად დაიხსომეს მბრძანებლის ეს უესტი: საკმარისი იყო, მარიუსს სალამზე სალმით არ ეპასუხა, და ყოველ მიმსალმებელს წუთისოფელს უსწრაფებდნენ.

სიკვდილს შეჰყარეს ლუციუს კორნელიუს მერულა, რომლის დანაშაული მხოლოდ ის იყო, რომ სენატმა იგი ცინას გადაყენების შემდეგ კონსულად გაიყვანა.

მერულა უმადლესი ქურუმის ინსიგნიებით მორთული მიეახლა იუპიტერის ქანდაკებას, მსხვერპლი შესწირა, ლოცვა აღავლინა, შემდეგ ქურუმის სამოსელი გაიძრო და არტერიები გადაიჭრა.

მარიუსმა არ დაინდო არც კიმბრებთან ბრძოლის თანაზიარი კო-

ლეგა კვინტუს ლუტაციუს კატულუსი. კატულუსის ნათესავთა და მეგობართა ხევწნა-მუდარას მარიუსმა ყური არ ათხოვა და ყრუდ განაცხადა:

„ის უნდა მოკვდეს!“

და კატულუსიც მოკვდა. იგი ნესტიან ოთახში ჩაიკეტა, ნახშირი აახრჩოლა და ზედდამხობილი მოიგუდა.

სიკვდილმისჯილები მხოლოდ იშვიათი მოხერხებით აღწევდნენ სიკვდილისაგან თავს. მაგალითად, ვინმე კორნუტი, სიკვდილმისჯილი, მისმა მსახურებმა შემდეგნაირად გადაარჩინეს: მათ ქუჩიდან შემოიტანეს ვიღაც მოკლულის გვამი (გვამის პოვნა ხომ ძნელი არ იყო) და იმ დროს დადეს კოცონზე, როცა მარიუსის ჯაშუშებმა ეზოში შემოაბიჯეს. მათ უთხრეს, კორნუტმა თავი ჩამოიხრჩო და კოცონზე მისი გვამი იწვისო. ჯაშუშებსაც ექვი არ შეპარვიათ და წავიდნენ, ხოლო კორნუსი მსახურებმა გალიაში გადახვეწეს.

ეს სისხლიანი წელიწადიც მიიწურა.

მომდევნო 86 წლისათვის, როგორც მოსალოდნელი იყო, კონსულებად გავიდნენ გაიუს მარიუსი და ლუციუს ცინა, მარიუსი — მეშვიდედ, ცინა — მესამედ.

ამგვარად, სოფლელი გუთნისდედა მეშვიდედ დაჰდა სპილოს ძელის სავარძელზე, თუნდაც სისხლიანსა და ლაფით გასვრილზე.

მეშვიდედ აღისრულა მრავალი უძილო და კომშარიანი დღე-ღამეების ნაფიქრალ-ნაოცნებარი.

მარიუსმა „მეშვიდე არწივიც ააფრინა“, მაგრამ მაინც ვერ იქნა და ვერ დაისვენა. იგი შეიპყრო უარესმა მოუსვენრობამ: მასში თითქოს გაიღვიძა რაღაც დიდმა, „სოფლურმა“ სინდისმა, რომელიც მოითხოვდა პასუხისგებას ამდენ სისხლთა და ცრემლთა თხევისათვის. მას, თვით შურისგების სასტიკ დემონს, მოსვენებას არ აძლევდა უარესი შურისმგებელი ნემეზიდა, რომელიც რომში მალე უნდა წარმდგარიყო აღმოსავლეთში გამძლავრებული სულას მახვილით. მის ყურთასმენას არ შორდებოდა ავისმაუწყებელი შორეული ძახილი:

„ლომის ბუნავი საშიშია, თუნდაც მასში ლომი არ იყოს“.

განუწყვეტელმა უძილობამ და ჰალუცინაციებთან ბრძოლამ საბოლოოდ დააძაბუნა და სასიკვდილო სარეცელზე დასცა მარიუსი. იგი შეიპყრო ციებ-ცხელებამ. ერთი კვირა ერკინებოდა სიკვდილს საომარი ველის უპირველესი მორკინალი. შვიდი დღე-ღამე შეპლრი-ალებდა მომაკვდავი საშინელ მოჩვენებებს:

თითქოს მითრიდატეს ებრძოდა ევქსინის პონტოს ნაპირებზე. თითქოს სულასაც უსწორებდა მუდამ გაუსწორებელ ანგარიშებს;

ელანდებოდა აფრიკის ცეცხლოვანი უდაბნოები, ალპების თოვლიანი მთები, გვამებით დახერგილი ბრძოლის ველები, საომარი ყიფიანა, ბუკ-ნალარათა ცემა და საჭურვლის ჟღერიალ-ზრიალი.

იგი უკანასკნელად ეხშიანებოდა მისი ცხოვრების სისხლიან ისტორიას, რომელიც ახლა ელვასავით მიჰქროდა სიცხით დანისლულ გონებაში. ყვიროდა, ლეგიონებს ბრძანებას აძლევდა, ალტაცებული ყოყინით „მიერეკებოდა“ ნუმიდიელებს, ტევტონებს, კიმბრებს, ისტერიული ხარხარით ჩეხდა სულანელებს...

ბოლოს, „მეშვიდე არწივის აფრენიდან“ მეჩვიდმეტე დღეს (მნ წლის 13 იანვარი) სიკვდილმა წაიღო მარიუსის მბორგავი სული და დაასვენა მისი კვებულ სხეული.

მაგრამ ქვეყანამ მაინც ვერ დაისვენა.

## 8. მარიუსის სიკვდილის შემდეგ

ტერორი კვლავ მძვინვარებდა. მარიუსის სისასტიკეს იმეორებდა გაიუს ფიშბრია. იგი შეეცადა, თვით მარიუსის დაკრძალვის დღეს მოეკლა ყველასაგან პატივცემული უმაღლესი ქურუმი კვინტუს სცევოლა, რომელიც მარიუსსაც კი ჰყავდა შეწყალებული, ნაგრამ იაკი მოკვლა ვერ მოუხერხა, ფიშბრიამ უმაღლესი ქურუმი სამართალში მისცა, თან ვითომცდა ხუმრობდა:

„რაკი სცევოლამ საშუალება არ მომცა, მომეკლა, იგი სამართალში მაინც უნდა მივცე!“

რომმა თითქოს შევებით ამოისუნთქა, როცა ფიშბრია აღმოასვენებდა გაეშურა.

კვლავ განსაკუთრებული სისასტიკით მოქმედებდნენ მარიუსის მონა ღიბერტინები. მბრძანებლის სიკვდილის შემდეგ ისინი საშინელ ბანდებად იქცნენ. ბოლოს, კვინტუს სერტორიუსმა, ხელფაის გაცემის აღთქმით, თავი მოუყარა მათ და, კელტი მეომრების დამარებით, სულ ერთიანად ამოჟლიტა. ოთხი ათასი გააზატებული მონა სიცოცხლეს გამოასალმეს.

მარიუსის სიკვდილის შემდეგ სახელმწიფოს განუყოფელი ერთმმართველი-დიქტატორი გახდა ცინა, რომელიც სამი წლის მანძილზე (87—84) სენატისა და სახალხო კრების დაუკითხავად ირჩევდა და ნიშნავდა თავის თავს რომის ერთპიროვნულ მბრძანებლად.

ცინამ სენატი აიძულა, ხელი მოეწერა კანონისათვის, რომელიც იტალიეებსა და ლიბერტინებს რომაელებთან ათანაბრებდა სამართალს.

ლაქო უფლებით. თანც ახალი მოქალაქენი ნაწილდებოდნენ ოცდა-თხუთმეტევე ტრიბაზე.

მრავალრიცხოვანი ღარიბი და უქონელი ფენების გულის მოსაგებად მან შემოიღო იაფფასიანი პურის დარიგება.

ამგვარად, ცინამ შეძლო, არისტოკრატიის წინააღმდეგ საომრად ფართო მხარდაჭერა ჰქონოდა მთელს იტალიაში და ქალაქის მოსახლეობის უმრავლესობაში.

ცინას მთავარი საზრუნავი ყველაზე საშიში მტრის, ლუციუს კორნელიუს სულას განადგურება იყო. უპირველეს ყოვლისა, გააუქმა სულას ყოველგვარი ღონისძიება რომში. შემდეგ, ააწიოკეს, აიკლეს და დაანგრის მისი სახლ-კარი და ადგილ-მამული, ცოლმა და შვილებმა ძლივს გაასწრეს აღმოსავლეთში. სულას ჩამოერთვა პროკონსულობა და მთავარსარდლობა და გამოცხადდა სახელმწიფოს მტრად. მის შემცველად, აღმოსავლეთში საომრად გაემგზავრა კონსული ლუციუს ვალერიუს ფლავუსი.

84 წლის შემოდგომაზე რომში მოვიდა შიკრიკი აღმოსავლეთიდან. მან მოიტანა სულას ეპისტოლე სენატისადმი.

ოლიგარქიის ბელადი ოლიგარქიის უზენაეს ხელისუფლებას, უპირველეს ყოვლისა, მოაგონებდა თავის წინანდელ დამსახურებებს: კვესტორობას, იუგურთას დატყვევებას, ლეგატობას კიმბრებთან ომში, პრეტორობას კილიკიაში და კონსულობას „მოკავშირეთა ომში“. ამის შემდეგ იგი განსაკუთრებული თავმოწონებით იტყობინებოდა მითრიდატეს განადგურებასა და აღმოსავლეთის ომის კეთილად დასრულებას. სულა თავის დიდ დამსახურებად ითვლიდა იმ რომაელთა შეფარვასა და გადარჩენას, რომლებიც მარიუსისა და ცინას რეჟიმისაგან იყვნენ ლტოლვილნი რომიდან.

ყველა ამ დამსახურებათა სანაცვლოდ, — სწერდა სულა, — მე გამომაცხადეს სამშობლოს მტრად, დაანგრის ჩემი სახლ-კარი, ამიწიოკეს ოჯახი, განავლტეს ჩემი ცოლ-შვილი და დახოცეს ჩემი მეგობრები. რაკი ასეა, ახლა დაებრუნდები რომში და ყველა ჩემს მტერს სამაგიეროს მიეუზღავ, ხოლო ხალხს, არც ძველ და არც ახალ მოქალაქეებს არაფერს ვერჩი.

სულას წერილმა შეარყია რომი.

ცინამ სასწრაფოდ გაამზადა არმია და ფლოტი ადრიატიკის გადასალახაუად და მეტოქესთან შესახვედრად.

სენატი ახალ სისხლისღვრას შეუშინდა და ელჩები აფრინა სულასთან. მისგან ითხოვდნენ მოწინააღმდეგე მხარესთან შერიგებას და სამაგიეროდ იტალიაში დაბრუნებისას სრულ ხელშეუწყებლობას

პირდებოდნენ. სენატმა პარალელურად ბრძანება გაუგზავნა ცინას, შეეწყვიტა საომარი სამზადისი სულას წინააღმდეგ.

სულას პასუხი იყო ნაწილობრივ ორაზროვანი, ნაწილობრივ პირდაპირი და შემტევი:

სულა არასოდეს არ იქნება ასეთ ბოროტმოქმედთა მეგობარი, მაგრამ მას საწინააღმდეგო არაფერი აქვს, თუ მას რომი თვითონ მისცემს სიკვდილისაგან თავის დახსნის საშუალებას. რაც შეეხება მისდამი უშიშროებისა და ხელშეუხებლობის გარანტიას, ამისთვის ნურვინ შეწუხდება: სულა ასეთ რაიმეს არ საჭიროებს, რადგან მას მისივე ლეგიონები აძლევენ ასეთ გარანტიას.

ცინას სულას პასუხისთვისაც არ დაუცდია. მან და პაპირიუს კარბონმა (კონსული ფლავიუსის დაღუპვის შემდეგ) უკვე გაგზავნეს მეწინავე ჯარები ბალკანეთზე. მაგრამ საშინელი ქარიშხალი ამოვარდა და ჯარისკაცებმა უარი განაცხადეს გალაშქრებაზე.

გაბრაზებულმა ცინამ მუქარით სავსე სიტყვით მიმართა ლეგიონებს, მაგრამ არც ჯარისკაცებმა დააკლეს ხელი. ისინი კონსულს მიესივნენ ღრიალითა და ლანძღვა-გინებით. ერთ-ერთმა ლიქტორმა წკეპლების კონა დაჰკრა რომელიღაც მეომარს, მანაც არ დააყოვნა და საპასუხო სილა გააწნა. ცინამ მისი შეპყრობა ბრძანა. სწორედ მაშინ კონსულისაკენ წამოვიდა ქვების მერეხი. იმწამსვე მეწინავე მეომრებმა მახვილები იშიშვლეს და ლუციუს კორნელიუს ცინა ნკვდარი დაეცა.

შეშინებულმა პაპირიუს კარბონმა სააწრაფოდ უკანვე გამოიწვია საბერძნეთში გაგზავნილი ჯარები.

მომდევნო 83 წლისათვის კონსულებად გავიდნენ ლუციუს სციპიონი და გაიუს ნორბანი.

ახლა ეს ორი უნიკო უნდა შეხვედროდა მძვინვარე „ლომ-მელას“.



## თ ა ვ ი მ ე ს ა მ ე

### სულას ღაბრუნება

#### 1. „აღმოსავლური კვერთხით“

სულამ ვერ შესძლო პონტოს მეფის სავსებით განადგურება, მაგრამ მისი წარმატებანი აღმოსავლეთში მაინც საკმარისი აღმოჩნდა იმისათვის, რომ იგი რომში უაღრესად დიდ ძალად მიეჩნიათ, ვითარცა მტრებისთვის საშინელი შურისმგებელი ნემეზიდა, მომხრეებისთვის — უძლეველი მხსნელი და ქომაგი.

ასეთად მიიჩნიეს კაცი, რომელსაც ოფიციალური ხელისუფლებისგან ყოველგვარი თანამდებობრივი რწმუნებანი წართმეული ჰქონდა. ოთხი წლის განმავლობაში (87—83) სავსებით კერძო კაცი, გადაყენებული და სიკვდილმისჯილი, წარმატებით ებრძოდა აღმოსავლეთის ყველაზე დიდ მბრძანებელს.

სულა (და მასთან ყველა — მტერიც და მოყვარეც) გრძნობდა, რომ ეს იყო მისი აგონია სიკვდილ-სიცოცხლის მიჯნაზე. თუ აქ, აღმოსავლეთში, დამარცხდებოდა, აქვე გათავდებოდა მისი კარიერაც და სიცოცხლაც, ხოლო, თუ აქ გაიმარჯვებდა, რომში გამარჯვებაც ხელთ ჰქონდა.

ერთი სიტყვით, სულას აღმოსავლეთში ერთდროულად, ერთიმეორის გვერდით, ორი უკიდურესი სამყოფელი ჰქონდა გამზადებული: ჰადესის წყვდიადი და დიქტატურის ბრწყინვალე სპილოს ძვლის სავარძელი.

და მან გაიმარჯვა.

სწორედ მძიმე აღმოსავლურ ლაშქრობაში ძლევამოსილებამ მისცა სულას ის ძალა, რომლის წინაშე მტრები შიშით თრთოდნენ, ხოლო მოყვარენი სიხარულით ცახცახებდნენ. ასერიგად ანრაგიშვასაწვეი ძალა გახლდათ მრისხანე არმია და აურაცხელი ნაძარცვი, ნატყვევნი, ნაალაფარი, ნახარკალი ოქრო და ვერცხლი.

მისი არმია 40 000 რჩეული, ერთგული, დისციპლინირებული,

შამაც პონტოელებთან ბრძოლით ნაწრთობი ჯარისკაცებისაგან შედგებოდა. მისი საზღვაო ძალები 1 600 გემს ითვლიდა.

ახლა იკითხეთ ფული და ნაძარცვი.

საერთოდ ხომ სარდალთა დიდება მათ მიერ ნაძარცვი ოქრო-ვერცხლის რაოდენობით განისაზღვრებოდა. ხოლო სულამ აღმოსავლეთის ძარცვა-გლეჯის მასშტაბით ყველა წინამორბედს გადააჭარბა. ოცკერ დასახელებული დიდი მასშტაბის „რომაული ძარცვიდან“ მხოლოდ ერთხელ არის პირდაპირ ნათქვამი, რომ სულამ ათენის აკროპოლისიდან ორმოცი გირვანქა ოქრო და ექვსი გირვანქა ვერცხლი წაიღო. რომ აღარაფერი ვთქვათ ყველა დანარჩენ „დაუსახელებელ“ ნაძარცვ და იავარქმნილ ქალაქთა და ოქროთა შესახებ, საკმარისია გავხსენოთ, რომ მათ შორის იყო ბერძნული ტაძრებიც კი. რომლებიც, დელფოს აპოლონის ტაძრის მაგალითზე საუკუნეების მანძილზე ივსებოდა ოქრო-ვერცხლითა და უძვირფასესი ნივთებით. ყველაფერი ეს ახლა სულას ხელთ იყო. მას ეკუთვნოდა აკრეთვე ორი დანარჩენი რომაელი სარდლის, ფლავუსისა და ფიშბრიას აღმოსავლური ნაძარცვიც.

სულა — ეს ერთ დროს ვალებში ჩაფლული, მდიდარ მეძაეთა ლუკმაპურის შემყურე კაცი, ახლა 22 000 ტალანტის მფლობელი იყო. ე. ი. მას სხვა აურაცხელ ნაალაფევთან ერთად აღმოსავლეთიდან მოჰქონდა 52 800 000 მანეთი ოქროთი.

აი, პირველი კაცი რომის ისტორიაში, ვინც ასეთი სიმდიდრითა და სამხედრო ძალებით მოეშურებოდა პროვინციიდან „მსოფლიოს ცენტრისაკენ“.

ადრიატიკი გადალახა და იტალია შეტორტმანდა მისი ტერფის ქვეშ.

ქალაქი ბრუნდიზიუმში, — იტალიის ეს აღმოსავლური ფორპოსტი, — მოყვრულად და მეგობრულად შეხვდა სულას. ამანაც ფასი დასდო პატივისცემას: ბრუნდიზიუმელები რომის მოქალაქეობით დააჯილდოვა და ყოველგვარი სახელმწიფო გადასახადისაგან გაათავისუფლა.

„აღმოსავლეთის გმირის“ წინაშე აქვე წარსდგნენ მალემსრბოლნი სენატისაგან. „რესპუბლიკის ტვინი“ კითხულობდა:

„რა სურს და რას აპირებს სულა?.. რას მოასწავებს არმიებით მისი სულა რომისაკენ?.. რესპუბლიკური კანონმდებლობა ხომ ყოველ სარდალს უკრძალავს, დარაზმული ლეგიონებით მიუახლოვდეს მშობლიურ რომს!“

სულას პასუხი ასეთი იყო:

„მშობლიურ რომს“ საშუალება აქვს. თავი დაიხსნას და არსე-

ბობა შეინარჩუნოს ერთდადერთი გზით: იგი უნდა ჩაბარდეს ლუციუს კორნელიუს სულას. ასევე ყველამ, ვისაც სიცოცხლე უყვარს, თავისი ბედი მიანდოს სულას. იგი ყველას და ყველაფერს მოუვლის!“

ეს თქვა და სალაშქროდ გამზადებულ არმიას გაჰხედა სულამ.

სენატსაც აღარაფერი დარჩენოდა, სულას პასუხი სავსებით გასაგები და ნათელი იყო. რაც მთავარია, იგი არმიის დაშლას არ აპირებდა, ეს კი თავის მხრივ ნიშნავდა ერთპიროვნული დიქტატურის ამკარად, მოურიდებლად მოთხოვნას.

რა გზას უნდა დასდგომოდა სენატი? რა გზით უნდა ცდილიყო იგი თავისი უმაღლესი ხელისუფლების გადარჩენას? ერთადერთი საშუალება მხოლოდ არმია იყო, მაგრამ სენატს, სახელმწიფოს მეთაურს, არმიები უკვე აღარ გააჩნდა. აღარა ჰყავდა სამოქალაქო ლაშქარი, რომელიც ბრძოლაში მიდიოდა სწორედ სენატის ნების გამოხატველი დევიზით: *senatus populusque Romanus* („სენატი და ხალხი რომისა“). არმიები ახლა სწორედ სენატის მოწინააღმდეგეებს ჰყავდათ, — დიქტატურის მაძიებელ ინდივიდუუმებს, ხოლო, ამ „ტირან“ ინდივიდუუმთაგან ყველაზე ძლიერი იყო სულა. აღმოსავლეთის ლაშქრობებში მოპოვებული საომარი რესურსებით ფესვგამაგრებული და გაღონივრებული.

სენატს ერთადერთ საფარველად შერჩენოდა უკვე გაცვეთილი და გახუნებული ფარატინა „რესპუბლიკური კონსტიტუცია“. გაბედავს კი სულა, გამოაცხადოს გაუქმება რესპუბლიკისა?!

აღმოსავლეთში გამგზავრებამდე, როცა მან რომაული არმიებით პირველად დაიპყრო რომი, ვერ გაბედა რესპუბლიკის გაუქმება. მაგრამ ახლა, როცა იგი აღმოსავლეთიდან ასე არნახულად გამძლეობდა, რა უნდა გაეკეთებინა? გაბედავს. თუ ვერა?

სანამ რომში მარჩიელობდნენ, სულას ხელში აღმოჩნდა კალაბრია და აპულია, სადაც მისი საომარი დროშის ქვეშ თავი მოიყარეს ცინას რეჟიმით დევნილმა ოპტიმატებმა.

სულასთან თავიანთი ჭარებით პირველნი გამოცხადდნენ მარიუსისაგან დევნილი კვინტუს მეტელუს პიუსი და მარკუს ლიცინიუს კრასუსი, მარიუსელთაგან მოკლული პუბლიუს კრასუსის ვაჟი.

ამათ მოჰყვნენ: მარკუს ლუკულუსი, პუბლიუს ცეტეგა და გნეუს დოლაბელა.

სულას ბანაკში დიდი შთაბეჭდილება მოახდინა ოცდასამი წლის გნეუს პომპეუსის მოსვლამ. იგი კონსულ პომპეუს სტრაბონის შვილი იყო. ახოვანი, ამპარტავანი და მამაცი ვაჟკაცი. ახალგაზრდა პომპეუსი მიხვდა, „დროების გმირად“ მალე სულა უნდა გამხდ-

რიყო და საპიროდ მიიჩნია, დროზე ჩამდგარიყო მომავალი დიქტატორის მამებელთა პირველ რიგში.

ამიტომ, როგორც კი ახალგაზრდა პომპეუსმა სულას შიახლოება გაიგო, მაშინვე ფეხზე დააყენა მთელი პიცენუმი, სადაც მას მრავალრიცხოვანი კლიენტელა და თანამებრძოლი არისტოკრატია ჰყავდა. იგი სამი ლეგიონით გამოცხადდა „იმპერატორ“ სულას წინაშე. მანაც დიდი პატივითა და გულთბილობით მიიღო პომპეუსი და, მადლიერებით აღვსილმა, მაშინვე თვითონაც „იმპერატორი“ უწოდა მას.

სულა აპულიიდან პირდაპირ დაიძრა კამპანიისაკენ, სადაც მას ეგულებოდა მოწინააღმდეგის არმია კონსულ ნორბახის სარდლობით.

მისვლისთანავე სულამ დაზავება შესთავაზა მტერს. პოპულარტა ბანაკში ეს დიპლომატიური ექსტი მუხანათობად მიიჩნიეს და სულას ელჩები შეურაცხყოფელი სიტყვებითა და ლანძღვა-გინებით გაისტუმრეს.

მაშინ სულამ დაუყოვნებლივ გამოიყვანა არმია საომარ ველზე. ნორბახი სასტიკად დამარცხდა და სიკვდილს გადარჩენილი ჯარის ნაშთებით თავი შეაფარა კაპუასა და ნეაპოლს. სულამ ამ ქალაქთა სააღყოლ რამდენიმე კოპორტა გამოყო, ხოლო ძირითადი ლეგიონებით მეორე კონსულის წინააღმდეგ გაემართა.

სციპიონი ტეანის მახლობლად ელოდა მტერს. სულამ იმასაც მისვლისთანავე ზავი შესთავაზა. კონსულმა სერტორიუსს არ დაუჭერა და მოპირდაპირის წინადადება მიიღო. სულა მოლაპარაკებას განგებ აკიანურებდა, ხოლო ამასობაში მისი აგენტები სციპიონის მეომრებს „ამუშავებდნენ“ და თავიანთ მხარეზე იბირებდნენ. კონსულის ჯარისკაცები ისედაც თვალნათლივ ხედავდნენ, როგორ გაემდიდრებინა მამაც, ნიჭიერ და ჯარისკაცთა „დიდ მფარველ“ ლუციუს კორნელიუს სულას თავისი მეომრები. ამიტომ ისინი ჯერ ცალკეულად და მალე რაზმეულებად გადავიდნენ სულას ბანაკში.

ბოლოს და ბოლოს, სციპიონმა დაინახა, რომ იგი საკსებით მარტო, უარმიოდ და უჯარისკაცოდ დარჩა. სულამ მას ბრძანება გაუგზავნა, ერთ-ერთი აერჩია:

ან სიკვდილი, ან კონსულობაზე ხელის აღება!

სციპიონი დათანხმდა, უარი ეთქვა კონსულობაზე. მაგრამ როგორც კი სიკვდილს ცოცხალი თავით გაასწრო, იგი მაშინვე აღიჭურვა კონსულის ინსიგნიებით და ახალი ძალების შეგროვებას შეუდგა სულანელთა გასანადგურებლად.

ასე გავიდა 83 წელი. მოწინააღმდეგენი გრძნობდნენ, რომ მომდევნო წელი საბედისწერო იქნებოდა ერთ-ერთი მხარისათვის.

პოპულარებმა 82 წლისათვის კონსულებად გაიყვანეს გაიუს პაპირიუს კარბონი და გაიუს მარიუს-უმეროსი, სახელოვანი მარიუსის ოცი წლის ვაჟი (ჯერ რომს ასეთი ახალგაზრდა კონსული არა ჰყოლია).

კონსულები თავგამოდებით შეუდგნენ საომარ სამზადისს. დემოკრატიულ არმიებს უერთდებოდნენ ეტრურელები, სამნიტები და ლუკანები.

კარბონმა კანონგარეშე გამოაცხადა სულას ბანაკში მყოფი ყველა სენატორი, რათა მტერთან შერიგების ყოველგვარი გზა მოეჭრა. სულა კამპანიიდან პირდაპირ რომისაკენ დაიძრა.

საკრიპორტთან, პრენესტეს მახლობლად, მას წინ გადაუდგა ახალგაზრდა კონსული 40 000-ანი არმიით.

მარიუსს მამისეული სიმამაცე და ენერგია არ აკლდა, მაგრამ მისი ჯარები ბრძოლისუნარიანობით გაცილებით ჩამორჩებოდნენ მოპირდაპირის არმიას. ბრძოლის დასაწყისშივე მისი ჯარის ერთი ნაწილი სულას ჩაბარდა. ამან ძალზე ცუდი გავლენა მოახდინა ისედაც შემდრკალ მარიუსელებზე. სარდლის პირადი სიმამაცე საკმარისი არ აღმოჩნდა გამარჯვებისთვის. მარიუსმა 15 000 კაცი დაკარგა მოკლულთა და ტყვეთა სახით. დამარცხებულმა თავი შეაფარა პრენესტეს კედლებს.

სულამ გაელიტა ყველა ტყვე სამნიტი, მერე პრენესტეს სააღყოფად დატოვა ჯარის ნაწილი კვინტუს ლუკრეციუს ოფელას მეთაურობით, ხოლო თვითონ რომისაკენ დაიძრა.

მაგრამ მის მისვლამდე ქალაქში მიასწრო მარიუსის შიკრიკმა, რომელმაც პრეტორ ლუციუს იუნიუს დამაზიპს გადასცა კონსულის ბრძანება: დაუყოვნებლივ გაელიტა ოპტიმატთა პარტიის ყველა წარჩინებული წარმომადგენელი, რომლებიც კი აქამდე სიკვდილს გადარჩენოდნენ.

დამაზიპმა მოიწვია სენატის სხდომა და იქვე, კურიაში, შეუდგა გამოჩენილ სენატორთა ქლეტას. ვინც გამოასწრო, მკვლელები წამოეწივნენ და ჩახოცეს. მოკლულები ერთ ხანს ქუჩებში ათრიეს, მერე მდინარეში გადაყარეს.

მოკლულთა შორის იყვნენ: გნეუს პომპეუსის სიმამრი, ედილი პუბლიუს ანტისტიუსი, გაიუს პაპირიუს კარბონი (კონსულის ძმა), ექსკონსული ლუციუს დომიციუსი და უმაღლესი ქურუმი კვინტუს მუციუს სევეოლა, რომელსაც ადრე ფიშბრია უპირებდა მოკვლას.

სულა რომს მიადგა და მარსის ველზე დაიბანაჯა.

მოსახლეობა ახალ ხოცვა-ყლეტას ელოდა, მაგრამ სულას ახალი სისხლის დაღვრა ნაადრევად მიაჩნდა, ჯერ მას მოწინააღმდეგეთა არმიები უნდა გაენადგურებინა. მან დამამშვიდებელი და გამამხნევებელი სიტყვით მიმართა ხალხს. მერე ბანაკი აპყარა და დაიძრა ეტრურიისაკენ, სადაც მას შესაერთებლად ელოდნენ კვინტუს ცეცილიუს მეტელუსი.

გაერთიანებული ძალებით სულა კიუიზთან შეხვდა კონსულ პაპირიუს კარბონს, რომელმაც პირველმა უწოდა მას „ლომ-მელა“.

სასტიკი, სისხლისმღვრელი ბრძოლა გათენებიდან დაღამებამდე გაგრძელდა და უშედეგოდ დამთავრდა. კარბონი კვლავ ეტრურიაში დარჩა, ხოლო სულა ისევ პრენესტესაკენ გაეშურა.

სულა სწორედ დროზე მიეშველა პრენესტეს გარშემო შემოწყობილ თავისიანებს: 70 000-იანი დემოკრატიული არმია მოეშურებოდა პრენესტეში ჩაკეტილი მარიუსის გამოსახსნელად.

არმია უმთავრესად სამნიტებისა და ლუკანებისაგან შედგებოდა. მრისხანე ლაშქარს სათავეში უდგნენ „მოკავშირეთა ომის“ სახელგანთქმული გმირები: სამნიტი პონტიუს ტელეზინუსი და ლუკანი მარკუს ლამპონიუსი.

სულა არმიით ჩადგა ხეობაში, რომლითაც ერთადერთი გზა მიდიოდა პრენესტესაკენ.

დემოკრატები დიდხანს უშედეგოდ აწევებოდნენ მას.

სანამ ეტრურიასა და ლაციუმში ომი ჰიანურდებოდა, ჩრდილოეთ იტალიაში, მდინარე პადუსის მიდამოებში, ოპტიმატებმა რამდენჯერმე დაამარცხეს პოპულარები. ფავენციუსთან, ვენახებით დაფარულ ველზე, მეტელუსმა გაანადგურა ექსკონსული ნორბანი. პლაცენციის მახლობლად მარკუს ლუკულუსმა დაამარცხა დემოკრატთა ჯარი. მალე ამის შემდეგ, დამარცხებულთა არმიაში მყოფ ლუკანთა ლეგიონის მეთაურმა პუბლიუს ალბინოვანმა სახელდახელოდ გაწყობილ ნადიმზე გაწყვიტა დანარჩენი სამხედრო მეთაურები, ხოლო თვითონ სულანელებს ჩაბარდა. ბოლოს დაეცა ქალაქი არიმიონუმი — დემოკრატთა უკანასკნელი თავშესაფარი ჩრდილოეთში.

ამდენი მარცხის გამგონე და მომსწრე კარბონმა სულიერი მხნეობა დაკარგა. მიუხედავად იმისა, რომ მას პირადად ჯერ მარცხი არ ეგემა, იტალია საიდუმლოდ დატოვა და აფრიკას მიაშურა. მისგან შიტოვებული არმია პომპეუსმა გაანადგურა ქალაქ კლუზიუმთან.

ამგვარად, მთელი ჩრდილოეთი იტალია (ცისალპიური გალია) და ეტრურია სულას ეკუთვნოდა. დემოკრატები და მათი მოკავშირე იტალიელები დარწმუნდნენ, რომ ვერც სულას დასძრავდნენ ად-

გილიდან და ვერც პრენესტეს გამოიხსნიდნენ; მით უფრო, რომ უკვე ახლოვდებოდა ეტრურიიდან წამოსული გნეუს პომპეუსი.

მაშინ სამნიტებმა და ლუკანებმა კურსი ერთბაშად აიღეს რომისაკენ. მათ გზაზე შეუერთდნენ რომაელი დემოკრატები დამაზიპისა და კარინას მეთაურობით.

მაშ, იერიში პირდაპირ რომზე!

მამაცმა პონტიუს ტელეზინუსმა თავისიანებს ასეთი სიტყვით წაუკიდა საომარი ხანძარი:

„რომ თავი ვიხსნათ მგლებისაგან, რომლებმაც იტალიას თავისუფლება წაართვეს. უნდა გავანადგუროთ ტყე — მათი საბუდარი!“

ამ სიტყვებით შეაყენა სამნიტთა ბელადმა ლაშქარი რომის გზაზე.

„ან ახლა, ან ვერასოდეს!“

ამ თავგანწირული სულისკვეთებით აღესილი დევიზით მიადგა იტალიის უმამაცესი ხალხი „მგელთა სამკვიდროს“.

კოლინის კარებიდან კილომეტრ-ნახევარზე დაიბანაკეს.

ეს იყო 1 ნოემბერი 82 წლისა. ასეთი მძიმე დღე არასოდეს დასდგომია რომს. არასდროს არ ყოფილა იგი ასე უძლური, საკუთარი ხელებით არტერიაგადაჭრილი და სიკვდილნათევი.

ახალგაზრდა არისტოკრატთაგან შეყრილი მცირე ლაშქარი აპიუს კლავდიუსის მეთაურობით მაინც დაუხვდა მრისხანე მტერს. არც ერთი მათგანი ცოცხალი არ გაბრუნებულა. მაგრამ ამ საშინელ თვითმსხვერპლშეწირვას ფასი მაინც დაედო:

მან შეაჩერა მტერი მხსნელის მოსვლამდე.

ხოლო მხსნელი ვინ უნდა ყოფილიყო?!

ისევ და ისევ ლუციუს კორნელიუს სულა!

ახლა მას ეშმაკმა ფორტუნამ „სამშობლოს მხსნელის“ როლი მიანდო.

სულა მთელი ძალებით მოჰქროდა რომისაკენ.

დილით მისი მფრინავი მალემსრბოლნი უკვე ამხნევებდნენ ზარდაცემულ ხალხს რომის ფორუმზე.

შუადღისას მისი ლეგიონები კოლინის კარიბჭეთა წინ აღიმართნენ.

მან არ დაუჭერა თანაშემწეთა ხვეწნა-მუდარას და მისვლისთანავე, ჩაუმუხლავად შეება მტერს.

კოლინის კარები არნახული და გაუგონარი ხოცვა-ჟლეტის მოწამე გახდა.

„ან ახლა, ან ვერასოდეს!“

ეს დევიზი საერთო იყო ორივე მხრისთვის.

დემოკრატებისთვის და არისტოკრატებისთვის,

იტალიელებისთვის და რომაელებისთვის,  
ტელეზინუსისთვის და სულასთვის.

მარცხენა ფრთამ, რომელსაც თვითონ სულა სარდლობდა, ველარ გაუძლო მოპირდაპირის გავეშებულ შემოტევას და უკუიქცა. ბეწვზე დაეკიდა თვით სარდლის სიცოცხლე. თეთრ ცხენზე ამხედრებული სულა მტრისთვის საუკეთესო სანიშნო აღმოჩნდა. გამართეს კიდევ მისკენ შუბები, რასაც თვითონ ვერა ხედავდა, მაგრამ მსახურმა ღროზე გადაჰკრა მის ცხენს მათრახი და გაფრენილს მხოლოდ გავაში მოხვდა შუბები.

სულამ სიკვდილს ჩახედა თვალებში.

წამსვე ეამბორა მკერდზე ჩამოკიდებულ აპოლონის ოქროს ქანდაკს და შეჰყვირა:

„ჰოი, აპოლონ პითიელო, ამდენი გამარჯვებანი შენ არგუნე ბედნიერ კორნელიუს სულას, შენ მოიყვანე იგი მშობლიური ქალაქის კედლებთან და ნუთუ ახლა დააგდებ მას თავის თანამემამულეებთან ერთად სამარცხვინო მარცხის სამსხვერპლოდ?!“

იგი სახეშეშლილი მიმოჰქროდა გამოქცეულ თავისიანებში და მათს შეკავებას ცდილობდა ხელით, მახვილით, სიტყვით, ფიცით, ხეწნით, მუდარით, მუქარით.

ამაო იყო ყოველივე.

ღამემ მოუსწრო სამკვდრო-სასიცოცხლო რკენას.

უკვე პრენესტეს კედლებთან გამოჩნდნენ გაქცეული სულანელები. მათ კვინტუს ლუკრეციუს ოფელას მოუტანეს საშინელი ამბავი სულას სიკვდილისა და რომის დაცემისა. ოფელამ აღარ იცოდა, როგორ მოქცეულიყო: თვითონაც დაძრულიყო რომისკენ თუ განეგრძო პრენესტეში ჩაკეტილი მარიუსის ალყა.

და უცებ გათენებისას მოიჭრა სავსებით ახალი, დაუჯერებელი ამბავი:

სულამ გაიმარჯვა!

ეს სიმართლე იყო.

როცა სულა თითქმის ხელიდან გავარდნილ გამარჯვების კვერთხს კბილთა ღრჭენით ეტევებოდა, მარჯვენა ფლანგმა, მარჯუს ლიციინიუს კრასუსის სარდლობით, თავგანწირული შეტევით დაანარცხა და გააქცია მოწინააღმდეგე. ამან შეამსუბუქა მარცხენა ფლანგის მდგომარეობა.

და გვიან ღამით სულამ, უეჭველი დამარცხებისა და დაღუპვის უფსკრულის პირას მდგომმა, ერთბაშად შემოაბრუნა მახვილი და გულმოცემულად შემოუტია მოპირისპირეს.



ბრძოლა თავიდან დაიწყო.

იგი გაგრძელდა მთელ ღამეს და დამთავრდა დილას, როცა სამი ათასმა მეომარმა დემოკრატი ბანაკი მიატოვა და სულას მხარეზე გადავიდა.

მოჯანყეთა არმია მთლიანად განადგურდა.

ფელიქს სულა კვლავ ზეიმობდა გამარჯვებას!

ყველაზე დიდ გამარჯვებას!

## თ ა ვ ი მ ე ო თ ხ ე

### „ბედნიერი დიქტატორი“

#### 1. „ნამდვილი სულას“ დასაწყისი

სულამ ბელონის ტაძარში სენატი შეჰყარა.

სხდომა გახსნა თუ არა, განწირულ ადამიანთა საზარელმა ბლავილმა შეძრა გარემო.

შეძრწუნებული სენატორები ფეხზე წამოიჭრნენ.

სულამ ხელი ასწია და „მამანი სამშობლოსა“ გესლიანი სიცილით „დაამშვიდა“:

„გირჩევთ, მე მომისმინოთ! გარეთ რაც ხდება, თქვენ არ გეხებათ. იქ ჩემი ბრძანებით ჰკუთას ასწავლიან ზოგიერთ გარეწარს!“

ღიას, სწორედ ამ დროს მარსის ველზე სულას ჯალათები ყელს სჭრიდნენ 8 000 ტყვე მოჯანყეს. მათ შორის იყვნენ მძიმედ დაჭრილი პონტიუს ტელეზინუსი, დამაზიპი და კარინა.

სულა ლაპარაკობდა და ტკბებოდა ცქერით, როგორ თრთოდნენ სენატორები სასაკლაოდქცეულ მარსის ველიდან შემოჭრილ ყოველგმინვა-ღრიალზე და ჯალათის ხელით მოქნეული იარაღის ჩახუნზე.

დაე, ამიერიდან ყველამ იცოდეს, სულასეული „ჰკუთის სწავლება“ ნიშნავს სიკვდილს, ხოლო „გარეწარი“ — სულას მტერია.

სენატი მშვიდად და არხეინად იყოს, რადგან სულა სწორედ მისი „რესპუბლიკური ძალაუფლების“ აღსადგენად და დასაცავად მოვიდა რომში. მაგრამ, რაც მთავარია, სენატს მხოლოდ მაშინ აქვს უფლება „არხეინად ყოფნისა“, თუ იგი „ჰკუთით იქნება“. ეს კი იმას ნიშნავს, რომ მან საკუთარი ჰკუთა „არ უნდა შეაწუხოს“ და „ფეხბედნიერი სულას“ ნაზრევს მიჰყვეს.

მაშ, ლუციუს კორნელიუს სულა იწყებს „რესპუბლიკის აღდგენას“.

ეს კი იმას ნიშნავს რომ დაიწყება წარკვეთილი თავების ახალი

„გამოფენა“ რომის ფორუმზე; ამჯერად არისტოკრატთა თავებს შეეცლიან დემოკრატთა თავები.

დაიწყო იმით, რომ პრენესტეში ჩაკეტილ მარიუსელებს, სულას ბრძანებით, დახოცილ თანამებრძოლთა თავები შეუფორეს.

მარიუს უმცროსთან ერთად პრენესტეს სიმაგრეში პონტიუს ტელეზინუსის ვაჟიც იყო. წარკვეთილ თავთა შორის შვილმა მამის თავიც იპოვა.

ახალგაზრდა გმირები მიხვდნენ, რომ ბრძოლა საბოლოოდ წაგებული იყო. დიდი მარიუსისა და მამაცი ტელეზინუსის ვაჟებმა ღირსეულად დაასრულეს სიცოცხლე: მახვილები გაიძრეს, ერთმანეთს მიუმარჯვეს და მკერდით ზედ წამოეგნენ.

ოფელამ მარიუსის წარკვეთილი თავი რომში გაგზავნა. სულამ იგი ფორუმზე გამოჰკიდა და დასცინა:

„კაცმა ჯერ ნიზბის მოსმა უნდა ისწავლოს და საჭეს მერე მიუჭდეს“.

მერე სულა თვითონ ჩავიდა პრენესტეში და, მისი ბრძანებით, ყველა, ვინც პრენესტეში იყო, ადგილობრივი მცხოვრებნი, მარიუსელები, მარიუსის მომხრე სენატორები, თუ სამნიტები, სულ ერთიანად, განუკითხავად და განუსჯელად ამოელიტეს. ქალაქი გაძარცვეს, გააშიშვლეს და ნანგრევებად აქციეს.

პრენესტეს ბედის მომსწრე იტალიის სხვა ქალაქებმა პატიების იმედი დაკარგეს და გადაწყვიტეს, უკანასკნელ ამოსუნთქვამდე ებრძოლათ.

საშინელი იყო ლათინური ქალაქის, ნორბას ტრაგედია. იგი ლატის წყალობით აიღო სულასაგან წარგზავნილმა მარკუს ემილიუს ლეპიდუსმა. როცა მცხოვრებლებმა ქალაქში შემოჭრილი მტერი იხილეს, მათ თვითონ მისცეს ცეცხლს თავიანთი სახლ-კარი და აელა-დიდება. მერე, საშინელი და სამარცხვინო ტყვეობიდან თავდასახსნელად ისინი საკუთარი ხელით ხოცავენ თავიანთ ცოლ-შვილს და თვითონაც თავს იკლავენ.

რომაელებმა კიდევ ერთხელ დაანგრიეს და იავარპყვეს კაპუა და ნეაპოლი.

სულამ გადაწყვიტა, სავსებით და სამარადეამოდ ამოეგდო იტალიაში სამნიტთა სახელი და სახსენებელი. იგი ფიქრობდა, რომის მოსვენება მანამ არ იქნებოდა, სანამ მის კედლებს უამიდან უამზე აწყდებოდა გმირული სამნიტური სულთქმა.

კვლავ შეესივნენ რომაული ლეგიონები სამნიტურ და საბელურ სოფელ-ქალაქებს და, რაც „მოკავშირეთა ომს“ გადაურჩა, ყველაფერი დასცეს და დაამიწეს. მშვენიერი ქვეყანა ნაოხარ უდაბნოდ აქციეს.

საბელ-სამნიტთა უკანასკნელი სარდალი, გაიუს პაპიუს მუტი-  
ლუსი, დამარცხებული დაბრუნდა მშობლიურ ტეანში. ცოლმა  
სახლში არ შეუშვა შერცხვენილი მეუღლე და პაპიუსმაც აღარ და-  
აყოვნა: იქვე, საკუთარი სახლის კართან, მახვილზე გულით წამოე-  
გო.

ორ წელიწადს იგერიებდა რომაელთა ფერიშებს ეტრუსკული  
ქალაქი ვოლატერი. ბოლოს მისი მცხოვრებლებიც დანებდნენ სი-  
ციხლის შენარჩუნების იმედით. მაგრამ სულას მეომრები გამოე-  
დევნენ შიმშილითა და სნებით ქანცაწყვეტილთ და უწყალო ხე-  
ლით გაელიტეს ყველა.

## 2. „პალატი-ბიჭუნა“

დემოკრატთა ერთი ნაწილი, პერპერნას მეთაურობით, სიცილი-  
აში იყო გამაგრებული. იქვე, აფრიკასა და სიცილიას შორის,  
ზღვებზე ფლოტით ბატონობდა დემოკრატი კონსული გაიუს პაპი-  
რიუს კარბონი.

სულამ სიცილიაში გაგზავნა გნეუს პომპეუსი.

პერპერნა შეუშინდა პომპეუსის უზარმაზარ არმიასა და  
ფლოტს და უბრძოლველად დათმო კუნძული. პომპეუსმა სიცილია  
სულას მბრძანებლობას დაუმორჩილა. ყველა ქალაქი ხმლის მოუქ-  
ნეველად დანებდა ბედს, მხოლოდ მესანაში მცხოვრები მამერტინე-  
ლები აპირებდნენ გაძლიანებას. მათი ელჩები პომპეუსს უსაბუ-  
თებდნენ მესანის თავისუფლებისა და დამოუკიდებლობის ტრადი-  
ციულ კანონიერებას. ამაზე გულზვიადმა სარდალმა უპასუხა:

„შეწყვიტეთ კანონიერებაზე ლაპარაკი მასთან, ვისაც წელზე  
მახვილი არტყია!“

მესანაც დამორჩილდა თავის მწარე წილხვედრს.

მალე პომპეუსის მეომრებს ხელთ ჩაუვარდათ პაპირიუს კარ-  
ბონი.

პაპირიუსმა ადრე, როცა ბედისწერის ჩარხი მისკენ ბრუნავდა,  
სიკვდილისაგან დაიხსნა მარიუსელთაგან დევნილი პომპეუსი. ახ-  
ლა სამაგიეროს მისაზღავედ პომპეუსის რიგი დადგა.

და მანაც მიუზღო.

კარიერის ციებ-ხურვებით შეპყრობილი ახალგაზრდა გმირისა-  
თვის ამავდარი მეგობრის შეწყალებაზე მალლა პირქუში დიქტა-  
ტორის სიამოვნება იდგა. მან ურცხვი, პომპეზური ტონით ბრძანა:

„ახლავე თავი გააგდებინეთ სამშობლოს მოღალატეს!“

და, რომის ფორუმზე დემოკრატთა კიდევ ერთი ბელადის, სამ-გზის კონსულის, გაიუს პაპირუს კარბონის თავიე ჩამოეკიდა.

ახალგაზრდა პომპეუსს კი, ასეთი სისხლიანი უმადურობისათვის, სამუდამოდ დაერქვა „ჯალათი-ბიჭუნა“ (adolescentulus carnifex).

რაკი პომპეუსმა სიცილიაში ვერ შეძლო გმირის შარავანდედის მოპოვება, იგი აფრიკისაკენ გაეშურა. აქ თავს აფარებდნენ დემოკრატები დომიციუს აპენობარბის მეთაურობით, რომელსაც კავშირი ჰქონდა ნუმიდიის მეფე ჰიარბთან.

პომპეუსს უკვე დიდ სციპიონებზე ნაკლებად როდი მოჰქონდა თავი. მას სწამდა, რაკი ჰანიბალის მძლემ და კართაგენის დამანგრეველმა აფრიკის ცხელ მიწაზე მოიხვეჭა ყველაზე დიდი მოსახვეჭელი, ახლაც იგივე აფრიკიდან დაიქვემდებდა „ახალი აფრიკელის“ (პომპეუს აფრიკელის) მგრგვინავი სახელი.

პომპეუსი ექვსი ლეგიონითა და ას ოცი გემით მიადგა აფრიკას. გადასვლისთანავე სამი ათასმა კაცმა მიატოვა დომიციუსის ბანაკი და პომპეუსს ჩაბარდა.

ბრძოლის დაწყებამდე პომპეუსის რამდენიმე მეომარი შემთხვევით მიწაში ჩაფლულ განძს წააწყდა. სიმდიდრეზე დახარბებულმა რომაელებმა იფიქრეს, ამ ადგილებში ალბათ კართაგენელებმა ძნელბედობის ჯამს ოქრო-ვერცხლი დამარხესო. პომპეუსის ლეგიონერები მთელი დღე თხრიდნენ, ჩხრეკდნენ და ქექავდნენ მიწას. სარდლის ბრძანება აღარ ესმოდათ, სანამ არ დარწმუნდნენ, ტყუილად ეძებდნენ მოუძებნელს. დომიციუსმა კი ხელიდან გაუშვა მტერზე თავდასხმის ეს ხელსაყრელი მომენტი.

მეორე დღეს, წვიმიანსა და ქარიშხლიან ამინდში გაიმართა ბრძოლა. დემოკრატები სასტიკად დამარცხდნენ. დომიციუსი თავის ჩვიდმეტი ათას მეომართან ერთად ბრძოლის ველზე დაეცა. ტყვედ ჩავარდა ჰიარბი, რომელსაც, პომპეუსის ბრძანებით, თავი გააგდებინეს, ხოლო მის ნაცვლად ნუმიდიის ვასალურ ტახტზე ჰიემპსალი დასვეს.

გამარჯვებული პომპეუსი უტიკაში მივიდა, სადაც მას გადასცეს სულას ბრძანება:

„გნეუს პომპეუსმა დაუყოვნებლივ დაშალოს არმიები და მხოლოდ ერთი ლეგიონით დაელოდოს მის შემცველ სარდალს!“

მამ, პომპეუსს ტყუილად ჰქონია იმედი, რომ მის აფრიკულ ლაშქრობას ისე დააფასებდნენ, როგორც სციპიონებისა და მარინუსის აფრიკულ ღვაწლმოსილებას. იგი რომში უნდა დაბრუნებუ-

ლიყო არა როგორც გმირი „იმპერატორ-ტრიუმფატორი“, არამედ როგორც უბრალო, უჭარო და უმაქნისი კერძო მოკვდავი.

პომპეუსი მაღლობელიც უნდა იყოს სულასთან დაახლოებითა და დამოყვრებით, ღიახ, დამოყვრებით: სულამ მისი გულისთვის თავისი ფეხმძიმე გერი ემილია ქმარს გაჰყარა და შერთო პომპეუსს, რომელიც თავის მხრივ, გაშორდა სათნო ანტისტიას. რა ვუყოთ, რომ ადამიანები შეეწირნენ ამ უბედურ ქორწინება-განქორწინებას: ანტისტია ჯავრით მოკვდა, მამამისი პომპეუსის მტრებმა მოკლეს, დედამ თავი მოიკლა. პომპეუსის ახალი ცოლი კი პირველა ქმრისგან მოყოლილ მუცელს გადაჰყვა.

ერთი სიტყვით, რაც მოხდა სულ პომპეუსის ბრალი იყო. მან სულასთან დაახლოებისა და კარიერის მოხვეჭისათვის ჩაიდინა ყოველივე. სულას ბრძანებას აქ თითქოს არაფერი როლი უთამაშია.

პომპეუსი ასეთი ბჭობა-ჭრის ბურანში გახვეული იდგა უტიკაში. იგი გამოარკვია ჯარისკაცების ღრიალმა: ისინი პომპეუსს მოუწოდებენ, არ დაემორჩილოს სულას ბრძანებას და ხელი არ აიღოს მთავარსარდლობაზე!

რომში კიდევაც მოვიდა ამბავი, რომ პომპეუსი სულას გადაუღდა.

სულამაც მყისვე ავი სარკაზმით თქვა:

„ჩემს ბედს რა ვუთხრა, რომ ამ ხანდაზმულობის ემს ლაწირაკებთან მიხდება ბრძოლა!“

იგი გულისხმობდა ორ ახალგაზრდას — გაიუს მარიუს უმცროსს, რომლის თავი უკვე ესვენა ფორუმის ტრიბუნაზე, და გნეუს პომპეუსს, რომელსაც თავი ჯერ კიდევ ედგა მხრებზე.

მაგრამ პომპეუსმა დაინარჩუნა თავი მხრებზე. დაამშვიდა გაჭირვებული ლეგიონები და რომში კვლავ დაბრუნდა, როგორც სულას კლიენტი.

სულამაც ისევ დააფასა „თავისი ბიჭუნას“ ერთგულება და ქედ-დადრეკილობა. იგი ქალაქგარეთ შეხვდა მას, ღიმილით მიესალმა და უწოდა „მაგნუს“ („დიდი“).

ეს ეპითეტი სამარადეამოდ შერჩა პომპეუსს.

პატივმოყვარეობა მაინც ადნობდა პომპეუსის გულს. მას მოსვენებას უქარგავდა ტრიუმფზე ფიქრი. სულაც ჯანჯლობდა და დიდების მწვერვალისაკენ მიმავალი გმირის თხოვნას ყოველთვის ბანზე აგდებდა. იგი ამბობდა, რომ დიდ სციპიონსაც კი არ მიუღია ტრიუმფი ესპანეთის დაპყრობისათვის, რადგან ის არც კონსული იყო და არც პრეტორი. მით უფრო, პომპეუსს არაფერი თანამდებობა არ უჭირავს. იგი მხოლოდ დიქტატორისგან წარგზავნილი სარ-

დალია; მას სენატში ჯდომის უფლებაც არა აქვს, რადგან ჯერ ნიკაპზე ლინლიც არ ამოსვლია.

შეუტაცხყოფამ ააფეთქა პომპეუსის ზვიადი სული და თავის მრისხანე მფარველს ასეთი სიტყვა აკადრა:

„ადამიანები თავყანს უფრო ამომავალ მზეს სცემენ, ვიდრე ჩამავალს!“

სულა გააოცა და გააოგნა აბეზარი კლიენტის ასეთმა მოულოდნელმა გაბედულებამ და უნებურად შეჰყვირა:

„დაე, იზეიმოს მან ტრიუმფი! დაე, იზეიმოს!“

და პომპეუსმაც იზეიმა. ჯერ მას სურდა, სატრიუმფო ეტლში აფრკიდან ჩამოყვანილი სპილოები შეეხა, მაგრამ ქალაქის კარებში ვეღარ გაეტია და იძულებული გახდა, ისევ ჩვეულებრივი ცხენებით დაკმაყოფილებულიყო.

მერე, სარდლის სიძუნწით უკმაყოფილო ჯარისკაცები დაემუქრნენ, რომ ტრიუმფს ღრიალითა და არეულობით ჩაშლიდნენ, მაგრამ ისინი დამშვიდდნენ, როცა პომპეუსმა მუქარითვე უპასუხა.

„მე მირჩევნია, უარი ვთქვა ტრიუმფზე, ვიდრე თქვენი თავხედობა მოვიტმინო!“

ასე, ჭაბანწყვეტით აისრულა პომპეუსმა თავისი საწაღელი.

ეს მოხდა 80 წელს, როცა პომპეუსი იყო ოცდაექვსი წლისა, ხოლო სულა — ორმოცდათვრამეტისა.

მაგრამ სულა ამ დროს თავისი „ნამდვილი სრულყოფილების“ ზენიტში იყო.

ანლა ვნახოთ, რას ნიშნავდა „ნამდვილი სულა“.

### 3. „ნამდვილი სულა“

ჯერ მოვუბრუნდეთ და თხრობა განვაგრძოთ იქიდან, საიდანაც სულამ რვა ათასი აჯანყებული იტალიელის დაკვლით ქვეყანას ამცნო თავისი სისხლიანი რეჟიმის ფეხის შემოდგმა.

სულა მთელი სახელმწიფო რეორგანიზაციის ზღურბლთან იდგა. მისი განზრახვა ითვალისწინებდა დემოკრატიის სავსებით განადგურებას და არისტოკრატიის ძალაუფლებათა აღორძინებას. ეს კი ბუნებრივია, საძირკველი უნდა ყოფილიყო მისი ერთპიროვნული მბრძანებლობისა.

ასეთ გრანდიოზულ გარდაქმნათა განხორციელება პროკონსულის რწმუნებით აღჭურვილ მაგისტრატს ოფიციალურ-კონსტიტუციური წესით არ შეეძლო. იგი, მართალია, თავისი ერთგული, „უსა-

მშობლო“ ლეგიონების ფარებზე მოსეირნე ფაქტიური მეფე იყო. მაგრამ მას, „რესპუბლიკის ქომაგს“, სჭირდებოდა და სურდა, სწორედ ფორმალურ-რესპუბლიკური რწმუნებებით აღჭურვილს, მოეხდინა ავბედითი მოსახდენელი. „რესპუბლიკური“ კონსტიტუციისაგან მას შეეძლო მიეღო დიქტატურა ექვსი თვით. ეს ფორმალური ფარსი სავსებით საკმარისი იქნებოდა, რომ „აღმოსავლეთის გმირს“ „რესპუბლიკური დიქტატურა“ ვადითა და უფლებებით ზღვარდაუდებელ მონარქიად ექცია.

სულამ რესპუბლიკა გაუქმებულად ვერ გამოაცხადა, მაგრამ ფაქტიურად კი გააუქმა. მან სენატს დაუტოვა მისი ფარატინა კონსტიტუცია, ხოლო თავისთვის იგივე ფარატინა კონსტიტუციით მონათლული, ნამდვილი ერთპიროვნული დიქტატურა შექმნა. მას სჭირდებოდა მხოლოდ მოჩვენებითი არჩევითობა, ვითომცდა რესპუბლიკისგან ნაბოძები.

სენატმაც „უბოძა“ იგი.

ეს პოლიტიკური ფარსი შემდეგნაირად გათამაშდა.

რესპუბლიკური კონსტიტუცია, კონსულების დაღუპვის შემთხვევაში, ითვალისწინებდა თავისებური დროებითი მთავრობის, ე. წ. „მეფეთშორისის“ (interrex) არჩევას. რაკი ამჯერადაც ორივე კონსული (პაპირიუს კარბონი და მარიუს-მრწემი) სულასთან ბრძოლას ემსხვერპლნენ, სულამ, უპირველეს ყოვლისა, სწორედ ეს მოიძაზვზა და სენატს ბრძანება მისცა, აერჩიათ „მეფეთშორისი“.

სენატმაც „მეფეთშორისად“ აირჩია „სენატის პრინციპსი“ ვალერიუს ფლაკუსი.

სენატს ეგონა, კონსტიტუციური წესით ფლაკუსი კონსულთა არჩევნებს დანიშნავდა, მაგრამ „მეფეთშორისმა“ სულასგან ფიცხელი ბრძანება მიიღო, რომლის ძალითაც უნდა გამოცხადებულიყო შემდეგი:

„ლუციუს კორნელიუს სულას რომის სახელმწიფოსათვის სასარგებლოდ მიაჩნია დიქტატორული მმართველობის შექმნა. ის, ვინც დიქტატორი იქნება, ქვეყანა უნდა მართოს არა ჩვეულებრივით (კონსტიტუციური) ექვსი თვით, არამედ განუსაზღვრელი ვადით“.

მერე, ვინ უნდა ყოფილიყო მანამდე უპრეცედენტო და უწინამორბედო „მუდმივი დიქტატორი“?

რასაკვირველია, ისევ და ისევ სულა.

იგი თვითონ მიუთითებდა, პირდაპირ, უბოდიშოდ, ჯიქურად. მიუთითებდა თავის თავზე, ვითარცა „მუდმივი დიქტატურის“ (dictatura perpetua) ერთადერთ კანდიდატზე.

ვინ გაბედავდა, უარი ეთქვა თუნდაც ასეთი უბოდიშო მოთხოვნის.



ავტორისათვის, რომლის ვერცხლოვან არწივთა ქვეშ უკვე 120 000 მეომარი იდგა?

და, აი, „მეფეთშორისმა“ ვალერიუს ფლაკუსმა სახალხო კრე?ას წარუდგინა კანონპროექტი, რომ დანიშნულიყო პროკონსული ლუციუს კორნელიუს სულა დიქტატორად, რათა „შეედგინა კანონები, აღედგინა და განემტკიცებინა სახელმწიფოებრივი წესრიგი“.

მას, ერთადერთს, განუყოფლად ეძლეოდა უმაღლესი საკანონმდებლო და სამოსამართლო ძალაუფლება, განუსაზღვრელი გამგებლობა მოქალაქეთა სიკვდილ-სიცოცხლისა და პირადი საქუთრებისა.

და ყველა ეს უფლება სულას ეძლეოდა ვადაგანუსაზღვრელად, მანამდე, სანამ ამას საჭიროდ ჩასთვლიდა თვითონ სულა.

აგრეთვე, ძალაში შედიოდა დიქტატორად დანიშნამდე გაცემული ყველა მისი განკარგულება. ეს ნიშნავდა სახალხო კრებისა და სახალხო ტრიბუნთა ძალაუფლების ფაქტიურ გაუქმებას.

მსოფლიოს ცენტრში „რესპუბლიკურ ძონძებში“ გახვეულმა ტიბიურმა აღმოსავლურმა მონარქიამ დაისადგურა.

„აღმოსავლელმა დიქტატორმა“ ძოწეულის ტოგა წამოისხა, თავზე ოქროს გვირგვინი დაიდგა და ხელთ ნაჯახი მოიმარჯვა.

დემოკრატიის ჩარხი უკულმა დატრიალდა.

სულამ ქალაქში შესვლისთანავე გამოაცხადა, რომ იგი სიკვდილით სჯიდა ყველას, ვინც მის წინააღმდეგ ბრძოლის გაგრძელება გაბედა კონსულ სციპიონთან ზავის დადების შემდეგ.

ამას მოჰყვა სულას წერილობითი პროკლამაცია აჯანყებულთა, მათ თანამგრძობთა და, საერთოდ, დიქტატორისათვის ყველა არასასურველ ადამიანთა კანონგარეშე გამოცხადების შესახებ.

დიდი ნიჰანთროპი თავის მომხრეებს უსაზღვრო რწმუნებებს აღლევდა უგანაჩენო კატაკვლისა და განუკითხველი ძარცვა-რბევითსათვის.

ერთბაშად რომი სისხლის აბანოდ იქცა. უკვე რამდენიმე ათასი კაცი გამოესალმა წუთისოფელს.

და ერთ დღეს შიშით კრიჭაშეკრული სენატის სხდომაზე კვინტუს მეტელუსს პიუსმა ძლივს შეჰბედა მძვინვარე დიქტატორს:

„როდემდე გაგრძელდება ასე?!“

სულა ბოროტი მზერით მიაშტერდა ერთგულ თანამებრძოლს.

მეტელუსს სისხლი გაეყინა და ბოლოს ძლივს ამოხრიალა:

„არა. ჩვენ ხომ იმათ ხსნას არ გთხოვთ, ვისი განადგურებაც შენ გადაწყვიტე, არამედ მხოლოდ იმას გემუდარებო, დაგვისნა შეუცნობლობისაგან!“

„რა შეუცნობლობისაგან?“

„ვის სტოვებ ცოცხალს?“

დიქტატორი ერთხანს სდუმდა და რალაცას ფიქრობდა. მერე  
ღიწჯად თქვა:

„მე ჭერ კიდევ არ გადამიწყვეტია, ვის ვაჩუქებ სიცოცხლეს.“  
მეტელუსმა სიტყვა უფრო შეათამამა:

„მაშ ის მაინც გამოაცხადე, ვისი სიკვდილიც გადაგიწყვეტია!“

და სულამაც წამიერი ფიქრის შემდეგ სუსხიანად განაცხადა:

„დღე, ასე იყოს!“

ეს თქვა, იქვე ჩაჯდა და სულმოუთქმელად ოთხმოცი კაცი შე-  
რტანა სასიკვდილო სიაში, რომელიც, მისი ბრძანებით, მაშინვე ფო-  
რუმზე აღმართეს.

ეს იყო პირველი „პროსკრიპცია“ — სიკვდილმისჯილთა სია.

მეორე დღეს მოპყვა მეორე, ორასოცკაციანი „პროსკრიპცია“.

მერე მესამე — განწირულთა კიდევ მეტი რიცხვით.

შემდეგ სულა გამოვიდა სახალხო კრების წინაშე და თქვა:

„მე სასიკვდილო სიებში შევიტანე მხოლოდ იმათი სახელები,  
ვინც მომაგონდა, ხოლო ვინც ჭერჭერობით ვერ მოვიგონე და მტე-  
რთაგან ვისაც პირადად ვერ ვიცნობ, იმათ სასიკვდილოდ მხილებას  
ვანდობ ხალხს. სამაგიეროდ, მე, დიქტატორი ლუციუს კორნელიუს  
სულა, ყოველ დამსმენელსა და მკვლელს „ერთგულებისთვის“  
ვპირდები დიდ ჭილდოს, ხოლო განწირულის მფარველს — უწყა-  
ლო სიკვდილს!“

სხვა რაღა გინდათ?!

რომის ქუჩები და მთელი იტალიის სოფელ-ქალაქები „პროსკრი-  
პციებით“ გაივსო.

პირი გაიხსნა ადამიანურ ბოროტებათა ყველა ბუდეშ.

„პროსკრიპციაში“ ხვდებოდა ყველა, ვისაც ოდნავ აღმაცერი  
შხერით უტკეროდა ვინმე სულანელი, ან შურიანი მეზობელი, ან,  
უბრალოდ, რაიმე ცხოვრებისეული „უიღბლობით“ გაბოროტებუ-  
ლი ადამიანი.

სულასა და სახელმწიფოს მტრად ითვლებოდა ყველა, ვისაც  
ბრალოდ მხოლოდ ის ჰქონდა, რომ დაბეზლებასა და სასიკვდილო  
სიაში შეტანას სხვა მოასწრებდა.

საკითხიც სწორედ ასე იდგა: ვინ ვის მოასწრებდა.

ვისაც მოასწრებდნენ და „პროსკრიპტირებულად“ აქცევდნენ, იგი  
უწყალოდ კვდებოდა, ქონება ერთმეოდა, ოჯახი, შვილები და ახ-  
ლობელ-ნათესავენი დედაბუდიანად კანონგარეშე ცხადდებოდნენ.

კონფისკაციაქმნილი ქონების „ლომის წილი“ სულას ხაზინაში

მიდიოდა, დანარჩენი მკვლელთა, ჯაშუშთა, აგენტთა, მეგობარ ამფსონთა, ჯამბაზთა და მეძავთა შორის ნაწილდებოდა.

„პროსკრიპციამ“ მოშალა ადამიანთშორის ზნეობრივი დამოკიდებულების მუხრუჭები.

კაცი კაცს გაუბოდა და ემალებოდა.

მეზობლისადმი შურით აღვსილ მეზობელს, თუნდაც იმიტომ, რომ მისი თხა საძოვრიდან უფრო მაძლარი მოვიდა. „მეტოქის“ გვარი „პროსკრიპციაში“ შეჰქონდა.

ბევრი ამ სასიკვდილო „შავ სიაში“ მხოლოდ იმიტომ შეჰქონდათ, რომ სანამ ჩაწერდნენ, თურმე მანამდე კლავდნენ.

აღსდგა ძმა ძმაზე, შვილი — მამაზე და მამა — შვილზე.

უხვად ჭილდოვდებოდა ყველა, ვინც პროსკრიბირებულს მოკლავდა, ან მის სამალავს მიუთითებდა.

ხოლო ის, ვინც განწირულს თავშესაფარს მისცემდა, თვითონვე სიკვდილს ეძლეოდა.

ბოროტება დამსახურებად ითვლებოდა, ხოლო პატიოსნება — ბორტმოქმედებად.

გამორიცხული იყო იურიდიული გამოძიებისა და სამოსაძართლო პროცედურის ელემენტარული ფორმაც კი.

განწირულნი ილუპებოდნენ ერთბაშად, იქვე, სადაც მოახელებდნენ: სახლიდან ფეხის გამობიჯებისთანავე, დედის, ცოლისა და შვილების თვალწინ, ან სარეცელზე მძინარე, ან ჭამის, ლოცვის, თუ ტრფიალის დროს.

ზოგს კლავდნენ იმ დროს, როცა იგი დაფაზე გაკრულ „პროსკრიპციას“ მიაღებოდა იმის გასაგებად, ჩემი გვარი ხომ არ არისო იქ შეტანილი!

სიკვდილით ისჯებოდა ისიც, ვინც პროსკრიბირებულთა დატირებას, ან სინანულით მოხსენიებას გაბედავდა.

გაბოროტებული დიქტატორი არც იმათ ინდობდა, ვინც მის ანგარიშსწორებას საკუთარი სიკვდილით დაასწრეს. მან საფლავიდან ამოთხარა გაიუს მარიუსის ნეშტი და მდინარეში ისროლა. მარიუსის ძლევაშოსილების ტროფეუმები დაანგრიეს და ცეცხლს მისცეს.

იდროვა ახალგაზრდა ლუციუს სერგიუს კატილინამ (შემდგომში ცნობილი შეთქმულების ბელადი) და სულას სიამოვნებისთვის საშინელი წამებით მოკლა მარიუსის ნათესავი, ნიჭითა და კეთილშობილებით სახელგანთქმული მარკუს მარიუს ტუდიტანი. კატილინამ ტუდიტანის თავი ფორუმზე მოართვა სულას, თვითონ კი იქვე, აპოლონის ტაძართან მივიდა და გასისხლიანებული ხელები საღვთო-სასახურებელ წყალში ამოიბანა.

სულა კმაყოფილი დარჩა, რომ მადლი მადლით გადუხადეს: ჯოტა ხნით ადრე კატილინამ თავისი ძმა მოკლა და სულას ხეყნა-პიულარით მანამ არ მოეშვა, სანამ მოკლული ძმის სახელი პროსკრიპციისაში არ შეატანინა.

განსაკუთრებით უპირდათ მდიდარ მოქალაქეებს, რადგან მოკლულის ქონება ხომ მკვლელს რჩებოდა, მათი გვარები, განუკითხავად პოლიტიკური პოზიციისა და მრწამსისა, უხვად ჩნდებოდნენ პროსკრიპციებში.

ვინმე კვინტუს ავრელიუსმა, სულას ბანაკისთვის პოლიტიკურად საეხებით „მოსათმენმა“ კაცმა, რომელსაც ალბანის მთის ძირში (რომლიდან სამხრეთ-აღმოსავლეთით) მდიდარი მამული ჰქონდა, შემოხვევით წაკითხვისას ფორუმზე გაკრულ პროსკრიპციისაში თავისი სახელიც აღმოაჩინა და სასოწარკვეთილმა დაიბღავლა:

„ვაიმე, უბედურს! სასიკვდილოდ მომდევს ჩემივე ალბანური მამული!“

მან მხოლოდ ორიოდ ნაბიჯის გადადგმა მოასწრო, ვილაც წაპოეწია და ყელში დანა ჩასცა...

სისხლით გაღეშილი დიქტატორი „რესპუბლიკური კანონიერების სიწმინდეს“ ხშირად საკუთარი წრიდანაც სწირავდა მსხვერპლს. მისმა უერთგულესმა თანამებრძოლმა კვინტუს ლუკრეციუს ოფელამ. პრენესტეში დემოკრატთა განადგურების მთავარმა გმირმა, კონსულობა აიჩემა და სულას თხოვნით გული შეეწუხა.

სულა რესპუბლიკის კონსტიტუციას იშველიებდა და აბეზარ მეგობარს, რომელსაც ჯერ პრეტურა ან კვესტურა არ გაეგლო, კონსულობაზე უარს ეუბნებოდა.

ოჯელამ არ იქნა და არ დაიშალა.

ჯა ერთ დღეს. შუა ფორუმზე, ხალხის თვალწინ, სულას ბრძანებო. კონსულობაზე მეოცნებე ოფელას გულში მახვილი აძგერეს.

დიქტატორი დაზაფრულ ხალხს მიუბრუნდა და მრისხანედ თქვა: „კარგად გაიგონეთ და დაიმახსოვრეთ, მოქალაქენო: მე მოვკალ ლუკრეციუს ოფელა იმიტომ, რომ მან ჩემი არ შეისმინა.“

ეს თქვა, უცებ ბოროტად გაიღიმა და განაგრძო:

„...სულა ეს იგავიც მოისმინეთ და კარგად დაიმახსოვრეთ: ერთ გლჯეს, როცა იგი ხნავდა. ტილებმა დაუწყეს კბენა. ორჯერ მიატოვა სახვნელი, ნიფხავ-პერანგი გაიძრო და გაასუფთავა. როცა ტილებმა ისევ დაუწყეს კბენა, გლებმა, მუშაობაზე რომ ხელი არ შეშლოდა. ნიფხავ-პერანგი გაიძრო და თავის ტილებიანად ცეცხლში წაყარა. ჰოდა მეც ვურჩევ მათ, ვინც ორჯერ გამიფრთხილებია, მესანედ ცეცხლი არ გამომტყუოს!“

რასაკვირველია, ყველაფერი ნათლად და „საინტერესოდ“ იყო ნათქვამი. ხალხი უამისოდაც გარკვეული იყო თავის ტრაგიკულ მდგომარეობაში. ყველამ კარგად იცოდა, რომ „ბედნიერ დიქტატორს“ ასეთი „ხუმრობა“ უყვარდა.

ხანდახან ის ხალხს აოცებდა უცნაური სულიერი მეტამორფოზით:

ერთხელ ვიღაც ენაგაქლესილმა მომწერლო-მოპოეტო ვიგინდარამ სულას უნიჭოდ დაწერილი ლექსი-პანეგირიკი მიუძღვნა. დიქტატორმა უსმინა და უთმინა. როცა „თხზულების“ კითხვა დამთავრდა, სულამ მეზობტბეს სამაგიეროდ რომელიღაც კონფისკაცია-ქმნილი ქონების ნაწილი მისცა, მაგრამ ფიციც იქვე ჩამოართვა, რომ ამიერიდან ეს აბეზარი კალმოსანი უნიჭო მჭლაბნელობას თავს დაანებებდა...

ხოცვა-ჟლეტა გრძელდებოდა.

ფორუმში წარკვეთილ თავებს ვეღარ იტევდა. მათი „გამოფენა“ ფორუმს გასცდა და სერვილიუსის შადრეენამდე გაიწვართა. ორიოდ თვეში რამდენიმე ათასი კაცი ემსხვერპლა პროსკრიპციას.

სისხლით გალოთებული დიქტატორი ახალ სახელმწიფო კანონმდებლობას ჩაუჭდა. მალე ქვეყანას ამცნეს მისი დადგენილი და გვარის მიხედვით სახელდებული „კორნელიუსის კანონები“.

უჩინარეს ყოვლისა, სულა ზრუნავს მათზე, ვისი მეოხებითაც იგი მზვიდა ერთპიროვნულ მბრძანებლობამდე. ეს არის მისი ერთგულ არმია, რომელიც მთავარსარდლისგან მოელის დანაპირებს. დიქტატორიც უაღრესად გულუხვია მის ჭირთა და ლხინთა თანაზაარი ვეტერანებისადმი. გარდა იმისა, რომ იღბლიანმა სარდალმა აღმოსავლეთის დალაშქვრით, იტალიის სოფელ-ქალაქთა ძარცვა-რბევითა და „პროსკრიპციებით“ თავისი მეომრები ფუფუნებაში ჩასვა, გამოსცა კანონი მიწის ნაკვეთებთ მათი დაჯილდოების შესახებ.

თავისი ვეტერანების დასასახლებლად სულამ გამოიყენა ყველა გაუნაწილებელი მიწები; უმეტეს წილად კი ის ტერიტორიები, რომლებიც მან გამარჯვებული სარდლისა და დამპყრობელის უფლებით წაართვა ლაციუმის, ეტრურის, კამპანიისა და სხვა იტალიურ ოლქთა ქალაქებსა და დასახლებულ პუნქტებს. პრენესტე, ნორბა, სპოლეციუმი, კაპუა და პომპეა, რომელთა მოსახლეობა სულანელებმა გაჟლეტეს, ახლა სულას ლეგიონერ-კოლონისტებით დასახლდნენ. იტალიის ყოველ სოფელ-ქალაქში მოკლულ, შერისხულ, განდევნილ და კონფისცირებულ ოჯახებსა და მეურნეობებში, სულანელები სახლდებოდნენ.

ას ოცი ათასმა სულანელმა მიიღო მიწა და მზამზარეული სასლ-  
კარი.

ამგვარად, მთელი იტალია სულას სამსახურში გაღესილი მახვი-  
ლებით შეიკრა და შეიბოჭა.

ფელიციტას კუმირს შეეძლო, მშვიდად ყოფილიყო: იტალიის  
ყოველ პუნქტში, ყოველგვარი დემოკრატიული ექსცესის დასალახ-  
ვრავად მახვილამოწვდილი იდგა სულანელი ვეტერანი-ლეგიონერი.

სულას შეეძლო, მშვიდად დაეძინა თვით მისგანვე სისხლით  
დატბორილ რომში. იქ მუდამ ფეხზე იდგა ჯალათთა გვარდია, დიქ-  
ტატორისგან გააზატებული 10 000 მონა, უმრავლესობა ბრგე-  
ახოვანი გალი, სუყველანი მონათმფლობელური კირთებისგან გაბო-  
როტებულნი, ამჯერად „მწყალობელი დიქტატორისაგან“ ბორკილ-  
აყრილნი და, აგრეთვე, წყალობითა მისითა „კორნელიებად“ წო-  
დებულნი. ეს „გაბოროტებული პაიკები“ დიდი გულმოდგინებითა  
და აღტკინებით იცავდნენ სულას და ასრულებდნენ მის სისხლიან  
საქმეებს.

სულა გამორიცხავდა ყოველგვარ კომპრომისს დემოკრატიასთან  
ურთიერთობის ყოველ პუნქტში. მან დამარცხებულ მოპირისპირე  
ბანაკს ყველაზე დიდი, მომაკვდინებელი დარტყმა მიაყენა გრაკხუ-  
სების ღონისძიებათა გაუქმებით. სულამ აკრძალა იაფფასიანი და  
უფასო პურის დარიგება. მან წაართვა მხედართა წოდებას გაიუს  
გრაკხუსისგან მიცემული ყოველგვარი პრივილეგია. ამიერიდან  
მხედარ-პუბლიკან ფინანსისტებს ეკრძალებოდათ აზიიდან შემო-  
სავლის მიღება; ამის ნაცვლად „პროვინცია აზია“ მუდმივი, მტკი-  
ცი გადასახადებით დაიხარკა.

სულამ გააუქმა, აგრეთვე, გაიუს გრაკხუსისაგან შექმნილი  
მხედართა უმაღლესი სასამართლოები და მათ ადგილზე კვლავ აღა-  
დგინა „თავისი სისხლის“ ოლიგარქი-სენატორები. სულამ მხედ-  
რებს წაართვა მეორეხარისხოვანი და არაარსებითი პრივილეგიებიც  
კი, — თუნდაც საუკეთესო ადგილებზე დაჯდომის უფლება სახალ-  
ხო დღესაწაულებსა და სანახაობებზე.

ამგვარად, სენატორთა განუყოფელი ძალაუფლების სასარგებ-  
ლოდ, სულამ მთლიანად მოსპო მხედართა სოციალური წოდების  
არსებობა.

სულამ სპეციალური ღონისძიება შეიმუშავა სენატის გასაძლი-  
ერებლად. მან პოლიტიკური ამნისტია მისცა დემოკრატისაგან-  
დევნილ ყველა სენატორს. მერე არასაკმარისად მიიჩნია 300 სე-  
ნატორი და სენატის შემადგენლობა გააორკეცა. ახალი, ექვსასკა-  
ციანი ოლიგარქიული საკრებულო მთლიანად სულას უერთგულე-

სი მეგობრებით, ახლობლებით, საომარ და მახარ ავანტიურათა თანაზიარ სუბიექტთაგან შედგებოდა.

დიქტატორმა ცენზორებს აუკრძალა სენატის სიების გადასინჯვა და „გაცხრილვა“, რასაც ისინი, კონსტიტუციის ძალით, ყოველ ხუთ წელიწადში აწარმოებდნენ. სულ მალე სულამ ცენზურა სავსებით გააუქმა.

ან რალა საჭირო იყო, როცა თვითონ იგი გახლდათ უმაღლესი ცენზორი ყველაფრისა და ქვეყანაზეც არსებობდა მხოლოდ ერთადერთი ცენზი: ახლობლობა და ერთგულება ლუციუს კორნელიუს სულასადმი.

სულამ ფაქტიურად თითქმის მთლიანად მოსპო სახალხო ტრიბუნატი. ტრიბუნთა დამოუკიდებლობა და აქტიურობა აბსოლუტურად შეიზღუდა და სენატისაგან დამოკიდებული დარჩა. ამიერიდან ტრიბუნყოფილი კაცი სხვა უმაღლეს თანამდებობასაც კი ვეღარ ღებულობდა.

სულას სისხლიანი საქმენი და სასტიკი კანონმდებლობანი ბრწყინვალე ფინალური სცენით აღინიშნა.

ეს იყო მისი „აღმოსავლური ტრიუმფი“, — საზეიმო სვლა მითრიდატე პონტოელზე გამარჯვებისათვის. იგი ხომ აღმოსავლეთში: მოპოვებულ ნადავლთა და სახელ-დიდებათა მოხვეჭის წყალობით აღზევდა უმაღლეს მეუფედ რომისა...

და, აი, ჩვენ მას ვხედავთ ტრიუმფატორის ეტლში, ტრიუმფატორის ინსიგნიებით მორთულ-მოკაზმულს.

ჯერ არავის წამოუსხამს მხრებზე ასეთი ბრწყინვალე ტოგა (toga pretextae), ჯერ არავის სდგმია თავზე ასეთი გვირგვინი — ოქროსი, ბალახებითა და ყვავილები შემკული (corona obsidionalis).

მის ეტლს უკან მოსდევდნენ გვირგვინებით თავშემკობილ წარჩინებულნი და განუწყვეტლივ შეჰბლაოდნენ ტრიუმფატორ-დიქტატორის ზურგს:

„ოო, მამავ სამშობლოსა!“

„ოო, მხსნელო სახელმწიფოსი!“

„ოო, ბედნიერო იმპერატორო!“

სატრიუმფო პროცესიას წინ მიუძღოდა აურაცხელი ნაძარცვო და ნაალაფევი, აღმოსავლური ბრწყინვალეობითა და დახვეწილობით მომზიბლავი ურიცხვი ნივთი.

ქუჩებში ტევა აღარ იყო. ქალაქის მთელი მოსახლეობა გამოსულიყო ტრიუმფატორის შესახვედრად.

ზოგი თვალსასეირნოდ მოსულიყო, ზოგიც — შიშით; ვაითუ

ასეთ „საზეიმო დღეს“ სახლში ჯდომა სამშობლოს დასაცავად ჩამი-  
თვალონო!

ტრიუმფი ორ დღეს (82 წლის 29-30 იანვარს) გაგრძელდა.

30 იანვრის საღამოს პროცესია კაპიტოლიუმს მიადგა.

სულა ეტლიდან გადმოხტა, კაპიტოლიუმზე ავიდა, ხალხს ქო-  
რული მზერა მოავლო და ამეტყველდა.

იგი ლაპარაკობდა თავის დეაწლმოსილებებზე სამშობლოს წინა-  
შე; ლაპარაკობდა, როგორ იხსნა მან ქვეყანა აურაცხელი საგარეო  
და საშინაო საფრთხისაგან.

იგი ლაპარაკობდა სავსებით გულდამწვინებებით, ყოველგვარი  
სინდისის ქენჯნის გარეშე.

ბოლოს სიტყვა ასე დაასრულა:

„ამიერიდან მე ყველას ნებას ვაძლევ, მიწოდოს „ფელიქსი“  
(ბედნიერი) და „ეპატროდიტი“ (აფროდიტეს საყვარელი)!“

იგი შესდგა.

სამარისებური სიჩუმე ჩამოწვა, მაგრამ მხოლოდ წამიერად, რა-  
დგან ხალხი მაშინვე მიხვდა, როგორ უნდა მოქცეულიყო, და ერთ-  
ბაშად აღრიალდა:

„გაუმარჯოს ფელიქს დიქტატორს!“

„გაუმარჯოს ეპატროდიტს!“

„სიცოცხლე ბედნიერ ეპატროდიტს!“

„ლუციუს კორნელიუს სულას!“

„იმპერატორს!“

„ფელიქსს!“

„ეპატროდიტს!“

„დიდება, დიდება, დიდება!!!“

ის დღევ დასრულდა.

ადამიანებმა თავი დააღწიეს დიქტატორის გამკველავე მზე-  
რას, — ვაითუ გულწრფელი არ მოეჩვენა ჩვენი „აღტაცებული“  
შეძახილები!

მალე „ფელიქსს“ ახალი ბედნიერება ეწვია: მაშინდელმა მეუღ-  
ლემ, მეტელამ, მას ტყუპი ქალ-ვაჟი აჩუქა.

მამამ შვილებსაც „ბედნიერება“ და „სიხარული“ დაარქვა:

ვაჟს — „ფაუსტუს“, ქალს — „ფაუსტა“.

იმ დღეებში „სამშობლოსა და ოჯახის მამამ“ თავისი უზარმა-  
ზარი ქონების მეთაფი ჰერკულესს შესწირა.

შემდეგ მოსდგა და დღესა და ღამეს ნადიმ-ღრეობასა და თავა-  
წყვეტილ ბაქსანალიაში ასწორებდა.

შიმშილით განაწამები ღარიბ-ღატაკნი და უქონელ-უპოვარნი



ყოველ დღით ხედავდნენ, როგორ ყრიდნენ და ასხამდნენ ტიბ-რში სულას მსახურნი აურაცხელ ხორაგსა და ლეინოს, რომელთა შებვა და შესვა დიქტატორსა და მის ხროვას ვერასგზით ვერ მოეხერხებინათ.

ამ უთავკამო ლოთობისა და მუცელოხრობის დროს მეტელა ავად ეახნდა. სულამ შეატყო, მეოთხე ცოლსაც უნდა გამოსთხოვებოდა. მას არ უნდოდა, „ბედნიერი სახლი“ ძაძებით შეემოსა, ავადმყოფ მეუღლეს განქორწინება გაუგზავნა და სიკვდილამდე სახლიდან გააძევა.

„ფელიქსს“ არც ქერივობა დაშვენებოდა და სულ მალე ხელახალი „გაბედნიერების“ შემთხვევაც დაუდგა.

იმ დღეს ცირკი ხალხით იყო გაქვდილი.

სულას საამებლად გლადიატორები ერთმანეთს წყვეტდნენ არენაზე.

დიქტატორი ლოყაში იჯდა.

და. აი, ხალხმა დაინახა, როგორ შევიდა მასთან ვილაც ლამაზი, ახოვანი ქალი. იგი ფრთხილი, შემპარავი ნაბიჯით უახლოვდებოდა იმპერატორის ზურგს...

ხალხი განაბული უმზერდა.

გლადიატორთა ურთიერთხოცვა მას აღარ აინტერესებდა.

ნუთუ რომელიმე ღმერთმა მოხედა რომს და მხსნელად ეს ქალი მოუვლანა!

იქნებ თვითონ იუნონაა, ან დიანა, ან მინერვა!

ქალი სულ ახლოს მივიდა და ხელი გამართა.

იგი უკვე შეებო დიქტატორის ტოვას და ხელი დაიქნია...

ხალხმა ერთბაშად დაიღრიალა.

იმწამსვე სულაც გველცემულივით შექანდა და წამოიშრია.

მის წინ ქალი იდგა, მომხიბლავი ღიმილით დამშვენებული.

„ეს რას ნიშნავს?!“ — წამოიძახა გაოგნებულმა იმპერატორმა. მერე მის ნაზ ხელს დააცქერდა და ავი ხმით ჩაჰკითხა:

„ზელში რა გიჭირავს?!“

„ისეთი არაფერი.“

„მაინც?“

„ერთი ღერი ძაფი შენი ღვთაებრივი სამოსელიდან,“ — უთხრა ქალმა.

„რატომ, რისთვის?!“ — გაოცდა სულა.

„მსურს, ამ ბეწვისოდენა რაიმე მაინც მქონდეს შენი ბედნიერებიდან, იმპერატორო!“

თქვა, გაბრუნდა და წავიდა.

თან გრძნობდა, რა ვნებიტა და გატაცებით უმზერდა ყოვლის-  
მძლე დიქტატორი.

ეს ქალი იყო ვალერია მესალა, ცნობილი ორატორის ჰორტენ-  
ზიუსის და, ქმარს გაყრილი ბრწყინვალე რომაელი მატრონა.

სულას აღარ უცდია, თავი დაედწია ამ ქალის ხიბლვისაგან და  
მეორე დღესვე ვალერია შეიქნა არამცთუ მფლობელი „ერთი ბეწ-  
ვისა“, არამედ სრული მონახევრე „ფელიქსის“ ბედნიერებისა.

ეს სულას მეხუთე ქორწინება იყო...

#### 4. „საწუთროსა დაუწყნარდეს“

დღეები დღეებს მისდევდა.

შეშისა და სისხლისაგან დამძიმებული რომი ამაოდ ელოდა გა-  
მოდარებას.

დაზაფრული ხალხი ყოველ ახალ დღეს ახალ საშინელებასთან  
შესახვედრად ემზადებოდა.

და, აი, 79 წლის ერთ ასეთ კომმარიან დღეს დიქტატორმა ბრძა-  
ნა რომაელი ხალხის შეკრება.

ფორუმი ხალხით გაიქედა.

„რა სურს?!“

„რას გვიპირებს?!“

„რა უნდა მოხდეს?!“

უხმოდ, შემაძრწუნებლად წრიალებდა ეს კითხვები ყოველის  
გულში.

აი, გამოჩნდა ისიც, დიქტატორი.

ნაჯახიანი ფასცებით აღჭურვილი ოცდაოთხი ლიქტორი მოუძ-  
ლოდა წინ.

თვითონ არხეინად მოაბიჯებდა, ახოვანი, ქედამართული, სახე-  
წითელი, თვალდასისხლული, დამენათევი, ნალოთარი და ნამრუშალი.

ტრიბუნაზე ავიდა და ხალხს დააშტერდა.

არავის შეეძლო მისი თვალის გასწორება. ეს თვითონაც იცოდა  
და ამიტომ არ ჩქარობდა:

„დაე, იწვალონ, ეშინოდეთ, ძრწოდნენ! ხალხი მხოლოდ შიშით  
არის ხალხი!“

როგორც იქნა, მოწყალება მოიღო და ხმამაღლა მოჰკვეთა:

„მე დღეიდან დიქტატორი აღარა ვარ!“

ეს სიტყვები მეხვიით გავარდა.

ვინ მოელოდა ასეთ რაიმეს?!

სულა დიქტატორი აღარ იქნება?!

არა, იგი უეჭველად ხალხს სცდის!

მაგრამ თვითონ სულასაგან „კჳუანასწავლი“ რომაელები ასე  
ოილაღ როდი მოტყუვდებიან!

სულა კვლავ დიქტატორია!

„დიქტატორი აღარ ვარ-მეთქი!.. აი, შეხედეთ!“

და მან მოიხსნა ძოწეულის ტოგა და დააგდო.

მოიხადა ოქროს გვირგვინი და ისიც ზედ დაახალა.

ლიქტორებს ნიშანი მისცა და ისინიც ჩამოშორდნენ.

„აჰა, სხვა რაღა გინდათ! აი, ამ წუთიდან მე საცხებიტ უბრა-  
ლო, კერძო კაცი ვარ. ახლა ყველა თქვენგანს შეუძლია ჩემს ად-  
გილზე ამოვიდეს და ანგარიში მომთხოვოს ყველა ჩემ ნამოქ-  
მედართათვის! აჰა, ველოდები პასუხისგებას თქვენს წინაშე!“

ხალხი კვლავ მეხდაცემული და გაშტერებული იდგა.

რომაელი ხალხი!

ხალხი, მსოფლიოს დამმონებელი და თვითონ ერთი კაცის მო-  
ნადქცეული!

სულამ ერთხანს კიდევ უცქირა მისგანვე ცხვრის ფარად ქცეულ  
ქვეყნის დამპყრობლებს და ტრიბუნიდან დაეშვა.

მან ჭიქურ მიაშურა ფორუმის შუაგულს.

ხალხი ერთბაშად გაიპო და გზა მისცა.

აჰა, სადაც არის გასცდება ფორუმის კიდეს.

ნუთუ ვერავინ...

და უცებ ჰაერი შეარყია ბავშვის კრიალა ხმამ:

„სისხლისმსმელო!!!“

სულა ისარნაკრავივით შედგა და მობრუნდა.

მისკენ ათიოდე წლის ბიჭი მიეშურებოდა წარბშეკრული და მჭი-  
ლებმოღერებული.

„ჰმ, ერთმა გაბედა და ისიც ამ თითისტოლამ!“

გესლიანად ჩაეცინა ექსდიქტატორს და გზა განაგრძო.

ბიჭი მაინც არ ეშვებოდა, ფეხდაფეხ მისდევდა და ლანძღვა-  
ჯინებით იკლებდა. უწოდებდა მას სისხლისმსმელს, ხალხის მტერსა  
და ქვეყნის დამაქცევარს.

ხალხი კი თვალსასეიროდ მისდევდა.

სულამ თავის სახლს მიატანა, ფეხი ზღურბლზე შესდგა.

ბიჭი კვლავ მისდევდა და ლანძღავდა.

სულა ერთბაშად მობრუნდა და ბიჭს თვალეგში ჩააშტერდა.

„ფელიქსის“ გაავებულ მზერაში კაცი წაიკითხავდა:

„შენ მიიჩნე, დიქტატორი აღარ ვარ და, ამიტომ გაბედე! მაინც დიდება შენს ვაჟკაცობას, ჩემო ბიჭუნი, მსოფლიოს მბრძანებელთა შორის ყველაზე დიდო ლაწირაკო!“

მერე უცებ ხალხისკენ მობრუნდა და ხმამაღლა თქვა:

„ამ ბიჭმა ის გააქეთა, რომ თუ სხვა დიქტატორი გამოჩნდება, იგი დიქტატორობას თავის ნებით აღარ მოიხსნის!“

ეს სიტყვები წინასწარმეტყველური გამოდგა:

შემდგომში დიდმა დიქტატორმა გაიუს იულიუს კეისარმა: დიქტატორული რწმუნებები აღარ მოიხსნა...

სულამ რომი დატოვა და გაეშურა პუტეოლში, სადაც მას ბრწყინვალედ გაწყობილი ვილა ჰქონდა.

აქ იგი ერთსა და იმავე დროს „სულთა საქმეთა“ მფარველ მუზებსაც ემსახურებოდა და თავაწყვეტილი ორგის წუმპეშიც იხრჩობოდა.

ფილოსოფიაზე, ხელოვნებაზე, პოეზიაზე საუბრობდა, მემუარებს წერდა, ნადირობდა, თევზაობდა, კვლავ უზომოდ ლოთობდა და დიდი „დახვეწილობით“ მრუშობდა.

რომში ნაირ-ნაირი ხმა ირხეოდა საშინელი კაცის ნაირ-ნაირ თავგადასავალზე. იმასაც ამბობდნენ, ყოველმხრივ ბედნიერსა და უზრუნველს ერთი უცნაურად შემაწუხებელი სენი შეეყარა: ფთე-ირიაზისი (ტილიანობა). ექსდიქტატორმა ვერ იქნა და ვერ იხსნა თავი მკბენარისაგან, ვერც გულმოდგინე „საქმის მცოდნე“ გამხილველთა და ვერც ყოველდღიური მღულარე აბაზანების შემწეობით.

სულას წასვლა რომს ვერ დაამშვიდებდა. იგი ხომ ჯერ ისევ ცოცხალი იყო!

ხალხი მოუთმენლად ელოდა ნანატრ დღეს:

როდის „დაისვენებდა“ დიქტატორი და როდის დაისვენებდა ქვეყანა!

ეს დღეც, როგორც იქნა, დადგა (78 წ.).

სამოცი წლის სულას ეწვია დაუძლეველი მწვეველი არსთა ყოველთა.

იმ დღეს იგი თავისი „მოგონებების“ ოცდამეორე წიგნს წერდა. ბოლო სტრიქონები გვამცნობდნენ იმას, რასაც იგი მანამდე სიტყვიერად ამბობდა თავის ახლობელთა შორის:

„მე, ბრძენთა ქალღვეელთა წინასწარმეტყველებით, განვლევ მშვენიერსა სიცოცხლის გზასა და აღვესრულები ჟანსა უმაღლეს ბედნიერებათა“.

მას შეაწყვეტინეს:

მოიყვანეს ვინმე გრანიუსი, რომელსაც ხაზინიდან ფული უსეს--  
ხია და თან განუცხადებია: ვალს აღარ გადავიხდი, რადგან სულა-  
მაინც მალე მოკვდებაო.

სულა ფეხზე წამოიჭრა და მსახურთ უბრძანა:

„აქვე, ახლავე, დაახრჩვეთ!“

მსახურნი განწირულს ეცნენ, ძირს დასცეს და ყელში ხელები-  
წაუჭირეს.

„დაახრჩვეთ! დაახრჩვეთ! დაახრჩვეთ!!!“ — ღრიალებდა სულა და უზომო ღრიალში მთელი სხეულით ძაჭაგებდა.

უცებ სულამ ხელები მკერდზე იტაცა და ჩაიკეცა.

პირიდან სისხლი წასკდა.

მთელი ღამე ებრძოდა სიკვდილი აქამდე უძლეველ კაცს. კაცს, რომელსაც არასოდეს არც ერთი მტრის წინ არ აღუშრთავს თეთრი ალამი.

დილით ლუციუს კორნელიუს სულა სიკვდილის საუფლოში ესვენა.

ხალხმა, როგორც იქნა, დაიჭერა საშინელი კაცის სიკვდილი.

მერე ატყდა ბჰობა და ჩხუბი იმის თაობაზე, თუ როგორ მოქცეოდნენ აწ უსულოდქმნილ დიქტატორის გვამს: პატივ-დიდებით მიუბარებინათ მისგანვე გვემული მიწისათვის, თუ ტიბრისთვის გაეტანებინათ, ვითარცა კაცთა განუყითხავი მკვლელის, ბოროტმოქმედის და ქვეყნის უღმობლად მათხარი.

ამ აზრზე იდგა კონსული ლეპიდუსი, სულას ფარული მოწინააღმდეგე და მოძულე. მაგრამ მეორე კონსულმა, კატულუსმა, დიქტატორის ერთგულმა ახლობელმა, პომპეუსისა და სულას ვეტერანთა დახმარებით, სენატი აიძულა, დათანხმებულიყო განსვენებულის განსაკუთრებული პატივით დაკრძალვაზე.

აურაცხელი ხალხი მოაწყდა პეტეოლს.

ყველას აინტერესებდა ეხილა, როგორი იყო მკვდარი სულა.

ბევრი მხოლოდ იმისთვის მოდიოდა, უნდოდა დარწმუნებულიყო, რომ „ის“ მართლა მოკვდა, და იმ ღამეს პირველად მისცემოდა მშვიდ, უშფოთველ ძილს.

სულა მისმა ვეტერანებმა გამოასვენეს და პროცესია რომისაკენ დაიძრა.

დიქტატორი კვლავ მიეშურებოდა „მსოფლიო ქალაქის“ დასაპყრობად.

კვლავ მიუძღოდა ნაჯახიანი ფასცებით დამშვენებული ოცდაოთხი ლიქტორი „ფელიქს-დიქტატორს“.

კვლავ მიჰყვებოდნენ ლეგიონები.

მიაცილებდნენ მშვენიერი მატრონები, რომელთაც ფიცი და-  
ედოთ, რომ ერთ წელიწადს ატარებდნენ სამგლოვიარო თალხებს.

მათ შორის ბევრი იყო განსვენებულის საყვარელი. თვით სულას  
რომ გამოეხედა, ბევრ მათგანს ალბათ ვეღარც კი გაიხსენებდა.

მოჰქონდათ ორი ათასი ოქროს გვირგვინი, მონაძღვნევი ქალაქე-  
ბისაგან, ლეგიონებისგან, ახლობელ-მეგობართაგან და თანამებრ-  
ძოლთაგან.

ფორუმ რომანიუმზე პროცესიას ხალხის ახალი ნაკადი შეუერთ-  
და. აქვე დახვდნენ კონსულები, პრეტორები, კვესტორები, ედილები,  
ცენზორები, სენატორნი და ქურუმ-ავგურნი.

ორატორებმა სიტყვები წარმოთქვეს „სამშობლოს მამისა და  
მხსნელის“ სადიდებლად.

ფორუმიდან სამგლოვიარო პროცესია დაიძრა მარსის ველისაკენ,  
სადაც განისვენებდნენ მხოლოდ მეფენი.

აქ სულას ცხედარი დიდ კოცონზე დაასვენეს.

ქარი წაეშველა და სულ მალე საყვირების, დაფდაფებისა და ზან-  
ზალაკების გრიალ-ზრიალში ფერფლად იქცა მსოფლიოს ზარდამცე-  
მი კაცის სხეული.

მეფეთა საძვალის გვერდით დაასვენეს რომაელებმა ძვირფასი ურ-  
ნა, მათი დამაქცევრის ფერფლით ავსებული.

ფორუმ რომანიუმზე აღიმართა ცხენზე ამხედრებული „ფელიქ-  
სის“ ქანდაკება.

ზედ წაეწერათ:

„კორნელიუს სულას, ბედნიერ დიქტატორს.“

აქვე ღაღადებდა ეპიტაფია, რომელიც სამუდამო თანამგზავრად  
თვითონ სულას შეუდგენია:

„აქ წევს სულა, რომლის მსგავსად ჯერ არავის მიუზღავს სიკეთე  
მეგობრებისადმი და ბოროტება მტრებისადმი!“

ნაწილი  
მესამე



# სულას აღსასრულებლად პომპეუსის ტერიტორიაზე

## 1. ლეპიდუსი



ულას მოწინააღმდეგეთა შორის მარკუს ემილიუს ლეპიდუსი ერთადერთი იყო, რომელმაც მრისხანე დიქტატორის მბრძანებლობის უამს უმალლესი მაგისტრატურის მიღება მოახერხა. კონსულთა არჩევნებში სულას კანდიდატი კატულუსი გაშავდა და ლეპიდუსი გავიდა. ეს იმიტომ მოხდა, რომ ლეპიდუსს გნეუს პომპეუსი ეხმარებოდა. როცა არჩევნებში გამარჯვებული ლეპიდუსი გამომწვევი მწერით მოედანზე ამაყად მოაბიჯებდა, სულამ პომპეუსი მიიხმო და გესლიანად შეაფრქვია:

„ჩემო ბიჭუნი, თურმე რა დიდებულად ერკვევი სახელმწიფო საქმეებში: ტუტუცი ლეპიდუსი ღირსეულ კატულუსს ამჯობინე. ამიერიდან ტკბილ და მშვიდ ძილს დაემშვიდობე, რადგან შენ თვითონ შექმენ შენი მეტოქე“.

დიქტატორყოფილის ეს სიტყვები მალე წინ დაუხვდა პომპეუსს...

ლეპიდუსი ყველაზე აქტიური იყო მათ შორის, ვინც სულას, მისი სიკვდილის შემდგომ, სახელმწიფოს მტრად გამოცხადებას და ტიბრში მისი გვამის გადაგდებას მოითხოვდა. რასაკვირველია, ლეპიდუსიც მედროვე იყო, რაკი იგი სულას აღსასრულის შემდგომ

შექმნილ დაძაბულობას თავის პარად ზრახვათა განსახორციელებლად იყენებდა.

კოცონი, რომელზეც სულას ცხედარი ესვენა, ჯერ კიდევ საესებით არ ჩამქრალიყო, რომ დიქტატორის კანონმდებლობამ რქვევა დაიწყო. ხალხი კვლავ აღსდგა გრაკხუსთა დროის მოსაბრუნებლად. იტალიური ქალაქები და სოფლები მზად იყვნენ გაეცამტვერებინათ მათთან ჩასახლებული, უმეთაუროდ დარჩენილი სულანელი ლეგიონერები.

სენატი დავზარდაცემული და თავგზააბნეული იდგა მძლავრი სახალხო მოძრაობის საფრთხით გარშემორტყმული. მას აღარ ჰყავდა მეორე სულა, ვინც ჩვეული გონგამქრიახობით, მახვილი თვალით, უდრეკი მკლავით, ქვეგამქვეალავი ცბიერებითა და გულქვაობით, კაპიტოლიუმზე კვლავ აღმართავდა დემოკრატთა სისხლში ამოსვრილ არისტოკრატულ დროშას.

სულას მემკვიდრედ მაინც პომპეუსი ითვლებოდა. „ჯალათი ნიჭუნა“ თავის თავს ალექსანდრე მაკედონელს ადარებდა, მაგრამ ლეგენდარულ გმირ-ხელმწიფესთან მას ტიტულ-თიკუნი „დიდის“ მეტი საერთო არაფერი ჰქონია. იგი მამაცი მეომარი და უებრო გიმნასტი იყო, მაგრამ საშუალოზე დაბალი სარდალი, მდარე ორატორი და მოუქნელი პოლიტიკოსი.

კიდევ უფრო ნაკლებ ნიჭიერებას ამყდავენებდა მარკუს ლიცინიუს კრასუსი. მას ჯერჯერობით იცნობდნენ მხოლოდ როგორც პატრონს უზარმაზარი სიმდიდრისას. რომელიც ფულხარბ და გულხარბ ნობილს მრავალგვარი უპატიოსნო ხრიკითა და ვერაგი ხვანჯებით მოეპოვებინა. კრასუსმა იცოდა, რომ მისი თანამედროვეობა ნიჭზე მეტად ოქროს აფასებდა და ხერხიანი მედროვეც სახელმწიფოს საჭესთან მდგარ გავლენიან პოლიტიკოსთა გულის მოსაგებად და მოსასყიდად ფულს „ამუშავებდა“. იგი ყველასთან თითქოს ალერსიანი და მეგობრული იყო, მაგრამ ყველა გრძნობდა, რომ ამ ღონიერკისრიან „სქელში“ (Crassus) ფრიად აგრესიული სული იყო ჩასაფრებული. ალბათ ამიტომაც ადარებდნენ კრასუსს მშვიდ ხარს, რომლის გაჯავრება ძალზე სახიფათოა.

ერთი სიტყვით, ჯერჯერობით ვერც პომპეუსი და ვერც კრასუსი ვერ ბედავდნენ, სენატისა და არისტოკრატის ბელადად გამოცხადებინათ თავი.

ხოლო მარკუს ემილიუს ლეპიდუსი უკვე შესდგომოდა მოქმედებას. მან ერთბაშად წარმოადგინა კანონპროექტები: სახალხო ტრიბუნატის სრულ უფლებებში აღდგენა, სულას რეჟიმით დევნილ მოქალაქეთა რეაბილიტაცია წართმეული ქონებისა და სამოქალაქო



უფლებების დაბრუნებით, სულასაგან დასჯილი იტალიური ქალაქებისადმი ადრინდელი პრივილეგიების დაბრუნება.

უბელადოდ დარჩენილმა სენატმა ლეპიდუსის მოთხოვნებს მაინც უარი უთხრა. მაშინ ლეპიდუსი ეტრურიაში გადავიდა და იქ შეუდგა მომხრეთა შეკრებასა და შეიარაღებას. ისიც მახვილის ძალით აპირებდა თავის განზრახვათა სისრულეში მოყვანას.

რომი კვლავ შიშმა მოიცვა. კვლავ მოელოდნენ ახალ პროსკრიპციებს და განუკითხავ ხოცვა-ჟლეტას. სენატმა ისარგებლა ლეპიდუსის ნაკლებ-პოპულარობით, განსაკუთრებით მისი ორჭოფული, მერყევი პოლიტიკით, ნაძრახი პატივმოყვარეობითა და ანგარებით. სენატმა ხალხი უფასო პურის დარიგებით ჩააჩუმა და ლეპიდუსის წინააღმდეგ პროკონსულის განუსაზღვრელი რწმუნებებით აღჭურვა კვინტუს კატულუსი (პომპეუსი თითქოს არც არსებობდა).

ორი დიდი ბრძოლა მოხდა, ერთი მათგანი — ზედ რომის კედლებთან. ლეპიდუსი მძიმედ დამარცხდა და გადარჩენილი თანამებრძოლებით სარდინიას შეაფარა თავი. აქ იგი სარევეანშოდ ემზადებოდა, — რომს საზღვაო ბლოკადასა და შიმშილს უმზადებდა. მაგრამ ამ საოცნებო სამზადისში ლეპიდუსი ტუბერკულოზმა ატლია და გარდაიცვალა. მისი ჯარების ნაშთები მისმავე ლეგატმა მარკუს პერპერნამ სარდინიიდან ესპანეთში გადაიყვანა.

## 2. სერტორიუსი

არისტოკრატიამ ჭლექიანი ლეპიდუსი შედარებით იოლად სძლია, მაგრამ, სამაგეიროდ, კუნთმაგარ სერტორიუსთან ბრძოლა გაცილებით რთულ და გაურკვეველი პერსპექტივის წინაშე აყენებდა მას.

კვინტუს სერტორიუსი მარიუსის დემოკრატიული სკოლის უკანასკნელი ბრწყინვალე წარმომადგენელი იყო. იგი წარმოშობით საბინთა ტომს ეკუთვნოდა და რომაელთა შორის პირადი სიმამაცით, ნიჭიერებითა და პატიოსნებით დაწინაურდა. არისტოკრატიის წინააღმდეგ შეურიგებელმა ბრძოლამ სავსებით ახალგაზრდა კაცი დემოკრატიის უსაყვარლეს გმირად აქცია.

კოლინის კართან სისხლიან ხოცვა-ჟლეტაში სულას გამარჯვების შემდგომ, დამარცხებულმა დემოკრატებმა სერტორიუსის მოთავეობით იტალიიდან გააღწიეს და ზღვაზე შეუდგნენ ახალ სარევეანშო-საბრძოლო საშუალებათა ძებნას. რომში მჯდარ დიქტატორს სიკვდილამდე ესმოდა ზღვიდან მონაბერი ბობოქარი ხმა დემოკრატთა

უკანასკნელი ძალგულოვანი ბელადისა. ბოლოს და ბოლოს, სულა ისე ჩავიდა მიწაში, მის უღრუბლო ცაზე კვლავ ჩაუქრა ლად და ავბედითად ენთო ახალგაზრდა მეტოქის ვარსკვლავი.

სერტორიუსის მგრავინავმა ხმამ შორეული ესპანეთის ნაპირებსაც მიაღწია. ესპანეთი ისევ ემზადებოდა რომთან საომრად. მამაცმა ლუზიტანებმა სერტორიუსი აჯანყების ბელადად მიიწვიეს. მალე სხვა ესპანელმა ტომებმაც სცნეს სერტორიუსის მთავარსარდლობა. ყველა მოხიბლა მისმა სიმამაცემ, აღზრდილობამ, თავაზიანობამ, დიდსულოვნებამ.

სერტორიუსის ბანაკი სწრაფად იზრდებოდა და ძლიერდებოდა. იგი იყო თავშესაფარი რომის იმდროინდელი ხელისუფლების ყოველი მოწინააღმდეგისა, განსაკუთრებით, დევნილი და ლტოლვილი დემოკრატებისა.

სერტორიუსმა ესპანეთი „საკუთარ სახელმწიფოდ“ გადააქცია. სენატიც შეადგინა სამასი ლტოლვილი დემოკრატისაგან და მთელს ესპანეთში ადგილობრივი სამოქალაქო და სამხედრო ხელისუფალნი განაწესა. ესპანელები გაათავისუფლა რომაული გადასახადებისაგან და ჭარის შესანახი ბეგარისაგან. ამიერიდან რომაელი მეომრები ცხოვრობდნენ არა ესპანელთა ოჯახებში (როგორც ეს მანამდე იყო), არამედ მათთვის საგანგებოდ გამართულ ზის ყაზარმებში.

სერტორიუსმა სკოლა გახსნა ქალაქ ოქსში, თავის „სატახტო ქალაქში“. მასწავლებლები უსასყიდლოდ ასწავლიდნენ და ზრდიდნენ მომავალ ესპანელ მოქალაქეებს.

მამ ესპანეთი, სერტორიუსის სახელმწიფოდ ქცეული ქვეყანა, მთლიანად მოწყდა რომის მსოფლიო სამბრძანებლოს. პირენეის მთებს გადაღმა ახალი „ჰანიბალური საშიშროება“ გაჩნდა (აკი აქიდან, ესპანეთიდან გადმოიჭრა ჰანიბალი იტალიაში ამ ასორმოცი წლის წინ). სერტორიუსს ასედაც დაარქვეს — „ახალი ჰანიბალი“. განსაკუთრებით მას შემდეგ მიამსგავსეს იგი ჰანიბალს, რაც სერტორიუსმა ერთ-ერთი ცხარე შეტაკებისას ცალი თვალი დაჰკარგა (ხოლო ჰანიბალს იტალიაში ლაშქრობისას დაეშრიტა ცალი თვალი).

და დაიწყო ახალი ომი გვამებით აღესილ რომის ისტორიაში, — ამჯერად რვაწლიანი (80—72 წწ.) „სერტორიუსის ომი“.

ისევ დაიძრნენ რომაული ლეგიონები ესპანეთისკენ.

ოთხი წლის მანძილზე დამარცხებული და შერცხვენილი ბრუნდებოდნენ რომაელი სარდლები პირენეიდან. სერტორიუსი ელვისებრი შეტევებით და კონტრშეტევებით, სწრაფი მანევრირებითა

და მოულოდნელი პარტიზანულ-თარეშული დარტყმებით ანადგურებდა რომიდან წარგზავნილ არმიებს.

უძლური აღმოჩნდა თვით კვინტუს მეტელუსი, ომებში გათეთრებული, გამოცდილი და მამაცი სარდალი, რომელიც ჭერ კლევსულას დროს გაემართა სერტორიუსთან საომრად. მეტელუსი ამაოდ დასდევდა ესპანეთის მთებში ფეხმარდ ცალთვალას. მისივე მეომრები დასცინოდნენ მეტელუსს. მერე პირისპირ, ორთაბრძოლაში გაიწვია სერტორიუსმა მეტოქე. ამან უფრო შეარყია მეტელუსის ავტორიტეტი მეომართა შორის. ბოლოს, პატივმოყვარობამ სულ გააბავშვა ბებერი სარდალი: საგანგებოდ გამარჯულ ნადიმებზე იგი ტრიუმფატორის ტოვით ჯდებოდა, ზემოდან ვიქტორია („გამარჯვების ქალღმერთი“) ეშვებოდა და „დაიდ სარდალს“ ძლევის გვირგვინებით ამკობდა. მასთან, გოგონებისა და ყმაწვილების ქოროები საგალობლებს უმღერდნენ ნეტარებით სახეშეშლილ მეტელუსს.

მეტელუსის დამარცხების შემდეგ ათასი წარჩინებული ესპანელი საგანგებოდ ეწვია სერტორიუსს და სიკვდილამდე ერთგულება და თავდადება შეჰფიცა. მთავარსარდალმა ისინი უბრწყინვალესი საომარი აღჭურვილობით დაასაჩუქრა.

უკვე ლეგენდები ითხზებოდა ახალგაზრდა გმირის გარშემო. დაბეჯითებით ირწმუნებოდნენ, რომ სერტორიუსს განუყრელად დასდევდა თეთრი ირემი, რომელიც მას ქალღმერთ დიანას ნებასურვლებს აუწყებდა.

რომის სენატი და არისტოკრატია „სერტორიუსის საფრთხის“ აღმოსაფხვრელად საგანგებო ღონისძიების შემუშავებას შეუდგა. „ყველაზე დიდ“ სარდალად ისევ ის იქნა აღიარებული, ვინც ყველაზე თავგამოდებით მიელტვოდა მთავარსარდალობას ესპანეთისკენ გასალაშქრებლად. ეს იყო ისევ გნეუს პომპეუსი. სულას რეჟიმის შემდეგ აღარც იმას უნდა ჰქონოდა დიდი მნიშვნელობა, რომ „რესპუბლიკური კონსტიტუციის ძალით“ მთავარსარდალის პოსტზე არ შეიძლებოდა ესოდენ ახალგაზრდა კაცის დანიშვნა (პომპეუსი მაშინ 28 წლისა იყო). ერთი სიტყვით, კვლავ „დაიძინეს კანონებმა“ და პომპეუსი, პროკონსულის რწმუნებებით, ესპანეთისკენ გაეშურა დიდის არმიით.

მაშ, სერტორიუსს ახლა ერთდროულად ორივე სარდალთან. პომპეუსთან და მეტელუსთან უნდა წარემართა ომი. რამდენიმე მცირე ზომის შეტაკება უშედეგოდ დამთავრდა. მერე პომპეუსი და სერტორიუსი ქალაქ ლავრონთან შეხვდნენ ერთმანეთს. ეს ქალაქი რომის ერთგულებას ინარჩუნებდა და სერტორიუსს ალყა შემოეჭყა.

შისთვის. პომპეუსი თავისი ლეგიონებით მოალყეებს მიუახლოვდა და ქალაქს დიდის რიხით აცნობა: შეგიძლიათ მზერა დაიტკბოთ, როგორ დავაყრევინებ იარაღს თქვენს მოალყე მტერსო. სერტორიუსს სიცილით უპასუხნია: რა გაეწყობა, სულას მოწაფე ჩემგან სასწავლებელი გამხდარაო და მაშინვე მისი ჯარების ნაწილი, წინასწარ მ:ალობელ ბორცვთან ჩასაფრებული, ზურგიდან დაეცა პომპეუსს. ანპარტავან სარდალს თავზარი დაეცა, უკუიქცა და თვითონ გახდა „ოვალმოსეირე“ სერტორიუსისაგან ლავრონის იერიშით აღებისა. ზერტორიუსმა ლავრონის მცხოვრებლებს სიცოცხლე აჩუქა, ხოლო თვით ქალაქი გადასწვა. პომპეუსმა მხოლოდ ხელეები გაითბოო ხანძარში ჩანთქმულ მოკავშირე ქალაქზეო, — მწარედ ხუმრობდნენ ესპანელები.

მომავალი 76 წლისათვის პომპეუსმა და მეტელუსმა გადაწყვიტეს ერთიანი ძალებით შეებოდნენ მტერს. მაგრამ გაზაფხულზე პომპეუსმა არ მოისურვა „უეჭველი გამარჯვების“ პატივი თავისი პარტნიორისათვის გაენაწილებია და მეტელუსის მოსვლამდე დასძრა ლეგიონები. ბრძოლა მოხდა მდინარე სუკრონთან. სერტორიუსმა ბრწყინვალედ წარმართა შეტევა. საშინელ ხელჩართულში პომპეუსი დაიჭრა და ცხენიდან გადმოვარდა. სამარცხვინო ტყვეობაც არ აცდებოდა, რომ სერტორიუსის აფრიკელ მეომრებს სიხარბე არ გამოეჩინათ: ისინი მიცვივდნენ პომპეუსის მდიდრულად აღკაზმულ ცხენს და სანამ ნადავლს ერთმანეთს ხელიდან გლეჯდნენ, დაჭრილმა პომპეუსმა ტყეში შეასწრო.

ოთხი წლის მანძილზე რომმა ესპანეთის ომში დაჰკარგა 120 000 ლეგიონერი, 6.000 ცხენოსანი და 2.000 შურდულმტყორცნელი. ბრძოლა რომაელთათვის სავსებით უიღბლოდ გრძელდებოდა. პომპეუსს უკვე სავსებით დასთრგუნვოდა ამპარტავენბა, რაკი სენატს სწერდა: თუ ახალი ჯარებით და ფინანსებით არ მომეშველებით, იცოდეთ, ესპანეთის ომი იტალიაში გადმოიჭრებაო.

ამასობაში სერტორიუსმა ურთიერთობა გააბა და კავშირი შეკრა აღმოსავლეთის ძლიერ მბრძანებელთან, მითრიდატე პონტოელთან, რომელსაც უკვე განეახლებინა ომი რომთან.

მაშ, რომი ძრწოლამოსილი ელოდა იტალიაში „ახალ ჰანიბალებს“, — დასავლეთიდან სერტორიუსს და აღმოსავლეთიდან მითრიდატეს.

მაგრამ „მარადიული ქალაქი“ ისევ დაიხსნა ხიფათისგან მწყალობელმა ფორტუნამ. ეს იყო მორიგი ღალატი. ხოლო მოღალატე — მარკუს პერპერნა, ცბიერი, შურიანი და გულღრძო კარი-

ერ-სტი, რომელიც ლეპიდუსის მარცხის შემდეგ ესპანეთში გა-  
იქცა და სერტორიუსს ერთგულებისა და თანამშობის ფიციით  
შეეკრა.

72 წელი იდგა. სერტორიუსმა დედის სიკვდილი შეიტყო. მამით  
აღრე დაობლებულს სიგვიემდე უყვარდა დედა. მწუხარებამ გამა-  
ნადგურებლად იმოქმედა სარდალზე. მან არ იკმარა მთელი კვირა  
კარავში უსმელ-უჭმელად და უძილოდ ჩაკეტვა და სამუდამოდ თავი  
მისცა შავნალვლიანობას. ბუნებით ზრდილი, თავაზიანი და დიდსუ-  
ლოვანი ახლა უკმეხი და ანჩხლი შეიქნა. ამით პერპერნა სარგებ-  
ლობდა და გაუთავებელი ომით დაქანცულ თანამებრძოლთა შო-  
რის შეთქმულების თანამზრახველებს პოულობდა. სერტორიუსმა  
უკანასკნელ ბრძოლაში წასვლაც ვეღარ შესძლო და სარდლობა ლე-  
გატს ჩააბარა. მეორე დღეს პერპერნამ მას გამარჯვების ამბავი  
მიახარა და საზეიმო ნადიმიც გაუმართა. სერტორიუსმა არ იყო-  
და. რომ ეს ღრეობა მის სიკვდილს ეძღვნებოდა და არა მისი ჯარე-  
ბის მორიგ ძღვევამოსილებას. უგუნებო სარდალი ჩვეულმა თავაზი-  
ანობამ აიძულა, მის „საპატივცემულო“ ნადიმზე მისულიყო. და-  
საწყისშივე ეტყობოდა, მოქეიფენი ჩხუბის საბაბს ეძებდნენ. წეს-  
რიგ-ს მოყვარე სარდალს ღვინოს აძალებდნენ და უშვერი სიტყვა-  
მზეობითა და თავაწყვეტილი ღრიანცელით წონასწორობას აკარგვი-  
ნებდნენ. სერტორიუსი საეარძელზე უკმაყოფილოდ გადაიზნიქა.  
მონადიმენი მისკენ დაიძრნენ. პერპერნამ ღვინით სავსე ვერცხლის  
თას- ძირს დაანარცხა. თურმე ეს ნიშანი იყო და მაშინვე ვინმე მარ-  
კუს ანტონიუსმა, რომელიც სერტორიუსთან ყველაზე ახლოს იდგა,  
მთავარსარდალს მახვილი დასცა და მთელის ტანით ზედ დააწვა. სერ-  
ტორიუსმა გაიბრძოლა და წამოიწია, მაგრამ კიდევ ერთმა შეთქ-  
მულმა დაასწრო და ხელებში ეცა. ამასობაში დანარჩენებიც წამო-  
ესივნენ და რომაელებმა კიდევ ერთი დიდი თანამემამულე მახვილე-  
ბით დაჩეხეს.

პერპერნამ თავი მთავარსარდალად გამოაცხადა. მაგრამ მოლალა-  
ტის დღეებიც დათვლილი იყო. მისი ბანაკი ცარიელდებოდა. გარ-  
ბოდნენ ესპანელებიც და იტალიელი ემიგრანტებიც. პომპეუსმა და  
მეტელუსმა პირველ შეხვედრისთანავე გაანადგურეს პერპერნას ჯა-  
რი. თვითმარქვია სარდალი ყველა თანაშეთქმულთან ერთად ტყვედ  
ჩავარდა. პომპეუსის ბრძანებით, ყველას თავები დააყრვეინეს.  
ესპანეთიც ხელახლა დაემორჩილა რომს.

ასე დამთავრდა „სერტორიუსის ომი“.

ახლა სიტყვა კვლავ „აღმოსავლეთის ჰანიბალს“ ეკუთვნოდა...

„სპარტაკი დიდებული ვაჟაკია მიელს ანტიკურ ისტორიაში. დიდი გენერალი (არა ვარიზალი), კეთილშობილა სასი-ათი, ანტიკური პროლეტარიატის ჭეშმარიტი წარმომადგენელი“.

მარქსი

მითრიდატეს აღმოსავლეთიდან ომი უკვე განახლებული ჰქონდა, მაგრამ რომის წინაშე უარესი საფრთხე აღიმართა თვითონ იტალიაში. ეს აფეთქება ვეზუვის ახლოს მოხდა, — ვეზუვის ვულკანზე უფრო მძლავრი და დამანგრეველი.

რომაელისთვის მონა ყველაფერი იყო — ეკონომიკის მწარმოებელიც და „ესთეტიურად დამატკბობელიც“. რომაელს სისხლის ცქერა ატკობდა — ადამიანის სისხლის ცქერა. მაგრამ მისთვის საამისოდ მარტო ბრძოლის ველი არ კმაროდა. საჭირო იყო შინ, თავისთან ახლო, ყოველდღიურად, ეხილა მას კაცთა ხელით კაცთა სისხლის ღვრა. ეს იყო მონათმფლობელი რომაელის დიდი, აუცილებელი, „სულის სარგო“ სანახაობა. სწორედ ამისთვის აღიმართნენ რომში საციკო ნაგებობანი. ცირკის არენაზე (არენა — ქვეშა) გამოდიოდნენ საგანგებოდ გაწრთვნილი მონა-გლადიატორები, რომლებიც ურთიერთ შერკინებით ან მხეცებთან შებმით ართობდნენ მსოფლიოს მბრძანებლებს. ეს იყო რკენა სამკვდრო-სასიცოცხლო-მხოლოდ უხვად დაღვრილი სისხლის ოხშივარს შეეძლო დაერწყულებინა და დაეამებინა რომაელი მონათმფლობელისა და ლუმპენ-პროლეტარის მგლური ბუნება.

იტალიაში მრავლად იყო გლადიატორთა საწრთვნილი სკოლები. მაგრამ მათ შორის ყველაზე ცნობილი ყოფილა ვინმე ლენტულუს ბატიატუსის სკოლა ქალაქ კაპუაში. 74 წლის მიწურულში აქ ორასამდე მონა შეიქვეა და სკოლა-ყაზარმიდან გაქცევა გადაწყვიტა. შეთქმულება ვილაცამ გასცა, მაგრამ სამოცდაათამდე გლადიატორმა მაინც მოახერხა გაქცევა.

ლტოლვილებმა თავი შეაფარეს ვეზუვის მთას.

აქვე გამოჩნდა მათი ბელადი — სპარტაკი.

ვინ იყო იგი?

კანტი-კუნტად მოგვიტხრობენ მის შესახებ მისი სიძულვილით ატანილი რომაელი ანალისტები.

წარმომობით თრაკიიდან ყოფილა. თურმე რომაულ ლეგიონში

მსახურობდა. სამხედრო სამსახურიდან გაქცეულა, რომაელებს შეუპყრიათ და დეზერტირობის მომიზეზებით მონად გაუხდიათ. ფიზიკური სიმძლავრისათვის და სიმამაცისთვის საგლადიატორო სკოლაში მოხვედრილა. ზოგი მეისტორიე იმასაც გვაძეგნობს, რომ სპარტაკი ყოფილა დიდად ნიჭიერი, მაღალგანათლებული, სულით სპეტაკი და კეთილშობილი.

ხოლო ნამდვილი, სახელოვანი სპარტაკი ვეზუვზე გაქცევიდან იწყება.

მაშ, გაქცეულმა გლადიატორებმა ბელადად აირჩიეს თრაკიელი სპარტაკი, ხოლო მის თანაშემწეებად — კელტი კრიქსე და ბერძენი ენომაოსი.

სპარტაკის რაზმმა ზრდა დაიწყო. მასთან მირბოდნენ მონები ახლომახლო მეურნეობებიდან და სახელოსნოებიდან. რომის ხელისუფლებისთვის ასეთი მცირე გამოსვლა ჩვეულებრივი იყო და უმნიშვნელო. მაგრამ როცა კაპუიდან სახელდახელოდ გაგზავნილი რაზმი სპარტაკმა გაანადგურა და თავისიანებიც მტრისთვის ართმეული იარაღით აღჭურვა, სენატმა იკადრა და მოაჩანყეთა წინააღმდეგ პროპრეტორი გაიუს კლოდიუსი გაგზავნა 3.000 ლეგიონერით. კლოდიუსმა ვეზუვის მთაზე ერთადერთი ასასვლელი ჩაჰკეტა და იქვე, იმ ბილიკის ძირში, არხინად დაიბანაკა.

სპარტაკმა სწრაფად მოისაზრა, როგორც უნდა ეხსნა თავისიანები შიმშილით დაღუპვისაგან. მისი ბრძანებით, მონებმა მთაზე მოსული ველური ვაზი აჭრეს, მისგან გრძელი კიბე დაწნეს და მისი საშუალებით ვეზუვის კლდოვან მხარეზე დაეშენენ. შუალამისას მონები რომაელთა ბანაკს მოულოდნელად დაეცნენ და გაანადგურეს.

73 წლის შემოდგომაზე სპარტაკის წინააღმდეგ ორი ლეგიონით დაიძრა პრეტორი პუბლიუს ვარინიუსი. სპარტაკმა კვლავ გაიმარჯვა: ორჯერ პრეტორის ლეგატები გაანადგურა, მესამედ თვითონ ვარინიუსი; ტყვედ იგდო მისი ლიქტორები და ცხენი.

72 წლის დასაწყისში სპარტაკის მოძრაობა რომისათვის თავზარდამცემ საფრთხედ გადაიქცა. აჯანყებულთა ბანაკი შეუწყვეტილი იზრდებოდა გაქცეულ მონათა და უღარიბეს იტალიელ მიწათმოქმედთაგან. უკვე სპარტაკის ხელში იყო იტალიის უდიდესი და უმდიდრესი ოლქები: კამპანია, აპულია და ლუკანია. ბორკილ-აყრილი მონები უკიდურესი სისასტიკით უსწორდებოდნენ მათ ყოფილ მბრძანებლებს. აჯანყებულთა ბელადი ყოველი ქალაქისა თუ სოფლის აღებისას თავგამოდებით ცდილობდა, აღეკვეთა გააფთრებულ თანამებრძოლთა შურისმგებლობა და სისხლისმაძიებლობა. იგი მკაცრად იცავდა წესრიგსა და დისციპლინიანობას თავის ბანაკში.

სპარტაკმა მასთან გაქცეულ მონათა და ლატაკ-უპოვართა ბრბო-  
ები ბრწყინვალედ გაწვრთნილ ჯარებად აქცია. იგი 70.000 ლეგიო-  
ნერს მოითვლიდა; ცალკე შექმნა კავალერია. ბელადის ბრძანებით,  
აჯანყებულნი დღე-ღამეების გადაბმით სჭედდნენ საომარ საჭურველს.

რასაკვირველია, სპარტაკი არ აპირებდა რომის მონათმფლობე-  
ლური სისტემის დამხობას, — ასეთი წარმოდგენები მისთვის (რო-  
გორც ყველასათვის იმ დროს) ძალიან შორს იყო. მისი უმაღლესი და  
უკეთილშობილესი ამოცანა ეს იყო: თავი მოეყარა რაც შეიძლება  
მეტი მონისათვის, ბრძოლით გაეყვანა ისინი იტალიიდან და თავი-  
სუფლებამოპოვებულნი დაებრუნებია ყველა თავის სამშობლოში.

მონათმფლობელურ რომს არ შეეძლო შერიგებოდა მონებისა-  
გან იტალიის „დაცლას“ და 72 წლის გაზაფხულზე სპარტაკის გასა-  
ნადგურებლად არმიებით დაიძრა ორივე კონსული — გნეუს კორ-  
ნელიუს ლენტულუსი და ლუციუს ჰელიუსი. ისინი ორმხრივი შე-  
ტევებით აპირებდნენ მონათა მოსპობას — ლენტულუსი ჩრდილო-  
ეთიდან, ჰელიუსი სამხრეთიდან.

ასეთ მძიმე უამს მონათა ბანაკში რაღაც განხეთქილება მოხდა.  
სპარტაკს ჩამოშორდა 20.000 აჯანყებული კრიქსეს მეთაურობით.  
განდგომილნი, თითქმის ყველანი, იყვნენ გალები და გერმანელები.  
მათ იტალიიდან გასვლაზე უარი სთქვეს და რომაელებთან შებმა  
მოითხოვეს.

რომაელებმა მონათა გათიშულობა კარგად გამოიყენეს. კონსულ  
ჰელიუსის თანაშემწე, პრეტორი კვინტუს არიუსი, აპულიაში, გარ-  
განუსის მთის ახლოს, თავს დაესხა სპარტაკისგან გამოთიშულებს  
და სულ ერთიანად გაანადგურა. ბრძოლაში დაეცა თვითონ კრიქ-  
სეც.

ამერიიდან საომარი მსვლელობა რომაელთა სასარგებლოდ უნ-  
და წარმართულიყო, მაგრამ სპარტაკი დაღუპულ თანამებროლთა  
სისხლის ასაღებად ერთბაშად შემობრუნდა და ზედიზედ სასტიკად  
დაამარცხა ჯერ კვინტუს არიუსი, მერე თვით კონსული ლუციუს ჰე-  
ლიუსი. ამის შემდგომ სპარტაკი ისევ ჩრდილოეთისკენ გაემართა.

ახლა მას ჩრდილოეთისკენ მიმავალი გზა გადაუჭრა კონსულმა  
გნეუს კორნელიუს ლენტულუსმა. საშინელი ხოცვა-ჟლეტა ისევ  
სპარტაკის ძლევაამოსილებით აღესრულა. გამარჯვების აღსანიშნავად  
მონათა ბელადმა ორასი წყვილი ტყვე-რომაელი გლადიატორებად  
გამოიყვანა და ერთმანეთს შეაბრძოლა ყოფილ გლადიატორთა  
თვალსასეიროდ.

ასეთ კრიტიკულ დროს მოპოებულმა ბრწყინვალე გამარჯვებებმა  
კიდევ უფრო განამრავლეს მონათა მანამდე შეთხელებული ბანა-



კი. სპარტაკს ახლა 120.000 კაცი ემორჩილებოდა. იგი შეუჩერებელი მიიწვედა ჩრდილოეთისკენ. მაინც ვერ თმობდნენ რომაელები მონათა წასვლას იტალიიდან. როცა სპარტაკმა ქალაქ მუტიინას მიაღწია და სადაცაა, პადუსის (პო) ველზეც უნდა გაკრილიყო, მას ახალი არჩიით წინ გადაეჭრა ცისალპიური გალიის (ლომბარდია) მმართველი, პროკონსული გაიუს კასიუს ლონგინუსი. აქაც სპარტაკმა ერთჯერ კიდევ აჩვენა მსოფლიოს თავისი ხალასი მხედართმთავრული ნიჭიერება და მეომრული შემმართველობა. რომაელთა კიდევ ერთი არმია მიეზარა მიწას.

სპარტაკი თავისი სიმძლავრისა და ფრთასხმულობის მწვერვალზე იდგა. მან უკვე მიიყვანა თავისიანები საოცნებო მიზნის კარიბჭესთან. წინ ალპები იყო, ხოლო ალპებს იქეთ — სანუკვარი თავისუფლება.

და უცებ სპარტაკი უკან შემობრუნდა, სამხრეთისაკენ. მონათა ომის გრიგალი ისევ იტალიისაკენ დაგორდა. გადაჭრით არავინ იცის, რატომ აიღო სპარტაკმა ხელი თავისი ძღვევამოსილი სვლის თავდაპირველ მიზანზე. მით უფრო, რომ იგი ასე ახლო იყო მის განხორციელებასთან. როგორც ეტყობა, მან ვერ მოახერხა ბანაკში შექმნილ რაღაც დიდ უთანხმოებათა დაძლევა. მისი ბანაკი ხომ უაღრესად ჭრელი იყო: ეროვნულადაც, სოციალურადაც მორალურადაც. მათგან: ვის იტალიიდან გასვლა სურდა. ვის იტალიაში დარჩენა (განსაკუთრებით იტალიელებს); ვინ რომზე უმუშალო იერიშს წოითხოვდა. ვინ კიდევ გენერალური ბრძოლისაგან თავის არიდებას.

ასე იყო თუ ისე, სპარტაკი იტალიის შუაგულისაკენ დაეშვა. რომი „პანიბალურმა შიმშილმა“ მოიცვა. სენატმა საგანგებო რწმუნებებით აღჭურვა მარკუს ლიცინიუს კრასუსი. იგი, ვითარცა პროკონსული და უმაღლესი მთავარსარდალი, ათი ლეგიონით დაიძრა მონებისაკენ.

კრასუსმა ჯერ თავისი ლეგატი მუმიუსი ორი ლეგიონით სახელდახელოდ გაგზავნა სპარტაკის გზის მოსაჭრელად, რომელიც უკვე პიკენუმს მოსდგომოდა და სამხრეთისაკენ აეღო გეზი. მუმიუსმაც გადაუჭრა გზა. სპარტაკმა ბრძოლა მიიღო, მუმიუსს სასტიკად შეუტია, მისი მეომრები ბრძოლის ველიდან შიშნაქამი გააქცია და სამხრეთისაკენ სვლა განაგრძო.

კრასუსმა ბრძოლიდან გამოქცეული მუმიუსის ლეგიონები მთელ არმიის წინ ჩაამწყრივა და, დეციმაციუს წესით, ყოველ მეთავე მეომარს თავი გააგდებინა.

სპარტაკმა მთელი იტალია გადასერა და ბრუციუმის უკანასკნელ პუნქტში, ქალაქ რეგიუმში მივიდა. კრასუსი ფეხდაფეხ მოსდევდა.

სპარტაკი მესენის სრუტის გადალახვას და სიცილიაში გადასვლას აპირებდა. სიცილიას მონათა აჯანყების დიდი ტრადიცია ჰქონდა და სპარტაკს იმედი ჰქონდა, ამ კუნძულზე ადვილად მოიპოვებდა მონათა ახალ საომარ ძალებს. იგი მოელაპარაკა მეკობრეებს, რომელთაც, დიდი ფულის საფასურად, ხომალდებით უნდა გადაეყვანათ სპარტაკის არმია სიცილიაში. მაგრამ ზღვის ყაჩაღებმა სიტყვა გასტეხეს და დანიშნულ დროს ხომალდები არ მოიყვანეს. მაშინ სპარტაკის ბრძანებით მონებმა სრუტის საიერიშოდ ტივებისა და კასრების შეკვრა დაიწყეს. ახლა სტიქიონი შეიქნა მტერი: ქარიშხალი ამოვარდა და ერთიანად დალეწა მონათა ბელადის ეს წამოწყება.

კრასუსი კი უკვე მომდგარიყო თავისი არმიით ზურგიდან. იგი მოერიდა პირდაპირ იერიშს და ბრძანა, ბრუციუმის კონცხი, სადაც მონები დაბანაკებულიყვნენ, ზღვიდან ზღვამდე, მთელი 55 კილომეტრის მანძილზე, ღრმა, ფართო თხრილითა და მიწაყრილებით გადაეჭრათ.

მაშინ სოქვა სპარტაკმა:

„უმჯობესია, რკინამ მომიღოს ბოლო, ვიდრე შიმშილმა“.

და ერთ ქარიშხლიან და სუსხიან ღამეს მისი ბრძანებით მონებმა ერთ ადგილზე თხრილი მიწითა და ფიჩხით ამოავსეს და მახვილით ხელში ალყა გაარღვიეს. სპარტაკი ისევ მხარგახსნილი მიაბიჯებდა იტალიის მიწაზე. მან დაუბრკოლებლივ გადასჭრა მთელი ბრუციუმი და ისევ ლუკანიაში გავიდა. კრასუსი შეშინდა, ვაითუ მონები ხელიდან გამისხლტნენ და ბალკანეთზე გადამასწრონო და სენატს თხოვნა გაუგზავნა: გამოიწვიეთო მაკედონიიდან მარკუს ლიცინიუს ლუკულუსი და ესპანეთიდან გნეუს პომპეუსი; იქნებ სამივემ შეერთებული ძალებით შეეძლოთო სპარტაკის განადგურება.

სენატმა ეს თხოვნა დააკმაყოფილა, მაგრამ კრასუსმა მაშინვე იხანა: იგი მალე დარწმუნდა, რომ მონები იტალიიდან ვერსად გაასწრებდნენ და თვითონვე სხვა მეტოქე-სარდლების გარეშე შესძლებდა მათ განადგურებას. ამის საფუძველი იყო კიდევ რაღაც განხეთქილება მოაჯანყეთა ბანაკში. ისევ გამოეთიშნენ სპარტაკს გალები და გერმანელები, ამჭერად განიკუსისა და კასტუსის მეთაურობით. კრასუსმაც აღარ დააყოვნა და ორივენი, განიკუსიც და კასტუსიც, ერთიანად გაანადგურა. მონები გასაოცარი გმირობით იბრძოდნენ. 12 300 მოკლული მონა-მოაჯანყიდან მხოლოდ ორი აღმოჩნდა ზურგიდან განგმირული.

ამ უეცარმა დანაკლისმა სპარტაკის ძალა დიდად დააქვეითა. იგი რომაელებთან შებმას განერიდა და ბრუნდიზიუმისკენ გაემართა.

კრასუსმა ავანგარდს ლეგატი და კვესტორი უსარდლა და გამოადევნა. სპარტაკი ერთბაშად შემობრუნდა და შემოუტია. რომაელები ბრძოლის ველიდან გაიქცნენ და მონათა ბელადს ხელთ შეატოვეს დაჭრილი კვესტორი და რამდენიმე ასეული მოკლული ლეგიონერი. სპარტაკმა ბრუნდიზიუმს მიატანა. მაგრამ იქ უკვე მაკედონიიდან გამოწვეული მარკუს ლუკულუსი გადმოსულიყო დიდძალი ჯარით.

სპარტაკი შემობრუნდა, მაგრამ ახლა ზედმომდგარ კრასუსის უზარმაზარ არმიებს შეეჩეხა.

მეტი გზა აღარ იყო. სპარტაკს გენერალური ბრძოლა უნდა მიეღო.

ეს ბრძოლა აპულიაში მოხდა, 71 წლის გაზაფხულზე. მოწინააღმდეგეებმა იცოდნენ, რომ სწორედ ამ დღეს უნდა გადაეწყვიტა „მონათა ომის“ საბოლოო ბედი. ეს განსაკუთრებით იცოდა სპარტაკმა, რომელმაც ბრძოლად გასვლის წინ თავის ცხენს გულში მახვილი აძგერა და შესძახა:

„თუ გავიმარჯვებ, მტრის ბანაკში საუკეთესო მერნებს ავარჩევ, თუ არა და ამიერიდან ცხენი არასდროს არ დამჭირდება!“

მაშ, ან სიკვდილი ან გამარჯვება!

ბრძოლა დაიწყო თავიდანვე უჩვეულო თავგამეტებით. არც ერთ მხარეს არ იპოვებოდა ბადალი სპარტაკის სიმამაცისა და სიკისკასისა. იგი შეუჩერებლივ მიიკაფავდა გზას თვით რომაელთა სარდლისაკენ. იგი პირისპირ შეხვედრამი იწვევდა კრასუსს. ხოლო კრასუსი იდგა და აუმღვრეველად ჰხედავდა, როგორ ეცემოდნენ მისი სიცოცხლის დასაცავად წარგზავნილი ლეგიონერები სპარტაკის მახვილისაგან. აი, მოახლოვდა მონათა ბელადი. ორი ცენტურიონი გაიჭრა მის შესახვედრად. ორივე უსულოდ დასცა სპარტაკმა. სწორედ იმ წამს ისრების, შუბებისა და სათხედების სეტყვა დააცხრა გმირს. სპარტაკი მუხლში დაჭრილი დაეცა. მაგრამ მისი მახვილი მუსრავდა ყველას, ვინც გაბედავდა მიახლოებას.

ისევ შორიდან დაუშინეს. დიდხანს ესროდნენ. სავსებით დაცხრილეს.

60.000 მონა დაწვა მათ ბრწყინვალე ბელადთან ერთად. 6.000 ტყვედ ჩავარდა. ყველა ისინი კრასუსის ბრძანებით ჯვრებზე გალურსმეს კაპუიდან რომისაკენ მიმავალ გზაზე. 5.000 მოაჯანყემ გაასწრო სიკვდილს, მაგრამ ამათ წინ შემოხვდათ ჩრდილოეთიდან მომავალი პომპეუსი და არც ერთი მათგანი ცოცხალი არ გაუშვია „ჯალათ-ბიჭუნას“.

ასე დამთავრდა ყველაზე დიდი მონათა აჯანყება მსოფლიო ისტორიაში.

ასე მოკვდა სპარტაკი.

მოკვდა, რომ შემდგომ, მარადის, უკვდავი ყოფილიყო...

რომის კარიბჭეში ორმა გამარჯვებულმა სარდალმა შეაბიჯა — კრასუსმა და პომპეუსმა. პირველს სმენას უხშობდა და ბრაზით აჩრხოვდა ბრბოს ღრიალი:

„აი იგი, გნეუს პომპეუს დიდი! დიდი!!!“

„მშვიდმა ხარმა“ წონასწორობა დაჰკარგა და კბილების ღრჭიანით შესძახა:

„მაინც რა სიდიდისაა იგი?!“

#### 4. ისევ მითრიდატე

სულასთან ომის შეწყვეტასა და დარდანის ზავის დადებიდან ერთი წლის შემდეგ (83 წ.) მითრიდატეს წინააღმდეგ მღელვარება დაიწყო კოლხეთში, სადაც მმართველად, თვითონ კოლხების თხოვნით, დანიშნული იყო მეფის ძე, აგრეთვე სახელად მითრიდატე. როგორც ეტყობა, პონტოელმა უფლისწულმა მდგომარეობა მომწიფებულად ჩასთვალა და კოლხეთის ოდინდელი დამოუკიდებლობის აღდგენა სცადა. მეფემ დროზე შეიტყო მემკვიდრის განზარახვა და იგი კოლხეთიდან გაიწვია. ერთ ხანს ოქროს ბორკილებით ჰყავდა დაბორკილი. მერე სიკვდილით დასაჯა.

„კოლხური საქმეებით“ აფორიაქებულ ევპატორს კვლავ რომაელებთან მოუხდა რკენა. რომაელმა სარდალმა ლუციუს მურენამ 83 წელს ახალი ომი წამოიწყო, რომელსაც ისტორიაში „მეორე მითრიდატული ომი“ დაერქვა.

მურენა შეიჭრა პონტოს საზღვრებში და ოთხასი სოფელი გაძარცვა და ააოხრა. მითრიდატემ ლაშქარი შეჰყარა და ჰალისის პირას მტერი სასტიკად დაამარცხა. რომაელები ბრძოლის ველიდან გაიქცნენ და მახლობელ მაღლობზე გამაგრდნენ. პონტოელებმა ის მაღლობიც აიღეს და მტერი კვლავ გააქციეს. მითრიდატემ ფრიგიამდე მისდია დამარცხებულებს. შემდეგ კაპადოკიაში შეიჭრა და იქიდანაც განდევნა რომაელები.

რომმა ზავი ითხოვა და მითრიდატეც დათანხმდა, რადგან კოლხეთში მღელვარება ჯერ კიდევ არ დამცხრალიყო. ომის შეწყვეტისთანავე მეფე კვლავ აღმოსავლეთისაკენ გაეშურა კოლხეთში თავისი ძალაუფლების განსამტკიცებლად.

74 წელს მცირე აზიაში კვლავ ატყდა საომარი ყიჟინა და იარაღის ზათქი-ზრიალი. დაიწყო „მესამე მითრიდატული

ომი“, რომელიც 11 წელი (74—63) გაგრძელდა. რომაელები და პონტოელები კვლავ ეკვეთნენ ერთიმეორეს. დიდ რომაულ არმიებსა და ფლოტს მოუძღოდნენ კონსულები — ლუციუს ლიცი-ნიუს ლუკულუსი და მარკუს ავრელიუს კოტა.

მითრიდატემ ზღვის დემართის, პოსეიდონის სადიდებლად ზღვაში ჩაუშვა წყვილი თეთრი ცხენი, მერე ჯარებს სიტყვით მიმართა და დაიძრა ქ. ქალკედონისაკენ, სადაც არმიითა და ფლოტით იდგა კონსული მარკუს ავრელიუს კოტა.

ბრძოლა ზღვაზეც და ხმელზეც ერთსა და იმავე დღეს მოხდა. კოტამ ვეღარ გაუძლო პონტოელთა მძაფრ იერიშებს, რომელთაც თვით უმამაცესი მეფე მიუძღოდა, და ბრძოლის ველიდან გაიქცა. მან ძლივს შეასწრო ქალკედონის კედლებში; ქალაქის კარები სასწრაფოდ ჩაეკეტა და შიგნიდან დასკუიოდა გარეთ დარჩენილ თავის მეომრებს, თავგანწირვით იბრძოლეთო სამშობლოს სახელ-დიდებისათვის. მისი ლეგიონები ქალაქის კარიბჭეს მიაწყდნენ, კედლებს ენთქებოდნენ და ხსნას ითხოვდნენ. პონტოელთა ისარი მიზანს არ ცდებოდა და რომაელთა სისხლი უხვად იღვრებოდა. მათი უმრავლესობა გაიჟლიტა. ძლივს გადაარჩა რამდენიმე სამხედრო მეთაური, რომელთაც წელში თოკები ჩააბეს და ისე აათრიეს ქალაქის კედლებზე.

იმავე დღეს პონტოელებმა ბრწყინვალედ გაიმარჯვეს ზღვაზეც. მათ დაამსხვრიეს სპილენძის ჯაჭვსაგან შეკრული ჯებირი: დასწვეს რომაელთა ოთხი ზომალდი, ზოლო დანარჩენი სამოცი გემი მთელი თავისი ეკიპაჟით ბუქსირით გამოიბეს და წამოიყვანეს.

მაგრამ მალე ანის შემდგომ მეორე კონსულმა. ნიკიერმა და მამაცმა ლუკულუსმა, შესძლო წონასწორობის აღდგენა. მან დაამარცხა და უკუაქცია მითრიდატე. რამდენიმე შეტაკების შემდეგ მეფემ რომაელებთან ომი დროებით წაგებულად ჩასთვალა და სომხეთს მიაშურა. მან ვერ მოახერხა, თან წაეყვანა თავისი ოჯახის წევრები, რომლებიც ქ. ფარნაკეაში დარჩნენ. მეფეს ისლა დარჩენოდა, თავისიანთა დასახსნელად სიკვდილი გაეგზავნა: მას დიდ სირცხვილად მიაჩინდა, მისი სახლობა რომაელებს ტყვედ ჩავარდნოდა და რომის ქუჩებში ლუკულუსის ტრიუმფში სამარცხვინო ტყვეებად გაეტარებინათ.

და აი, ტყვეობისათვის განწირულთა წინაშე გამოცხადდა მითრიდატეს ერთგული კარისკაცი, საჭურისი ბაქხიდე, რომელმაც მეფის სახელით უბრძანათ, დაუყოვნებლივ მოეკლათ თავი, ვისაც როგორი სიკვდილით სურდა. აქ იყო მითრიდატეს ორი ცოლი — მონიმე და ბერენიკე. მონიმემ მოიხსნა დედოფლის დიადემა, რომელიც ერთ დროს მითრიდატემ თავისი ხელით დაადგა თავზე, და სცა-

და მით ჩამოეხრჩო თავი. მაგრამ დიადემა გაწყდა და ქალმა ტირილით შესძახა: „ოჰ, ძონძო, შენ ამისთვისაც გამოუსადეგარი გამოდექ!“ ეს სიტყვა და ანიშნა ბაქიდეს, რომელმაც მაშინვე საკუთარი ხელით დაახრჩო იგი. ბერენიკემ და მისმა დედამ საწამლავი დალიეს. ასევე საწამლავით საესე თასები დასცალეს მითრიდატეს დებმა როქსანამ და სტატირამ. როქსანა სიკვდილის უმძიმეს წუთებში ლანძღავდა და წყევლიდა თავის გულქვა ძმას, ხოლო სტატირა აქებდა მას, რომ ასეთ მძიმე დღეებშიც არ დაიფიქვა ისინი მეფემ და იზრუნა, რომაელებს ხელთ არ ეგდოთ და არ შეებღალათ სახელოვანი მეფის სახლობა.

მითრიდატე მივიდა სომხეთს, სადაც მბრძანებლობდა მისი სიძე (ქალიშვილის ქმარი) და მოკავშირე ტიგრან II, რომელმაც მას თავის დროზე რიგიანად ვერც მოკავშირეობა გაუწია და ვერც მოყვრობა. ტიგრანმა სიმამრს თავშესაფარი მისცა, მაგრამ პირადად არ მიიღო და მით უფრო არც რომის წინააღმდეგ გაჰყვა საომრად.

ამრიგად, მითრიდატე ამაოდ ცდილობდა რომის წინააღმდეგ შეეკრა ძლიერი კავშირი პონტო-პართია-სომხეთს შორის. ანდა, დამარცხებულ მეფეს მის მოშურნე და მეტოქე მეფეთაგან რა დახმარების იმედი უნდა ჰქონოდა, როცა მას ჰლალატობს და რომაელთა მხარეზე გადადის ღვიძლი შვილი, სახელად მახარე, რომელიც მამას ბოსფორის (ყირიმის) მმართველად ჰყავდა დანიშნული!

რომაელებმა დალაშქრეს პონტო და შეიჭრნენ სომხეთში.

ტიგრანი ახლა კი მიხვდა მითრიდატეს სიმართლეს, რომელიც მას მრავალგზის აფრთხილებდა: როცა რომაელები მე გამანადგურებენ, მერე შენც გწვდებიანო ყელში.

სიძე-სიმამრი ერთმანეთს შეხვდნენ და ძლიერ მტერთან ახალი საომარი გეგმის შედგენას ჩაუჯდნენ. მაგრამ კვლავ ვერ მორიგდნენ: მითრიდატე, რომელსაც რომაელებთან ბრძოლის დიდი გამოცდილება ჰქონდა, მტერთან გაჭიანურებული ომის წარმოებას მოითხოვდა, ხოლო ტიგრანი, დარწმუნებული უექველ გამარჯვებაში, დაუყოვნებლივ გენერალური ბრძოლის გამართვაზე იდგა.

მართლაც ტიგრანმა დიდძალი ლაშქარი შეჰყარა და მიუახლოვდა მისგანვე დაარსებულ ახალ სატახტო ქალაქს ტიგრანოკერტს, რომელიც უკვე რომაელთაგან ალყაში იყო მოქცეული.

ლუკულუსმა თავისი არმია გაჰყო. ერთი ნაწილი ალყის გასაგრძელებლად დასტოვა, მეორეს კი თვითონ უსარდლა და სწრაფი მარშით დაიძრა იქვე მალლობზე დაბანაკებული მოწინააღმდეგისა-

კენ. ტიგრანმა მოიერიშე მტერს თვალი დაადგა და სარკასტულად სთქვა:

„თუ ელჩები არიან — ძალიან ბევრია, ხოლო თუ მტრები — მეტისმეტად ცოტაა“.

მაგრამ ეს ხუმრობა ხუმრობად დარჩა და ტიგრანი სასტიკად დამარცხდა.

რომაელებმა მალე ტიგრანოკერტიც აიღეს და სომხეთის ველ-მინდვრებს შეესივნენ. ტიგრანი კვლავ შეხვდა მითრიდატეს და ამიერიდან მისი დამჭერე და თანამორწმუნე გახდა. ისინი გაჭიანურებულ, თარეშულ-პარტიზანულ საომარ ტაქტიკას დაადგნენ და მალე ამას მათთვის სასარგებლო შედეგებიც მოჰყვა.

სომეხთა მეფეს თავის თანამემამულეთა გარდა მხარში უდგნენ მოკავშირენი, რომელთაგან მას ყველაზე მეტად შუბოსანი იბერიელებისა და მოისარი მარდების იმედი ჰქონდა.

სანამ ტიგრანი თავის ქვეყანას იცავდა, მანამ მითრიდატე პონტოში დაბრუნდა და იქ მდგარ რომაულ გარნიზონებს შეება. ჭერ გაშმაგებით შეუტია ქალაქ ქაბეირაში განლაგებულ რომაელებს, რომელთაც მარკუს ფაბიუს ადრიანე სარდლობდა. რომაელმა სარდალმა უკიდურესი გაჭირვების პირობებში მონებს თავისუფლება მიანიჭა და მათი გამოყვანით ბრძოლა განაგრძო. საშინელ ჩეხვაში მითრიდატეს ცხენი დაუჭრეს, მაგრამ დაცემას დაასწრო, გადმოხტა და მახვილამოწვდილმა ომახიანი საომარი ყიყინით თავისიანებს ახალი იერიშისაკენ მოუწოდა. რომაელები შედრკნენ და გაიქცნენ. სწორედ ამ დროს მეფეს შურდულით ნატყორცნი ქეა კოჭში მოხვდა და ჩაიჩოქა, მაგრამ მალე წამოიჭრა და კიდევ უფრო გამძაფრებით მიეტევა მტერს. მაგრამ უეცრად ისარმა გაიზუზუნა და მითრიდატეს შიგ თვალში ჩაერჭო. იგი დაეცა და ბრძოლაც მაშინვე შეწყდა. ადრიანე დაწრილთა და მოკლულთა სიმრავლის გამო ველარ ბედავდა კვლავ ბრძოლად გასვლას, ხოლო პონტოელები თავს იკავებდნენ მეფის მძიმე მდგომარეობის გამო. დაჭრილ მითრიდატეს სკვითი ექიმბაშები გველის შხამით მკურნალობდნენ. მეფე რამდენიმე დღეში ფეხზე დადგა და ქაბეირადან ისევ დაიფრინა რომაელები. მალე ამის შემდეგ რომაელი სარდლები — ადრიანე, ტრიარიუსი და სორნაციუსი — თავიანთი ლეგიონებით გაერთიანდნენ და მითრიდატეს გადამწყვეტი ბრძოლა გაუმართეს 67 წელს, განაფხულზე, ქალაქ ძელასთან, მდინარე ირისისა და სკოტას მთის მახლობლად.

საბრძოლო ნალარა პირველად რომაელებმა დასცეს და სწრაფ შეტევაზე გადავიდნენ. მთაზე დაბანაკებული პონტოელები ერთბა-

შად დაეშენნ და მტერს თავგანწირული კონტრშეტევა შეაგებეს. ბრძოლის სასწორი დიდხანს უშედეგოდ ქანაობდა. მითრიდატემ, რომელიც ხან აქ და ხან იქ, ყველგან, სადაც მისიანებს უჭირდა, უეცრად გაჩნდებოდა და თავისი მეომრული სიკისკასით ყველას საომარ ცეცხლს უჯიღებდა, ბოლოს გასტეხა რომაელთა წინააღმდეგობა და მათი ქვეითი ლაშქარი მდინარე ირისის კაობიან-ლაქაშებიან ნაპირებში შერეკა. მკერდამდე დაფლული რომაელები პონტოელთა ისრებისაგან სრულიად გაიყლიტნენ. ტრიარიუსის კავალერიამ, რომელსაც უმთავრესად ქვეითი კოპორტების იმედი ჰქონდა, ბრძოლის ველიდან მოჰკურცხლა. მითრიდატეც გამოედევნა თავისი მხედრობით. რომაელთა მხედრობასაც განადგურება არ ასცდებოდა, მაგრამ ამ დროს რომელიღაც რომაელმა ცენტურიონმა (ასეულის მეთაურმა), რომელსაც პონტოურ ტანსაცმელში გადაცმულს მეფის მცველებში გაძრომა მოუხერხებია, ამხედრებულ და ბრძოლის ცეცხლით გატაცებულ მითრიდატეს მოულოდნელად მძლავრად აძგერა მახვილი გვერდში. თავზნებულაღებული რომაელი პონტოელებმა იქვე აჰკუწეს და მძიმედ დაჭრილი მეფე ბრძოლის ველიდან გამოიყვანეს. ამ შემთხვევამ მითრიდატეს სარდლები შეაძრწუნა და მათ რომაელებზე გამოდევნებული მხედრები უკანვე გამოიწვიეს.

შეშფოთებული მეომრები მეფეს ეხვეოდნენ და სასოწარკვეთას ეძლეოდნენ. მაშინ მითრიდატე მკურნალის მხარზე დაყრდნობილი მალღობზე ავიდა, იქიდან თავის მეომრებს ეჩვენა და დაანუგეშა, რომ მისი მდგომარეობა არც ისე მძიმეა. მერე მან საყვედურებით აავსო თავისი სარდლები, როლებმაც „ასე უმიზეზოდ“ გამოიწვიეს ჯარები ბრძოლიდან. იმავე დღეს მითრიდატე ცხენს მოახტა და კვლავ დასძრა გამარჯვებით გალადებული ჯარები მტრის ბანაკისაკენ. სიკვდილს გადარჩენილმა რომაელებმა გაქცევით უშველეს თავს.

ამასობაში სომხეთში მოლაშქრე ლუკულუსს საკუთარი ლეგიონერები აუჯანყდნენ და იძულებული შეიქნა, უკანვე გამობრუნებულიყო.

ამგვარად, მითრიდატემ და ტიგრანმა კვლავ დაიბრუნეს თავისი სამეფოები.

66 წელს რომში აღმოსავლეთის მთავრსარდლობა გადაეცა სახელოვან გნეუს პომპეუსს, რომელიც მანამდე არნახული სიდიდის არმიებითა და ფლოტით მიაღგა მცირე აზიას. ამ უმძიმეს ჟამს მითრიდატეს და ტიგრანს კვლავ მოუსწრიათ ურთიერთ წაყიდება და გათიშვა. პომპეუსსაც შეეძლო თავისი უზარმაზარი ძალებით ცალცალკე გაენადგურებინა გათიშული გვირგვინოსნები.

მითრიდატემ 100.000 რომაელის წინააღმდეგ 30.000-მდე პონტო-



ელის გამოყვანა შესძლო. რამდენიმე მცირე შეტაკების შედეგ პონტოელებმა უკანდახვევა დაიწყეს აღმოსავლეთისკენ. ისინი დღისით თავს აფარებდნენ მიუვალ ტყე-ღრეებს, ხოლო ღამით შეუსვენებლივ მიჰქროდნენ. პომპეუსიც ღამით ვერ ბედავდა ხელი შეშალა ლტოლვილთა მოძრაობისათვის.

ბოლოს რომაელები მითრიდატეს ევფრატის ზემო დინების ერთ ხეობაში წამოეწივნენ და ყოველი მხრიდან გზა გადაუჭრეს მას.

პომპეუსი მომდევნო დღეს აპირებდა შეტევის დაწყებას, მაგრამ მას შემოეხვივნენ ლეგატები და დაუწყეს დარწმუნება, რომ ღამით დასხმოდნენ მოწინააღმდეგეს. მთავარსარდალი დიდი ყოყმანის შემდეგ დათანხმდა.

პონტოელები შესჩვეოდნენ იმას, რომ რომაელები ღამით თავდასხმას ვერ ბედავდნენ და ამიტომ სრულიად უზრუნველად მიეცნენ ძილს.

შუალამინას მტრის არმია საბრძოლო ყიყინითა და იარაღის ზათქით თავს დაეცა პონტოელთა ბანაკს. მოულოდნელობისაგან პანიკით მოცული მითრიდატეს მეომრები იარაღის ასხმასა და ამხედრებას შეუდგნენ. ჰორიზონტზე დაშვებული მთვარე პონტოელებს სხივებს თვალეში სცემდა, რომაელებს კი ზურგიდან ანათებდა. უზარმაზარი ჩრდილებით წინაღმართულ რომაელ მეომრებს სინათლისა და ძილისაგან თვალმოჭრალი პონტოელები ისარს ვერ ახვედრებდნენ. მითრიდატეს ბანაკი საზარელ სასაკლავოს დაემსგავსა. ბეწვზე ეკიდა მეფის სიცოცხლეც. რომაელთა რჩეულმა რაზმებმა რკინის სალტეში მოაქციეს იგი. ყოველ წუთს შეპყრობა ელოდა მეფეს. ზედრზედ ეცემოდნენ მისი ერთგული თანამებრძოლნი. თვითონ მითრიდატე საარაკო სიმამაცითა და სიმხნევით ებრძოდა მოზღვავეზულ მტერს. მის გვერდით საოცარი ვაჟკაცობით იბრძოდა ერთგული და საუვარელი მხევალი ქალი ჰიპსიკრატია. ეს ქალი ყველგან თან ახლდა მეფეს, უვლიდა მას და მის ცხენს და ბრძოლის ველზეც მასთან ერთად იქნევდა მახვილს. სწორედ ამიტომ ეძახდა მას მითრიდატე „ჰიპსიკრატიას“ — „მაღლობის მფლობელს“.

ბოლოს, ჰრილობებით დაფლეთილმა და გასისხლიანებულმა მეფემ რომაელთა სალტე განკვეთა და გაქუსლა. 10 000 პონტოელი დაეცა. რომაელებმა ხელთ იგდეს მოწინააღმდეგის მთელი ალაფი.

პონტოს მეფე სამი ათასი კაცის თანხლებით, — რომელთა შორის იყვნენ მისი საუვარელი ჰიპსიკრატია და ქალიშვილი დრიპეტიც — შეუსვენებლივ მიჰქროდა სომხეთისაკენ. ლტოლვილებმა მიაღწიეს ცახესიმაგრე სინორიას და იქ შეჩერდნენ. სინორიაში ინახებოდა მითრიდატეს ძვირფასი საჭურჭლეები. მეფემ ერთგული თანა-

მეზრძოლები უხვად დააჯილდოვა ფულითა და ძვირფასი სამოსელით. უკრო ახლობლებს კი საწამლაეიც დაურიგა, რამეთუ საჭიროების შეპოხვევაში გამოეყენებინათ და მტერს ცოცხლად არ ჩავარდნოდნენ ხელში.

მიორიდატემ ტიგრანს ელჩები გაუგზავნა და თავშესაფარი სთხოვა. მაგრამ, როგორც ითქვა, ტიგრანი უკვე მტრულად იყო განწყობილი სიმამრისადმი. მან არამცთუ უარი სთქვა ლტოლვილი პონტოელის მიღებაზე, არამედ მისი ელჩებიც შეიპყრო და ბორკილები დაადო, თვითონ მიორიდატეს მოკვლისთვის კი ჯილდო გამოაცხადა ასი ტალანტის რაოდენობით.

მაშ, მიორიდატე ევატორი კიდეც მეტი საშიშროების წინაშე დადგა. მას აღარც საკუთარი სამეფო გააჩნდა და არც უბრალო თავშესაფარი. მიუსაფარ მეფეს მხოლოდ ერთადერთი გზა ჰქონდა, რომელიც კოლხეთისაკენ მიდიოდა.

მიორიდატემ სინორიიდან წაიღო 6.000 ტალანტი და თავის ახლობელთაგან შემდგარი პატარა ამალით ჩრდილოეთით, კოლხეთისაკენ გაქუსლა. გამოსაზამთრებლად ის დიოსკურიაში დაბინავდა. აქვე შეუდგა რომაელების წინააღმდეგ ახალი გრანდიოზული გეგმის შედგენას...

## 5. რომაელები და სომხები

გნეუს პომპეუსმა სცადა განეგრძო დამარცხებული მიორიდატეს დევნა, მაგრამ, როცა მეფემ კოლხეთისაკენ გადაუხვია, თავი მიანება მას და პონტოს წინააღმდეგ ომი დამთავრებულად ჩასთვალა. მან პონტო მთლიანად ჩაიბარა და მიორიდატეზე საბოლოო გამარჯვების აღსანიშნავად, უკანასკნელი ბრძოლის ადგილზე დააარსა ქალაქი ნიკოპოლისი („გამარჯვების ქალაქი“). პომპეუსმა პირველყოფლისა იქ დაასახლა დაპყრილი და ხანდაზმული მეომრები; აგრეთვე ბევრი ავღალობრივი მცხოვრებიც.

ამის შემდეგ პომპეუსმა ლეგიონები დასძრა სომხეთისაკენ.

სანამ პომპეუსი მიორიდატეს სდევნიდა და პონტოს იპყრობდა, სომხეთსა და პართიას შორის ურთიერთობა იმდენად გამწვავებულიყო, რომ საქმე შეიარაღებულ შეტაკებამდე მივიდა. ტიგრანს უღალატა შვილმა, რომელსაც სახელად აგრეთვე ტიგრანი ერქვა. ეს ტიგრანი მრწემი სომხეთის მეფეს მიორიდატეს ასულის, კლეოპატრასაგან შეეძინა. იგი ამავე დროს იყო სიძე პართიის მეფე ტრაატ III-ისა. ამიტომ მეფე ტიგრანი თავის შვილს, ვითარცა მიორ-

რიდატეს სისხლიერსა და ფრაატის სიძეს, მუდამ ეკვის თვალთ უც-  
ქერდა. უფლისწულიც თავისი თავნებობითა და „უცხოური ორი-  
ენტაციებით“ მამასა და მეფეს საფუძველს აძლევდა, ეკვისა და უნ-  
დობლის თვალთ ეცქირა მისთვის. ამას ისიც დაერთო, რომ პომ-  
პეუსმა სომხეთს ვალაშქრებამდე პართიასთან კავშირი შეკრა. ტიგ-  
რანი გვიან მოდიოდა გონს: აღარც მითრიდატე, აღარც საკუთარი  
შვილი მის ბანაკში აღარ აღმოჩნდნენ. მალე სიძე-სიმამრი, ფრაატი  
და ტიგრან მრწემი, პართიული ჯარებით სომხეთში შეიჭრნენ და მის  
სატახტო ქალაქს, არტაქსატას მიაღწენ. ტიგრან მეფემ ქალაქი ნია-  
ტოვა და მთებს მიაშურა. პართიელებმა ალყა შემოარტყეს სომეხთა  
სატახტოს, მაგრამ რაკი მისი აღება ხანგრძლივ ალყას მოითხოვდა,  
ფრაატმა არტაქსატას კედლებთან დატოვა ტიგრან მრწემი, ხოლო  
თვითონ თავის სატახტოში, ქტესიფონში დაბრუნდა. ამით ტიგრან  
მეფემ ისარგებლა და სწრაფად დაამარცხა თავისი ძე. დამარცხ-  
ებულმა უფლისწულმა სიმამრთან დაბრუნება ვეღარ გაბედა და თა-  
ვის ბაბუა მითრიდატეს მიაშურა. მაგრამ როცა შეიტყო, რომ დანარ-  
ცხებული მითრიდატე თვითონ საჭიროებდა დახმარებას, იგი პომპე-  
უსთან გაიქცა და მორჩილება გამოუცხადა მას.

პომპეუსმა ამ ახალი ბედნიერი შემთხვევითაც კარგად ისარგებ-  
ლა — სომეხი უფლისწული მეგზურად აიყვანა და არატაქსატასაკენ  
დაიძრა (66 წელი).

ტიგრანმა დაინახა, რომ მისი ქვეყნის შიგნით შემოჭრილ და  
სატახტო ქალაქთან მოახლოებულ რომაულ ლეგიონთა წინააღმდეგ  
გამოსვლა სასიკეთო ნაყოფს ვერ მოიტანდა. ყოველ წუთს მოსალოდ-  
ნელი იყო პართიელების შემოჭრაც. ტიგრანს უნდა ეფიქრა, რომ  
პომპეუსი და ფრაატი ერთდროულად შევიდოდნენ არტაქსატაში და,  
მოღალატე შვილთან ერთად, გაიყოფდნენ მის სამფლობელოებს. არ-  
ტაქსატა მათი შესაკრები პუნქტი უნდა ყოფილიყო. ამიტომ ტიგრან  
მეფემ, სომხეთის ტახტ-გვირგვინის შენარჩუნების მიზნით, გადაწყ-  
ვიტა თავი ეცნო რომის მორჩილად.

ტიგრანმა ელჩები გაგზავნა პომპეუსთან და თან გააყოლა ნი-  
რიდატეს კაცები, რომლებიც მას შეპყრობილი ჰყავდა. ამით მან ნია-  
დაგი მოამზადა რომაელ სარდალთან უფრო ლოიალური ზავის დასა-  
დებად. როცა პომპეუსი არტაქსატას მიუახლოვდა, ტიგრანმა თვითონ  
შეუშვა რომაული გარნიზონი სატახტოში. ხოლო თვით პომპეუსმა  
არტაქსატადან თექვსმეტი მილის მანძილზე დასცა კარავი.

ტიგრანი ნათესავებისა და ახლობლების თანხლებით მიეხტა  
პომპეუსის ბანაკს. ბანაკის შესასვლელთან რომაელ გუშაგთა ბრძა-  
ნებით ტიგრანი ცხენიდან ჩამოხტა, იარაღი აიყარა, ამაღა მოიწორა.  
და მარტოდმარტო გაეშურა პომპეუსის კარავისაკენ.

პომპეუსი ბრწყინვალე სავარძელში იჯდა. ხელმარცხნივ ტიგრან მრწემი უჯდა. ტიგრან მეფე შევიდა და წარსდგა. რომაელი ზვიადად განისვენებდა. მოლაღატე უფლისწული იქედნურად ილიმებოდა. ტიგრანმა წამიერ გარინდებას თავი დააღწია, დიადემა და წამოსასხამი მოიძრო და პომპეუსის წინაშე აღმოსავლური წესით ნუხლებზე დაეცა. რომაელმა მოწყალება მოიღო: მეფე ფეხზე წამოაყენა და ხელმარჯვნივ დაისვა. ახლა მტრად გადაკიდებული მამა და შვილი აქეთ-იქეთ უსხდნენ პომპეუსს.

ტიგრანმა აღიარა რომაელთა მბრძანებლობა სომხეთის მიმართ და განაცხადა, რომ ის არ თავილობს მორჩილებას ისეთი კაცის წინაშე. რომელსაც სიძლიერითა და ძალაუფლებით ტოლი არა ჰყავს მთელ ქვეყანაზე.

მწარედ გაუტრუვდა იმედები ტიგრან მრწემს, როცა პომპეუსმა მის მეფე-მშობელს უთხრა: შენ არამცთუ სომხეთის მეფობა არ დავკარგავს, არამედ რომაელთა მეგობრობაც მოიპოვეო.

ტიგრანს სომხეთის სამეფო რჩებოდა იმ საზღვრებში, რომელშიც მან იგი ჩაიბარა ტახტზე ასვლისას. მამასადამე, ერთმეოდა და რომაელებს გადაეცემოდა სირია, ფინიკია, კილიკია, გალატია, კაპადოკია; ტიგრანს რომაელთათვის უნდა გადაეხადა სამხედრო კონტრიბუცია 6.000 ტალანტის რაოდენობით; საჩუქრების სახით უნდა დაერიგებინა ყოველი რომაელი ჯარისკაცისათვის 150 დრაქმა, ყოველი ცენტურიონისათვის 1000 დრაქმა და ყოველი სამხედრო ტრიბუნისათვის თითო ტალანტი. პომპეუსს არ შეეძლო დაევიწყებინა მის წინაშე ტიგრან მრწემის დამსახურებაც. ამიტომ მას სამმართველოდ ვადასცა სოფენა და გორდიენა (ადრე ქართული პროვინცია — ქარდუხების საცხოვრისი). აგრეთვე იგი რჩებოდა სომხეთის სამეფო ტახტის მემკვიდრედ მოხუცი ტიგრანის გარდაცვალების შემდგომ. მაგრამ ზავის პირობებით ყველაზე ნაწყენი სწორედ ტიგრან მრწემი დარჩა. ადრე ის. პომპეუსის ბანაკისაკენ მიმავალი, სრულიად დარწმუნებული იყო, მამისადმი ღალატისა და რომაელთადმი მიმხრობის წყალობით სომხეთის ერთპიროვნული მბრძანებელი შეიქნებოდა. მაგრამ, როგორც ვნახეთ, მისი იმედები გატრუვდა. მართლაც და, რატომ უნდა მომხდარიყო ასე? თუკი სომხეთში მეფობის ნომინალური გაუქმება აუცილებლობას არ წარმოადგენდა, მაშინ ვინ უნდა ყოფილიყო მორჩილი სომხეთის მეფე, თუ არა ტიგრან მრწემი, რომელმაც საქმით დაამტკიცა რომაელთადმი ერთგულება?

მაშინ ტიგრანისადმი პომპეუსის უმადურობა, პირველყოვლინა, პართიასთან მისი ახლო ურთიერთობით უნდა აიხსნას. ახალგაზრდა უფლისწულის ძალაუფლების მოყვარეობა, მისი მერყევი ხასიათი

და პარტიის შეფესთან ნათესავე-მოყვრული დამოკიდებულება არ იძლეოდა იმის გარანტიას, რომ მისი გამეფების შემთხვევაში რომის აღმოსავლური მონაპოვარნი საფრთხის ქვეშ არ დადგებოდა. ყოველთვის მოსალოდნელი იქნებოდა, რომ სომხეთისა და პარტიის მეფეები ერთმანეთს მხარს მისცემდნენ რომის წინააღმდეგ რომის წამოწყებაში. ამიტომ რომაელთათვის უფრო საიმედო ტიგრან უფროსი იყო. ტიგრანი არავისთან აღარ იმყოფებოდა კავშირში. ის მტრულად იყო განწყობილი მითრიდატესთან, ფრაატთან და საკუთარ შვილთანაც კი. ასე რომ, ტიგრანი აღმოსავლეთში რომაელთა საზიანო რაიმე კოალიციის ხელისშემშლელი იქნებოდა და არა ხელისშემწყობი. ამ პერიოდში, როცა სომხეთი ძალზე დაუძლურდა და პარტია გაძლიერდა, რომაული დიპლომატია ჩვეული ტაქტიკით ცვლის ამ ქვეყნისადმი დამოკიდებულების კურსსაც. სანამ სომხეთი საშიში იყო, რომაელები მის წინააღმდეგ პარტიას უკავშირდებოდნენ. ხოლო ახლა, როცა პარტია გაძლიერდა, უფრო ხელსაყრელი ხდება კავშირი სომხეთთან პარტიის წინააღმდეგ. სომეხ მოკავშირედ ახლა რომაელებს უფრო ტიგრან უფროსი გამოადგებოდათ. ვიდრე პარტიის სასახლის კარზე გაშინაურებული სომეხი უფლისწული.

ტიგრან მრწემმა რომაულ-დიპლომატიურ ღონისძიებათა წინააღმდეგ გალაშქრება სცადა. მან უარი განაცხადა მამისათვის დაეთმო სოფენაში შენახული განძეულობა, საიდანაც ტიგრან მეფეს პომპეუსისათვის კონტრიბუცია უნდა გადაეხადა. ამის გამო, რომაელი სარდლის ბრძანებით. გაურჩებულ უფლისწულს განძი მთლიანად ჩამოერთვა. თვითონ მას ბორკილებიც დაადვეს და შეუერთეს ძვირფას ტყვეთა რიცხვს, რომელსაც უნდა დაემშენებია პომპეუსის ტრიუმფი რომში. მართალია, ფრაატმა სცადა გამოსარჩლებოდა თავის სიძეს. თანაც მოითხოვა პარტიასა და რომს შორის საზღვრების გადასინჯვა. მაგრამ ამას არავითარი შედეგი არ მოჰყოლია. პომპეუსმა უპასუხა, რომ პარტიასთან შეკავშირებასა და უფლისწულზე მეურვეობის უფლება აქვს მამას და არა ფრაატს. ჩანდა, რომ პარტიასთან მშვიდობიან შეთანხმებაზე ლაპარაკი დამთავრებული იყო.

სომხეთის ნომინალურ-ფორმალური დამოუკიდებლობის შენარჩუნებას პომპეუსისათვის სხვა მხრივაც ჰქონდა მნიშვნელობა. იგი ემზადებოდა ამიერკავკასიის ჩრდილოეთ ნაწილების დასალაშქრავად და მისთვის ხელსაყრელი არ იქნებოდა, ზურგში დამოკიდებული და მტრულად განწყობილი ქვეყანა ჰყოლოდა. მან უთუოდ იცოდა, რომ ლუკულუსთან ბრძოლებაში სომხების გვერდით მათი ჩრდილოელი მეზობლებიც იბრძოდნენ. მოსალოდნელი იყო, სამაგიეროდ

სომხებსაც ძმური ხელი გაეწოდებინათ თავისი მეზობლებისათვის იმ დროს, როცა რომაელები სომხეთიდან ჩრდილოეთისაკენ გაიქრებოდნენ. ამიტომ, თუ პომპეუსს სურდა, ქართველთა მიწა-წყალზე ლაშქრობისას სომხეთიდან ზურგში მახვილი არ დასცემოდა. არ უნდა დაეშვა კავკასიელი ხალხების — სომხების, ალბანელების, იბერიელებისა და კოლხების — გაერთიანება. პომპეუსი ამ შენთხვევაშიც მოქმედებდა ცნობილი რომაულ-დიპლომატიური დევიზით: *divide et impera!* („გათიშე და იბატონე!“). ამიერკავკასიის ხალხების გასათიშავად რომაელმა სარდალმა სომხეთი „რომელი ხალხის მოკავშირედ და მეგობრად“ გამოაცხადა. ტიგრანი გრძნობდა ამ იძულებითი „მეგობრობის“ ნამდვილ შინაარსს, მაგრამ ქვეყნის დამოუკიდებლობის სრულ დაკარგვას ისევ ნაბრძანები „მოკავშირეობა და მეგობრობა“ სჯობდა. ამ გზით პომპეუსმა იბერიკოლხეთში ლაშქრობისას სომხეთის მხრივ არა მარტო ნეიტრალურ პოზიციას მიიღწია, არამედ ტიგრანისაგან საჭირო დახმარების აღთქმაც მიიღო საომარი მარაგისა და ფულის სახით.

## 6. რომაელები და ქართველები

66 წლის შემოდგომის მიწურულს პომპეუსმა ლეგატ აფრანიუსის სარდლობით სომხეთში სამეთვალყურეოდ დატოვა თავისი არმიის ერთი ნაწილი, თვითონ კი ძირითადი ძალებით ჩრდილოეთისაკენ დაიძრა.

უკვე დაზამთრდა, როცა რომაელები მტკვრის ზემო წელს მიუახლოვდნენ და გამოსაზამთრებლად დაბანაკდნენ. პომპეუსმა აქვე მიიღო ტიგრანისაგან სხვადასხვა სახის საფურაყე მარაგი და ფული გაცილებით მეტი, ვიდრე ეს დათქმული იყო.

რომაელები სამ ბანაკად იდგნენ. ერთს თვითონ მთავარსარდალი მეთაურობდა, დანარჩენ ორს — მისი ლეგატები, მეტელუს ცელერი და ლუციუს ფლაკუსი.

პირველად ალბანთა მეფე ოროისემ სცადა, დროულად უკუეგდო კარზე მომდგარი საფრთხე. მეორეს მხრივ, ოროისემ საჭიროდ სცნო, თავისი მეგობრის, ტიგრან მრწემის, გამოხსნისათვის ეზრუნა და გადაწყვიტა თავს დასხმოდა რომაელებს.

17 დეკემბერი იდგა, რომაელთათვის სატურნალიების საზეიმოდღე. ოროისემ იფიქრა, რომ ამ დღეს რომაელები სატურნალიების ზარზეიმით გაერთობოდნენ და საომარ ყურადღებას გაინელებდნენ.

40.000 ალბანელი მიადგა მტკვრის ზემო წელს. ოროსემ თავისი არმია სამად დაჰყო და ცალ-ცალკე შეუტია რომაელთა ბანაკებს. თვითონ მეფე თავს დაესხა მეტელუს ცეღერის ბანაკს. სადაც მას შეპყრობილი სომეხი უფლისწული ეგულებოდა. ცეღერი მტრის მოულოდნელ თავდასხმას შედგრად დაუხვდა და ძლიერი კონტრშეტევით უკუაქცია იგი.

ალბანელთათვის განსაკუთრებით მძიმე შეიქმნა რომაულ „კასტრასთან“ (სამხედრო ბანაკი) ბრძოლა. ლუციუს ფლავუსს თავისი ბანაკისათვის ორრიგი თხრილები შემოეწყო და, როცა მან მოჩვენებითი უკუქცევით ალბანელები პირველი თხრილას შიგნით შეიტყუა, ლეგიონერები ერთბაშად მოუბრუნდნენ და ჩეხვაზე გადავიდნენ. ბევრმა უკუქცეულმა ალბანელმა ფართო თხრილის გადალახვა ველარ მოახერხა და შიგ ჩაიღუპა.

პომპეუსმა ბრძანება გასცა და სამივე ბანაკი ერთიან იერიშზე გადავიდა. მტკვრის გადალახვისას ალბანთა ლაშქარი კვლავ ძლიერ დაზარალდა.

ოროსემ რომაელებს დაზავება სთხოვა. პომპეუსმა ალბანთა ქვეყანაში შექრა ჭერჭერობით ნაადრევად ჩასთვალა და სამშვიდობო წინადადებაზე დათანხმდა.

65 წლის გაზაფხულზე რომაელები იბერთა მიწა-წყალზე შემოიღწარნენ.

მაშინ იბერიაში მეფობდა არტაგი.

იბერთა მეფემ მსოფლიო დამპყრობელთან გულდაგულ შეტაკება უსაზმნო საქმედ ჩასთვალა და პომპეუსს დესპანები გაუგზავნა სამეგობრო ურთიერთობის დასამყარებლად. არტაგი იმასაც ვარაუდობდა, რომ გულზვიადი რომაელი მთავარსარდალი, რომელსაც დიდძალი და მრავალი გამარჯვებებით გათამამებული არმიები ჰყავდა, დაზავებაზე ასე იოლად არ დათანხმდებოდა და ამიტომ პარალელურად ჯარების შეყრასა და საომარ სამზადისს შეუდგა.

პომპეუსი თავისი ლეგიონებით ისე სწრაფად მიადგა მცხეთის აკროპოლისს — არმაზციხეს, რომ არტაგისთვის მისგან შემოთავაზებულ ზავზე არც კი უპასუხნია.

არტაგმა ჯარების გამოყვანა ვერ მოასწრო, არმაზციხე მცირერიცხოვან ციხიონს მიანდო, თვითონ მტკვრის მარცხენა სანაპიროზე გადავიდა და ხიდი დასწვა, რომ ამით მცხეთისაკენ რომაელთა გადასვლა შეფერხებულიყო.

პომპეუსმა არმაზციხე აიღო. ქართლის სატახტოს გული მის ხელში მოექცა. რომაელი დამპყრობელი დაეუფლა დიდ სტრატეგიულ და ეკონომიურ ცენტრს, რომელიც ალბანეთისაკენ და სომხეთისაკენ გასასვლელი მოსახერხებელი გზების გასაღებად ითვლებოდა.

პომპეუსი ინდოეთიდან შავი და ხმელთაშუა ზღვებისაკენ მომავალ დიდი სავაჭრო გზის ცენტრში იდგა. აქ დააზუსტა პომპეუსმა: ინდოეთიდან ბაქტრიისა და ოქსის (ამუდარია-სირდარია) გამოვლით კასპიის ზღვამდე სავაჭრო ქარავენისთვის შეიღი დღე კმარა, ხოლო კასპიის ზღვიდან პონტოს ფასისამდე მტკვრით, ძირულითა და რიონით — ხუთი დღე. ბოლოს და ბოლოს, ამ გზით ინდურ საქონელს იტალიამდე ოცი-ოცდახუთი დღე თუ დასჭირდებოდა...

მაგრამ იბერია ჯერ დასაპყრობი ჰქონდა პომპეუსს.

არამზციხეში გარნიზონი დააყენა და მტკვრის ხელმარცხნივ გადასალახავად მოემზადა.

როცა არტაგი დარწმუნდა, რომ პომპეუსი მართო მტკვრის მარჯვენა სანაპიროების დაპყრობით არ კმაყოფილდებოდა, იძულებული გახდა, საზავო მოლაპარაკება განეახლებინა. მეფე მეგობრობას სთავაზობდა რომაელს. თან სურსათით დახმარებასა და მტკვარზე ხიდის აღდგენას აღუთქვამდა.

მეფემ დანაპირები შეასრულა, მაგრამ პომპეუსი იბერიის, ამ უცნაური, აქამდე დაუმორჩილებელი ქვეყნის სრულიად დასამორჩალებლად იყო მოსული და მაინც გადაიყვანა ჯარები მტკვრის მარცხენა სანაპიროზე.

არტაგი გადამწყვეტ ბრძოლას კვლავ განერიდა, მდინარე არაგვზე გადავიდა და ხიდი აქაც დასწვა.

რომაელები მდინარის გადალახვას შეუდგნენ. იბერიელები შეებნენ. მაგრამ ფრიად დაზარალდნენ.

პომპეუსი მტკვარ-არაგვის გზა-კვანძს მთლიანად ფლობდა, მაგრამ ეს მაინც არ იყო სრული გამარჯვება.

იბერიელები თარეშულ-პარტიზანულ ომზე გადავიდნენ. ღრმა და უსიერ ტყე-ღრეებში მიიწევდნენ, მტერს გზას უჭრიდნენ, ქვას აგორებდნენ, ზევებს სხლეტდნენ; მალალ ხეებზე საფრობდნენ და მომხდურთ მიზანაუცდენლად ესროდნენ ისარს. თვალშეუდგამი ტყეებიდან და წვეარამებიდან ელვასავით გამოიჭრებოდნენ, მტერს მიესაუბრდნენ და კვლავ ელვისებურად გაუჩინარდებოდნენ.

მაშინ რომაელებმა ტყეების გაჩეხვა და ცეცხლის წაკიდება დაიწყეს.

იბერიელი პარტიზანები ნადგურდებოდნენ.

დაჭრილ და დახოცილ ქართველ მეომართა შორის რომაელებმა შრავალი ქალი აღმოაჩინეს. გაოცება იმდენად ძლიერი იყო, რომში ხმა ჩავიდა, პომპეუსი აღმოსავლეთში ამაძონებს ებრძვისო.

არტაგმა ისევ გაგზავნა დესპანები პომპეუსთან, — კვლავ დაზავებას ითხოვდა. თან დიდი ძღვენი აახლა რომაელ სარდალს: ოქროს



ტახტო, ოქროს მაგიდა და ოქროს სარეცელი. მაგრამ რომელი მაინც უნდობლობას უცხადებდა იბერთა მეფეს და ზავის აუცილებელ პირობად მისი ვაჟების მძევლად აყვანას მოითხოვდა.

მეფე დიდხანს ყოყმანობდა, მაგრამ, როცა ზაფხულის ძლიერი სიციხისაგან არაგვის წყალმა კლება დაიწყო და რომაელებმაც მისი გადალახვა ადვილად შესძლეს, არტაგი დათანხმდა და პომპეუსს მძევლად გაუგზავნა თავისი შვილები.

არტაგი და პომპეუსი დაზავდნენ.

იბერია „რომაელი ხალხის მოკავშირედ და მეგობრად“ გამოცხადდა.

რაკი იბერიის მხრივ უშიშროება უზრუნველყო, პომპეუსმა არმიები კოლხეთისაკენ დასძრა. რომაელებმა გადაიარეს ლიხის მთა და ძირულა-რიონის ხეობაში დაეშვნენ. ისინი გზადაგზა ადგილობრივ ქართულ ტომთაგან ზოგს იმეგობრებდნენ, ზოგსაც იარაღით იმორჩილებდნენ.

ასე მიაღწიეს ქალაქ ფასისს, სადაც პომპეუსს მიეგება მისგანვე ზღვების სადარაჯოდ გამოგზავნილი ნავარქი სერვილიუსი. მისგან პომპეუსმა შეიტყო, რომ მითრიდატე კოლხეთიდან ბოსფორს წასულა. საბაბი, რომლითაც რომელი სარდალი თავის ლაშქრობას ამართლებდა, ადგილზე აღარ არსებობდა, მაგრამ მას ახლა არავითარი საბაბი აღარ სჭირდებოდა. ქვეყანა უკვე დალაშქრული და დამარცხებული იყო.

მკორე ფიქრის შემდეგ პომპეუსმა ირწმუნა, რომ იგი ვერ შესძლებდა ჩრდილოეთ შავი ზღვისპირეთში ლაშქრობას და გადაწყვიტა, ეს წელი (ისევ 65 წ.) ლეგენდარული კოლხეთის სრული დამორჩილებისათვის მოენდომებინა. მან ფასისიდან ჩრდილოეთისაკენ გაილაშქრა. ამბობდა, კავკასიონს უნდა ვეწვიო, პრომეთეს ტანჯვის ადგილს. რომაული პლუტოკრატის რჩეულს განსაკუთრებით აინტერესებდა კავკასიონის მთებიდან ჩამომდინარე ნაკადულების ოქროს ქვიშა და გრძელბეწვიანი ცხვრის ტყავებით ამ ოქროს შეგროვების კოლხური წესი.

მაგრამ, რაც უფრო ჩრდილოეთით მიიწევდნენ რომაელები, მით უფრო მარცხდებოდნენ მამაც მთიელ ქართველობასთან შეტაკებებში.

პომპეუსმა დროზე იცოდა თავის შეკავება. ამჯერადაც მან შეუძლებლად შეძლებაზე ხელი აიღო და სამხრეთისაკენ შემობრუნდა. დასავლეთ საქართველოს დაპყრობილი ტერიტორიები სამმართველოდ გადასცა ვილაც არისტარქეს, ზღვების მეთვალყურეობა ისევ სერვილიუსს დააჯალა, თვითონ კი ალბანეთის წინააღმდეგ დაიძრა.

## 7. რომაელები და ალბანელები

პომპეუსს უნდოდა, ალბანეთსაც ისევე მოულოდნელად დასხმოდა თავს, როგორც იბერias. იგი გაემართა ალბანეთისაკენ არა უმოკლესი გზით, არამედ სომხეთის გავლით, რათა იქიდან. სამხრეთიდან. მოულოდნელად შეჭრილიყო ამ უცხო ქვეყანაში.

კოლხეთიდან სომხეთისაკენ მიმავალ გზაზე მესხეთის მთებზე მცხოვრებმა „შვიდსოფლელებმა“ (შკვითინებმა) პომპეუსს სამი ცენტურია ამოუყლიტეს. თურმე უცხო, დაუპატიებელ სტუმრებს შვიდსოფლელებმა ველური თავლი გამოუფინეს გზაზე. რომაელები თავლს დაეხარბნენ, დაბრუვდნენ და გონწართმეულნი ბატის ქუეცივიტ დაუუყეს მასპინძლებმა.

პომპეუსი სომხეთს მივიდა. სომხეთი წყნარად დახვდა. აქედან იგი ჩრდილოეთისაკენ გაეშურა და მდინარე მტკვარს მიადგა დღევანდელი ყაზახისა და აღსტაფის მახლობლად. მდინარის მარცხენა ნაპირი მაღალი ხის ღობურებით იყო გამაგრებული. რომაელებმა მაინც შეძლეს მეორე ნაპირზე გადასვლა. ისევ იბერთა მიწაზე იდგნენ. რამდენიმე დღის განმავლობაში მიემართებოდნენ კამბეჩოვანის სიციხიან ველებზე. ძლივს მილასლასებდნენ სიციხისა და წყურვილისაგან დაოსებულნი. ტყვე მეგზურები ცდილობდნენ არასწორი გზით წაეყვანათ დაუპატიებელი სტუმრები.

ბოლოს, პომპეუსის ლაშქარი მიადგა მდინარე იორს. წყურვილისაგან დატანჯული მეომრები და ცხოველები ხარბად დაეწაფნენ ცივ წყალს. ბევრს მუცლის გვრემა დამართა უზომო წყლის სმაჰ.

იორიდან ალაზნამდე იარეს, იბერიის მიწა-წყალი განასრულეს და ალბანეთის მიწებზე შედგეს ფეხი.

ალაზნის გადალახვისთანავე პომპეუსმა მიიღო ცნობა, რომ ახლოვდებოდა ალბანთა მეფე ოროისე 60.000 ქვეითი მეომრითა და 12.000 ცხენოსნით.

პომპეუსს გაცილებით მრავალრიცხოვანი არმია ჰყავდა. მან წინა ხაზზე გააწყო კავალერია; მის უკან ფარებს ამოფარებული ქვეითი ლეგიონები დაალაგა, დაჩოქილნი, — მტერს რომ არ შეენიშნა მისი რიცხოზრივი უპირატესობა.

ალბანელები დანახვისთანავე ეძგვრნენ რომაელ მხედრობას. პომპეუსის ცხენოსნებმა მტერს ზურგი აქციეს და გზა გაუხსნეს უკან ჩასაფრებულ ლეგიონებს. ლეგიონებიც აღიმართნენ ჩვეული მრისხანებით. ნადირთა ტყავით შემოსილი ალბანელები უსაზნოდ აწყდებოდნენ მსოფლიოში უპირველესი საომარი აღჭურვილობისა და გაწვრთნილობის მქონე რომაელთ.

ოროისეს ძმა, კოსისი, პომპეუსს მიეჭრა და მკერდში მძლავრად აძგერა შუბი. რომაელის ფარფლებიანმა ბეჭთარმა აისხლიტა ალბანელის შუბი. წამსვე პომპეუსმა მოიქნია მახვილი. კოსისი შუაგაჩხილი გადმოეშვა ცხენიდან.

რომაელთა მხედრობამ ფლანგებიდან შეუტია მტერს. ალბანელნი ალყაში მოექცნენ და განადგურდნენ. ცოტანი გადარჩნენ სიკვდილს.

პომპეუსს განზრახული ჰქონდა კასპიის ზღვამდე მისულიყო. სამი დღის განმავლობაში მიიწევდნენ კასპიისაკენ. მაგრამ სიციხეების, უწყლობისა და შხამიან ქვემძრომთაგან შეძრწუნებულმა მეომრებმა უარი განაცხადეს შემდგომ წინსვლაზე.

პომპეუსს ლუკულუსის ბედი გაახსენდა: ლეგიონები რომ აუჯანყდნენ აღმოსავლეთში. ამიტომ იგი დათანხმდა ალბანთა მეფის თხოვნას და ზავი შეკრა მასთან.

## 8. მითრიდატის ალსასრული

მომდევნო 64 წელს პომპეუსი ალბანეთიდან სომხეთს დაბრუნდა, ხოლო იქიდან, მცირე სომხეთის გავლით, პონტოში ჩავიდა.

პომპეუსი პონტოს სამეფოს მდიდარ ქალაქებსა და ციხესიმაგრეებში წლობით დაგროვილი და მტკიცედ დაცული ძვირფასი საკუთრებების მფლობელი შეიქნა. მარტო ციხესიმაგრე ტალავრაში პომპეუსს ხელში ჩაუვარდა მითრიდატეს 2,000 ოქროცურვილი ონიქსის ფიალა, უთვალავი ძვირფასი ჭიქა, ყანწები, ჭურჭელი, მოქარგულ-მოსეუადებული ტახტები, სავარძლები, ცხენთა მოკაზმულობანი — ყველაფერი ოქროთი მოოქვილი. მარტო დათვლასა და აღრიცხვას ერთი თვე დასჭირდა.

მეორეგან, ახალციხეში (მცირე აზიაში) პომპეუსმა ხელთ იგდო მითრიდატე პონტოელის მთელი არჩივი, სადაც აღმოჩნდა მეფის საიდუმლო წერილები, მემუარები. მეცნიერული ნარკვევები, წერილობითი განკარგულებანი და ღონისძიებანი. აქ ნაპოვნი დოკუმენტებიდან (რომელთაგან ჩვენამდე არაფერს მოუღწევია) ნათელი ეფინებოდა პონტოელი ხელმწიფის სამხედრო და პოლიტიკურ გეგმებს, მის ყოველ ზრახვასა და ღონისძიებას, ოჯახურ ამბებს, მეფის დარდიმანჯულ-ბოჭემურ ავანტიურებს, რომანტიულ-ინტიმურ იდილიებსა და სხვა პირადულ ვნებებს.

63 წელს პომპეუსმა და მაშინდელმა მსოფლიომ შეიტყო იმ დროს ყველაზე სახელგანსმენილი კაცის, მითრიდატე პონტოელის სიკვდილის ამბავი.

ეს ასე მოხდა...

66—65 წლების ზამთარი მითრიდატემ კოლხეთში გაატარა. აქ მან დაიწყო ფიქრი იმის შესახებ, თუ რისთვის და როგორ გამოეყენებია მას თავისი სვეგამწარებული სიცოცხლის უკანასკნელი წლები. ანუ, რა გეგმებითა და გზებით განეხორციელებინა მას საძულველი რომაელების წინააღმდეგ ახალი ბრძოლები. მას არასგზით არ სურდა, თუნდაც სიკვდილ-სიცოცხლის განსადრეველზე, ზელიდან გაეგდო „მგლის ნაშიერთა“ წინააღმდეგ შეუთრიგებელი ბრძოლის დროშა.

ჯერ მოლაღატე შვილი, მახარე, უნდა ჩამოეგდო ბოსფორის სამეფო ტახტიდან. მერე, ბოსფორშივე უნდა შეეყარა ახალი დიდი არმია. ამისთვის იგი ურთიერთობას გააბამდა მთელი შავი ზღვის გარშემო და ევროპის სიღრმეში მცხოვრებ ტომებთან. მათი დახმარებით ის შემოუვლიდა ჩრდილოეთიდან შავ ზღვას, გაივლიდა თრაკიას, მაკედონიას, შევიდოდა დასავლეთ ევროპაში, იქაც შეჰკრებდა კელტებისა და სხვა ევროპულ-ბარბაროსულ ტომთა ჯარებს. გადალახვდა ალპებს და ასეთი, მანამდე გაუგონრად გრანდიოზული ძალებით, შეიჭრებოდა იტალიაში და დაესხმოდა საძულველი მტრების ბუდეს, რომს.

ასეთი იყო მისი ახალი საომარი გეგმა რომის დასამხობად.

მითრიდატე 65 წლის გაზაფხულზე ყირიმისაკენ გაემშურა ხმელეთის გზით. გზა და გზა იგი იმხრობდა შავი ზღვის ჩრდილო-აღმოსავლეთ სანაპიროებზე მცხოვრებ ტომებს — ჰენიოხებს, აქეელებს, იაზიგებს. ის კარგა მოზრდილი ძალებით ჩავიდა ყირიმში.

მითრიდატეს მოულოდნელმა გამოჩენამ თავზარი დასცა მის მტრებს, განსაკუთრებით მოლაღატე შვილს. მახარემ მამას შუაპავალნი მიუგზავნა და პატიება ითხოვა. მაგრამ ისიც შეიტყო, რომ მითრიდატეს მრისხანებას საზღვარი არ ჰქონდა. თანაც, მახარე ყველამ მიატოვა და, ზოგი გულითადი სურვილით, ზოგიც შიშით, მოხუცი მეფის მხარეზე გადავიდა. მახარე თავისიანთა თანხლებით გაიქცა. მითრიდატემ მღვეარი გამოადევნა. ყველანი შეიპყრეს. ყველას თავები დააყრვეინეს.

მეფე ორი წლის განმავლობაში საკვირველი ენერგიითა და ენთუზიაზმით ემზადებოდა სარევანშო ბრძოლებისათვის. თავისი ძალაუფლების ქვეშ იკრებდა შავი ზღვის ჩრდილოეთ სანაპიროებს. იერთებდა ზოგს დარწმუნებით, ზოგსაც ძალით. უმოყვრდებოდა სკვითთა ბელადებს. ჰკრებდა ჯარებს „თავისუფალთაგან და მონათაგან“. აგებდა ფლოტს, სკედდა საომარ საჰაეროებს, აწობდა საომარ-საფორტიფიკაციო მანქანებს.

მაგრამ მსტონი ხელმწიფის გეგმებს ჭანჭორცილება არ ეწე-  
რა: ჯერ, თვით მის ახლობელთა შორის იზღარებოდა შეთქმულების  
და ღალატის ხვანჯები. მისმა ცოლმა სტრატონიკამ საიდუმლო მო-  
ლაპარაკება გააბა პომპეუსთან. იგი ატყობინებდა რომაელს, სად,  
რომელ ადგილებში, რომელ ძელმიწურებში და სიმაგრეებში ინახავ-  
და მეფე საომარი სამზადისისათვის საჭირო საგნებს, თანხებს, სა-  
ჭურჭლეებს. ამის საფასურად სტრატონიკა პომპეუსს სთხოვდა, რო-  
ცა თქვენ „ამ ბოროტ მოხუცს“ მოსპობთ და სრულ გამარჯვებას მოი-  
პოვებთ, ჩემ შვილს, ქსითარას, სიცოცხლე შეუნარჩუნეო.

მითრიდატემ შეიტყო მორიგი ცოლის მორიგი ღალატი. გაცოფე-  
ბულმა მეფემ ღვიძლ შვილს, ქსითარას დედის თვალწინ ყელი გამოს-  
ქრა და დაუსაფლაველად ყვაე-ყორნების არჩივად დააგდო.

ამას ახალი შეთქმულება მოჰყვა. შეთქმულების მოთავე შექნი-  
ლა მითრიდატეს უსაყვარლესი შვილი, მის მიერვე ტახტის მემკვიდ-  
რედ გამოცხადებული ფარნაკე. მეფემ შეიტყო ღალატი მისი  
გულის რჩეულისა. ფარნაკე უეჭველ სიკვდილს გადაარჩინა მეფის  
უახლოესმა მრჩეველმა მენოთანმა. ამოდენა ლაშქრობისათვის მზა-  
დების დროს არ ღირს ესოდენ დაფასებული ვაჟის დასჯაო, — ჩას-  
ჩიხინებდა ის სიბრავისაგან გამხეცებულ მითრიდატეს. მეფემ გულის  
ჯავრი შვილის თანაშეთქმულთა სიკვდილით იყარა.

მითრიდატეს მალე ახალი უბედურება ეწვია. აჯანყდა ქალაქი  
ფანაგორია (ტამანის ნახევარკუნძულზე), სადაც მოემწყვდნენ მეფის  
შვილები: არტაქსერქსე, არტაფერნი, დარიოსი, ქსერქსე, ოქსათრი,  
ევპატრა და კლეოპატრა. ყველა ისინი აჯანყებულებმა იგდეს ხელთ.  
მხოლოდ კლეოპატრამ გასაოცარი სიმამაცით და მოხერხებით დააღ-  
წია თავი მტერს და მიაღწია პანტიკაპეას, სადაც მაშინ იმყოფებოდა  
თვითონ მითრიდატე. ფანაგორიის აჯანყებულს შემდეგ პონტოს მეფეს  
გადაუდგნენ ხერსონესი და თეოდოსია.

მეფის გეგმები სწრაფად მიექანებოდნენ უფსკრულისკენ.

გადასახადები, რომელიც მითრიდატემ საომარი სამზადისის საჭი-  
როებისათვის დააწესა, სულს ხდიდა მოსახლეობას და მღელვარე-  
ბას იწვევდა მასში. „ყველას დაადვა გადასახადი, თვით უკიდურეს  
ღარიბებსაც კი. გადასახადის შემკრები მოხელენი ძალზე ავიწრო-  
ებდნენ ხალხს...“ ამდენად, ადგილობრივ მოსახლეობაში, რომელიც  
ახალ დიდ ომში მითრიდატეს ძირითადი დასაყრდენი უნდა ყოფი-  
ლიყო, მისი გეგმები არა თუ თანაგრძნობით არ სარგებლობდა. არა-  
მედ უკმაყოფილებასაც იწვევდა და აჯანყების საშიშროებასაც  
ქმნიდა.

ახალი ლაშქარიც, რომელიც მეფემ შეკრიბა, ახალი წამოწყების

მიმართ ძალიან ცუდად იყო განწყობილი. ჯარი ყოყმანობდა უმთავრესად ახალი საომარი წამოწყების უსაზმნო გრანდიოზულობისა და საექვო პერსპექტივის გამო. „არ სურდათ გამგზავრება შორეულსა და ხანგრძლივ ლაშქრობაში, უცხო ქვეყანაში იმ ხალხის წინააღმდეგ. ვისი დამარცხებაც მათ თავიანთ ტერიტორიაზე ვერ მოახერხეს“.

მითრიდატეს აღარც ძველი, ერთგული, რომაელებთან რკენაში ნაწრთობი ვეტერანი სარდლები და თანაშემწეები დარჩენია, ხოლო ახალი სარდლები ჯარისკაცებში პატივისცემითა და ნდობით ვერ სარგებლობდნენ.

ამრიგად, მითრიდატე მისი ბედუკუღმართი თავგადასავლებისა და ასაკის მიუხედავად, თითქმის სრულიად მარტოდმარტო დარჩენილი, საოცარი ენერგიითა და ფანატიზმით შეპყრობილი, ცდილობდა აწ განუხორციელებლის განხორციელებას. ის ერთ ხანზე ავადმყოფობდა კიდევ. სახეზე მუწუკები დაეფინა და მისი ხილვა მხოლოდ მის მკურნალ საჭურისებს შეეძლოთ. მალე გამოჯანსაღდა, მაგრამ მზის სინათლეზე გამოსული მეფე სულ მალე სამარადისო ბნელეთის გზას უნდა დასდგომოდა...

ბოსფორში მეტისმეტად დაძაბულ ატმოსფეროს მძლავრი აჯანყების ხანძარი მოჰყვა, რომელშიც ჩაინთქა მითრიდატე ევპატორის უკანასკნელი იდეალები.

აჯანყებას სათავეში ედგა ისევ მითრიდატეს რჩეული ვაჟი ფარნაკე.

გარიყრაჟისას მითრიდატე საშინელმა ყიყინამ და ღრიანცელმა გამოაღვიძა. იმ წამსვე ფეხზე წამოიჭრა და მცველები აფრინა ამბის შესატყობად. მალე შეატყობინეს, რომ მთელი არმია და ხალხი აღარ სცნობენ მის ძალაუფლებას. აჯანყებულები პირდაპირ უთვლიდნენ: გვსურს, მეფედ იყოს შენი ვაჟი ფარნაკე, ახალგაზრდა და ჯანღონით სავსე, ნაცვლად მოხუცი, სასტიკი და შეუბრალებელი მითრიდატესი, რომელიც არავის ზოგავს, ხოცავს საკუთარ შვილებს, მეგობრებს, ახლობლებს, სტანჯავს ხალხს.

მითრიდატე პირადი გვარდიის თანხლებით თვითონ გაეშურა მოაჯანყე შვილის ბანაკისაკენ. მაგრამ მცველმა რაზმებმა უეცრად მიატოვეს და ფარნაკეს კარავისაკენ გაქუსლეს. ფარნაკემ ბრძანება შეაგება: თუ მართლა ერთგულებისთვის მოდიხართ, ჯერ მეფე შეიპყრით და ცოცხლად მომგვარეთო. გვარდიელები შემობრუნდნენ მითრიდატეს შესაპყრობად. მეფემ მტერთა განაზრახი შეიტყო და ცხენი მოსხლიტა. მაგრამ გვარდიელებმა ისრის სეტყვა დააყარეს

და ცხენი მოუკლეს. მოხუცმა მეფემ ფეხდაფეხ შეასწრო ციხე-სიმაგრეში.

მეფე მაღალ გოდოლზე ავიდა და იქიდან დაინახა, როგორ მორთეს აჯანყებულებმა მისი შვილი მეფის ტანსაცმელში, თავზე გვირგვინის მანამსგავსად რაღაც ღეროიანი თავსამკაული დაადგეს, წინ ღრიანცვლით გაიძლოლეს და ციხესიმაგრეს ალყა შემოარტყეს.

მითრიდატემ შვილთან დაზავება სცადა. მან ზედიზედ აახლა თავისიანნი ფარნაკეს. იგი სთხოვდა შვილს, დაენდო მამის სიცოცხლე ესე, ვითარცა მამამ შეინდო შვილი ამასწინანდელი ღალატისათვის. უკიდურეს შემთხვევაში, იმდენი გულმოწყალება მაინც გამოიჩინე, უვნებლად წასვლის ნება მომეცი და სამეფო ტახტი შენთვის დაგილოცნიაო, — ემუდარებოდა მითრიდატე შვილს.

მაგრამ ფარნაკე მამაზე უფრო სასტიკი და შეუბრალებელი აღმოჩნდა.

ის ურყევად იღვა თავის გადაწყვეტილებაზე: მითრიდატე უნდა მომკვდარიყო.

რა ვაეწყობა: უნდა მომკვდარიყო. მითრიდატე აღმოჩნდა ის კაცი, რომელმაც მთელს თავის ღალატით გარშემორტყმულ ცხოვრებაში მხოლოდ ერთჯერ აპატია ღალატისათვის, ისიც თავის ღვიძლ შვილს: — და ეს ერთადერთი პატიებაც მისთვის საბედისწერო გამოდგა. მამამ შვილისაგან შეწყალებისათვის სამაგიერო შეწყალება ვერ მიიღო.

მითრიდატეს თითქოს არც კი გაჰკვირვებია შვილის ასეთი უმადურობა, თითქოს კიდევაც მოეწონა მისი სისხლიერის ასეთი სიმტკიცე, სისატიკეში განსახებული.

მეფემ მასთან შემორჩენილი უკანასკნელი ერთგული მხლებლები იხპო, ქება-დიდებათ შეამკო ერთგულებისათვის, უხვი საბოძვართაც აავსო ისინი და მერე უბრძანა წასულიყვნენ ახალ მეფესთან. ისინიც დაემშვიდობნენ და წავიდნენ.

მითრიდატესთან მისი ქალიშვილები დარჩნენ, მითრიდატისი და ნისა.

ქალებთან ბიტოიტი იღვა, მითრიდატეს უერთგულესი მსახური და საჭურველმტვირთველი, წარმოშობით კელტი. ბიტოიტმა მეფეს უარი უთხრა მარტო დატოვებაზე.

მეფემ მშვიდად გახსნა ხმლის ქარქაში და საწამლავი ამოიღო. საწამლავს იგი მუდამ განუყრელად თან ატარებდა.

შვილები მღუპარედ, შეგრძნებულად და განლიგებულად ადევნებდნენ თვალს.

მეფემ საწამლავი შეაზავა ფიალაში.

ასევე მოიქცნენ მისი ქალიშვილები, მითრიდატისი და ნისა.

(მითრიდატისი ეგვიპტის მეფეზე იყო დანიშნული, ნისა — კვიპროსის მეფეზე).

მამასავით უჭიათად ექრებოდნენ სიკვდილს ქალები. მხოლოდ ეს იყო, მამას სთხოვეს, პირველად ჩვენ მივიღებთო საწამლავს, რამეთუ არ გვსურს ვიხილოთ მოხუცი მშობლის ტანჯვით სიკვდილიო. რაოდენ მძიმე უნდა ყოფილიყო მამისათვის ამ თხოვნის შესრულება, მაგრამ მაინც ადასრულა შვილების ბოლო სურვილი.

მითრიდატეს ასულნი საწამლავის დაღვევისთანავე უსულოდ დაეცნენ.

მეფემაც სულმოუთქმელად დასცალა ფიალა.

გარნა საწამლავმა არ იმოქმედა!

მითრიდატე ხომ საკმელს ისე არ ჰამდა, თუ შიგ წინასწარ ანტი-საწამლავს არ შეაზავებდა. ამის გამო მის სხეულს წამალსაწინააღმდეგო ძლიერი იმუნიტეტი გამოუშუშავებია.

მეფემ სირბილი ატეხა. დიდხანს მირბი-მორბოდა, იქნებ იმოქმედოსო საწამლავმა, მაგრამ ამაოდ.

იგი შესდგა. კარებთან ბიტოიტი შენიშნა. უცებ რაღაც გაახსენდა და ბიტოეტს შესძახა:

„დიდ დახმარებას მიწევდა შენი მარჯვენა საომარ ველზე; მაგრამ ახლა უნდა გამიწიოს ყველაზე დიდი დახმარება: დაუყოვნებლივ უნდა მომისპო სიცოცხლე! უნდა მომკლა, თორემ მე მელის სამარცხვინო ტყვეობა და საძულველი რომის ქუჩებში დონდლო პომპეუსის ტრიუმფში გატარება. ასეთი რამე მომელის მე, რომელიც ამდენხანს ვიყავ ამ ქვეყნის თვითმპყრობელი. მე შხამი ვერ მკლავს იმის გამო, რომ მე უგუნური, თავის დაზღვევის მიზნით, წინასწარ ვიღებდი თავის გადარჩენის საშუალებებს სხვა საწამლავთა სახით. ზოლო ყველაზე საშინელი და მეფეთა ცხოვრებაში ესოდენ ჩვეულებრივი საწამლავი — ჯარის, მეგობრებისა და შვილების დაღატი — მე ვერ გამითვალისწინებია... და ახლა მე უნდა მომკლა შენ! უნდა მომკლა!“

ერთგულმა მსახურმა შეუსრულა უკანასკნელი თხოვნა თავის მპრძანებელს: მან მითრიდატეს გამოშვერილ კისერს მახვილი მძლავრად დაჰკრა...



კომპიუტერი არაბეთის უკიდურეს ჩრდილო-დასავლეთის ქალაქ პეტრასთან ბანაკად იდგა. მთავარსარდალს ამპარტავნული კოჭიაობა უყვარდა ჭარისკაცთა წინაშე. იმ დღესაც ცხენს დააჯირითებდა მეომართა შესახედავად. შესანიშნავი მოჯირითე და გიმნასტი იყო. უცებ შიკრიკები გამოჩნდნენ, დაქანცულნი, გაოფლიანებულ ცხენებზე ამხედრებულნი. თურმე პონტოდან მოისწრაფოდნენ. სახეზე რაღაც უსაზღვრო სიხარული აღბეჭდოდათ, შუბებიც დაფნის რტოებით შეემკოთ.

სარდალი თითქოს მიხვდა, რაც უნდა მომხდარიყო, მაგრამ ჯარისკაცთა წინაშე ზვიადი სიღინჯის დარღვევა არ სურდა და კვლავ განაგრძობდა ჯირითს.

მაგრამ როცა მთელი ბანაკი წამოიშალა და ჩვეულებრივი ღრიალით ახალი ამბის გამოქვეყნება მოითხოვა, კომპიუტერი ცხენიდან გადმოხტა, შიკრიკებს ბარათი ჩამოართვა, ტრიბუნაზე ავიდა და გამოაცხადა: ამ ქვეყნად აღარ არსებობს რომაელთა ყველაზე დაუძინებელი მტერი მითრიდატე პონტოელი. იგი დაამხო აჯანყებამ, რომელსაც მისი შვილი ფარნაკე მეთაურობდა; ხოლო თვით ფარნაკე, ბოსფორის ახალი მეფე, მორჩილებას უცხადებს რომს და პირადად იმპერატორ გნეუს კომპიუტერს.

აუწერელი იყო აღტაცება, რაც ამ ამბავმა გამოიწვია რომაელთ შორის. მთელი კვირა, დღე-ღამეების მანძილზე, არ წყდებოდა ნადიმ-ღრეობანი, ზორვანი და ბაქხანალიანი. ყველამ ირწმუნა, რომ მითრიდატეს სიკვდილი ათასობით მტრის სიკვდილს უდრიდა.

კომპიუტერმა ბანაკი აპყარა და პონტოსაკენ გაეშურა. ის ჩავიდა ამისოსში, სადაც მას დახვდა ფარნაკესგან გამოგზავნილი უმდიდრესი ძღვენი, უძვირფასესი ნივთები და მათთან — დახოცილთა გვამები.

აქ იყო მითრიდატეს ცხედარი. სახეზე აღარ იცნობოდა სახიერებით განთქმული მეფე. — ბალზამირებისას თავის ტვინის ამოღება დავიწყნოდათ და ხრწნა მოჰყოლა თავ-პირზე. მეფე მისი საარაკო ტანსრულობითა და კრილობების სიმრავლით იცნეს. კომპიუტერი განაცვიფრა მითრიდატეს გოლიათურმა ანაგებამ და საომარმა აღკანძობობამ.

კომპიუტერის ბრძანებით მითრიდატე სინოპში წაასვენეს და იქ დაკრძალეს, პონტოელ მეფეთა საძვალეში. მეფის პირადი საგნები რომაელებმა დაიტაცეს...

ამიერკავკასიის დამორჩილების შემდგომ პომპეუსმა წარმატებით დალაშქრა და დაიპყრო სირია, ფინიკია და პალესტინა.

61 წელს ძლევამოსილი გნეუს პომპეუსი აზიიდან იტალიისაკენ გაეშურა. აპენინს უახლოვდებოდა იმპერატორი, რომლის საგანგებო, უმაღლესმა იმპერიულმა ძალაუფლებამ რომს დაუმორჩილა ყველა ქვეყანა, „რომელთაც კი მზე თავის სხივებს მიმოასხივებს“. არაჩვეულებრივად დიდი იყო რომში ის აღტაცება, რაც შედეგად ნოჰყვა უთავყამო „მითრიდატული ომების“ ყამგანსრულებას. და საერთოდ მუდამ მოუსვენარ „აღმოსავლურ საქმეთაგან მოსვენებას“. არაჩვეულებრივი მიღება, ტიუმფალური შეხვედრა ელოდა იმპერატორს, რომელმაც შეძლო მრისხანე აღმოსავლეთის, მანამდე დაუძლეველ ქართველთა, „შმაგად მეომრულ კოლხთა“, მამაც სომეხთა და შორეულ ალბანთა დამორჩილება.

როგორც ტრიუმფატორს ეკადრებოდა, პომპეუსი ჩააყენეს მოოქრულ ეტლში, რომელსაც მორთულ-მოკაზმული ოთხი თეთრი მერანი მოაქანებდა. თვით ტრიუმფატორს ტანთ ეცვა უძვირფასესი სამოსნი, მითრიდატეს გარდერობიდან მოტაცებულნი. თავზე ეხურა დაჯნის გვირგვინი; თავის სწორად მონას ხელთ ეპყრა ოქროს გვირგვინი — „კორონა ტრიუმფალის“. ტრიუმფატორის ეტლს გარს ეხვივნენ თეთრ ტოგებში გამოწყობილი თანამებრძოლნი და ახლობელნი. ტრიუმფატორის წინ მოჰქონდათ დაფები პომპეუსისაგან დაპყრობილი ქვეყნების აღნუსხვით; იქ ეწერა: პონტო, სომხეთი, კაპადოკია, პატლაგონია, მიდია, კოლხეთი, იბერია, ალბანეთი, სირია, კილიკია, მესოპოტამია, ფინიკია, პალესტინა, იუდეა, არაბეთი და მეკობრეთა თავშესაფარნი. იქვე აღნიშნული იყო, რომ პომპეუსმა აღმოსავლურ ლაშქრობათა წყალობით რომის სახელმწიფო ხაზინაში შეიტანა 20.000 ტალანტი (48.000.000 მან. ოქრ.), ხოლო ვერცხლის ფული 75.100.000 დრაქმის რაოდენობით. ოქროს მოხარბე რომელნი თვალებით სჰამდნენ იბერიის ხელმწიფისეულ ოქროს ტახტს, ოქროს სარეცელსა და ოქროს მაგიდას; ასევე მითრიდატესეულ სამეფო კვერთხსა და თვით მითრიდატეს ცხრა წყრთის სიმაღლე ბაჯაღლო ოქროს ქანდაკებას. მოაქანებდნენ მოოქრულ ეტლებსა და ტახტრევანებს; მოდიოდნენ აურაცხელი აღმოსავლური ნაძარცვით, ჭურჭლეულით, აღჭურვილობითა და სხვა მრავალსახოვანი ნივთებით დატვირთული საზიდარები.

პომპეუსის ტრიუმფს „ამშვენებდნენ“ აღმოსავლეთის დამარცხებულ მბრძანებელთა უმაღლესი მოხელენი, სარდლები და უფლისწულები, ზოგი ტყვენი, ზოგი მძევალნი, სულ 324 ადამიანი. აქ იყვნენ: მითრიდატეს ხუთი ვაჟი (არტაფერნი, კიროსი, ოქსართი,

დარიოსი და ქსერქსე) და ორი ასული (ორსაბარისი და ევპატრა), კოლხთა ბატონი ოლთაკე, სომეხი უფლისწული ტიგრან მრწემი თავისი ცოლ-შვილით, სამი იბერიელი სარდალი, ორი ალბანელი სარდალი, იუდეველთა მეფე არისტობულე, მითრიდატეს კავალერიის უფროსი მენანდრე, კილიკიის მმართველნი და სკვითთა სეფე-ქ-ლ-ნი. მოჰქონდათ ტიგრანისა და მითრიდატეს გამოსახულებანი: როგორ იბრძოდნენ ისინი, დამარცხდნენ და გაიქცნენ. გამოხატული იყო, როგორ ჰქონდა მითრიდატეს ალყა შემორტყმული და როგორ მოკვდა იგი. აქვე ჩანდნენ მისი ასულნი, რომელთაც მამასთან ერთად ირჩიეს სიკვდილი. იქვე გამოხატულნი იყვნენ აღმოსავლური ღწერ-თები ადგილობრივ სამოსელში. მოჰქონდათ აგრეთვე დაფა, რომელზედაც ეწერა: „ხომალდები სპილენძის საბრძოლო ცხვირით წამოყვანილია 800; ქალაქები დაარსებულია: კაპადოკიაში 8, კილიკიასა და კელესირიაში 20; დამარცხებული არიან სომხეთის მცდე ტიგრანი, არტაგ იბერიელი, ოროსე ალბანელი, მიდიის მეფე დარიოსი, ნაბატეის მეფე არეთა, ანტიოქე კომაგენელი“.


შემდგომ ტრიუმფისა, რომელიც ორ დღეს გაგრძელდა, ბრძვეუსის ბრძანებით ტყვეთაგან მხოლოდ ორი დასაჯეს სიკვდილით — სომეხი უფლისწული ტიგრანი და იუდეის მეფე არისტობულე. დანარჩენი ტყვეები მცირეოდენი დროის შემდგომ თავიანთ სამშობლოში დააბრუნეს...

ასე დასრულდა დიდი აღმოსავლური კამპანია — მთელი დასავლეთი აზია რომს ემორჩილებოდა. ასორმოცდაათწლოვანი ჭიკაძელი აღმოსავლეთსა და დასავლეთს შორის დასავლეთის გამარჯვებით დამთავრდა. პომპეუსის ტრიუმფი რომს მოეწონა არა მარტო როგორც ბრწყინვალე გვირგვინი „აღმოსავლური ეპოპეის“ რომის სასარგებლოდ გადაწყვეტისა, არამედ როგორც კვლავინდებური, უფრო მტკიცე დადასტურება „იმპერიის გონივრულობისა“ და „არისტოკრატიულ-ოლიგარქიული რესპუბლიკის“ ეამგასულობისა.

მაშ, ისევ აღმოსავლურ „ბაზისზე“ ფენდამკვიდრებული მოვიდა რომში ახალი „იმპერიული ძალა“, რომელმაც სატრიუმფო გვირგვინთა შორის რომის ფორუმზე გამოატარა ყველაზე დიდი გვირგვინი — გვირგვინი იმპერიისა, დიქტატურისა, მონარქიისა. იგი ისევ აღმოსავლეთის გზით მოვიდა რომს.

ჯანდაცლილმა „რესპუბლიკამ“ უკანასკნელ ძალებს მოუხმო და ერთხელ კიდევ სცადა „იმპერიის“ მოგერიება: სენატმა უარი თქვა პომპეუსის აღმოსავლურ ღონისძიებათა დამტკიცებაზე და მისი „უსამშობლო“ ვეტერანებისათვის მიწის დარიგებაზე. პომპეუსი არ

იყო სულასავით შემტევი და შემმართველი. ამიტომ „ძალამ“ (პომპეუსი) არჩია მიეღო კავშირი „ნიჰისა“ (კეისარი) და „ფულისა“ (კრასუსი). ძვ. წ. 60 წელს „ტრიუმვირტი“ (სამი კაცის კავშირი) შეუდგა მხრებით იმპერიის მძიმე და მომხიბლავ გვირგვინს. ეს უცნაური „ტრიარქია“ ეწინააღმდეგა „მონარქიის“ მუდმივ აღიარებას რომის ფორუმზე. ჭერჯერობით „სამთავიან ურჩხულში“ იქნა განსახელებული ფაქტიური დამკვიდრება რომაული იმპერიისა. ხოლო სულ მალე პომპეუსისა და კეისრის სისხლიანი ბრძოლები ერთპიროვნული ხელისუფლებისათვის და შემდგომ ცალკე კეისრის ნამდვილი, სრულქმნილი მონარქიული იმპერიუმი ერთჯერ და სამუდამოდ ადასტურებენ „რომაული რესპუბლიკის“ ნამდვილ, „რეალურ სიკვდილს“...



„მე, უბედური სიმამაცე,  
აქ, აიაქსის საფლავთან ეზივარ“.

ბერძნული ეპიგრამა.

„ომი შეიქნა ცისკრისა უამსა,  
ცისკრისა უამსა, გამოენიასა;  
გამოენიასა კნევა სმალისა;  
კნევა სმალისა, ძგერა შუბისა;  
ძგერა შუბისა, შუბის ნალეწი;  
შუბის ნალეწი ზეტას ცვივოდა;  
ზეტას ცვივოდა, ჩამოცვივოდა;  
ჩამოცვივოდა მესამე დღესა.“

ქართული ლექსი.

პლუტარქე ამბობს:

„რამდენადაც დროის მდინარება უსასრულოა, სოლო ბედი დიდად ცვალებადი და დაუდგარი, ამიტომ არ უნდა გაგვიკვირდეს, რომ ისტორიაში ხშირად ხდება ერთიმეორის მსგავსი ამბები“.

კლიოს — ისტორიის მუზას — მართლაც უყვარს სხვადასხვა ხალხთა და დრო-ჟამთა ბედობლის ერთმანეთთან დამსგავსება და „დანათესავება“.

ეს წიგნიც სწორედ ერთიმეორის მსგავს საისტორიო მოვლენებზე მოგვითხრობს.

ეს არის ორი ისტორიული ეპოპეა ორი სახელოვანი ხალხისა: ბერძნებისა და ქართველებისა; საარაკო ორი გმირობა ბერძენ-სპარტელთა და ქართველ-არაგველთა.

2275 წელი ამორებს ერთმანეთისაგან ამ ორ ამბავს, ბევრი რამეც განასხვავებს მათ ერთმანეთისაგან, მაგრამ მსგავსებანი მაინც ასეთია:

ერთნაირად: სამას-სამასი;

ერთნაირად: სამასი — მრავალათასეულის პირისპირ;

ერთნაირად: სპარსელ დამპყრობთა პირისპირ;

ერთნაირად: უზენაესი სიყვარული მამულისადმი;

ერთნაირად: უზენაესი მეომრული შემართება;

ერთნაირად: უზენაესი სიკვდილით სიკვდილი;

ერთნაირად: სიკვდილითა სიკვდილის დათრგუნვა;

ერთნაირად: უკვდავება თესლით თესლამდე, უკუნითი უკუნისამდე.

მაშ, იხილე, კეთილო მკითხველო, გმირობანი სამასეულთა.





წიგნი  
პირველი



# სამაჟი სკაჟუტა


თავი პირველი

თერმოპილემდე

„მიწა და წყალი“

„სიხსლის მღერელ ომში მოვისადეთ მოვალეობა, ათენას ტაძარს ამშვენებდნენ ჩვენი ისრები, სიკელილისა და გმინეის გვერდნი, მიზანუმცდარნი, სპარს მეომართა სიხსლით დამბალ-დაწითლებულნი“.

ს ი მ ო ნ ი დ ე



რისტეს დაბადებამდე“ იდგა 492 წელი.

ორი სამყარო ხმალამოწვდილი დადგა პარისპირ. იყო სპარსეთის მსოფლიო სახელმწიფო — ლიბიიდან და ეგეოსიდან ინდოეთამდე გადაჭიმული. იჭდა მეფედ აქემენიდური დინასტიის მესამე დიდი წარმომადგენელი (კიროსისა და კამბიზის შემდგომ) — დ ა რ ი ო ს პ ი რ ვ ე ლ ი. სპარსელთა გარდა, უთვალავი მოდგმისა და რჯულის ხალხი ემორჩილებოდა სპარსელ მბრძანებელს: აფრიკელი ეგვიპტელები, ეთიოპელები და ლიბიელები, მცირეაზიელი ბერძნები, შითინიელები, პაფლაგონელები, ტიბარენები, ხალიბები, კარდუხები, მაკრონები, კოლხები, სანიგები, მოსხები, კაპადოკიელები, ფრიგიელები, კარიელები, კილიკიელები და ლიკიელები. სამხრთელი სირიელები, ფინიკიელები, ებრაელები და არაბები; მესოპოტამიელი ასირიელები, ბაბილონელები და ქალდეელები; კავკასიელი არმენები და ალბანელები;

ერანელი მიდიელები და ატროპანტენელები, შუააზიელი სკვითი-საკები, პართიელები, ბაქტრიელები, არიელები, პირკანჭელები, ღრანგიანელები, სოგდიანელები და სინდეთიდან გედროზიელები.

ხოლო სპარსული მსოფლიო ვეშაპის ზედ ხახასთან იღო საბერძნეთი, ისედაც ნამცეცა, სწორედ უწვრილეს ნამცეცებად და ნაფლეთებად გაფანტული ბალკანეთზე და ეგეოსის არქიპელაგზე. აქ არ არსებობდა არავითარი ერთიანობა და ცენტრალიზმი. საბერძნეთის უკლებლივ ყველა ქალაქი და ქალაქ-კუნძული საკუთარი, დამოუკიდებელი „სახელმწიფოებრიობით“ ცხოვრობდა. ყველა პოლისს\* (ქალაქ-სახელმწიფოს) საკუთარი ავტონომია და ავტარკია ჰქონდა\*.

აზიური მონარქია ევროპისაკენ მოხობავდა.

უპირველესად: საბერძნეთი — ჰელადა!

საომარი წინდი, კარგა ხანია ჩავდებულა.

სრულიად ბერძნული სამყარო სამი მთავარი ნაწილისაგან შედგებოდა: ბალკანეთის (კონტინენტური), ეგეოსის კუნძულთა და მცირე აზიის სანაპიროთა საბერძნეთი. ეს უკანასკნელი, მცირე აზიული ანუ იონიური საბერძნეთი, მისი უბრწყინვალესი ქალაქებით, უკვე დიდი ხნის წინათ დაიმორჩილეს სპარსელმა მბრძანებლებმა. ახლა დანარჩენი ორი მესამედის რიგიც დადგა.

დარიოსს ომის დაწყების საბაბიც უკვე გადაუხვევია ხელსე: ამას წინათ რომ მცირეაზიულმა ბერძნულმა ქალაქებმა, სახელოვანი მილეტის მეთაურობით, სპარსული უღლისაგან თავის დასაღწევად აჯანყება მოაწყვეს (500—494 წწ.), ათენელებმა და ეგზეელმა ერეტრეელებმა აჯანყებულ თანამოძმეებს დამხმარე ძალები გამოუგზავნეს.

განსაკუთრებით ათენზე\* იყო განრისხებული დარიოსი. როცა შეიტყო, მოაჯანყე იონიელებმა ათენელების დახმარებით ლიდის მთავარი ქალაქი სარდი დასწვეს, ბრახმორეულმა ზეცას ისარი შესტყორცნა და თავის უზენაეს ღვთაებას შეჰკლალადა:

„ოო, დიდებულო აპურამაზდა, მომეცი ძალა, შური ვიძიო ათენელებზე!“

თანაც თავის ერთ მსახურს უბრძანა, ყოველდღე, სადილობის წინ, შეეხსენებია მისთვის:

„ხელმწიფეო, გახსოვდეს ათენელები!“

მეფეს არ სურდა, დიდხანს გაგრძელებულიყო მისი უგემური სადილ-ნადიმობანი. 494 წელს სპარსულმა არმიებმა გაანადგურეს მცირეაზიელი იონიელები; აიღეს და დაანგრიეს აჯანყების ცენტრი მილეტი.

492 წელს კი დარიოსმა „ათენელებზე შურის საძიებლად“ და სრულიად საბერძნეთის დასაპყრობად გაგზავნა დიდი არმია და ფლოტი თავის სიძის (უმცროსი ქალიშვილის ქმრის), ახალგაზრდა, მამაც და პატივმოყვარე მარდონიოსის სახელდობით.

სპარსელთა საომარი ძალები ჰელესპონტიდან მიეშურებოდნენ. თვითონ მარდონიოსი სახმელეთო არმიას მიუძღოდა თრაკიისა და მაკედონიის სანაპიროთა გასწვრივ. საზღვაო ფლოტი პარალელურად მიედინებოდა.

ის იყო, სპარსელთა ფლოტი მიუახლოვდა ათონის კონცხს (სადაც შუა საუკუნეებიდან დღემდე აღმართულია სახელოვანი ქართული მონასტერი-საევანე), ზღვაზე საშინელი ქარტეხილი ამოგარდა და ფლოტი მთლიანად განადგურდა. 300 გემი და 20.000 მეომარი შეეწირა ზღვაურ სტიქიონს.

ამასობაში არც სპარსელთა სახმელეთო ჯარებს დასდგომიათ უმკობესი დღე. მათ მოულოდნელად თავს ესხმოდნენ მამაცი თრაკიელი ტომები — ბრიგები. ასეთ თარეშულ შეტაკებებში მარდონიოსის არმია ძალიან დაზიანდა. თვითონ სარდალიც ერთ-ერთ შეტაკებაში დაიჭრა და, როცა ფლოტის დაღუპვის ამბავი შეიტყო, იძულებული შეიქნა საბერძნეთისკენ ლაშქრობაზე ხელი აეღო და უკან დაბრუნებულიყო.

ამ მარცხიანი წამოწყების სავასუხოდ, 491 წელს, დარიოსმა საბერძნეთის ყველა ქალაქ-სახელმწიფოს ელჩები გაუგზავნა უზენაესი ბრძანებულებით:

„ჩამაბარეთ მიწა და წყალი!“

ეს უსიტყვო მორჩილების მოთხოვნას ნიშნავდა.

ბევრმა ბერძულმა ქვეყანამ, ზოგმა სპარსეთთან ომის უიმედობით, ზოგმაც მეზობელ მოძმეთადმი შურით და მტრობით — მართლაც დაუყოვნებლივ ჩააბარა „მიწა და წყალი“ აზიის „მეფეთა მეფეს“. ასეთთა შორის აღმოჩნდნენ: ყველაზე დიდი ქვეყანა თესალია ჩრდილოეთ საბერძნეთში, ბეოტია შუა საბერძნეთში და არგოსი სამხრეთ საბერძნეთში (პელოპონესში).

ჰელინური სამყაროს უმეტესმა ნაწილმა თავისუფლების დაკარგვასა და უცხოურ მონობაში ჩაყარდნას სამკედრო-სასიცოცხლო ბრძოლაში გასვლა ამჯობინა. როგორც მოსალოდნელი იყო, ბერძენთა სამამულო ომს სათავეში უნდა მოქცეოდნენ ათენი და სპარტა — ჰელადის წამყვანი პოლისები. ეს ასეც მოხდა, მიუხედავად მათი ურთიერთ მეშურნეობისა და მეტოქეობისა.

ლაკონიელმა სპარტელებმა დარიოსისგან მიწა-წყლის მოთხოვნა

ნაზე მისი ელჩები კაში ჩაპყარეს და ზემოდან „ლაკონიურად“ ჩას-  
დახეს:

„მანდ არის მიწაც და წყალიც!“

ხოლო ათენელებმა სპარსეთის მეფის ელჩები, მათ ათენელ თარ-  
ჯიმანთან ერთად\*, იმ უფესკრულში გადასჩხეს, სადაც ჩვეულებრივ  
სახელმწიფო დამნაშავეებს ჰყრიდნენ.

ასე დაიწყო ნახევარსაუკუნოვანი ომი ბერძენთა და სპარსელთა  
შორს.

## მ ა რ ა თ ო ნ ი

„ელადისათვის მართონის ველზე მტრებს სძლევენ,  
ათენელებმა იაფარპევეს სპარსთა ძალა“.

ს ი მ ო ნ ი დ ე

ოთხასოთხმოცდაათი წლის გაზაფხულზე სპარსელთა საომარმა  
ძალებმა თავი მოიყარეს კილიკიის დასავლეთ სანაპიროზე, კუნძულ  
სამოსის ახლოს. ფლოტი შესდგებოდა 600 სამხედრო ხომალდისაგან  
და მრავალი სატრანსპორტო გემისაგან. მას ეგეოსის ზღვაზე უნდა  
გადაეყვანა 100000-ანი ქვეითი არმია და 10.000-იანი კავალერია. და-  
რიოსმა ამჯერად სარდლებად დანიშნა უკვე ხანში შესული, გამოც-  
დილი სარდალი და ტ ი ს ი და თავისი ახალგაზრდა ძმისწული ა რ-  
ტ ა ფ ე რ ნ ი.

„წადით საბერძნეთს, მონის ბორკილები დაადეთ და ისე მომ-  
გვარეთ ის თავხედნი!“ ასეთი ბრძანებით გაისტუმრა ისინი დარიოს-  
მა.

დატისმა და არტაფერნმა სამოსიდან საომარი ძალები ეგეოსის  
სიღრმისაკენ წარმართეს. მათ მეგზურად თან ახლდა ათენელთაგან  
დამხობილი ტირანი ჰ ი პ ი ა, რომელიც, აქამდე სპარსეთს თავშეფა-  
რებული, დროს უცდიდა, გაძევებისათვის სამაგიერო მიეზლო თავი-  
სი თანამემამულეებისადმი.

სპარსელებმა უპირველესად დაიმორჩილეს კიკლადური კუნძუ-  
ლები. ამათგან ბუდეძირიანად ააოხრეს და ააწიოკეს კუნძული ნაქ-  
სოსი, რომელმაც ადრე (იონიური ქალაქების აჯანყების წინ) მარ-  
ცხი აქამა სპარსელთა საზღვაო ძალებს. ნაქსოსელების უმრავლეს-  
ობა ამოუღიტეს, დანარჩენები მონებად წაიყვანეს, მათი ქალაქი  
გაძარცვეს და ხანძარს მისცეს.

აქედან სპარსელები გაეშურნენ შუა საბერძნეთისაკენ და მიაღ-

\* ეს თემისტოკლეს მითითებით მოხდა: თარჯიმანი უნდა მოკვდეს იმიტომ,  
რომ მან ბერძნული ენით საბერძნეთს ბარბაროსი მეფის ბრძანება მოუტანაო.

გენ კუნძულ ევბეაზე მდებარე ქალაქ ერეტრეას, რომელმაც ათენელებთან ერთად დახმარება გაუწია მოაჯანყე იონიურ ქალაქებს.

ექვსი დღის განმავლობაში სპარსელებს ამაოდ მიჰქონდათ იერიშები ერეტრეაზე. მეშვიდე დღეს კი ლალატმა დასცა გმირი ქალაქი: ორმა არისტოკრატმა, ეფეობროსმა და ფილაგროსმა, გაულეს კარი მტერს. სპარსელებმა ერეტრეა გაძარცვეს და გადასწვეს, ხოლო სიკვდილს გადარჩენილი მცხოვრებნი მონად აქციეს.

რამდენიმე დღის შემდეგ სპარსელებმა, ჰიპიას წინადადებით, ევრიპი სრუტე გადალახეს და ატიკის მიწაზე გადავიდნენ, აქ მათ დაიბანაკეს ზღვის პირზე, საიდანაც იშლებოდა მარათონის ველი, ფრიად მოსახერხებელი ადგილი მრავალრიცხოვანი არმიისა და კავალერიის მანევრირებისათვის. მთავარსარდალმა არტაფერნმა თავისი კარავი დადგა ზღვის პირთან, მარათონის ველის ჩრდილოეთ კუთხეში, კინოსურის მალლობზე, საიდანაც მთელი საომარი მინდორი ხელისგულივით ჩანდა.

სპარსელებმა დაბანაკებიდან რამდენიმე საათის შემდგომ სამხრეთ ატიკის სოფლების აოხრება დაიწყეს. აწიოკებული ხალხი ათენისაკენ გარბოდა და თავშესაფარსა და შველას ითხოვდა.

ათენის სამხედრო საბჭო, რომელშიც შედიოდა ერთი არქონტიპოლემარქოსი და ათი სტრატეგოსი, სასწრაფოდ შეუდგა ლაშქრის შეყრას. გადაწყდა, დახმარება ეთხოვათ სპარტისათვის. მაშინვე გაგზავნეს განთქმული მალემსრბოლი ფილიპიდე, რომელმაც ორასი ვერსი ორ დღეში გაირბინა და სპარტაში ასეთი დანაბარები ჩაიტანა:

„ათენელები სთხოვენ სპარტელებს, არ დაუშვან, რომ ჰელადის უძველესი ქალაქთაგანი ბარბაროსული მონობის ქვეშ მოექცეს. ბარბაროსებმა უკვე დაიპყრეს ერეტრეა და ამით საბერძნეთის სახელოვან ქალაქთა რიცხვი ერთით ნაკლები გახდა“.

სპარტის ხელისუფლებამ — მეფეებმა, ეფორებმა და გერონტებმა — ათენის ელჩი ასეთი პასუხით გაისტუმრა:

„სპარტანული ადათის მიხედვით, ლაშქრის გამოყვანა საომარ ველზე შეგვიძლია მხოლოდ მთვარის სისავსის დადგომისას“.

მთვარის გავსებამდე კი ათი დღე იყო დარჩენილი.

მამ, ათენს მხოლოდ საკუთარი ძალების იმედიღა უნდა ჰქონოდა.

დაისვა საკითხი, სად უნდა გაემართათ ბრძოლა მტრისათვის: იქ, მარათონის ველზე, სადაც სპარსელები იყვნენ დაბანაკებულნი, თუ აქვე — ათენის კედლებთან.

ცხარე კამათი გაიმართა სამხედრო საბჭოზე. სტრატეგოსთაგან

უმამაცესი და უნიჭიერესი მილტიადე მოითხოვდა, მტერს არ დალოდებოდნენ და დაუყოვნებლივ, მოულოდნელად დასხმოდნენ თავს, სანამ იგი მარათონის ველიდან აიყრებოდა და ათენისაკენ გამოსწევდა. მილტიადეს მიაჩნდა, რომ ათენელ მოქალაქეთაგან ბევრი, ყოფილი ტირანისა და ამჟამად სპარსელთა მეგზურის, ჰიპიას ზომხრე იყო. ამიტომ თუ სპარსელები ათენის კედლებს მოაღწევდნენ, ქალაქში მოღალატეებიც მრავლად გამოჩნდებოდნენ.

მილტიადეს მოთხოვნას — დაუყოვნებლივ თავს დასხმოდნენ სპარსელებს მარათონის ველზე — სტრატეგოსთაგან პირველმა დაუპირა მხარი არისტოდემ; შემდეგ თემისტოკლემ, სთისილაოსმა და კიდევ ერთმა სარდალმა; მაგრამ დანარჩენი ხუთი სტრატეგოსი მოითხოვდა, ლაშქარი ქალაქში დარჩენილიყო და აქვე დალოდებოდა მტერს.

ხმების გაყოფის ამდაგვარ შემთხვევაში საკითხი უნდა გადაეწყვიტა არქონტ-პოლემარქოსს. იმ წელს ეს თანამდებობა ეჭირა კალმაქეს. კალიმაქე გადამწყვეტი ხმის მიცემამდე მილტიადემ ცალკე გაიხმო და უთხრა:

„ახლა შენზეა, კალიმაქე, დამოკიდებული: ათენელებმა მონობის უღელი უნდა დაიდგან, თუ თავისუფლება შეინარჩუნონ, და შენც სამარადჟამოდ მოიხვეჭო დიდება, რომლის მსგავსი არ ღირსებიათ თვით ჰარმოდოსს და არისტოგეიტონს\*. არასოდეს დაარსებიდან ათენს ასეთი საფრთხე არ ახსოვს. როგორც ჰხედავ, სტრატეგოსთა ხმები გაიყო: ჩვენ, ხუთნი ვამბობთ, დაუყოვნებლივ გავეშუროთ და შევებათ მტერს, ხოლო სხვა ხუთნი — მტერთან შებმაზე უარს ამბობენ. უკეთუ შენ ჩვენ დაგვიჭერ მხარს და საომარ ველზე გადასვლას ხმას მისცემ, ჩვენი სამშობლო მონობის ბორკილს გადარჩება და ჰელადაში უპირველეს პოლისად იქცევა; ხოლო უკეთუ ჩვენს განზრახვას წინ აღუდგები, უმაღვე სპარსელთა და მოღალატე ჰიპიას მონებად გადავიქცევით“.

მილტიადეს სიტყვამ კალიმაქეზე დიდად იმოქმედა. მან მილტიადეს მოსაზრებას უყოყმანოდ მისცა ხმა და ბრძოლად გასვლაც საბოლოოდ გადაწყდა.

ათენში ათი ფილე იყო და თითოეულ მათგანს ათასი მეომრის გამოყვანა შეეძლო, თავისი სტრატეგოსით სათავეში.

მაშ, შეიყარა ათენელთა ლაშქარი, სულ — 10.000 ჰოპლიტი. ქალაქში დარჩნენ მხოლოდ მოხუცნი, ქალები და ბავშვები.

ათენიდან მარათონამდე ორმოცკილომეტრიანი გზა ლაშქარმა ექვს საათში გაიარა და მტრის ბანაკიდან კილომეტრ-ნახევარზე, მარათონის ველს ზემოთ აღმართულ მაღლობზე, ე. წ. ჰერაკლეს წმიდა-

ხეივანში, დაიბანაკა. მათ ზურგში მთაზე შეფენილი სოფელი მარათონი იყო. ქვემოთ ხელისგულივით ჩანდა მთებით ნახევარწრედ გარშემორტყმული თვით მარათონის ველი, ხოლო ზღვის პირზე — სპარსელთა ბანაკი.

წესის თანახმად, ათენელთა ლაშქარს სტრატეგოსები ყოველდღიური ცვლით მთავარსარდლობდნენ, მაგრამ ამჯერად მათ, მტერთან ომის დამთავრებამდე, უცვლელი მთავარსარდლობა ამ ბრძოლის ინიციატორს, მილტიადეს ჩააბარეს. ასეთ გადაწყვეტილებას ორი მიზეზი ჰქონდა: სტრატეგოსთა ერთ ნაწილს მიაჩნდა, რომ მათ შორის მილტიადეს სპარსელებთან ბრძოლის ყველაზე დიდი გამოცდილება ჰქონდა (იგი ადრე დარიოსის სკვითურ ლაშქრობაშიც მონაწილეობდა და სპარსელთა სტრატეგიასა და ტაქტიკას კარგად იცნობდა). მეორე ნაწილი მილტიადეს შემტევ საომარ გადაწყვეტილებას კვლავ ეჭვის თვალით უტყურდა. მაგრამ „მუდმივ“ მთავარსარდლობას მხარს უჭერდა, რადგან მოსალოდნელ მარცხში „ხელის დაბანაზე“ ფიქრობდა.

11 სექტემბერი იყო. დაღამდა თუ არა, ათენელებმა საცესებით მოულოდნელი დახმარება მიიღეს: მათ ბანაკს შეუერთდა ათასი მეომარი პატარა ქალაქ პლატეა და ან. ახლა მილტიადეს საომარი დროშის ქვეშ 11.000 ჰოპლიტი იდგა. მან ისარგებლა მის თანამემამულეთა საერთო ალტაცებით, — რაც პლატეელთა ვაჟაკურმა თანადგომამ გამოიწვია — და ბრძოლა დანიშნა მეორე დღისათვის, როცა მას მთავარსარდლობა ჩვეულებრივი რიგითაც უწყევდა.

მაშ, 490 წლის 12 სექტემბერი. სახელოვანი მარათონის ბრძოლა. 11.000 ბერძენი 100.000 სპარსელის წინააღმდეგ.

თენდებოდა, დღე და ღამე ჯერ კიდევ არ გაპყროდა ერთმანეთს, როცა მილტიადემ საომარი სამზადისი ბრძანა.

პოლემარქოსმა კალიმაქემ ნადირობის ქალღმერთის, არტემიდეს სადიდებლად სამსხვერპლო ცხოველი დაკლა და მის შიგნეულზე იმკითხავა. მისნობამაც „ილბლიანი“ პერსპექტივა აჩვენა და მილტიადემაც ლაშქარი საბრძოლოდ გააწყო.

ათენელი სარდალი თავიდანვე ითვალისწინებდა უმთავრესს: არ დაეშვა მოწინააღმდეგის მრავალრიცხოვანი არმიისაგან, განსაკუთრებით კავალერიისაგან, მისი მცირერიცხოვანი ჯარის გარშემორტყმა ველზე გასვლისას. ამიტომ მან თავისი ლაშქარი საომარ ფრონტად ერთი კილომეტრის სიგრძეზე გაშალა. განსაკუთრებით გაამძლეა რა ფლანგები, საიდანაც მოსალოდნელი იყო მტრის მთავარი შემოტევანი ბერძენთა ალყაში მოსაქცევად. აქ, ფლანგებზე, სილრემში (ერთიმეორის ზურგში) ექვსი ფარი (ექვსი მწკრივი) დააყენა მილ-

ტიადემ, ხოლო ცენტრში მხოლოდ სამი ფარი. ათენელთა მარჯვენა ფლანგს სარდლობდა კალიმაქე, ხოლო მარცხენა ფლანგზე მდგარ პლატეელებს — მათივე მამაცი სტრატეგოსი ა ი მ ნ ი ს ტ ო რ ი. ცენტრში, სადაც ათენელთა ლაშქარი ყველაზე სუსტი იყო, სარდლებად იღვწენ არისტიდე და თემისტოკლე.

მილტიადემ იერიში ბრძანა.

ათენელები სწრაფად დაიძრნენ და ერთბაშად სირბილზე გადავიდნენ. მანძილად ერთ კილომეტრ-ნახევარს ბევრი არ ჰქვლიდა, რაიც მარშით უნდა დაეძლიათ. მილტიადეს ამჯერად სისწრაფე მიანხნდა სწორედ გადამწყვეტ ძალად: რაც შეიძლება სწრაფად გაერბინათ სივრცე, რომელსაც მრავალრიცხოვანი მოწინააღმდეგე, თუ დაასწრებდა, ისრის სეტყვით „დააბნელებდა“, ანდა კიდევ კავალერიის კონტრშეტევით „ამოავსებდა“.

სისწრაფე და მოულონელობა მართლაც გადამწყვეტი აღმოჩნდა.

როცა სპარსელებმა ჯერ კიდევ წყვილიაღშერეულ ბინდბუნდში ყოფინითა და ისრის სროლით მომჭროლავი ბერძნები გაარჩიეს, აქაიქ ყვირილი ასტეხეს:

„ისინი ჭკუაზე შეშლილები არიან!“

მაგრამ პანიკისათვის დრო აღარ დარჩენიათ, სპარსელები ბანაკიდან გამოცვივდნენ და სასწრაფოდ სწორკუთხედის ფორმით გაეწყვნენ; ცენტრში ქვეითი ლაშქარი, ფლანგებზე — კავალერია.

სირბილით ძალმიცემული ბერძნული ფალანგა ზვავივით მოქროდა. ათენელებმა საისრე მანძილი ისრის სროლით ჩაათავეს და შუბგაწვართულნი ეკვეთნენ მტერს, მერე მახვილები იძრეს და ჩეხვაზე გადავიდნენ.

სპარსელებიც კონტრშეტევით დაუხვდნენ მტერს, საშინელი ხელჩართული გაჩაღდა.

კარგა ხანს ბრძოლის საპწოროი წონასწორად ქანაობდა. მერე აზიელთა ცენტრალურმა ნაწილებმა, სადაც იბრძოდნენ თვითონ სპარსელები და საყები, ბერძენთა სუსტი ცენტრი გაარღვიეს და უკუაქციეს. მათ კიდევაც ხელთ იგდეს რამდენიმე მონა, რომელთაც ბრძოლის ველიდან გაჰყავდათ დაჭრილი ათენელები. მაგრამ ფლანგებზე გამარჯვება უკვე ხელთ ეპყრა მილტიადეს. აზიელები ფლანგებიდან უკვე გარბოდნენ, მაგრამ მილტიადემ მათ დევნაზე თავისიანებს ჯერჯერობით ხელი აადებინა, ძლევამოხვეჭილი ფლანგები შეამჭიდროვა და მისი განლაგების ცენტრში შემოჭრილ მოიერიშე სპარსელებს მძლავრად შეუტია.

ახლა სპარსელები ცენტრშიც დამარცხდნენ და უკუიქცნენ.



უკვე სპარსელთა მთელი არმია გარბოდა. მილტიადემაც მთელის ფრონტით გამოდევნება ბრძანა.

სპარსელები ზღვის პირს მიაწყდნენ. ბერძნები მახვილთა კვეთებით მიჰყვნენ. ხომალდებთან, წყლისა და ხმელის შესაყარში, სისხლის ღვრა ახალი ძალით გაჩაღდა. სპარსელები გემებზე არბოდნენ, ლუზებს სწევდნენ და ზღვაზე გაქცევით ეძებდნენ ხსნას. ბერძნებმა მახვილებთან ერთად ანთებული ჩირაღდნები მოიმარჯვეს და მტრის ფლოტს გამოენთნენ. ბერძენთა ანგარიშშიუცემელი სრბოლა ზღვაში მხოლოდ მაშინ შეწყდა, როცა სპარსელთა ხომალდებმა ღრმა წყლებში გააღწიეს.

აზიელთა ფლოტი ახლა სუნიონის კონცხს უვლიდა და დასავლეთისაკენ მიისწრაფოდა. მილტიადე მაშინვე მიხვდა მტრის განზრახვას: მას სურდა ქალთა და ბავშვთა ამარად დატოვებულ ათენში ჩაესწრო და ხელთ ეგდო იგი, სანამ მარათონიდან თვითონ ათენელთა ჯარი დაბრუნდებოდა. ამიტომ მილტიადემ მარათონზე დაპყრობილ სპარსთა ბანაკის საპატრონოდ დატოვა არისტიდე თავისი ასი მეომრით, თვითონ კი დანარჩენი ძალებით სასწრაფოდ უკანვე გადაიარა გზა მარათონიდან ათენამდე.

ათენში უკვე იცოდნენ სასიხარულო გამარჯვების ამბავი: ერთმა მეომარმა ბრძოლის დამთავრებისთანავე მარათონიდან ათენამდე შეუსვენებლივ ირბინა და ქალაქში შევარდა ყვირილით:

„გაიხარეთ, ათენელებო, ნიკეა (გამარჯვება), ნიკეა, ნიკეა!!!“

აღტაცებული მახარობელი ასეთ საოცნებო შეძახილთან ერთად დაეცა და სული აღმოხდა.

მეორე დილით ნავსადგურ ფალერონთან ათენისაკენ საიერიშოდ გადმოსულმა სპარსელებმა ქალაქის კედელთა წინ საომრად გამზადებული მარათონელი გმირები დაინახეს.

სპარსელი სარდლები მარცხს საბოლოოდ შეურიგდნენ და გადარჩენილი არმიითა და ფლოტით აზიისაკენ იბრუნეს პირი.

მარათონის ველი ათენელთა სიდიადის აკვანი შეიქნა. აქ გამართულმა უთანასწორო ბრძოლამ და მისმა მოულოდნელმა შედეგმა მთელ ქვეყანას თვალნათლივ დაანახვა, რა შესძლებია მშობლიური მამულისადმი თავდადებულ სიყვარულს. რამდენიმე ათასეულმა პატრიოტმა ათჯერ უმრავლეს დამპყრობელს სძლია.

სპარსელთა მთელი ბანაკი, მდიდარი აზიური აღჭურვილობით და ფურაქ-ფორანით ათენელებს დარჩათ. მტრის ფლოტიდან შეიდი ხომალდი ჩაიგდეს ხელში. 6.400 აზიელი ესვენა ბრძოლის ველზე. მათ შორის იყო ჰიპია, ათენელი ტირანყოფილი, სამშობლოს მოღალატე და სპარსელთა მეგზური. მიხრწნილებაში ფეხჩადგმულ-

მა ჰიპიამ სიცოცხლის უიღბლო და უსახელო აღსასრულის მოახლოება, თურმე, მაშინვე იგრძნო, როგორც კი სპარსლებთან ერთად ფეხი შესდგა ატიკის მიწაზე. მას ხველება და ცხვირისცემინება ასტეხია. პირიდან მორყეული კბილი წამოვარდნია და ქვიშაში დაჰკარგვია; ამო ძებნის შემდეგ მოხუცს ნაღვლიანად უთქვამს:

„ეს მიწა ჩვენი არ ყოფილა და ვერ დავეუფლებით მას; ერთადერთი, რაც მე ამ მიწიდან მეკუთვნის, ეს არის მხოლოდ ჩემი კბილი...“

ათენელებს მარათონის ბრძოლაში მხოლოდ 192 კაცი დაეღუპათ. ამით შორის იყვნენ მამაცი პოლემარქოსი კალიმაქე, სტრატეგოსი სტიპილასი და პოეტ ესქილეს ძმა კინეგორი, რომელსაც მართლაც საარაკო გმირობა გამოუჩენია: მან თურმე ზღვაში შესდია მტერს და ხელებით სწვდა ხომალდს. ხოლო როცა სპარსელებმა ნაჯახით ერთიმეორის მიყოლებით ორივე ხელი გადასჩენეს, კბილებით ჩააფრინდა გემის ძგიდეს; გაოცებულ სპარსელებს ისღა დარჩენოდათ, გაშმაგებული სახიჩრისათვის თავიც გადაეკვეთათ!

მარათონის ბრძოლის მომდევნო დღეს მთვარის სისავსეც დამდგარიყო და სპარტელთა ორიათასიანი ჯარი ფლეიტების გუგუნითა და საომარი ემბატერიების გრიალით მოადგა ათენს.

„ჩვენ მოვედით, რათა თქვენთან ერთად შევებათ ბარბაროსებს!“

„მაგრამ ჩვენ უკვე გავანადგურეთ ბარბაროსები!“

„ნუთუ მართლა?!“

„თუ არა გჯერათ, წადით და ჰკითხეთ მარათონის ველს!“

სპარტელები მარათონზე ჩავიდნენ, საომარი ველი მიმოიხილეს, დახოცილ ათენელებს თაყვანი სცეს და მათ გმირობას ხოტბა შეასხეს, ათენს გამარჯვება მიულოცეს და შურით აღვსილნი სპარტაში დაბრუნდნენ.

ათენელებმა ბრძოლაში დაღუპული ის 192 თანამემამულე დიდის პატივით იქვე, მარათონის ველზე, ზღვის პირთან ახლოს, ერთ დიდ ძმათა საფლავში დაკრძალეს და ზემოდან დიდი ბორცვი-ტაგარუცი დაადეს. იქვე აღმართეს მარმარილოს ათი სვეტი (ათენის ათი ფილეს მიხედვით) და დაღუპულ გმირთა სახელები წააწერეს. ათენელთა გვერდით დიდი პატივით დაკრძალეს ბრძოლაში დაღუპული პლატეელი თანამდგომნი და თანამომხმენი. ამიერიდან პლატეა ათენის ნათესავ და ძმა-ქალაქად ითვლებოდა. პანათენურ დღესასწაულზეც ათენელთა და პლატეელთა ლოცვა-კურთხევაც ერთად ხდებოდა.

კიდევ ორი ძეგლი დადგეს ათენელებმა მარათონის ველზე, ერთი მთავარსარდლის, მილტიადეს სახელზე, ხოლო მეორე საერთოდ

ათენელთა გმირობის პატივსაცემად. ამ უკანასკნელს ამშვენებდა პოეტ სიმონიდეს მიერ შეთხზული წარწერა:

„პელაღისათვის მარათონის ველზე მტრებს სძლევენ.  
ათენელებმა იაფარკყევს სპარსთა ძალა“.

ყოველ წელიწადს, დიდი გამარჯვების აღსანიშნავად, მარათონის ველზე იმართებოდა დღესასწაული, გმირთა საძმო საფლავის წინაშე საზეიმო ზორვა და გვირგვინთა მოფენა. ყოველ წელიწადს მსხვერპლს სწირავდნენ ქალღმერთ არტემიდეს, რომელსაც ბრძოლის წინ მსხვერპლი შესწირა და შემწეობა სთხოვა მილტიადემ. ამიერიდან ათენელი ორატორები, ყოველ საჭირო ჟამს, მარათონის მაგალითით აღაფრთოვანებდნენ თავის თანამემამულეებს, ყოველ ათენელს სიამაყის გრძნობა ავსებდა, როცა მას მოიხსენიებდნენ „შთამომავლად მარათონის ველზე მებრძოლთა“. თვითონ ესქილე თავისი საფლავის ქვაზე წარწერილ ეპიტაფიაში მხოლოდ იმას ამბობს, რომ მან მარათონის ველზე იბრძოლა და სპარსელებს აჩვენა თავისი სიამაყე. ათენში ჯილდო გამოცხადდა მისთვის, ვინც შეთხზავდა საუკეთესო ელეგიას მარათონის ბრძოლაზე. ბევრმა სცადა კალამი, მათ შორის სახელოვანმა პინდაროსმაც, მაგრამ მარათონული გმირობის პოეტურ ხოტბაში ყველას ისევ სიმონიდე კეოსელმა აჯობა და საპატიო ჯილდოც მან დაისაკუთრა.

## მილტიადეს აღსასრული

მარათონის ბრძოლის მთავარი გმირი მთელს საბერძნეთში უპირველეს კაცად იქცა. ქვეყანა ფიანდაზად ეფინებოდა მილტიადეს. მას ძეგლი დაუდგეს მარათონის ველზეც და ათენშიც, პრიტანეაზე, დიდი სახალხო გმირების, ჰარმოდისისა და არისტოგიტონის ძეგლთა გვერდით. მისი სპილენძის ქანდაკება გამოკვართეს სახელგანთქმული დელფოს აპოლონის ტაძრისათვის.

მილტიადე ათენში ფაქტიური ავტოკრატორი — ერთპიროვნული გამგებელი შეიქმნა. მან ეკლესიისაგან და არეოპაგისაგან მოითხოვა მის სრულ გამგებლობაში გადასულიყო სახმელეთო და საზღვაო ძალები და სახელმწიფო ხაზინა იმ მოტივით, რომ აპირებდა დიდ სამხედრო ექსპედიციას, რომელიც ათენს მოუტანდა დიდ სახელსა და სიმდიდრეს; ხოლო ამ ლაშქრობის მიმართულება დრომდე საიდუმლოდ უნდა დაცულიყო. მისი მოთხოვნა დააკმაყოფილეს.

მარათონის ბრძოლის მომდევნო 489 წლის ადრიან გაზაფხულზე მილტიადემ 70 გემით ათენელთა ლაშქარი ზღვაზე გაიყვანა და კიკლადურ კუნძულებს მიადგა. ათენელებმა რამდენიმე მათგანი აიღეს, გაძარცვეს და ააოხრეს იმის მომიზეზებით, რომ გასული წლის ბრძოლებში ეს კუნძულები სპარსელებს ემორჩილებოდნენ. შემდეგ მილტიადემ ღუზა ჩაუშვა კიკლადთაგან ყველაზე მდიდარ კუნძულ პაროსთან.

პაროსელებმა წინა წლის შემოსევისას სპარსელებს ერთი ტერიტორია (სამბაქნიანი გემი) მისცეს ათენის წინააღმდეგ საბრძოლველად. ეს სავსებით საკმარისი საბაბი იყო მილტიადესგან პაროსის დასასჯელად.

მილტიადემ პაროსელებს ათენისადმი სრული მორჩილება და ჯარიმად 100 ტალანტის (150.000 მან.) გადახდა მოსთხოვა. მაგრამ ორივე მოთხოვნაზე ცივი უარი მიიღო.

პაროსელები გამალებით შეუდგნენ საომარ სამზადისს. ქალაქის კედლები გაამაგრეს და სიმაღლით გააორმაგეს, ახალი ზღუდეები დღედაღამ სწორებით აღმართეს და დიდი და პატარა იარაღის ქვეშ დააყენეს.

მილტიადემ პაროსელთა ქალაქი ალყაში მოაქცია. მისი გემები კუნძულს გარს შემოერთყნენ, ხოლო ჯარი ქალაქის გარშემო ველმინდვრების აოხრებას შეუდგა. მაგრამ ათენელებს საალყო და საიერიშო აღჭურვილობა არ გააჩნდათ და ქალაქის ალყაც დიდხანს უნდა გაჰიანურებულიყო. მილტიადემ კედლების ძირის თხრა დაიწყო; ამას წარმატებაც უნდა მოჰყოლოდა; კედლები ზოგ ადგილზე უკვე ეცემოდნენ და პაროსელთაგან ბევრი უკვე მოითხოვდა ქალაქის ჩაბარებას, მაგრამ ღამით მახლობელ კუნძულ მიკონზე ცეცხლი ავარდა. პაროსელებმა ეს სპარსელთა მამუელი ძალის ნიშნად მიიჩნიეს, ქალაქის ჩაბარებაზე გადაჭრით ხელი აიღეს და მის დასაცავადაც გაათქეცებული ენერგიით დაიარაზმნენ.

თავის დროზე ვერავინ მიხვდა, რომ მიკონზე ავარდნილი ცეცხლი ტყის შემთხვევითი ხანძარი იყო.

პაროსის უშედეგო ალყის დაწყებიდან უკვე ოცდაშვიტსე დღე იდგა. იმედგაცრუებული და სულიერად მოქანცული მილტიადე რელიგიურ ცდუნებას აჰყვა. მასთან იღუმალ გამოცხადდა ქვესკნელის ღმერთთა პაროსელი ქურუმი ქალი, რომელმაც ათენელ მთავარსარდალს უეჭველი გამარჯვება აღუთქვა, თუკი იგი, პირადად, ღამით ნაყოფიერების ქალღმერთის დემეტრეს ტაძარში მივიდოდა და მსხვერპლს შესწირავდა, ან თვითონ ქალაქის მფარველი დემეტრეს ქანდაკებას წაიღებდა.

მილტიადე დათანხმდა.

ლამით, ათენელთა ბანაკისაგან იდუმალ, მილტიადე გაეშურა ქალაქის ახლო ბორცვისაკენ, სადაც აღმართული იყო დემეტრეს ტაძარი.

პირველი, რამაც გმირის გულში ავისმაუწყებლად დარეკა, იყო ის, რომ ტაძრის გაღვინის კარი დაკეტილი დახვდა. გაღვინი მაღალი იყო. მცირე ყოყმანის შემდეგ იგი აცოცდა და ეზოში გადახტა. მძიმედ დაეცა, მაგრამ მუხლი მაინც სწრაფად გაიმართა და ტაძრის მთავარი შესასვლელისაკენ გაეშურა.

ის იყო, ტაძრის ზღურბლზე ფეხი შესდგა, რომ რაღაც უსიამო შეგრძნებამ დახანჯლა მილტიადეს გული. საზარელი წყვედიანი და მღუმარება ღალატის სუნით გაჟღენთილიყო. ფეხის წადგმა ვეღარ გაბედა. მყისვე უკანვე შემობრუნდა და ისევ გაღვინს მოადგა. მიმოიხედა და ძლივსძლიობით აცოცდა.

გადმოხტა. საღდაც ქვიან პიტალოზე დაეცა. საშინელმა ტყვიელმა წუთით გონი წაართვა. გმირმა გმინვა მაინც შესტკამა...

რეჩრეჩი იდგა, როცა ათენელმა მთავარსარდალმა დამსხვრეული მარჯვენა ფეხი ძლივს მიათრია თავის კარავში...

ათენელთა ფლოტი და ლაშქარი სამშობლოში სირცხვილნაჰამი დაბრუნდა. უსაზმნოდ დაიხარჯა დიდძალი ფული; ტყუილუმბრალოდ გაწილდა მართონული გმირობა და სახელდიდება; სავსებით გახუნდა და გაუფერულდა თვით მილტიადეს საარაკო ვაჟაცობა და ნიჭიერება.

დრო იშოვნეს მისმა ძლიერმა მტრებმა. რომელთაც მართონის გმირის სახელმოხვეჭილობა ძილსა და მოსვენებას უკარგავდათ.

საგანგებოდ შეყრილ ეკლესიაზე მილტიადე საკაციო მოასვენეს. იგი სიცხის ბურანში გახვეულიყო; დამსხვრეულ ფეხზე განგრენა შესდგომოდა.

სასამართლო დაიწყო. მკაცრი ინვექტივით გამოვიდა ქსანთიპე. მან მილტიადეს ბრალი დასდო ათენელი ხალხის მოტყუებასა და საზოგადოებრივი ნდობის ბოროტად გამოყენებაში. ეს ნიშნავდა სახელმწიფო ღალატს, რისთვისაც კაცი სიკვდილით უნდა დასჯილიყო.

დიდხანს გაგრძელდა ბრძოლა და კიდილი მილტიადეს მტრებსა და მეგობრებს შორის. როგორც იქნა, მართონის გმირი მისმა ერთგულმა დამცველებმა და დიდ დამსახურებათა დამფასებლებმა სიკვდილით დასჯისაგან გადაარჩინეს, მაგრამ დიდი ფულადი ჯარიმის გადახდისაგან ვერ იხსნეს. ჯარიმა შეადგენდა 50 ტალანტს (75.000 მან). ამდენის გადახდა მილტიადეს არ შეეძლო, ამიტომ მას, როგორც კა-

ნონი მოითხოვდა, ვალის სრულ დაფარვამდე წაერთვა ყოველგვარი სამოქალაქო პარტივი, უფლება და მიესაჯა „სავალო სახლში“ ცხოვრება.

მალე სიკვდილით დასჯისაგან გადაარჩენილს სიკვდილმა უსწრო, ბერძენთა დიდი სახალხო გმირი გარდაიცვალა მისივე თანამემამულეთაგან უმადურად პარტივაცილი და დამციკებული. კარგა ხანს მისი შვილი და მემკვიდრე კ ი მ ო ნ ი ასევე „სავალო სახლში“ ცხოვრობდა, ვიდრე მამის ვალი უკანასკნელ გროშამდე არ გადაიხადა...

მაშ, ათენს მილტიადე აღარ ჰყავდა.

მაგრამ მართონელი გმირის სანაცვლოდ ათენის თვალსამზირზე არანაკლებ ახოვანი ფიგურა წამოიძარა.

## თემისტოკლე და არისტიდე

ხუთასოცდახუთ წელს ათენში დაიბადა „შერეულსისხლიანი ათენელი“ დედამისი უცხოელი — თრაკიელი (თუ კარიელი) ქალი იყო. მამა, ნეოკლემ, ვაჟს თ ე მ ი ს ტ ო კ ლ ე დაარქვა.

იმ დროს, „პისისტრატიდების ტირანიის“<sup>\*</sup> ქარიშხლიან ხანაში, რასაკვირველია, ვერავინ წარმოიდგენდა, რომ ეს ახლადნაშობი „არასრულფასოვანი მოქალაქე“<sup>\*</sup> შეიქნებოდა უპირველესი მესაქე და მეჭირნახულე დიდი მილტიადეს სიკვდილით დაობლებული ათენისათვის.

თემისტოკლე ბავშვობიდანვე გასაოცარი გონგამჭრიახობით, ნებისყოფით, ტემპერამენტით, უკიდურესი პარტივმოყვარეობითა და თავზეხელაღებული მიზანსწრაფულობით გამოირჩეოდა. ერთი მისი მასწავლებელი ხშირად ეტყოდა ხოლმე:

„შენგან, ბიჭუნა, ჩვეულებრივი მოკვდავი არ დარჩება: ან რაღაც დიდი გმირი უნდა იქნე, ან დიდი გარეწარი“.

შემდეგში თვითონ თემისტოკლე საკუთარ მაგალითზე იტყოდა ხოლმე:

„თვით ყველაზე ველური კვიცებისაგან საუკეთესო ცხენები დადგებიან, თუ მათ ოსტატი სათანადოდ გაწვრთნის და გაჰხედნის“.

შერეულსისხლიან ბავშვებს უფლება არ ჰქონდათ „წმინდასისხლიანთა“ შორის ესწავლათ აკადემიასა და ლიკეიონში<sup>\*</sup>. მათი გიმნასიონი<sup>\*</sup> კინოსარგში<sup>\*</sup> იყო. ჰაბუკმა თემისტოკლემ წარჩინებულ და „სრულფასოვან“ ათენელ თანატოლებთან შეჭიბრებანი გამართა და ყველა დაჩრდილა თავისი გასაოცარი ნებისყოფით, აზრის სინათ-

ლით, გონებამახვილობითა და სწრაფსაზრიანობით. ამის გამო სულ მალე სწავლების ცენტრად კინოსარგი იქცა.

მაგრამ მისი განსწავლულობა მაინც ცალმხრივი და შეზღუდული დარჩა, იგი საკმაოდ გულგრილი იყო უნატიფესი ხელოვნებისა და მეცნიერების დარგებისადმი. მის უმაღლეს სტიქიონს წარმოადგენდა პოლიტიკა, დიპლომატია, სამხედრო საქმე და წმინდა სახელმწიფოებრივ-პრაქტიკული საქმიანობა. მერე თვითონვე აღიარა:

„მე ნაკლებ მესმის სიმღერა და არფის ჟღერიალი, მაგრამ მომეცით ერთი მცირე, მიყრუებული სოფელი და მე მას უდიდეს და უძლეველ პოლისად ვაქცევ“.

მამა არ ურჩევდა თემისტოკლეს პოლიტიკისადმი გამოდევნებას. ერთხელ მან ჭაბუკი შვილი ზღვისპირზე მიიყვანა, უყურადღებოდ მიყრილ-მოყრილ დამპალ გალერებზე მიუთითა და უთხრა:

„შეხედე, შვილო: სწორედ ასე ექცევა ხალხი თავის მეთაურებს, როცა ისინი მას აღარ სჭირდება“.

ეს სიტყვები შემდგომში აუხდა კიდევ თემისტოკლეს, მაგრამ მანამდე რამდენი რამ უნდა განახორციელოს პატივმოყვარეობის ამ სწორუპოვარმა კუმირმა.

493 წელს თემისტოკლე — ათენელთა თვალში უკვე სახელმძღვანელო პოლიტიკოსი, ბრწყინვალე ორატორი და გულმხურვალე პატრიოტი, — ათენის არქონტი გახდა. მაშინ მან პირველად წამოაყენა პროექტი გემთმშენებლობის შესახებ და შესძლო კიდევ 70-მდე ხომალდის აგება. იმავე ხანებში თემისტოკლემ ათენის უპირველეს სამხედრო და სავაჭრო ნავსადგურად აქცია პირეუსი; გაამშვენიერა და თავდაცვითი კედელ-ზღუდეებით გაამაგრა იგი.

მერე მარათონის ბრძოლა ჩამოდგა პოლიტიკურ ვნებათა ასპარეზზე და თემისტოკლემ ახალის ენერგიით გამოდის სახელმწიფოს უპირველეს მესვეურთ შორის.

მაგრამ მილტიადემ ხომ ყველა დაჩრდილა. ყველას მისი სახელი ეკერა პირზე. ხოლო თემისტოკლე სახელაღწილი და ნერვებაწიწილი ისმენდა მილტიადეს ქება-დიდებას. მან მოსვენება დაჰკარგა, საყვარელ დროსტარებაზე უარს ამბობდა, ღამეები აღარ ეძინა, ოხრავდა და ბორგავდა. როცა მიზეზს ეკითხებოდნენ, იგი აშკარად, მოუხრიდებლად წამოისროდა:

„მე მოსვენებას მიკარგავს მილტიადეს სახელ-დიდება, მისი ძეგლი, მისი საბრძოლო ტროფეუმები!“

„უნდა გავასწრო, იმას უნდა გადავასწრო! ქვეყანა უნდა ვაიძულო, მხოლოდ ჩემზე, თემისტოკლეზე ილაპარაკონ!“ — უქემურშეყრილივით არწმუნებდა და აიძულებდა იგი თავის თავს.

თემისტოკლე არა სცნობდა არავითარ ზნეობრიობას პოლიტიკურ ორომტრიალში. მას მიზნის მისაღწევი ყოველნაირი საშუალება გამართლებულად მიაჩნდა. მთელი მისი ქარიშხლიანი ცხოვრების უმთავრესი ბერკეტი პატივმოყვარეობა იყო.

მაგრამ ათენელები სთვლიდნენ, რომ თემისტოკლეს პატივმოყვარეობაც კი სამშობლოს კეთილდღეობას ემსახურებოდა. ხალხის გულის მოსანადირებლად ისიც კმაროდა, რომ ამ „ენათაფლიანმა“ კაცმა ყოველი ათენელი მოქალაქის სახელი ზეპირად იცოდა. მას ყველა აფასებდა სახელმწიფო კანონიერების თავგამოდებული, მიუდგომელი და მიუყერძობელი დაცვისათვის. სამაგალითოდ კმაროდა მისი პასუხი სახელოვანი პოეტის, სიმონიდე კეოსელისადმი, როცა ამ უკანასკნელმა სტრატეგოსად გასულ თემისტოკლეს რაღაც უკანონო საქმის გაკეთება სთხოვა:

„როგორც შენ, სიმონიდე, არ იქნებოდი კარგი პოეტი, თუკი ლექსწყობის კანონებს დაარღვევდი, ასევე მეც, თემისტოკლე არ ვიქნებოდი კარგი მმართველი, თუკი ვისმეს გულისათვის კანონიერების წინააღმდეგ მოვიქცეოდი“.

ხალხის სულში ჩაძვრომა ძალიან ეხერხებოდა თემისტოკლეს: „ხალხი კაპრიზ ქალს ჰგავს: ალერსიანი ფხანა უყვარს!“

ერთი სიტყვით, თემისტოკლე ათენის სახელმწიფოს პირველ კაცად იქცა.

მართონის ბრძოლის შედეგი ყველა ათენელისათვის მხოლოდ ალტაცებისა და სიამაყის მომგვრელი იყო; ყველამ ირწმუნა, რომ ათენი უძლეველი პოლისი ყოფილა.

დიდი გამარჯვების სხივცემით თვალმოჭრილ ქვეყანაში თემისტოკლე ერთადერთი აღმოჩნდა, რომელმაც სწორედ იმ ძლევამოსილი ბრძოლის დასასრულსავე უპირველეს ყოვლისა მშობლიური ქვეყნის სიმძლავრე კი არა, სისუსტე დაინახა. თემისტოკლესებრ ვერაფერს იგრძნო, რომ მართონის ბრძოლა, მიუხედავად მისი ბრწყინვალე შედეგისა, მაინც მხოლოდ ადგილობრივი ლოკალური ხასიათის ბრძოლა იყო. ბერძნებმა ხმელეთზე ბრძოლა მოიგეს, მტერს ზღვამდე მისდიეს და ზღვაში მკერდამდე დასველების შემდეგ უკანვე გამობრუნდნენ. ეს იყო და ეს. მთავარი მათ ვერ შესძლეს: ზღვაზე მტრის გამოდევნება და მისი საბოლოო განადგურება. ხოლო ზღვა ყველაფერი იყო, სპარსელები სწორედ ზღვიდან მოდიოდნენ. ზღვაზე მანევრირებას ახდენდნენ, ხმელეთზე უშედეგო იერიშის შემდეგ ზღვაზე ბრუნდებოდნენ და დღეს თუ ხვალ ხელახალი იერიშებისათვის ისევ ზღვიდან გამოჩნდებოდნენ.

თემისტოკლემ თავისი ქვეყნის სწორედ ამ სისუსტეს დაადგა



თვალი. იგი თავგამოდებით შეუდგა თანამემამულეთა დარწმუნებას: ან ზღვაზე გასვლა-გაბატონება, ან სიკვდილი! ვისაც ძლიერი ფლოტი და საზღვაო ლაშქარი ეყოლება, იგი აღკვეთავს ბარბაროსულ საფრთხეს და მთელ ჰელადაში გაბატონდება!

მაშასადამე, ან ზღვა, ან სიკვდილი!

მაშასადამე, ათენი საზღვაო სახელმწიფოდ უნდა ქცეულიყო. სახმელეთო პოპლიტური\* ლაშქარი საზღვაო ეკიპაჟით შეცვლილიყო.

თემისტოკლეს „საზღვაო პროგრამას“ ძალიან ბევრი მიმდევარი აღმოუჩნდა, განსაკუთრებით, სახალხო ფენები, ვაჭრები, მრეწველ-ხელოსნები და წვრილი მიწათმეურნენი.

მაგრამ ძლიერი აღმოჩნდა თემისტოკლეს და მის მიმდევართა საწინააღმდეგო მიმდინარეობაც, რომელიც ძირითადად ათენურ არისტოკრატიას წარმოადგენდა. ეს იყო კონსერვატიული „პარტია“, რომლის ბატონობა მთლიანად მსხვილ მიწათმეურნეობას ემყარებოდა და ყოველგვარ რადიკალურ სიახლეს, — მით უფრო „ზღვაზე გასვლას“ — მტრული და უნდო თვალით უცქეროდა.

„აგრარულ-კონსერვატიული პარტიის“ პოზიციას აძლიერებდა მისი ლიდერის სახელმოხვეჭილობა. ეს იყო არისტიდე — მთელს ჰელადაში განთქმული პატიოსნებით, სამართლიანობით, მამულისადმი გულმხურვალე სიყვარულითა და თავდადებით, ჰირსა თუ ლხინში ერთნაირი სიმშვიდითა და შეურყეველობით.

არისტიდეს მართალ და პატიოსან ბუნებაზე ბევრს გადმოგვეცემენ მისი თანამედროვენი. ერთხელ, როცა არისტიდე პელიასტი\* იყო და ურთიერთ მტრადგადაცილებული ორი კაცის საქმეს არჩევდა, ერთი მათგანი ფეხზე წამოვარდა და მოსამართლეს მიმართა:

„ოო, არისტიდე, ამ კაცს უფრო მეტი პოროტება აქვს ჩადენილი შენს წინააღმდეგ. ვიდრე ჩემს წინააღმდეგ“. და ის იყო, უნდა ჩამოეთვალა ეს „პოროტებანი“, რომ არისტიდემ წამსვე შეაწყვეტინა და მშვიდად უთხრა:

„ჩემო მეგობარო, უმჯობესია მითხრა, შენ რა გაგიკეთა ცუდი ამ კაცმა, რადგან მე ვარჩევ შენს საქმეს და არა ჩემს საქმეს“.

შემდგომ, გვიან, 470 წელს, როცა ათენში პირველად დაიდგა ესქილეს ტრაგედია „შვიდნი თებეს წინააღმდეგ“ და სცენიდან აქტიორმა გმირ ამფიარაეზე თქვა:

„ის არამართო გვეჩვენება სამართლიანი,  
არამედ არის სინამდვილეში;  
ის თავის აზრით წედება სიღრმეებს,  
საიდანაც მოიფრქვევიან ბრძნული ბჭობანი“.

წამსვე ყველა დამსწრემ პირი იბრუნა არისტედესკენ, — ყველაზე სამართლიანი და ბრძენი კაცისკენ.

ასეთი კაცი დადგა თემისტოკლესთან საომარ ასპარეზზე. იგი გადაჭრით მოითხოვდა საზღვაო პოლიტიკის ჩაშლას და სახმელეთო ლაშქრისა და სტრატეგიის ამაღლებას.

ისინი არავითარ საშუალებას არ ზოგავდნენ ერთიმეორის წინააღმდეგ საომრად. ათენი მძაფრმა საზოგადოებრივმა ბრძოლამ მოიცვა.

დასაშვებია, მართლაც გაიმართა ასეთი დიალოგი ხალხსა და მის ლიდერთა შორის: „რა გვიშველის ჩვენ, ათენელებს, როცა თქვენ, თემისტოკლე და არისტიდე, ჩვენი სათაყვანო გმირნი, ასე მტრობთ ერთმანეთს?“

თემისტოკლეს პასუხი:

„მე გიშველით თქვენ, თუ არისტიდეს კლდეზე გადააგდებთ!“  
არისტიდეს პასუხი:

„გეშველებათ მხოლოდ მაშინ, თუ ორივეს, მეც და თემისტოკლესაც, კლდეზე ერთად გადაგვყრით!“

მაგრამ ათენს არ შეეძლო მიეღო არისტიდეს დიდსულოვანი და მიუკერძოებელი პატიოსნებით აღსავსე რჩევა. ათენი ორივეს ვერ შეეღუოდა. ერთ მათგანს უნდა დაეტოვებინა საბრძოლო ასპარეზი.

ამისათვის არსებობდა ოსტრაკისმო — კენჭისყრა თიხის ფირფიტებით („ოსტრაკონ“): საგანგებოდ მოწვეულ სახალხო კრებაზე ყველა მოქალაქეს აძლევდნენ თიხის ფირფიტას, რომელზედაც მან უნდა დაწეროს იმ კაცის სახელი, რომელიც სახელმწიფოსათვის არასანდოდ ან მავნედ მიაჩნია. ვისი სახელიც უმრავლეს ფირფიტაზე აღმოჩნდება, იგი ათი წლის ვადით ტოვებს სამშობლოს.

484 წელს ათენის ეკლესია ოსტრაკისმოზე შეიყარა. ხალხს ოსტრაკონები დაუარიგეს. ერთ-ერთი უნდა წასულიყო ექსორიაში — ან თემისტოკლე, ან არისტიდე.

ერთი ატიკელი გლეხი, რომელმაც წერა-კითხვა არ იცოდა, შემთხვევით არისტიდეს შეხვდა, თიხის ფირფიტა გაუწოდა და უთხრა:

„ძალიან გთხოვ, მომეხმარე და დამიწერე!“

„რა დავწერო, თემისტოკლე თუ არისტიდე?“

„არისტიდე“.

არისტიდეს გაელიმა და ჰკითხა:

„განა არისტიდემ რაიმე დაგიშავა?“

„არაფერი, მე მას პირადად არც კი ვიცნობ“.

„მაშ?!“

„უბრალოდ. მე ძალიანაც მწყინს, რომ ყოველი კაცი იმ ვიღაც

არისტიდეს სამართლიანს ეძახის; „სამართლიანი“ და „სამართლიანი“! პირდაპირ თავი მომაბეზრეს!“

არისტიდეს წამით გაოცებულ სახეს ისევ ნაღვლიანმა ღიმილმა გადაურბინა, ფირფიტაზე „არისტიდე“ დააწერა, ახირებულ მოსაუბრეს დაუბრუნა და გაშორდა.

როცა ფირფიტები დათვალეს, აღმოჩნდა, რომ ათენელთა დიდი უმრავლესობა ხმას აძლევდა არისტიდეს გაძევებას.

არისტიდე ათი წლით მიდიოდა სამშობლოდან. ქალაქის კარიბჭიდან რომ გავიდა, შემობრუნდა, ხელები ზეცისაკენ ალაპყრო და შეჰლაღადა:

„ოო, ოლიმპოს დიადო ღმერთო, თქვენ გევედრებით! არასოდეს დასდგომოდეთ ათენელებს ისე მძიმე ღლე, რომ არისტიდე მოკვონებოდეთ!..“

თემისტოკლე ათენის ერთპიროვნული გამგებელი გახდა. იგი ფრთაგაშლილი შეუდგა თავისი დიდი გეგმის განხორციელებას. სულ მალე მისი საოცარი ენთუზიაზმით ანთებული ათენი „საზღვაო ციებ-ცხელებამ“ მოიცვა. თემისტოკლემ ყოველგვარი ფინანსიური და მატერიალური სახსრები გემთმშენებლობის საქმეს მიაგო. ლავრიონის მთის მალაროებიდან შემოსული ვერცხლიც, — რაც ადრე მოქალაქეებზე ნაწილდებოდა, — ფლოტის აგებისათვის დაადგინა. თვითონ ათენელი ხალხი თემისტოკლემ ზღვის პირზე გაიყვანა და ზღვას შეუსია. აქვე საგანგებოდ გაწყობილ სკამებზე ასწავლიდა მათ ნიჩბის მოსმას, აჩვენებდა ცურვას, ზღვასთან ბრძოლას და ზღვაზე მტრის დამარცხებას.

ბელადისა და ხალხის ერთობლივმა თავდადებამ თავისი გაიტანა. 480 წლისათვის ათენს 200-ზე მეტი ხუთბაქნიანი (პენტერა) და სამბაქნიანი (ტრიერა) ხომალდი ჰყავდა. ათენი ერთბაშად უპირველეს საზღვაო სახელმწიფოდ გადაიქცა.

მალე ცხოვრებამ დაამტკიცა, რომ თემისტოკლეს რადიკალური წამოწყებანი უაღრესად პიროგრესულ შინაარს ატარებდნენ.

თ ა ვ ი მ ე ო რ ე

თ ე რ მ ო ჯ ი ლ ე

ქ ს ე რ ქ ს ე

„მათი ღიღება უკვდავია, ხვედრი საამო,  
ვინც თერმოპილეს მისადგომთან თავი გასწირა!  
მათი საფლავი წმინდა არის, დე გლოვა დაცსრეს,  
მაგრამ გულეებში ჩაიბეჭდოს გპირების სსოენა!  
დრო ვერ გადაშლის მათ საფლავზე წმინდა ჭვირნიშანს,  
ყველა გოდოლი დაიშლება, დააფარავს საესი!  
ელადამ აქა ტრფობა თვისი დაასამარა...  
ჰე, ლეონიდე, მოწმედ მეყავ, სპარტის ვაუკაცო,  
არ დაგიჭენება ეგ გვირგვინი სამარადისო“.

ს ი მ ო ნ ი დ ე

მარათონის ბრძოლით მარცხნაქამი დარიოსი კიდევ ხუთი წლის მანძილზე ემზადებოდა რევანშისა და საბერძნეთის სრული განადგურებისათვის. მაგრამ აზიის დიდ მბრძანებელს ათენელთა ჯავრი განუქარვებლად ჩაჰყვა საფლავში. იგი გარდაიცვალა 485 წელს, 36 წლის ხელმწიფობის თავზე.

სპარსეთის სამეფო ტახტი, სასახლის გარიგების მიხედვით, უნდა დაეჭირა გარდაცვლილი ხელმწიფის უფროს ვაჟს, არტაბაზანს, რომელიც დარიოსს პირველი ცოლისაგან ჰყავდა. მაგრამ მეორე ცოლმა, მშვენიერმა ათოსამ, დარიოსი მთლიანად თავისი გავლენის ქვეშ მოაქცია და ტახტის უცილობელ მემკვიდრედაც სიცოცხლეშივე მათი ვაჟი, ქსერქსე გამოაცხადებინა. ამ გადაწყვეტილებას დაბეჯითებით უჭერდა მხარს სპარტიდან გაქცეული მეფედყოფილი დემარატის, რომელიც დარიოსის გაშინაურებულ მრჩეველთა შორის დიდი გავლენით სარგებლობდა.

მაშ, სპარსეთის მსოფლიო სახელმწიფოს ახალი მბრძანებელი შეიქნა ქსერქსე.

ეს იყო ტანად სრული, ახოვანი და პირმშვენიერი კაცი, გულადიცი და გულზვიადიცი, უხვი მწყალობელიცი და უხვად მესისხლევცი, იშვიათად კეთილი რჩევის მომსმენიცი და უფრო ხშირად თვითდაჯერებული, კაპრიზიანი მანიაკიცი.

ტახტზე ასვლისთანავე ქსერქსემ სასტიკი სისხლთათხევით ჩაახშო ეგვიპტელთა აჯანყება, რომელიცი მამამისის მეფობის დასასრულს დაწყებულა. მან ეგვიპტე მძიმედ დახარკა და მმართველ სატრაპად თავისი ძმა აქემენი ჩაუყენა.

ამის შემდგომ მეფე გამალებით შეუდგა საბერძნეთთან ომის ხელახალ, გრანდიოზულ სამზადისს.

ქსერქსე მთელი მსოფლიოს დაპყრობაზე ოცნებობდა. მას გადაწყვეტილი ჰქონდა საომრად აღმოხდენილი მახვილი ქარქაშისათვის მხოლოდ იქ დაებრუნებინა, სადამდეც „აღწევს ეთერი ზეციერ ღმერთთა“. მას უნდოდა გრანდიოზული დამპყრობლობითა და ხელმწიფური მორკმულობით დაეჩრდილა ყველა თავისი წინამორბედი, მათ შორის — კიროსიცი, კამბიზიცი, დარიოსიცი.

მსოფლიოს დაპყრობის უპირველეს საფეხურად ქსერქსეს მიაჩნდა ურჩი საბერძნეთის დასჯა და განადგურება. ამასვე ჩასჩიჩინებდნენ მისი უახლოესი მრჩეველები, — უპირველესად მისი სიძე მარდონიოსი, დის ქმარი, პირველი მარცხიანი ლაშქრობის მოთავე, რომელსაც მხარს უზამდნენ სამშობლოდან გაქცეული ბერძნები — სპარტელი დემარატი და ათენელი პითიას ვაჟი პისისტრატე. ერთადერთი, ვინც ამოდ არ ურჩევდა ქსერქსეს საბერძნეთზე ლაშქრობას, იყო მისი ბიძა არტაბანი.

ქსერქსემ გაითვალისწინა საბერძნეთზე წინა ლაშქრობების ყველა მარცხიანი პერსპექტივა. პირველი გალაშქრების ყამს ხომ ათონის კონცხთან მუდამ მშფოთვარე ზღვამ დაამსხვრია სპარსელთა ფლოტი. ამიტომ მეფემ ბრძანა, ფართო არხით გადაეჭრათ ათონის ყელი და მასზე გავლით გვერდი აეელოთ კონცხისათვის. სამი წელი გაგრძელდა არხის გაყვანა. ამასობაში ფინიკიისა და მცირე აზიის სანაპიროთა მთელს სიგრძეზე იგებოდა ახალი გემები, იკრიბებოდა ფლოტი. ჰელესპონტზე არმიებისა და კავალერიის გადასაყვანად ხიდები უნდა აგებულიყო. მეფემ მცირეაზიელი ბერძენი ინჟინრები გაგზავნა. სრუტის ყველაზე ვიწრო ნაკვეთზე, აბიდოსსა (აზიიდან) და სესტოსს (ევროპიდან) შორის, ქსერქსეს წარგზავნილებმა გემები ორრიგად გაამწკრივეს, ზედ ფიცრები დააგეს, მოაჭირებით გადალობეს (გადასვლისას ცხენები რომ არ დამფრთხალიყვნენ), ზაგირებით

გადასკიმეს და ამგვარად ორი ხიდი უკვე მზად იყო აზიურ საომარ ძალთა ევროპაში გადასაყვანად.

481 წელს ქსერქსე ლიდის მთავარ ქალაქში — სარდში ჩამოვიდა და აქვე ბრძანა საბერძნეთში სალაშქრო არმიების შეყრა.

წლის მიწურულში, როცა მრავალრიცხოვან და მრავალხალხოვან ლაშქართა დინება თითქმის დამთავრებული იყო, ქსერქსემ შეიტყო, რომ ჰელესპონტზე ამოვარდნილ ქართველ ხიდები ერთიანად დაუმსხვრევია. რისხვით აღვსილმა მეფემ ხიდის მშენებლებს თავები დააყრევინა. მისივე ბრძანებით ზღვაც „დასაჯეს“: სამასი შოლტი დაჰკრეს და შიგ ბორკილები ჩაუშვეს. ხიდები „დასჯილ და დათრგუნულ“ ჰელესპონტზე ხელახლა ააგეს.

### როგორ მოდიოდნენ აზიელები

დადგა 480 წელი. სარდიდან გასვლა იწყო უზარმაზარმა არმიამ. წინა დღით ლიდელმა მდიდარმა და წარჩინებულმა კაცმა, პითიოსმა, რომელსაც მთელი თავისი საგანძურები სპარსელი მეფის სამსახურად მიუძღვნია, ქსერქსეს სთხოვა, ლაშქრად გაწვეული ხუთი ვაჟიდან ერთი მაინც დაეტოვებინა მამისთვის. ქსერქსემაც თავის ერთგულ კაცს ასე შეუპირა თხოვნა: მისი ბრძანებით პითიოსის უფროსი ვაჟი ლაშქრიდან გამოიყვანეს, მამის თვალწინ შუაზე გასჩეხეს და ნახევარ-ნაწილები აქეთ-იქით გზაზე გამოჰკიდეს\*..

ახლა ქსერქსეს არმია ამ გაჩეხილი კაცის შუაში მიდიოდა.

უწყვეტ ნაკადად მიდიოდა უზარმაზარი არმია. ავანგარდმა უკვე ჰელესპონტს მიაღწია და არიერგარდი ჯერ კიდევ სარდიდან არ გამოსულიყო.

გზად, პერგამოსის მალღობზე, სპარსელმა მოგვებმა\* ათასი ხარი დაუკლეს უზენაეს ღვთაებას — აპურამაზდას. ქსერქსემ სკამანდრის პირზე მოიხილა სახელოვანი ილიონის ნამუსრევი და მოისმინა თქმულებანი ტროას ომისა. ჰელესპონტთან, აბილოსის ველზე, სახელდახელოდ აღმართეს თეთრი მარმარილოს ესტრადა, საიდანაც ქსერქსე გასცქეროდა არმიებისა და ფლოტის მსვლელობას.

უზღევ საომარ ძალთა ხილვით აღტაცებულმა მეფემ შესძახა, ბედნიერზე ბედნიერი ვარო, მაგრამ გაახსენდა, რომ ადამიანის სიცოცხლე ძალიან ხანმოკლეა და ტირილი დაიწყო. ბიძამისმა არ-

\* ასევე მოექცა დარიოსი სკვითებზე გალაშქრების წინ სპარსელ წარჩინებულს, ეობაზს, როცა მან მეფეს ბრძოლად გაწვეული სამი ვაჟიდან ერთ-ერთის გათავისუფლება სთხოვა, სამივეს შენ დაგიტოვებო, უთქვამს მეფეს და სამივეს თავი გააგდებინეს.

ტაბანმა გადაწყვიტა ესარგებლა ცხოვრების სიმოკლითა და ამაოებით შეშფოთებული მეფის განწყობილებით და ერთჯერ კიდევ სცადა, ხელი აეღებინებინა საბერძნეთზე გალაშქრებისაგან. საპასუხოდ ქსერქსემ არტაბანი სუზაში გაგზავნა და თავის მაგიერ სახელმწიფოს მართვა-გამგეობა მიანდო. თვითონ კი ჰელესპონტზე გადასვლის დაწყება ბრძანა.

დილით ადრე მოგვებმა სამსხვერპლო თიმიამი აახრჩოლეს, ლოცვები აღაუღინეს და ჰელესპონტზე მიმავალი გზა მურტის რტოებით მოჰფინეს. თვითონ მეფე მზის ამოსვლას ლოცვით შეხვდა, მის სადიდებლად ოქროს კრატერი აღმართა და ევროპაში ლაშქრობის წარმატებით დასრულება შესთხოვა. მერე ზღვისაკენ შებრუნდა და ის ოქროს კრატერი, ოქროს თასთან და სპარსულ მახვილთან ერთად, ზღვის ღმერთის ძღვნად, ჰელესპონტში ჩაჰყარა.

ჰელესპონტზე გადასვლა დაიწყო.

ხილებზე პირველმა გადაიარა სამეფო გვარდიამ, გვირგვინებით თავშემკობილმა ათიათასიანმა „უკვდავმა“. შემდეგ დაიძრა თვითონ ქსერქსე, რომელსაც წინ უძღოდნენ მისი პირადი მცველნი — ათასი ცხენოსანი და ათასი ქვეითი. გვირგვინებით თავშემკობილი რჩეული ვაჟკაცები. მათ კვალდაკვალ მოჰყავდათ ბრწყინვალედ მორთულ-მოკაზმული ათი ცხენი, ხოლო ამათ უკან რვა თეთრი მერანი მოაქანებდა მითრას საღვთო ეტლს, რომელსაც მოჰყვებოდა თვითონ ხელმწიფე. თავისი ნათესაეებით, მეგობრებითა და მრჩეველებით გარშემორტყმული. სამეფო ამაღლის შემდგომ მოდიოდა ისევ ცხენოსანი და ფეხოსანი მცველთა რაზმები.

მეფემ ევროპის მიწაზე გადასვლისთანავე კარავი დაიდგა და ერთი კვირის განმავლობაში უტკეერდა, როგორ მოედინებოდა აზიიდან ევროპისაკენ მისი უთვალავი ლაშქარი.

არმია გადავიდა. ხილების დაცვა აზიის მცხოვრებთ ებრძანათ.

სპარსელებმა გადაიარეს თრაკიის ხერსონესი და გადავიდნენ მდინარე ჰებრის ველზე, სადაც ქსერქსეს მთლიანად საომარ ძალთა დათვალიერება და დათვლა ჰქონდა ნაბრძანები.

ქალაქ ენოსის ნავსადგურში თავი მოიყარა ფლოტმა, 1.207 საბრძოლო და 3.000 სატრანსპორტო გემმა. ქალაქ ღორისკის მახლობლად გაშლილ ველზე დაიწყო სახმელეთო ძალთა დათვლა. ჰეროდოტე ამ ამბავს ასე გადმოსცემს: ჯერ გადათვალეს ათიათასი კაცი, ერთიმეორესთან მიბრჭენით შეამკიდროვეს და გარშემო ღობე შემოავლეს. აი, ასეთ „ქართას“ ავსებდნენ მეომრებით, დაცილდნენ, ისევ გაავსებდნენ და ა. შ. ამნაირად გაივსო და დაიცალა „ქართა“ 170-15. ლ. სანიკიძე

ჯერ. გამოდის, რომ ქსერქსეს ჰყოლია 1.700.000 მეომარი. ასე, რომ, მართლაც, როგორც თანამედროვენი გაიძახოდნენ, ევროპაში მთელი აზია გადასულიყო. მაგრამ ჰეროდოტე ამასაც არ სჯერდება. იგი ძირითად სახმელეთო არმიას უმატებს საზღვაო ეკიპაჟს, ბერძენ მოქირავნეებს, თრაკიელ და მაკედონელ მოკავშირეებს და ამგვარად მთლიანად ქსერქსეს ხელქვეით თავს იყრის 5.283.200 მოლაშქრე.

ასეთი გადაჭარბებანი ჰეროდოტეს დიახაც უყვარს, მაგრამ სპარსულ არმიათა რიცხოვრები გრანდიოზულობა ეჭვს მაინც არ იწვევს. შეგვიძლია ვიფიქროთ, რომ ქსერქსემ საბერძნეთში ნახევარ-მილიონიანი არმია შეიყვანა.

დათვლის შემდეგ სპარსელთა არმია დალაგდა ტომობრიობისა და შეიარაღების მიხედვით; ყოველ საჯარისო ერთეულს ქსერქსემ უსარდლა თავისი უახლოესი ადამიანები — ნათესავეები, მეგობრები და თანამეინახენი. შემდეგ არმია ალღუმზე დააწყო და საომარ ეტლზე ამხედრებულმა წინ მთელი ფრონტით ჩამოუარა. გვერდით უჭდა მწერალი, რომელსაც საგანგებო სიაში შეჰქონდა ლაშქრობის მონაწილე ტომთა სახელები.

აქ იყვნენ სპარსელები და მიდიელები, საკები და ბაქტრიელები, არიელები და ჰირკანიელები, პართიელები და დრანგიანელები, სოგდიანელები და ინდოელები, კავკასიელები და კასპიელები, მესოპოტამიელები და არაბები, ეთიოპიელები და ლიბიელები, ლიდიელები და პაფლაგონელები, ფრიგიელები და კაპადოკიელები, ხალიბები და მოსხები, კოლხები და ტიბარენები, ალაროდიელები და სასპერები. გზაზედ ზოგიერთი თრაკიული და მაკედონური ტომიც შეუერთდა სპარსულ არმიას.

შემდეგ ქსერქსემ მოაწყო ფლოტის დათვალიერება. მან სწრაფი სიღონური ხომალდით ჩამოუქროლა საზღვაო ძალებს. აქ იყვნენ ფინიკიელები და ეგვიპტელები, კვიპროსელები და კილიკიელები, ლიკიელები და კარიელები, ბოლოს — მცირეაზიელი და ეგეოსელი ბერძნები...

დიდი აზიური საომარი ძალები ზღვით და ხმელეთით საბერძნეთისაკენ მიეშურებოდნენ.

## როგორ ხვდებოდნენ ევროპელები

როცა ქსერქსე ჯერ კიდევ სარდში თავს უყრიდა საომარ ძალებს თემისტოკლეს მოთხოვნით, კორინთოს ყელზე შეიკრიბნენ ბერძნულ ქალაქთა წარმომადგენლები. უნდა გადაეწყვიტათ — სად, როგორ, და რა ძალებითა და ხერხებით დახვედროდნენ კარს მომდგარ მტერს



კვლავ დაქსაქსულობამ, შინაურმა მეტოქეობამ და ურთიერთ მტრობამ იჩინა თავი. სამხრეთ საბერძნეთიდან ომში მონაწილეობაზე უარი თქვა არგოსმა, რაკი მას მეტოქეობა ჰქონდა სპარტასთან. ასევე მოიქცა პელოპონესის ჩრდილოური ოლქი—აქეია. შუა საბერძნეთიდან მხოლოდ ათენი და მცირე ქალაქი — პლატეა და თესპია გამოდიოდნენ სპარსელებთან საომრად, ხოლო ათენთან და პლატეასთან ქიშპშიჩამდგარმა თებემ სპარსეთის მეფეს „მიწა და წყალი“ გაუგზავნა. სპარსელების მხარეზე იდგა ყველაზე დიდი ბერძნული სახელმწიფო — თესალია. დახმარების სათხოვრად ელჩები ჰყავდათ გაგზავნილი სიცილიელი ბერძნების ბელადთან, ჰელონ სირაკუზელთან; მაგრამ ჰელონმა საომრად გამოსვლის აუცილებელ პირობად მთავარსარდლობა მოითხოვა, ამაზე უარი მიიღო და იმანაც თავის მხრივ სპარსელებთან ბრძოლის მონაწილეობაზე ცივი უარი თქვა.

კორინთოს თათბირზე შეკრებილი პატრიოტული ძალები მხნეობას მაინც არ ჰკარგავდნენ. ვერც დელფოს ორაკულის საეპეო წინასწარმეტყველებამ შეაკრთო ისინი. პითია სპარსელებთან ომში ორ მთავარ ქალაქს — ათენსა და სპარტას — ასეთ რამეს „უწინასწარმეტყველებდა“: ათენელებს ხის კედლები დაიხსნიანო, ხოლო სპარტას ან თვითონ მოელის სასტიკი აოხრება, ან ერთ-ერთი მეფე დაედუპებაო. თემისტოკლემ „ხის კედლებში“ გემები იგულისხმა და თანამემამულენი ფლოტის გამრავლებისა და გაძლიერების საქმეში დაითანხმა, ხოლო სპარტელებმა „ნაწინასწარმეტყველევი“ საფრთხე სავსებით გულგრილად მოისმინეს და „ლაკონიური“ მღუმარებით უგულუბელჰყვეს.

შეკრებილებმა უპირველეს ყოვლისა დაადგინეს ურთიერთ შორის ყოველგვარი უთანხმოებისა და საომარი მდგომარეობის შეწყვეტა და საერთო მტრის წინააღმდეგ მთელი ძალების გაერთიანება. ასე შერიგდნენ საომარ მდგომარეობაში მყოფი ათენი და ეგინა. ყველამ ფიცი დასდო, რომ ერთიანი ძალით იბრძოლებდნენ არა მარტო აზიელი ბარბაროსების წინააღმდეგ, არამედ საერთო საქმის წინააღმდეგ გამოსულ თანამემამულე ბერძენთა დასასჯელადაც. მოლაპატენი უნდა აეკლოთ, ქონება წაერთმიათ, მეთადი დელფოს აპოლონის ტაძრისათვის შეეწირათ, დანარჩენი ურთიერთ შორის გაენაწილებინათ.

შემდეგ მსჯელობა გაიმართა იმის თაობაზე, თუ სად უნდა შეხვედროდნენ მტერს, ხმელეთზეც და ზღვაზეც. სპარტელები ჯერ მოითხოვდნენ კორინთოს ყელზე და პელოპონესის სანაპიროებზე გამაგრებულებს, მაგრამ მათ მალე თავისი მოთხოვნა უკანვე წაიღეს, რადგან აშკარად გამოჩნდა: პელოპონესელებს შუა საბერძნეთი და

განსაკუთრებით ათენი, — თუ მათ მტერი აიკლებდა, — მაინცდა-  
მაინც არაფრად ენაღვლებოდათ. ზოგიერთებმა მტრისათვის გზის  
შესაკრავად მაკედონიიდან თესალიაში გამოსასვლელი ერთადერთი  
გზა დაასახელეს — მდინარე პენეესის შესართავთან, ტემპეის ველი.  
მაგრამ თემისტოკლემ ყველანი დაარწმუნა, რომ ეს ადგილი სახიფა-  
თო იქნებოდა, რაკი ზურგში სპარსელთა მოკავშირე თესალია ეყო-  
ლებოდათ. ამიტომ მისივე წინადადებით დადგინდა: სახმელეთო ჯა-  
რები უნდა გამაგრებულიყვნენ ჩრდილო (თესალია) და შუა (ლოკ-  
რიდა) საბერძნეთის შესაყარში, ეტას მთასა და ზემო ევბეის ვიწრო  
ზღვას შორის, თბილი, გოგირღოვანი წყაროებით ცნობილი თ ე რ-  
მ ო პ ი ლ ე ს ხ ე ო ბ ა შ ი. ხოლო ფლოტი უნდა განლაგებულიყო  
თერმოპილეს პარალელურ სრუტეში, ევბეის ჩრდილოეთ ნაწილში  
წამოზიდულ არ ტ ე მ ი ს ი ო ნ ი ს კ ო ნ ც ხ თ ა ნ.

სახმელეთო ჯარების მთავარსარდლად დანიშნულ იქნა სპარტის  
მეფე ლეონიდე.

თითქოს საექვოდ არავის უნდა გაეხადა ფლოტის მთავარსარდ-  
ლად თემისტოკლეს გამოცხადება. ჯერ ერთი, თემისტოკლე, ბერ-  
ძენ სტრატეგოსთა შორის, საზღვაო საქმეთა უპირველეს მცოდნედ  
ითვლებოდა და მეორეც, რაც მთავარია, ბერძენთა გაერთიანებულ  
ფლოტში 315 გემიდან 200 მართო ათენის გემი იყო, მაგრამ თემის-  
ტოკლეს ადმირალობის საკითხმა მოკავშირეებში დიდი დავა გამო-  
იწვია. ათენის სწრაფი დაწინაურებით შეშფოთებულ პელოპონესე-  
ლებს არ სურდათ ათენელის ხელქვეით მოქცეულიყვნენ. სპარტელე-  
ბი სახმელეთო ჯარების უფროსობას არ სჯერდებოდნენ და საზღვაო  
ძალთა ადმირალობასაც ეტანებოდნენ. მათ მხარს უჭერდნენ  
ათენის მეტოქე კორინთელები და მეგარელები. ყველაზე მე-  
ტად თემისტოკლეს მეთაურობის წინააღმდეგ გამოდიოდნენ ახლა-  
ხან ათენთან შერიგებული ეგინელები, მაგრამ, ყველასათვის გასაოც-  
რად, პატრიმოყვარე და ამპარტავანმა „ზღვის მგელმა“ თვითონ სთქვა  
უარი ადმირალობაზე. მან დანარჩენი ათენელები დაარწმუნა, რომ  
სამშობლოსათვის ასეთ მძიმე უამს არ ღირდა ბრძოლა და კინკლაობა  
სტრატეგოსობისათვის. მან ფლოტის მთავარსარდლობა ქედდადრე-  
კით გადასცა სპარტელ სარდალს, ე ვ რ ი ბ ი ა დ ე ს, რომელ-  
საც არამცთუ საზღვაო საქმეებისა არაფერი გაეგებოდა, ზღვაში რომ  
ვგაღახად ფეხი ჩასცდენოდა, საკუთარ თავსაც ვერ უშველიდა.

როცა კამათი მიწყდა, თემისტოკლემ ევრიბიადე გაიხმო და უთხ-  
რა:

„დაე, შენ იყავ, ევრიბიადე, მთავარსარდალი, მაგრამ იცოდე,  
ზოგიერთი რამ მე უნდა დამიჯერო!“

„ასე იქნება“, მშვიდად უპასუხა სპარტელმა.

ოთხასოთხმოცი წლის ივლისი დადგა. იმ დღეებში ელიდაში (პელოპონესი), ქალაქ ოლიმპიაში, ტრადიციული საყოველთაო ბერძნული ზეიმ-ასპარეზობა — ოლიმპიადა უნდა გამართულიყო. მაგრამ საომარ ძალებს ოლიმპიადისთვის არ ეცალათ.

ბერძენთა გაერთიანებული ფლოტი ევრიბიადეს მეთაურობით უკვე მივიდა არტემისიონის კონცხთან.

სახმელეთო ჯარებს ელოდა თერმოპილეს ხეობაც. უპირველეს ყოვლისა, უნდა მოსულიყო მთავარი ძალა — სპარტელთა ლაშქარი მეფე ლეონიდეს მეთაურობით. მოელოდნენ, რომ პელოპონესიდან მოვიდოდა არანაკლები 40.000 ჰოპლიტისა. მაგრამ მოვიდა მხოლოდ 3.100.

• აქედან მხოლოდ 300 იყო სპარტელი.

მხოლოდ სამასი და მათ შორის ლეონიდე.

ლეონიდე უკვე ორმოცდაათ წელს იყო გადაცილებული, ათლექური აღნაგობის, მშვიდი, ენერგიული სახიერების მქონე კაცი.

მისი სამასი სპარტელიც, ყველა ცოლშვილიანი, შუა ხნის ვაჟაკები იყვნენ.

ახალგაზრდა სპარტელებს მაშინ არ შეეძლოთ ბრძოლად გამოსვლა, რადგან სწორედ იმ დღეებში მიდიოდა კარნეის დღესასწაულები, რაზედაც ახალგაზრდა ლაქედემონელთა დასწრება სავალდებულოდ ითვლებოდა. სპარტის ხელისუფლება ლაშქრის ასეთ მცირერიცხოვანებაზე ოლიმპიადის დღესასწაულებსაც იმიზეზებდა. მათთვის მთავარი მაინც პელოპონესი იყო და არა შუა საბერძენეთი. ამიტომ ისინი ძირითად ძალებს სწორედ პელოპონესის დასაცავად ინახავდნენ.

თვითონ ლეონიდე დანარჩენ მოკავშირეთა გასამხნეველად ამბობდა, რომ იგი მხოლოდ ავანგარდულ რაზმს მოუძღვის და სპარსელების გამოჩენამდე სპარტიდან დიდი ლაშქარიც მოგვისწრებსო.

შუა საბერძენეთში შესვლისას სპარტელებს თავისი ნებით შეუერთდნენ თესპიელები, ლოკრები და ფოკეელები. ლეონიდემ მკაცრი ბრძანებით თებელებიც აიძულა გამოსულიყვნენ სპარსელებთან საომრად.

თესალიისა და ლოკრიდის საზღვარზე, ევბეის სრუტის ჩრდილოეთი ნაწილი ხმელეთში საკმაოდ ღრმად იჭრება და მალიაკის ყურის სახელს ატარებს. მის გასწვრივ მაღალ კედლად მიიმართება იტას მთაგრეხილი. იტას ჩრდილოეთ ფერდობზე, მალიდის ოქქში, მცირე ქალაქი ტრახინი მდებარეობს, ხოლო ტრახინის სამხრეთით,

მთასა და წყალს შორის მიიმართება ვიწრო ზოლი, რომელიც მთის-  
კენ მუხის, ზეთის ხილის, დაფნისა და ვაზის ხეივნებითაა დაფარუ-  
ლი, ხოლო წყლისაკენ — უეცარი დამრეცი და უძირო ჭაობებია. ამ  
ვიწრო გასასვლელის სამხრეთ ნაწილში, იქ სადაც მთა და ზღვა ერთ-  
მანეთს ერთი ეტლის სიფართოზე უახლოვდებიან, კლდეებიდან სამ  
ნაკადად გამოჰქუხს გოგირდოვანი თბილი წყაროები. აქედანვე წარ-  
მოსდგა სახელწოდება თ ე რ მ ო პ ი ლ ე — „თბილი კარიბჭენი“.  
აქვე მახლობლად, მაღლობზე, ტრახინიდან ერთი საათის სავალზე,  
შეფენილია ლოკრიდის პატარა სოფელი ა ლ პ ე ნ ა .

აქ, თერმოპილესა და ალპენას შუაში, დაიბანაკა ლეონიდემ თა-  
ვისი ლაშქრით. ხოლო თვით ლაშქარში შედიოდა:

ს ა მ ხ რ ე თ ს ა ბ ე რ ძ ნ ე თ ი დ ა ნ :

300 სპარტელი,

500 ტეგელი,

500 მანტინელი,

120 ორქომენელი,

400 კორინთელი,

200 ფლიუნტელი,

80 მიკენელი.

შ უ ა ს ა ბ ე რ ძ ნ ე თ ი დ ა ნ :

700 თესპიელი,

400 თებელი,

500 ლოკრიდელი,

500 ფოკიდელი.

და ამათ გარდა კიდევ 1.000 მონა და პერიეკი (ჩამოსახლებული  
უცხოელი) პელოპონესიდან.

ეს იყო და ეს: სულ 5.200 კაცი.

ხოლო სპარსელნი? ოო, უთვალავია ბარბაროსთა ლაშქარი!

მოდის მთელი აზია!

დაღამდა. ქვეყანა დაწყნარდა. ბერძენთა ბანაკიც დუმდა, თუმ-  
ცა არ ეძინა.

ვიღაცამ ამოიოხრა.

სადღაც აჩურჩულდნენ:

„ჩვენ კი გვეგონა, ყველაზე მეტი სპარტელები იქნებოდნენ!“

„ჰო, სპარტელები. ისინი მხოლოდ სამასი კაცია!..“

უცებ მკაცრმა ხმამ გააწყვეტინა:

„სამასი კაცი?!“

და იგივე ხმამ მკაცრადვე „გაასწორა“:

„სამასი სპარტელი!!!“

ბანაკი ისევ დუმდა.

სპარსულმა არმიამ მაკედონია ჩაათავა. ტემპეის ველი გაიარა და თესალიაში ნიაღვარივით შეიჭრა. პარალელურად მოედინებოდა საზღვაო ფლოტი, რომელსაც სათავეში ედგა ქსერქსეს ძმა აქემენი.

დაზვერვაზე წინასწარ წამოსული ათი სიღონური ხომალდი წააწყდა კუნძულ სკიათოსთან (ევბეის ჩრდილოეთით) საგუშაგოდ მდგარ სამ ბერძნულ ხომალდს. უთანასწორო ბრძოლაში სპარსელებმა ხელთ იგდეს ორი ხომალდი — ერთი ეგინისა და მეორე ტრეზენისა. ბარბაროსებმა ბერძენ ცუვეთაგან აარჩიეს ულამაზესი ვაჟაკი, სახელად ლეონი, და იქვე, მათსავე გემზე, ფინიკიელ და სპარსელ ღმერთთა სამსხვერპლოდ ყელი გამოსჭრეს; ხოლო დანარჩენებს მონობის ბორკილები დაადეს, მესამემ — ათენელთა გემმა ტყვეობას გაასწრო და მისმა ეკიპაჟმა კუნძულ სკიათოსს შეაფარა თავი. აქედან მათ კოცონით აცნობეს თავისიანებს სპარსელთა ფლოტის მოახლოება.

ბერძენმა სტრატეგოსებმა ატრემისიონთან ყოფნა ამჯერად სახიფათოდ მიიჩნიეს და უკანდახვევის ბრძანება გასცეს. ფლოტი ევბეს სრუტეს დაუყვა და მის ყველაზე ვიწრო ნაწილში, ქალაქ ქალკიდის მყუდრო ნავსადგურში ჩაუშვა ლუზა.

სპარსელთა ფლოტს თესალიის მაგნეზიის ნაპირთა გასწვრივ ღამემ მოუსწრო. აქემენმა დილამდე ლუზის ჩაშვება ბრძანა. მაგრამ ღამით ჩრდილო-დასავლეთიდან საშინელი გრიგალი წაშოვიდა. ბერძნები მას „ჰელესპონტურ ქარს“ ეძახდნენ. სპარსელი მოგვები ლოცვითა და მსხვეპლის წირვით ამაოდ აბეზრებდნენ თავს ღმერთებს. სამი დღე-ღამის განმავლობაში ქართველი ნაფოტეებით ისროდა სპარსელთა ხომალდებს. გემები ერთმანეთს ეხლებოდნენ, ან ზღვაში პიტალოდ ჩამოშვებულ პელიონის კლდეებს ეხეთქებოდნენ, 400 გემი თავისი ეკიპაჟებითა და სიმდიდრეებით ზღვის ფსკერზე დაეშვა. ვინც ხმელეთზე გადაასწრო, ადგილობრივ ტომთაგან თავდასხმის შიშით, გემთა ნამსხვერვეებისაგან ბარიკადებს აგებდა და მოსალოდნელი ომისათვის ძრწოლამოსილი ემზადებოდა.

როცა ქალკიდასთან დაბანაკებულმა ბერძნებმა მტრის ზარალის აშბავი შეიტყვეს, ზღვათა და ქართა მბრძანებელ ღმერთებს — პოსეიდონსა და ბორეასს — სამადლობელი მსხვერპლი შესწირეს და ისევ არტემისიონის კონცხისაკენ გაეშურნენ, წამოეწივნენ უკვე პაგასის ყურეში შემავალი სპარსული ფლოტის არიერგარდს და ბრძოლა გაუმართეს მას. ამ შეტაკებაში 15 ტრიერა წა-

ართვეს ბერძნებმა სპარსელებს და მათი ბელადები დაბორკილი გაუგზავნეს სამოკავშირეო საკრებულოს კორინთოს ყელზე.

მიუხედავად ასეთი წარმატებებისა, არტემისიონთან მდგარი ბერძნული ფლოტის მთავარსარდლობაში მაინც საკამათო გახდა, გაემართათ თუ არა გენერალური ბრძოლა მტრის ფლოტთან, რომელსაც იმ ზარალთა შემდგომ მაინც ღარჩა არა ნაკლები 1.000 ხომალდისა. კორინთელი სტრატეგოსი ადიმანტოსი მოითხოვდა დაუყოვნებლივ დაეწყათ უკანდახევა სამხრეთისაკენ, პელოპონესის სანაპიროებისაკენ. მთავარსარდალმა ევრიბიადემ მაშინვე დაუჭირა მხარი კორინთელის წინადადებას. მათვე მიემხრო ათენის საღვთო გემის უფროსი არქიტელე. თემისტოკლე თავგამოდებით იბრძოდა არტემისიონთან დარჩენისა და მტერთან გენერალური ბრძოლის გამართვისათვის. თემისტოკლეს, ათენელთა გარდა, მხარს უჭერდნენ ევბეელები, რომელთაც დიდი შიში ჰქონდათ: თუ ბერძნები წავიდოდნენ, სპარსელები ევბეას ააოხრებდნენ. ამიტომ გადამწყვეტ მომენტში ევბეელებმა უკვე სამხრეთისაკენ წასასვლელად გამზადებული ევრიბიადესა და ადიმანტოსის მოსასყიდად თემისტოკლეს მისცეს 30 ტალანტი (დაახლ. 43.000 მან ვერცხლი).

თემისტოკლემ ამ თანხიდან ევრიბიადეს მისცა 5 ტალანტი, ადიმანტოსს — 3 ტალანტი და თავის ურჩ თანამემამულე არქიტელეს 1 ტალანტი. დანარჩენი 21 ტალანტი თემოსტოკლემ მოსალოდნელ „შავ დღეთათვის“ შეინახა. დაქრთამულთაგან არავინ იცოდა, რომ ფული ევბეელებისაგან იყო გაღებული.

„კვერთხმა ეშმაკის ძირისამ“ თავისი გაიტანა. ბერძენთა ფლოტი არტემისიონის კონცხთან დარჩა.

დაღამდა.

ადამიანებს უხაროდათ, რომ წყვილიაღში უკვე ვეღარ ხედავდნენ ზღვის ქაფში შერეულ წითელ სირმებს, კაცთაგან კაცთა დაქცეულს სისხლს.

მაგრამ მომდევნო დღისთვის იგივე ადამიანთა ორივე მხარე უარესი სისხლისთხევისთვის ემზადებოდა.

## ბრძოლა არტემისიონთან

აქემენმა წინასწარი დაზვერვით იცოდა, რომ ბერძნებს მასზე გაცილებით მცირერიცხოვანი ფლოტი ჰყავდათ. ამიტომ გადაწყვიტა მოწინააღმდეგე ისე გაენადგურებინა, რომ მათგან ამბის გამტანიც კი არ გაეშვა. მან 200 გემი გამოჰყო და იღუმალ გაგზავნა ევბეის სრუტის სამხრეთ გასასვლელის ჩასაკეტად, რამეთუ აქედან იერი-

შის დაწყების ეამს, არც ერთი ბერძნული ხომალდი არ გაქცეოდა ხელიდან. როგორც კი აქემენი შეიტყობდა, რომ გაგზავნილი ხომალდები უკვე დანიშნულ ადგილზე მივიდნენ, მაშინვე იერიშსაც დაიწყებდა.

სპარსელთა ეს გეგმა შეიტყო თემისტოკლემ და მაშინვე ამოქმედდა. მან სტრატეგოსთა თათბირზე მოითხოვა, რაკი მტრის ფლოტი 200 გემით შემცირდა, დაუყოვნებლივ თვითონ დასხმოდნენ თავს აქემენის ბანაკს.

მცირე ყოყმანის შემდეგ სტრატეგოსთა საბჭო თემისტოკლეს წინადადებას დაეთანხმა და უკვე მზის დასალიერზე ბერძენთა ფლოტი სწრაფი სვლით დაიძრა მოწინააღმდეგისაკენ.

სპარსელები არ ელოდნენ და საბრძოლოდ გაწყობა ვერ მოასწრეს. ბერძნებმა პირველი იერიშისთანავე მტერს 30 ხომალდი მოსტაცეს და თავის ბანაკში უვნებლად დაბრუნდნენ. მრავალ ტყვეთა შორის აღმოჩნდა კვიპროსელი მეფის ძმა.

ბერძნებს იმედი ჰქონდათ, რომ შეტაკების დროს სპარსელთა ბანაკში მყოფი თანამომე იონიელები (მცირეაზიელი ბერძნები) მათ მხარეზე გადავიდოდნენ, მაგრამ ეს ასე არ მოხდა. მხოლოდ ერთი ლემნოსური ტრიერა გამოექცა სპარსელებს ანტიდორეს მეტაურობით.

იმ ღამით კვლავ აიშალა ქართველი ზღვაზე. კოკისპირული წვიმა და ღვარანფშვენი წამოვიდა. წინა დღეთა ქარიშხლისაგან დაღწეულ ხომალდთა ნამუსრევნი და დახოცილ ადამიანთა გვამები გამოიტანა ზღვამ პელიონის ნაპირებიდან. სპარსელები შეაძრწუნა მათმა ხილვამ. აქემენის ბანაკი პანიკამ მოიცვა. უარესი ამბავი შეიტყო სპარსული ფლოტის აღმირალმა: ის 200 ხომალდიც მთელი თავისი ეკიპაჟითა და აღჭურვილობით ქარიშხალმა დაღწა და განადგურა. მათგან ამბის მომტანიც აღარ დაბრუნებულა.

ბერძენთა სიხარულს საზღვარი არ ჰქონდა; მით უფრო, რომ სწორედ იმ დღეს, როცა სპარსელთა ფლოტმა ამდენი ზარალი ნახა, ბერძენთა ბანაკმა ახალ დამხმარე ძალად ათენიდან კიდევ 53 ხომალდი მიიღო.

მამ, ჰეროდოტეს თქმისა არ იყოს, „ღმერთმა მართლა შეამცირა განსხვავება“ სპარსელთა და ბერძენთა ძალებს შორის.

თემისტოკლე სიხარულით ცასა ჰკიდებდა ხელს.

მომდევნო საღამოს, როცა ავდარმა გადაიკარა, ბერძნებმა ისევ წამოიწყეს იერიში და კიდევ რამდენიმე ხომალდი წაართვეს მტერს.

სამი დღის შემდგომ ცოფით შეპყრობილმა აქემენმა თვით გამოიყვანა ფლოტი იერიშზე. მისი ხომალდები ნახევარწრედ მოიწვედნენ მოწინააღმდეგისაკენ.

ორივე მხარე იბრძოდა დიდი სიმხნევითა და თავგანწირვით. ორივე მხარემ ნახა ზარალი. ბარბაროსთა მხრიდან განსაკუთრებულ სიმამაცით იბრძოდნენ ეგვიპტელები, ბერძენთა ბანაკიდან — ათენელები.

ბრძოლა ამ დღეს სწორი სასწორით დამთავრდა.

ბერძენები მომდევნო დღეთა გეგმებზე ბკობდნენ, როცა შეიტყვეს მოულოდნელი ამბავი: ქსერქსეს ჯარებმა თერმოპილეს ხეობაში ბერძენთა დაცვა გაარღვიეს და შუა საბერძენეთში შეიჭრნენო. ახლა ფლოტის დარჩენას აზრი აღარ ჰქონდა და სტრატეგოსებმა გადაწყვიტეს სწრაფი უკანდახევა სამხრეთისაკენ. თემისტოკლემ წინასწარ ევბეის მცხოვრებლებს საქონლის ნაწილი გააწყვეტინა. ნაწილიც სამხრეთისაკენ გადაარეკვინა, რამეთუ შემოსეულ მტერს შიმშილი დასტყდომოდა თავს.

მერე დაიწყო უკანდახევა ევბეის სრუტით. ყველგან, თვალსაჩინო ადგილებზე, კლდეებზე და წყაროებთან, — სადაც მტერს სასამელი წყალი უნდა აეღო — თემისტოკლე სწრაფი ხომალდით მიმოქროდა და აწერდა მოწოდებებს სპარსელთა ფლოტის მონაწილე იონიელი ბერძენებისადმი:

„თქვენ უმართებულოდ იქცევით, როცა ებრძვით თქვენსავე ძმებს და მამებს და მტერს ეხმარებით მშობლიური ჰელადის დამონებაში. გადმოდით ჩვენთან, ხოლო თუ ეს არ შეგიძლიათ, დაბრუნდით უკან თქვენს სახლებში და თანვე წაიყვანეთ კარიელებიც, მაგრამ უკეთუ ბარბაროსთა უღელი ისე მაგრად გბოჭავთ, რომ არც ერთის და არც მეორის გაკეთება არ შეგიძლიათ, მაშინ მაინცდამაინც თავგამოდებით ნუ შეგვებრძოლებით ჩვენ, თქვენს ძმებსა და ნათესავებს!“

თემისტოკლე ამბობდა: თუ გადმოვლენ ჩვენკენ იონიელები, ხომ კარგი, თუ არადა, ამ წინადადებათა წაკითხვისას სპარსელები ხომ მაინც უნდო თვალთ დაუწყებენო მათ ცქერას...

## ორი ბანაკი თერმოპილესთან

„ჩვენ ხომ პერაკლეს მოდგმისა ვართ...  
მსნედ შეუუტიოთ...“

ტ ი რ ტ ე ო ს ი

სანამ ზღვაზე ეს ამბები ხდებოდა, მის პარალელურად ხმელეთზე დიდი დრამატიზმითა და ტრაგიზმით აღსავსე ეპოპეა მზადდებოდა.



თხუთმეტდღიანი ლაშქრობის შემდგომ ქსერქსემ თავისი უზარმაზარი არმიით თესალია ჩაათავა და ტრახინს მოადგა.

თერმოპილეს ხეობაში მდგარი ბერძენთა ბანაკი მტრის უზომო სიმრავლის ხილვამ შეაძრწუნა და შეარყია.

პელოპონესიდან მოსული ჯარები მაშინვე წამოიშალნენ და სასწრაფოდ სამხრეთისაკენ, კორინთოს ყელისკენ, უკანდახევა მოითხოვეს. ისედაც ხომ მათ შუა საბერძნეთი არაფრად ენაღვლებოდათ და მხოლოდ საკუთარი პელოპონესის გადარჩენაზე ზრუნავდნენ.

შუა საბერძნეთის ჯარები, განსაკუთრებით ფოკიდელები და ლოკრიდელები, — რომელთა მიწაზეც უკვე შემოსდგეს ფეხი სპარსელებმა — მოითხოვდნენ თერმოპილედან ფეხი არ მოეცვალათ და მტერსაც აქვე შებმოდნენ.

კამათი და აურზაური სასწრაფოდ აღკვეთა მთავარსარდალმა.

ლეონიდე ბანაკის წინ წამოიმართა და შეურყეველი ტონით განაცხადა:

„ჩვენ ვრჩებით!“

მთავარსარდლის ზევსურმა ბრძანებამ შეაყენა და შეადულა ბერძენთა ბანაკი.

ყველა რჩება; არავინ ფეხს არ მოიცვლის.

ისინი თავის მშობლიურ მიწაზე დგანან. ეს მიწა აძლევს მათ უძლეველ ძალ-ღონეს. ვნახოთ, რას გახდება სხვის დასამონებლად შოლტების ცემით მორეკილი ბარბაროსთა ლაშქარი.

თერმოპილეს ხეობა მტრისთვის მიუვალად ჩანს, მაგრამ მის უკან, კალიდრომის მთის გადაღმა, ვიწრო ხეობას საცალ-ფეხო ბილიკი მისდევს. ეს ბილიკი ზურგიდან უვლის თერმოპილეს ხეებს.

ლეონიდემ ფოკიდელთა და ლოკრიდელთა ათასეული გაგზავნა იმ ბილიკის ჩასაყეტად.

სპარსელებმა ბილიკის შესახებ ჭერჭერობით არაფერი იციან, მაგრამ ლეონიდე მაინც ვარაუდს იჭერს, რომ მტერმა რაიმე შემთხვევით ზურგიდან არ შემოუაროს...

ლეონიდემ შიკრიკი აფრინა კორინთოს ყელზე შეკრებილ სამოკავშირეო საბჭოსთან; მტრის მოსვლას აცნობებდა და დამხმარე ძალებს მოითხოვდა. თვითონ სწამდა, რომ ახალ საომარ ძალას ვერ მიიღებდა. მაგრამ ასეთი თხოვნის გაგზავნით მეომართა გულში იმედი და მხნეობა შეჰქონდა.

დგანან ბერძნები ბერძნულ მიწაზე.

ელიან მტერს.

ელიან სიკვდილს.

ელიან უკვდავებას.

ელიან გმირობას.

სამასი სპარტელი მოსულა უწმინდესი მიწის დასაცავად. სპარტელები ჰერაკლიდები არიან — დიადი ჰერაკლეს შთამომავალნი. სწორედ აქ, ტრახინსა და თერმოპილემი გაატარა თავისუფალ და თანასწორ სპარტელთა ლეგენდარულმა წინაპარმა თავისი გმირული სიცოცხლის უკანასკნელი წლები. აქ, ამ თბილ წყაროებთან დგამდა ჰერაკლე საზორველ საკურთხეველს. იქ, იტას უმაღლეს მწვერვალზე აღიმართა დიდი კოცონი, რომელშიც ჩაიწვა და ჩაიფერფლა გმირი. ჩაიფერფლა, რამეთუ ზეცად, ოლიმპიელ ღმერთთა ტოლად აღზევებულიყო.

იტას გადაღმა, ცოტა მოშორებით, „ღედამიწის კიპია“ — ფოკიდა, დიადი აპოლონის სამყოფელი, — პარნასის მთა, პარნასის მთის ფერდობზე — ყოველი ბერძნის სამლოცველო, აპოლონის თეთრი ტაძარი. იქვეა პითია, ქურუმი ქალი, რომელიც მთელს ქვეყანას ამცნობს ხელოვნებისა და სინათლის ღმერთის ნებასურვილებს.

იქ, ტრახინში, სადაც ოდესღაც თავისი ოჯახით ცხოვრობდა დიდი ჰერაკლე, ახლა აზიელი მბრძანებელი დაბანაკებულია თავისი უზარმაზარი არმიებით.

ამის მოთმენა ბერძნებს დიდხანს არ შეუძლიათ...

ერთი თესპიელი ლეონიდეს მიეახლა და ჰკითხა:

„რატომ არის, რომ გმირს შერცხვენინლ სიცოცხლეს სახელოვანი სიკვდილი ურჩევნია?“

„იმიტომ, რომ ადამიანის სიცოცხლე ბუნებას ეკუთვნის, ხოლო სახელოვნად სიკვდილი თვითონ მას — გმირ ადამიანს“, ხმამაღლა, ყველას სასმენად სთქვა ლეონიდემ.

მხნეობა იზრდებოდა ბერძენთა ბანაკში.

ვიდაც ტრახინელი გლეხი მოიჭრა თერმოპილეს ხევში და შემფოთებით შესძახა ბერძნებს:

„თავს უშველეთ, ბერძნებო! რის იმედი გაქვთ? ბარბაროსები იმდენი არიან, ყველამ რომ ერთად ისარი სტყორცნოს, მზე დაბნელდება!“

„მით უკეთესი: ვიომებთ ბნელში!“ — ლაკონიურად უპასუხა ლაკონიელმა, — სპარტელმა მეომარმა, სახელად დეინიკემ.

ქსერქსეს ტრახინთან დაბანაკებამდეც ჰქონდა ცნობა, რომ თერმოპილეს ხეობაში ბერძენთა მცირერიცხოვანი ლაშქარი იდგა. ბანაკად დადგომისთანავე ხელახლა გაგზავნა მზვერავი. მზვერავი გაოცებული და გაოგნებული დაბრუნდა.

„რა ნახე?!“ — კვითხა ქსერქსემ.

„ვნახე. სწორედ იქ, თერმოპილეს ხეობაში დგანან“.

„მერე, რას სჩადიან, როგორ იქცევიან?“

„ერთობიან“.

„როგორ თუ ერთობიან?!“ — გაოცდა მეფე.

„როგორ და, ზოგნი ჭიდაობენ, ზოგნი ვარჯიშობენ, ზოგიერთები თმებს ივარცხნიან, სხვები კიდევ ყვავილებსა და ბალახებს კრეფენ. გვირგვინებს წნავენ და ერთმანეთს თავზე ადგამენ“.

მეფეს სახე გაეყინა. მერე ერთბაშად დემარატს მიუბრუნდა:

„რას ნიშნავს, ბერძენო, ყოველივე ეს?“

„ეს იმას ნიშნავს, ხელმწიფეო, ბერძენებს გადაუწყვეტიათ თავ-გამეტებით შეგებრძოლონ“, — წყნარად უპასუხა დემარატმა.

ქსერქსემ აუზნიანად გაიცინა:

„განა ასე შეშლილები არიან ის შენი სპარტელები?“

„ასეა, ხელმწიფეო, სპარტელებს ჩვევად აქვთ, ბრძოლის წინ თმები დივარცხნონ და თავები შეიმკონ. მეტადრე თუ ბრძოლა სამკედრო-სასიცოცხლოა“.

„მე კი მგონია, ჩემი ბანაკის ცქერასაც დიდხანს ვერ გაუძლებენ“, — დარწმუნებით დაასკვნა ქსერქსემ.

ოთხი დღე-ღამე ამაოდ უცდიდა სპარსეთის მეფე თერმოპილეს ხეობაში ჩამდგარ „შეშლილთა“ გაქცევას.

## პირველი სისხლი ხმელეთზე

„სამაყაო მეწინაე რიგებში ბრძოლა  
სამშობლოსათვის და სიკედილი სახელოვანი“.  
ტ ი რ ტ ე ო ს

მეხუთე დღეს ქსერქსე დილით ადრე ადგა, მალლობზე აღმართულ ტახტზე დაბრძანდა და ისევ დემარატი იხმო.

„მაშ თქვენ, ლაკონიელ სპარტელებს ლაკონიური გასაუბრება გიყვართ, არა?!“

„დიახ, ხელმწიფეო“, შიშნარევად გაეპასუხა დემარატი.

„მაშ, კარგი, ლაკონიური იქნება ჩემი ბრძანებაც“. ეს სთქვა და ამაღლაში ვილაცას ანიშნა.

ამალას კაცი გამოეყო და თერმოპილესაკენ სასწრაფოდ დაეშვა. იგი ბერძენთა ბანაკს მიუახლოვდა და „ლაკონიურად“ შეჰყვირა:

„იარალი ჩაგვაბარეთ!“.

„მოდით და ინებეთ!“ — იგრილა ლაკონიელთა ბანაკმა.

რისხვით აღვსილმა აზიელმა მბრძანებელმა იერიში ბრძანა.

„ყველანი ცოცხლად შეიპყარით და ბორკილდადებულნი მოკვართ!“ — ასეთი იყო მეფის ბრძანება.

მძლავრ ნაკადად დაიძრნენ მიდიელთა და კისიელთა კოლონები, საისრეზე მისულებმა ისრის სეტყვა დაუშინეს მოპირდაპირეს. ბერძნებმა დიდი ფარები იფარეს და ისართა სეტყვა აისხლიტეს. მერე გრძელი შუბები გამართეს და შეტევაზე გადმოსულ მტერს შეებნენ.

გაურღვეველ კედლად მიუძღოდნენ სპარტანული რაზმები ბერძენტა ლაშქარს. საშინელი ხელჩართული გაჩაღდა. ქსერქსე ხედავდა, როგორ ჰკაფავდნენ ბერძნები მისგან წარგზავნილ ჯარებს.

მეფე რისხვით თავს ძლივს იკერდა, მაგრამ ტახტიდან მაინც არა დგებოდა, რამეთუ სისუსტედ და სიმსუბუქედ არავის ჩამოერთმია.

მიდიელთა მეწინავენი ბერძნებმა ჩახოცეს, დანარჩენები უკუიქცნენ.

მაშინ მეფემ უბრძანა „უკვდავთა არმიის“ მთავარსარდალს, ჰიდარნესს, სასწრაფოდ გამოეყვანა თავისი ჯარები საიერიშოდ.

სპარსეთის არმიის ყველაზე საუკეთესო ნაწილი, 10.000 „უკვდავი“ გვარდიელი — მტკიცე საომარი წყობით, იარაღის ზატყითა და თავზარდამცემი ყიყინით გაქანდა ბერძნებისაკენ.

სპარსელები მთიდან დაქანებული ზეავივით მოექანებოდნენ.

სპარტელები იერიშს იერიშით შეხვდნენ.

იარაღაწვართულ ადამიანთა შეხეთქების და შეჯახების ექო ჰომერულ გმინვად აღმოხდა იტას მთას და კლდეთ.

კვლავ გაუდრეკელი მკლავებით სჩეხდნენ სპარტელები. „უკვდავთა“ მეწინავე რიგები ჩაჰკაფეს კიდეც, მაგრამ გაურღვეველი იყო სპარსელთა „ზეავის“ თვალჩაუდგამი სიღრმე და სიგრძე.

მაშინ ლეონიდემ რალაც შეუძახა თავისიანებს.

სპარტელები ერთობლივი და ერთბაში მიწოლით მიაწვინენ მტერს, მერე ერთბაშადვე ზურგი აქციეს და უკუიქცნენ.

სპარსელები, მტრის „გაქცევით“ ფრთებშესხმულნი, ალტაცებულნი ღრიანცვლით გამოენთნენ.

ღევნა დიდხანს არ გაგრძელებულა.

ლეონიდემ თვალი ჰკიდა და როგორც კი დარწმუნდა, რომ სპარსელების რიგები თავდავიწყებითი სირბილისაგან უკვე აშლილ-არეულიყვნენ, თავისიანები ერთბაშად უკანვე შეაბრუნა და მტერს ხელახლა შეება.

სპარტელები და მათზე მიღვენებული დანარჩენი ბერძნები უწყალოდ სჩებდნენ დაფანტულ და დაბნეულ სპარსელებს.

ქსერქსემ უკვე ველარ შეძლო ხელმწიფური თავშეკავებულობის დაცვა. იგი სამჯერ შემოილივით წამოიჭრა ფეხზე და სამჯერვე მუხლმოკვეთით დაეცა ტახტზე.

დაღამდა.

„უკვდავთაგან“ ბევრი დაიხოცა — 6.000-ზე მეტი მეომარი.

დანარჩენები დამარცხებულნი და სირცხვილნაჰამნი დაბრუნდნენ.

ქსერქსეს ეს მარცხიც უნდა მოენელებინა და მთელი ღამე მეორე დღის საომარ ფიქრში გაატარა.

ხოლო მეორე დღეს მთელი ძალები დასძრა თერმოპილესაკენ.

ამდღევანდელი სისხლისთხევაც კვლავ ბერძენთა გამარჯვებით დასრულდა.

მაშ, თერმოპილეს აღება სპარსელებს არ შესძლებიათ. იმ ვიწროებში ჩაკირულ ბერძენთა გამოდევნა შეუძლებელი ყოფილა.

მაშ, როგორ უნდა მოიქცეს დიდი სპარსეთის მბრძანებელი? ბანაკი ხომ არ უნდა აპყაროს და უკან გაბრუნდეს შერცხვენილი და თავლაფდასხმული?

მაგრამ, არა, ნუ აჩქარდება მეფეთა მეფე! განა ოდესმე დაიღვევა ქვეყანაზე ქვეყნის გამცემი, მოღალატე მშობელი მიწის, მშობელი კერის, მშობელი ხალხის?

იყო, არის და იქნება.

ღალატი!

და ახლაც მოხდა სავსებით უბრალოდ: ერთმა ვიგინდარამ, ხარბმა, ანგარმა და შარახვეტია შარლატანმა დაღუპა ქვეყანა.

ბერძენმა გაყიდა საბერძნეთი.

## ა კ რ თ ე რ ზ ი

„თუ მშენიერი სიკვდილი არის სიკეთის ნიშანი,  
სწორედ ეს ხვედრი გვარგუნა ჩვენ ბედმა აუცდენელმა,  
ეიცავლით დედა-ელადის დიდებას, თავისუფლებას.  
მწეართ და ვეამკობს სახელი წმინდა და მარადუხრწნელი“.

ს ი მ თ ნ ი დ ე .

უკანასკნელ მარცხიან ღამეს ქსერქსესთან გამოცხადდა ვილაც ადგილობრივი ბერძენი, სახელად ე ფ ი ა ლ ტ ე , რომელმაც, დიდი საფასურის იმედით, მეფეს შესთავაზა სწორედ იმ ბილიკის ჩვენება, საიდანაც შეიძლებოდა თერმოპილესში გამაგრებულ ბერძენთა ზურგიდან შემოვლა.

აღტაცებულმა ქსერქსემ ჰიდარნესი თავისი „უკვდავთა“ რაზმებით სასწრაფოდ გააყოლა ასე მოულოდნელ, „ცითმოვლენილ მხსნელს“.

მთელი ღამე მისდევდნენ სპარსელები თავის მეგზურს მთებსა და ღრეებში და დილის რიჟრაჟზე უკვე მიაღწიეს კალიდრომის უღელტეხილს, საიდანაც შეიძლებოდა უცებ დაშვება და თერმოპილედან უკანდასახევი გზის გადაჭრა.

მაგრამ არც სპარსელებმა და არც მათმა მეგზურმა არ იცოდნენ, რომ აქ ბილიკის ჩასაკეტად, ლეონიდეს ბრძანებით, ადრიდანვე იდგა ფოკიდელთა ათასეული.

მუხის ფოთოლთა შარიშურმა და ფიჩხის მსხვერველამ ფეხზე დააყენა ფოკიდელთა ბანაკი. იარაღი გამართეს და მტერთან შესახვედრად გაემზადნენ.

ჰიდარნესი გაჰკვირდა და შეშინდა. მის წინ საომრად გამზადებულნი სპარსელებად მიიჩნია და უკან გაბრუნებას აპირებდა. მაგრამ კვლავ „ისახელა“ თავი ეფიალტემ. მან სპარსელთა სარდალი დაარწმუნა, რომ მის წინ სპარტელები არ იდგნენ.

სპარსელები ისრის „ცეცხლით“ გადავიდნენ იერიშზე. ფოკიდელები მაშინვე აირივნენ და გაიფანტნენ. გაქცეულებმა იტას მთას მიაშურეს თავშესაფარად.

სპარსელებმა დევნაზე ხელი აიღეს და დაღმართზე დაემუხნენ. მათ დროზე უნდა მოესწროთ თერმოპილეზე ზურგიდან თავდასხმა, სანამ ფრონტიდან შეტევაზე გადმოვიდოდა თვითონ ქსერქსე.

დამარცხებულ და დაფანტულ ფოკიდელთაგან რამდენიმე კაცმა ლეონიდეს ბანაკამდე მიაღწია მოულოდნელი და საშინელი ამბით:

სპარსელები ზურგიდანაც უვლიან ბერძნებს!

ლეონიდემ სასწრაფოდ შეჰყარა სტრატეგოსთა საბჭო.

სასწრაფოდ უნდა გადაეწყვიტათ, როგორ მოქცეულიყვნენ.

ბერძნებს ჯერ კიდევ აქვთ დრო თერმოპილედან უვნებლად გააღწიონ, სანამ სპარსელები მთიდან ეშვებიან და ხეობიდან გასასვლელის ჩაკეტვა ჯერაც არ მოუხსრიათ.

ვისაც დარჩენა არ სურს და არ შეუძლია, ახლავე დატოვოს ბანაკი და რა გზითაც უნდა, თავს უშველოს.

ასეთი იყო ლეონიდეს წინადადება.

ხოლო, რაც შეეხება სპარტელებს, ისინი იქვე დარჩებიან, საიდანაც აქამდე ფეხი არ მოუცვლიათ.

ამათ გარდა, უნდა დარჩენილიყვნენ, აგრეთვე, თებელი მეომრები, რომლებიც ლეონიდეს თითქმის მძევლებად ჰყავდა წამოყვანილი.

თებელთა სათავეში იდგა მათი სტრატეგოსი ლეონტიადე. თავისი ნებით სპარტელთა მხარდამხარ საომრად დარჩენა განაცხადეს მხოლოდ თესპიელებმა.

წინა ბრძოლებში ბერძნებმაც ხომ ნახეს ზარალი.

სამასი სპარტელიც ხომ უკვე აღარ იქნებოდა სამასი.

ასე, რომ ლეონიდეს ხელქვეით დარჩა დაახლოებით 1.200 ჰობლიტი.

დანარჩენმა ბერძენმა მოკავშირეებმა თერმოპილეს ხეობა სასწრაფოდ დატოვეს და სამხრეთს მიაშურეს.

„ლეონიდე“ „ლომს“ ნიშნავს. პითიამ სპარტელებს უწინასწარმეტყველა, მტერი ან თვით სპარტას აიკლებს, ან მის ერთ-ერთ მეფეს შეიწირავსო. მერე ისიც დაუმატა პითიამ, „ლომის ძალა“ ვერ შეაჯავებს მტრის ურიცხვ ძალებსო.

მაშ, ის მეფე, ვინც მტრის შემოსევას უნდა შესწირვოდა, „ლომი“ — ლეონიდე უნდა ყოფილიყო.

ლეონიდემ იცოდა დელფოს ორაკულის „ნაწინასწარმეტყველენი“. იგი მდუმარე ღიმილით ისმენდა, როცა მას მოაგონებდნენ ხოლმე პითიას ნათქვამს.

ახლა კი ძალით დატოვებულ თებელთაგან ვილაცას წასცდა:

„ცოტანილა დავრჩით!“

ლეონიდემ ერთი გაჰხედა და სუსხიანად მოჰრა:

„რიცხვის მიხედვით ბარბაროსთა წინააღმდეგ მთელი საბერძნეთიც კი მეტისმეტად მცირეა, მაგრამ სიმძლავრის, სიმამაცისა და საომარი ხელოვნების მიხედვით სამასი სპარტელიც საკმარისია“.

სამარისებური სიჩუმე ჩამოწვა ბერძენთა ბანაკში.

სამკედრო-სასიცოცხლო ბრძოლის უამმა დარეკა და მთავარსარდალს სიტყვა უნდა ეთქვა ჯარისთვის.

ლეონიდე ლაშქრის წინ აღიმართა, ბანაკს მზერა მოავლო. ყველა მას შესტკეროდა.

მეფე სპარტელებს დაამტერდა და ფოლადჩასხმული სიტყვით გამოაცხადა:

„ჩვენ ახლა აქ ვისაუზმებთ, ხოლო ჰადესში ვივახშმებთ!“

ესა სთქვა და მეტი არაფერი.

ასე მოკლე და მრავლისმთქმელი სიტყვით არასოდეს, არც ერთ სარდალს არ მიუმართავს თავის ლაშქრისთვის.

ჩვენ დღეს ვომობთ მხოლოდ ლამაზი, ვაეკატური სიკვდილისათვის; დილით, აქ ვართ, მაგრამ საღამოს უკვე საიქიოში — ჰადესის საუფლოში ვიქნებით!

ისინი უნდა დახოცილიყვნენ, ხოლო თავისი სიკვდილით სამარადისოდ უკვდავ გამირებად ქცეულიყვნენ.

ბერძნებმა სასწრაფოდ ხელპირი დაიბანეს, თმაწვერი დაივარცხნეს, გამოეწყვნენ და დამშვენდნენ. იარალი გაიმზადეს და სასაუბრე ტრაპეზს მიუსხდნენ...

ქსერქსე დილით ადრე ადგა, ამომავალ მზეს მსხვერპლი შესწირა, ლოცვა აღავლინა და საომარი სამზადისი ბრძანა. იგი ბერძენთა ზურგში გადასული ჰიდარნესისაგან ნიშანს უცდიდა, რომ თვითონაც მაშინვე მთელის ფრონტით გადასულიყო შეტევაზე.

ბრძოლის დაწყებას დიდხანს აღარ დაჰკვიანებია, რადგან თვითონ ლეონიდემ დასძრა იერიშზე თავისი ჯარი.

ბერძენთა შემართებით გაოცებულმა ქსერქსემაც კონტრიერიში ბრძანა.

პირველი დაჯახებისთანავე ხოცვა-ჟლეტა არაადამიანური სისასტიკით ადუღდა.

ბერძნები იბრძოდნენ უკიდურესი თავზეხელაღებულობით, სიკისკასითა და საომარი ხელოვნების სიმშვენიერით.

აქილევესური სიბოძოქრით იბრძოდა თვითონ ლეონიდე.

მიუმცდარი ხელით მოქნეული და ნაძგერები მახვილებისაგან და შუბებისაგან ზედიზედ ეცემოდნენ სპარსელები. ახალ-ახალ საომარ ძალებს შოლტების ცემით მოერეკებოდნენ სპარსელი ოფიცრები.

საომარი ველი ბარბაროსთა გვამებით იხერგებოდა. ბევრი, ბერძენთა მოწოლისაგან მუხლმოსხლექტილნი, ზღვის სანაპირო კაობებში ცვივოდა და იძირებოდა.

სპარსელთა არმიებს ბოლო მაინც არ უჩანდა. თეთრცხენებიან ეტლზე ამხედრებული ქსერქსე კვლავ ახალ-ახალ ათასეულებს აბამდა შემზარავ ხოცვა-ჟლეტაში.

სისხლით ატალახებულ მიწაზე ფეხი სხლტებოდა.

იარალის თავბრუდამხვევი ქნევისაგან მკლავი იქანცებოდა და დუნდებოდა.

საქურვლის სიმძიმისაგან მუხლი იკვეთებოდა.

განუწყვეტელი კაცთკვლისაგან გული ძრწუნდებოდა.

ხშირი ძგერებისაგან შუბები იმსხერეოდა.

ბერძნები შუბის ნალეწებითა და ნამუსრევებით უტევდნენ მოპირდაპირეს.

ხშირი ცემისაგან მახვილები ჩლუნგდებოდა.

ბერძნები ბლაგვი მახვილებით ცემას არ წყვეტდნენ.

ვინც შუბისა და ხმლის ნამუსრევიც დაჰკარგა, მტერს ფარის ცემით უღებდა ბოლოს.



ვისაც ფარიც არ შერჩენოდა, მტერს ხელდახელ ეჭიდებოდა, ძირს სცემდა, მასთანვე ჩაჰდობილი ეცემოდა, შიშველი ხელებით ყელთ უჭერდა, ან კბილებით გლეჯდა.

სპარსელთა საარაკო გამირობით ფრთაშესხმულნი იბრძოდნენ თესპიელები.

გულარძნილად იქნევდნენ იარაღს თებელები.

მრავლად ეცემოდნენ სპარსელები, მაგრამ თხელდებოდა ბერძენთა რიგებიც.

სამასი სპარსელიც, დიდი ხანია, აღარ იყო სამასი.

და უცებ ჰომერულ საომარ გრუხუნ-გრიალში გაიზუზუნა შუბმა, რომელსაც აურაცხელ ისართა და შუბთა შორის ბედისწერისგან დაეწერა: „ლეონიდე“.

გმირის გულში შეიჭრა შუბი.

ლეონიდე მკვდარი დაეცა.

თითქოს სიკვდილ-სიცოცხლის სასწორი შექანდა ოლიმპიელი მპყრობელის ხელში.

მკვდარი იყო ეპოპეის მთავარი გმირი.

თითქოს წამით შედედდა ომის მდინარება.

მაგრამ მხოლოდ წამით, რათა უარესი ვახელებით შებმოდნენ ურთიერთს მხეცად ქცეული ადამიანები.

სპარტელები და სპარსელები საარაკო თავზეხელალებულობით ებრძოდნენ ერთურთს ლეონიდეს გვამისათვის, — ეს ისე, ვითარცა ოდესღაც აქეველები და ტროელები ერთიმეორეს ზედ აწყდებოდნენ ჭერ პატროკლეს, ხოლო შემდგომ აქილეესის ცხედრისათვის.

სპარტელებმა რკინისებური სალტე შეკრეს თავისი მეფის გარშემო.

სპარსელთა გააფთრებული იერიშები ზედ ემსხვერუდა იმ სალტეს.

უკვე ზურგიდანაც გამოჩნდნენ სპარსელები.

ეს ჰიდარნესი მოდიოდა „უკვდავთა“ გვარდიის ნაწილებით.

ფოლადის მუშტად შეკრულმა ბერძნებმა ლეონიდეს ცხედარი ასწიეს და მახლობელ ბორცვს მიაშურეს.

სპარსელები ყოველის მხრიდან აწევბოდნენ.

კიდევ ოთხჯერ უკუაქციეს ბერძნებმა სპარსელები და ბორცვზე ავიდნენ.

უიარაღოდ დარჩენილი უკანასკნელი გმირები ნირშეუცვლელნი ელოდნენ სიკვდილს.

სპარსელები ყოველის მხრიდან მშვილდისარგამართულნი უახლოვდებოდნენ განწირულთ.

სპარტელებმა გვიან შენიშნეს, რომ მათ რიგებს ადრევე ჩამოშორებიან თებელები. ისინი ახლა იარაღს ჰყრიდნენ და სპარსელებს გასძახოდნენ: ჩვენ თებელები ვართ, ჩვენმა ქალაქმა ხომ ადრევე აახლა „მიწა და წყალი“ სპარსეთის ხელმწიფეს; სპარტელებმა ბრძოლაში ძალით წამოგვიყვანეს, ახლა გნებდებით და სიცოცხლე გვაჩუქეთო.

სპარსელებმა ჯერ ვერ გაარკვიეს, რას გაჰყვიროდნენ თებელები და ამიტომ მათი ნაწილი შორიდან ისრის სროლით დახოცეს, ხოლო, როცა შეიტყვეს, რაც სურდათ, ქსერქსემ მათთან გაგზავნა მდაღავნი, რომლებმაც ყველა გადარჩენილ თებელს, პირველ რიგში მათ ბელადს ლეონტიადეს, ცხელი შანთებით სამეფო მონობის აღმნიშვნელი დამლები ამოსწვეს.

ღიადი ტრაგედიის უკანასკნელმა აკორდმა შეაზანზარა საბერძნეთი:

ყოველის მხრიდან წამოსულმა ისრის ღრუბლებმა „ცა დააბნელეს“. ისრის მერეხი იმ ბორცვს დააცხრა, სადაც უკანასკნელი გმირები გრილი ღიმილით პირდამშვენებულნი ელოდნენ სიკვდილს.

თერმოპილეს ბრძოლა დამთავრდა.

ომის ღმერთს შეეძლო მცირე ხნით ტკბილად ჩაეთვლიმა, უზომო სისხლით გაღეშილს.

გმინავდა თერმოპილე მტერ-მოყვარის გვამთა გროვებით დახერგილი და დამძიმებული.

იწვა 10.000 სპარსელი, მათ შორის ქსერქსეს ორი ძმა.

1.000 ბერძენიც ესვენა საომარ ველზე, — მათ შორის სამასი სპარტელი.

სამასი წმიდა, ღვთაებრივი გმირი.

მათ შორის აქილევისის სწორი ლეონიდე...

ქსერქსე ერთ ხანს გაშტერებით დასტკეროდა მის წინ გაწვართულ ვაჟკაცს — სპარტელ ხელმწიფეს. მერე ავზნიანად დაიქნია ხელი.

ფოლადმა დაიჩახუნა.

ლეონიდეს თავი ტანს მოშორდა. ვილაცამ თმაში ხელი ჩასკიდა, გაიქნია და ზღვაში ისროლა.

ხოლო ტანი, ლეონიდეს უთავო ტანი, ქსერქსეს ბრძანებით ჯვარზე გალურსმეს...

სპარსელთა არმიები ნიაღვარივით მიედინებოდნენ შუა საბერძნეთში.

უკან დარჩა თერმოპილე.

ვითარცა ავი დემონის ხელით ჩახსნილ-ჩაშლილი საკინძე საბერძნეთის მღელვარე მკერდზე.

მერე როცა სპარსელთა მხედრობის ნაკვალევნი მტვრად იქცა, სპარტელებმა მოაკითხეს თავის დიდებულ თანამემამულეთა ნეშთებს.

იმ ბორცვზე, სადაც უკანასკნელი სპარტელი გმირები დაეცნენ, ლეონიდეს სამახსოვრო აკლდამა გამართეს და ზედ ლომის ქანდაკი დადგეს. ეპიტაფიად ზედ ეწერა სიმონიდეს ლექსი:

„ნადირთა შორის მე ვარ უმალაჲრისი,  
სოლო კაცთ შორის უმაღალრისია,  
ვისაც მე თვითონ ამა ვლარაჲოვ“.

მახლობლად, ერთ საერთო საძმო საფლავში ჩაასვენეს გმირთა ნეშთები. საძმო ქვაზედაც სიმონიდეს ლექსი იყო ეპიტაფიად:

„გზავრო, როს მოხვალ ლაკედემონს, აუწყე ყველას,  
რომ ჩვენ, ერთგულნი ღმრის და ვალის, ამ განვისვენებთ“.

## თერმოპილეს შემდგომ

„... წინ, კელადის შეიღწო!  
იხსენით სამშობლო,  
ცოლნი და შეიღწი,  
ღმერთთა ტაძარნი,  
მამათა საფლავნი!  
ახლა ომია ყველაფრისათვის!“

ე ს ქ ი ლ ე .

### სპარსელები ჰელადის გულში

მაშ, სპარსელებმა თერმოპილე გაიარეს და შუა საბერძნეთში შეიჭრნენ.

ლოკრიდა უბრძოლველად ჩაბარდა ქსერქსეს. ბეოტიამ და დორიამ ხომ ადრევე მისცა „მიწა და წყალი“ სპარსელ მბრძანებლებს.

სპარსელებმა სასტიკად ააოხრეს და აიკლეს ფოკიდის სოფლები და ქალაქები. მოსახლეობა, ვინც სიკვდილსა და მონობას გადაურჩა, დაიფანტა და დაიხიზნა. ხანძარმა ჩანთქა დიდებული კულტურის ძეგლები.

მერე ქსერქსე გაეშურა დელფოსაკენ აპოლონის ტაძრის გასაძარცვავად. დელფოელებმა, როგორც კი მძარცველთა ლაშქარი დალანდეს, ტაძრის უმდიდრესი საგანძურები პარნასის მღვიმეებში გადამაღეს და თვითონაც მთებში გადაიხიზნენ. ტაძარში მხოლოდ 60 კაცი დარჩა, მათ შორის აკერატო, პითიას „წინასწარმეტყველებათა“ ჩამწერელი.

როგორც კი სპარსელები ტაძრისკენ მიმავალ ვიწრო და დამრეც გზებს შეუდგნენ, დელფოელებმა კლდე-ღრეებზე ქვა-ლოდთა გორება დაიწყეს. ამას ზედ დაერთო საშინელი ქვეა-ქუხილი და კოკისპირული თქეში. სპარსელები თავგზააბნეულნი და თავზარდაცე-

მულნი დაქანდნენ უკან. აპოლონის ტაძარი გადარჩა. ამფიტიონები\* ასეთ „სასწაულს“ ბარბაროსებზე აპოლონისა და ზევსის გარისხებას მიაწერდნენ.

სპარსელებმა გადაწვეს თესპია და პლატეა, რაკი აქაურები ჭეშმარიტი მამულიშვილური თავგანწირვით ებრძოდნენ აზიელ დამპყრობლებს.

შემდეგ სპარსელები შეიჭრნენ ატიკაში. ქსერქსე გაოცებული იყო, რომ ათენისაკენ მიმავალ გზაზე არაერთარი წინააღმდეგობა არა ზვდებოდა. მან არ იცოდა, რომ თემისტოკლეს წინადადებითა და ხელმძღვანელობით ათენში დარჩენილი მოსახლეობა (ბრძოლისუნარიანი მოქალაქენი ხომ გემებზე იდგნენ მეომარ ეკიპაჟებად), ქალები, მოხუცი და ბავშვები, სასწრაფოდ იქნენ ევაკუირებულნი. მათი უმრავლესობა გადასახლდა კუნძულ სალამინზე, დანარჩენები — ეგინაზე. ათენის აკროპოლისში დარჩა მხოლოდ რამდენიმე მოხუცი, რომელთაც გადაჭრით განაცხადეს უარი ქალაქიდან გასვლაზე.

სპარსელები ხმლის მოუქნევლად შევიდნენ დაცარიელებულ და დაღუპებულ ათენში. მხოლოდ აკროპოლისთან გაუწიეს წინააღმდეგობა იქ ჩაკეტილმა მოხუცმა ათენელებმა. ისინი უთანასწორო ბრძოლაში მტერს უსაზმნოდ შეაწყდნენ. სპარსელები აკროპოლისზე შეიჭრნენ, პართენონის ტაძარი გაძარცვეს, ააოხრეს და ცეცხლს მისცეს.

ხანძარი მთელს ქალაქს მოედო.

კუნძულებზე გაფანტული ათენელები ხედავდნენ, როგორ იწვოდა მათი სამშობლო.

ქსერქსემ სუზაში შიკრიკი აფრინა, — ბერძენთა უპირველესი ქალაქის აღების ამბავს ატყობინებდა. სპარსეთის სატახტო ალტაცებულ ზეიმს მიეცა. ქუჩები მურტის რტოებით მოჰფინეს, საკურთხევლებზე თიმიამი აახრჩოლეს და ნადიმ-ღრეობანი გააჩადეს.

## ს ა ლ ა მ ი ნ ი

კორინთოს ყელზე პელოპონესელები დიდ ციხესიმაგრეებს აგებდნენ და სახმელეთო ჯარებსაც აქვე უყრიდნენ თავს. მაგრამ მალე ისინი ნიხედნენ, რომ მათ ამნაირ შრომას არაერთარი შედეგი არ უნდა მოჰყოლოდა. სპარსელებს სავსებით იოლად შეეძლოთ კორინთოს ყელისათვის აევლოთ და პელოპონესის სანაპიროებს ზღვიდან შესეოდნენ. დემარატი ასედაც ურჩევდა ქსერქსეს: ნულარ აყოვნებ,

ფლოტიდან 200 გემი გამოჰყავი და სასწრაფოდ ლაკონიაზე საიერი-  
შოდ გაგზავნეო. სპარტის ილბალი: ქსერქსემ ეს რჩევა არ მიიღო  
ფლოტის ადმირალის, აქემენის, შთაგონებით.

მაშ, შემდგომი საომარი ჭიდილის ბედი ზღვაზე უნდა გადაწყვე-  
ტილიყო.

ბერძენთა ფლოტი, დაახლოებით 360 გემი, ამ დროს სალამა-  
ნის ვიწრო სრუტეში იდგა. ხოლო სპარსელთა 800 გემიანი ფლოტი  
ჯერ კიდევ არ გამოსცდენოდა ევბეის სანაპიროებს.

როცა სპარსელებმა შუა საბერძნეთი ააოხრეს და ათენი ცეცხლს  
მისცეს, ბერძენთა ფლოტის სარდლობაში არეულობა შეიქნა. საგან-  
გებოდ შეყრილ სამხედრო საბჭოზე სტრატეგოსთა უმრავლესობა  
სალამინის სრუტიდან გასვლასა და ისთმოსისაკენ (კორინთოს  
ყელი) დახევას მოითხოვდა. მათ შორის ყველაზე აქტიური იყო  
კორინთელი სტრატეგოსი ადამანტოსი, რომელიც გაცხარებით ებრ-  
ძოდა სრუტიდან გასვლის მთავარ მოწინააღმდეგეს, თემისტოკლე  
ათენელს.

კამათი დაწყებული არც კი იყო, რომ თემისტოკლე წამოვარდა  
და რიგის მოუცდელად დაიწყო სიტყვა. ადამანტოსი მას პირში ეცა  
და შესძახა:

„ვინც შეჯიბრებას დათქმულ დროზე აღრე დაიწყებს, იმას სცე-  
მენ“.

„ხოლო, ვინც აგვიანებს, ვერც ის მიიღებს გამარჯვებულის გვირ-  
გვინს“, მშვიდად უპასუხა თემისტოკლემ და სიტყვა განაგრძო.

ათენელმა სტრატეგოსმა თვალნათლივ დაამტკიცა, რომ საბერ-  
ძნეთის ყოფნა-არყოფნა მხოლოდ სალამინის სრუტეში უნდა გადა-  
წყდეს. ბერძნებმა სპარსელები როგორმე სწორედ აქ უნდა ჩაით-  
რიონ გადამწყვეტ ბრძოლაში. აქ, სალამინის ვიწრო სრუტეში ბარ-  
ბაროსები ვერ გაშლიან თავის უზარმაზარ ფლოტს და ვერ გამო-  
იყენებენ რიცხობრივ უპირატესობას. ხოლო თუ სრუტიდან გავ-  
ლენ, გაშლილ ზღვაში ბერძნებს გარს შემოერთყმიან და გაანადგუ-  
რებენ.

მთავარსარდალი ევრიბიადეც თემისტოკლეს წინააღმდეგ გამო-  
ვიდა. კამათის დროს ფიცხმა თემისტოკლემ შეძლო წონასწორობა  
არ დაეკარგა, მაგრამ დინჯი სპარტელი ისე გაცხარდა, რომ ჯონი  
აღმართა თემისტოკლეზე დასარტყმელად.

„დამარტყი, მაგრამ მომისმინე!“ მშვიდად სთქვა ათენელმა.

ევრიბიადემ უმწუოდ დაუშვა ხელი.

„სწორედ აქ, მხოლოდ აქ, სალამინის სრუტეში უნდა ვიხსნათ  
ჩვენი სამშობლო!“ დაასრულა თემისტოკლემ.

„შე უბედურო, სადღა არის შენი სამშობლო?“ უცებ შესძახა ადამანტოსმა.

ეს სწორედ მეტისმეტი იყო: კორინთელი ალტაცებას ვერ მალავდა, რომ ათენი, თემისტოკლეს სამშობლო, სპარსელებმა ააოხრეს.

„ათენელებს კიდევ დარჩათ სამშობლო, რომელიც კორინთოზე ძლიერია. ათენელთა ეს სამშობლო აი, ამ გემებზე დგას!“ მრისხანედ იქუხა თემისტოკლემ.

ამით იგი მიანიშნებდა იმ ორას გემზე, რომლებიც ათენელების ეკიპაჟით იყო დატვირთული და რომელთა შეჭიდება არც ერთ ბერძნულ ქალაქ-სახელმწიფოს არ შეეძლო.

ბოლოს თემისტოკლე მიუბრუნდა მთავარსარდალ ევრიბიადეს და შეურყეველი ტონით უთხრა:

„თუ შენ ფლოტს გაიყვან სრუტიდან და ისთომისისაკენ გაეშურები, შენ ამით დაპლუპავ საბერძნეთსაც და შენსავე პატივსაც. ჩვენ კი, ათენელები, ჩვენსავე გემებზე ავიყვანთ ჩვენს ცოლ-შვილს და ასე დედაბუდიანად გავეშურებით სიცილიაში. სადაც დავაარსებთ ახალ ქალაქს და დავიწყებთ ახალ ცხოვრებას, ხოლო თქვენ გვიანდა ფუჭად გაგახსენდებათ თქვენი სიბრიყვე“.

თემისტოკლეს სიტყვამ ძლიერი შთაბეჭდილება მოახდინა. ბერძნებს ათენელთა გადაკარგვა ნაკლებად აწუხებდათ; მათ მხოლოდ იმისი ეშინოდათ, თუ 200 ათენური ხომალდი მოაკლდებოდათ, მაშინ მათ სპარსელთაგან უეჭველი განადგურება ელოდათ.

მეგარელები და ეგინელები თავიდანვე თემისტოკლეს უპერდნენ მხარს. ხოლო ახლა, ათენელი სტრატეგოსის ძლიერი სიტყვის შემდგომ, სარდალთა საბჭომ ერთხმად გადაწყვიტა სრუტეში დარჩენა.

სტრატეგოსები ამ ერთმხრივი შეთანხმების აღსანიშნავად კუნძულზე გადავიდნენ და ღმერთებს მსხვერპლი შესწირეს. თან ეგინიდან გადმოასვენეს ქანდაკებანი სალამინის მკვიდრი ხელმწიფეების და საბერძნეთის თავისუფლებისათვის მებრძოლი გმირების — ტელამონისა და აიაქსისა\*.

მაგრამ, როცა სპარსელთა უზარმაზარი ფლოტი ევბეის სანაპიროებს გამოსცდა და სრუტეს სამხრეთიდან შემოეფინა, პელოპონესელმა სტრატეგოსებმა ისევ კატეგორიულად მოითხოვეს ისთომისისაკენ უკანდახევა.

მესამედ შეიყარა სამხედრო საბჭო.

საშინელი ბრძოლა ატყდა სტრატეგოსთა შორის. პელოპონესელები სრუტიდან გასვლას არ იშლიდნენ, ათენელები, მეგარელები და ეგინელები კვლავ დარჩენაზე იდგნენ.

იემისტოკლე მიხვდა, რომ სიტყვისა და ლოგიკის ძალით ახლა

ველარას გახდებოდა, ამიტომ საერთო ორომტრიალიდან შეუმჩნევლად გამოვიდა, სასწრაფოდ იხმო ერთგული მსახური სიკინე, თავისი შვილების მამამძღვე, და ღამით, ყველასაგან შეუმჩნევლად, გაგზავნა... სპარსელთა ბანაკში! დიან, სწორედ სპარსელთა ბანაკში. პირადად ქსერქსესთან!

თემისტოკლე უთვლიდა სპარსელთა ხელმწიფეს:

„ბერძნები ერთმანეთში ვერ შეთანხმებულან და სალამინის სრუტიდან გაქცევას აპირებენ. ამიტომ თუ ქსერქსეს სურს უეჭველი გამარჯვება, დაე დაუყოვნებლივ შეუკრას გზები გასაქცევად გამზადებულ ბერძნებს. თუ მეფე ასე მოიქცევა, მას არავითარი წინააღმდეგობა არ შეხვდება: ბერძნები, რომელთაც უკვე სპარსეთის მორჩილება სურთ და ბერძნები, რომელთაც გაქცევა სურთ, ერთმანეთს დაჯრევიათ. თემისტოკლე ასეთ რჩევას იმიტომ იძლევა, რომ მას უკვე სპარსელების გამარჯვება სურს“.

ქსერქსეს ფლოტის სარდლებთან თათბირი ჰქონდა, როცა მასთან სიკინე გამოცხადდა. თემისტოკლეს რჩევა მეფეს ურყევად ეპყმობოდა და სალამინის სრუტეზე თავდასხმა უყოყმანოდ გადაწყვიტა. მან არ დაუჯერა მის ბანაკში მყოფ ჰალიკარნასის დედოფალს არტემისიას და სასწრაფოდ საომარი საშუადისი ბრძანა.

სალამინის სრუტეში ბერძენთა ფლოტის ჩაკეტვა ღამით უნდა დამთავრებულიყო და დილით ორივე მხრიდან შეტევა დაწყებულიყო. მეფემ ფინიკიელთა ფლოტი გაგზავნა სრუტის დასავლეთით ჩასაკეტად, რათა აქედან ბერძნები არ გაქცეულიყვნენ ისთმოსისაკენ. რჩეულ სპარსელ მეომართა ჯარი გაიგზავნა კუნძულ ფსიტალიაზე, რომელიც სამხრეთიდან ჰკეტავდა სრუტეს. ფლოტის უდიდესი ნაწილი (ეგვიპტური, იონიური, კარიული და კილიკიური გემები) შევიდა სრუტეში და სამ რიგად განლაგდა ატიკის გასწვრივ, სალამინის პირისპირ. მათ უკან, ატიკის ნაპირზე, განლაგდა სპარსელთა სახმელეთო არმია.

ბერძენი სტრატეგოსები ჯერ კიდევ ცხარედ კამათობდნენ, როცა თემისტოკლეს ეწვია ექსორიიდან დაბრუნებული არისტიდე.

არისტიდემ შეუფოთებით მიმართა თავის დიდ მეტოქეს:

„ნუთუ ვერ შეგიტყვიათ, თემისტოკლე, რა საშინელი ამბავი დაგტყდომიათ თავს?!“

„რა ამბავია?“

„თქვენ გარშემორტყმული ხართ ბარბაროსთაგან!“

„საიდან იცი?“ მოუთმენლად შესძახა თემისტოკლემ.

„მე ეგინიდან მოვდიოდი და ჩემის თვალით ვნახე, როგორ შე-



მოვიდნენ მტრის გემები სრუტეში. ძლივს გამოვატანე და მაშინვე შენთან მოვაშურე“.

„ჩემო ძვირფასო მეგობარო!..“ ალტაცებით თავი ველარ შეიკავა თემისტოკლემ.

არისტიდემ გაოცება ძლივს დასძლია და „ძვირფას მეგობარს“ მშვიდად და მტკიცედ უთხრა:

„მე და შენ დიდხანს ვებრძოდით ერთმანეთს. ახლა ერთმანეთს ვემეტოქეთ ჩვენი სამშობლოს კეთილდღეობისათვის“.

„დაე, ასე იყოს! მადლობელი ვარ სასიხარულო ამბისათვის!“

„სასიხარულო?!“

„ჰო, ეს მე თვითონ...“

და თემისტოკლემ არისტიდეს უამბო, როგორც მოხდა პელოპონესელ სტრატეგოსთა „გაცურება“ და სპარსელთა „მოწვევა“ სალამინის სრუტეში.

მერე თემისტოკლემ არისტიდე შეიყვანა ჭერ კიდევ მოკამათე სტრატეგოსთა საკრებულოზე.

პელოპონესელებს არ უნდოდათ დაეჭვებინათ ეს მოულოდნელი ამბავი. მაგრამ სწორედ მაშინ გამოჩნდა კიდევ ახალი მოწმე: სპარსელებს გამოექცა და ბერძენთა ფლოტს შემოუერთდა ერთი ტენოსური ზომალდი, რომლის მეთაურმაც დაადასტურა ამბავი სპარსელთა დამეული შემოსევისა.

ახლა ბერძნებს, — ყველას, ვისაც სურდა და არ სურდა, — ბრძოლა უნდა მიეღო იქ, სადაც დაჟინებით მოითხოვდა თემისტოკლე: სალამინის სრუტეში.

გათენდა 480 წლის 28 სექტემბერი. ერთიმეორის პირისპირ დგანან: ბერძნული ფლოტი 360 გემითა და 70.000 მეომარ-მეზღვაურით და სპარსელთა ფლოტი 800 გემითა და 150.000 მეომარ-მეზღვაურით.

ბერძენთა მარჯვენა ფლანგზე ევრიბიადეს მეთაურობით დგანან პელოპონესელები, კორინთელები, მეგარელები და ეგინელები: მარცხენა ფლანგზე განლაგდა ათენელთა 200 გემი თემისტოკლეს მეთაურობით.

ბერძნებმა ცენტრში, მოწინავე გემზე, ტელამონისა და აიაქსის ქანდაკებანი აღმართეს.

თემისტოკლემ მგზნებარე სიტყვით მიმართა ფლოტს:

„წინ, ჰელადის შვილნო, იხსენით სმშობლო!“ იგრიალეს ბერძნებმა.

ბერძენთა ფლოტი პეანების — სამხედრო სიმღერების გუგუნით დაიძრა მტრისკენ.

მაშინვე გამაყრუებელი ყოყინითა და ღრიალით გაქანდა სპარსული ფლოტი.

ბერძნები მტრის ურიცხვი ძალების სწრაფი შემოტევით შემდრკალნი, მეთაურთა ბრძანების გარეშე, თითქმის ინსტინქტურად უკუიქცნენ.

დიდად ივაჟაკა ამინიოსათენელმა, სახელოვანი ესკილეს ძმამ. მან თავისი სპილენძისნიღრიანი ტრიერა გააქანა, წინ გამოჰკრილ ფინიკიურ ხომალდს გვერდიდან აძგერა, შეანგრია და დასძირა. თემისტოკლემ მძაფრ შეტევაზე გადაიყვანა ათენელები. გამხნევდნენ პელოპონესელებიც და მედგრად შეუტიეს მტრის მარცხენა ფლანგს.

ბრძოლა მთელ ფრონტზე გაჩაღდა.

თემისტოკლემ სავსებით დაამარცხა და გააჭვანტა ფინიკიელები და გამარჯვებულმა ფლანგიდან იერიში მიიტანა მტრის ცენტრზე, სადაც იბრძოდნენ კვიპროსელები და კილიკიელები. ეს უკანასკნელნი ერთხანს მხნედ უმკლავდებოდნენ ათენელთა შემოტევას. მაგრამ როცა ბრძოლაში დაეცა მამაცი კილიკიელი მეფე სიენზენი, ისინიც დამარცხდნენ და რამდენიმე გემის დაკარგვის შემდეგ სულ დაიფანტნენ.

ამას მოჰყვა საშინელი არეულობა და ურთიერთ დაჯახება სპარსულ გემებს შორის. უკან, თადარიგში მდგარი ხომალდები ფრონტისკენ მიიწევდნენ, მაგრამ მათ საპირისპიროდ შებრუნებული, გაქცეული და გზააბნეული ხომალდები ეჯახებოდნენ და ერთმანეთზე გადადიოდნენ. მესაქეები საქეებს ველარ ერეოდნენ. ურთიერთჯახი და ურთიერთ-მსხვერვეა დაუძლეველი ხდებოდა.

ბერძნები ათეცი მხნეობით უტევდნენ მტერს.

სპარსული ფლოტი ნადგურდებოდა.

ათენელთაგან დამარცხებული ფინიკიელი სარდლები ქსერქსესთან მივიდნენ და თავის მართლება დაიწყეს: ჩვენ ბრძოლა იმიტომ წავაგეთ, რომ იონიელები ლაჩრულად იბრძვიანო. ეს მაშინ, როცა ქსერქსე ხედავდა, რომ ერთადერთი სწორედ იონიელები იყვნენ. რომლებიც ჭერჭერობით მედგრად ებრძოდნენ თანამომკმეებს. ამიტომ მეფემ ბრძანა და ფინიკიელ სარდლებს იქვე თავები დააყრევინეს.

ამასობაში თემისტოკლემ დამარცხებული შუაეკრიძიდან მტრის მარცხენა ფლანგისაკენ დასძირა ათენელები.

აქ მას მედგრად დაუხვდნენ იონიელები და კარიელები.

თემისტოკლემ თავისი ხომალდი გააქანა მეწინავე გემისაკენ, რომელზეც იდგა ამ ფლანგის მეთაური, ქსერქსეს ძმა არიაბიგ-

ნ ე. თემისტოკლეს ხომალდს ისრებისა და სათხედების სეტყვა შეაგებეს. ისევ ამინიოსმა დროზე დააჭახა სპილენძის ნიღრით თავისი ტრიერა არიაბიგნეს გემს. დააჭახა და შეანგროა. სპარსელის გემმა დაძირვა იწყო. არიაბიგნემ თავისიანებს შეუძახა და შუბგაწვართული გადაეშვა ამინიოსის ხომალდისაკენ. ათენელებმა შუბები შეაგებეს და ყველანი განგმირეს. ხომალდის ნამსხვრევებთან ერთად მოტივტივე არიაბიგნეს ცხედარი ჰალიკარნასის დედოფალმა არტემისიამ აიტაცა და ქსერქსეს სამძიმართან ერთად გაუგზავნა. არტემისიას სიმამაცით გოცებულმა ქსერქსემ იყვირა:

„დღეს მამაკაცები დელაკაცებად იქნენ, ხოლო დელაკაცები მამაკაცებად!“

სანამ ეს ამბები ხდებოდა, არისტიდემ ჰოპლიტთა რაზმით კუნძულ ფსიტალიაზე შექრილიყო და სულ გაეწყვიტა იქ მდგარი სპარსელები.

სალამინის ბრძოლა დამთავრდა. ქსერქსეს 200 გემი და 50 000 მეზღვაური დაქანდა ზღვის ფსკერისაკენ. ბერძნებმა 40 ხომალდი დაჰკარგეს.

## სალამინის შედეგო

„რაოდენი კუთებანი თავს ისხნეს ელენთა — ოდეს იგი იძღუნებოდეს თემისტოკლეს მიერ უცთომელისა სპასუგისაგან სოფლისა მქონებელსა მძლესა ქსერქსის ზედა, რომელ მან ზღუდა მტკიცე ყო უომრად სპაებთათვის, ხოლო ათინელთა ერთისა ოდენ ქალაქისაგან უკუნრდუეულ იქმნა“.

გიორგი მესამე,  
მეფეთა მეფე საქართველოსი.

დამარცხებული სპარსეთის მეფე საბერძნეთიდან გარბოდა.

თემისტოკლემ სთქვა: ახლა მე აზია ევროპაში უნდა დავიკვიროო. არისტიდემ კი დაარწმუნა: პირიქით, უნდა ეცადო, როგორმე აზია ევროპიდან სწრაფად გაიქცესო, თორემ ჩვენთვის ძალიან სახიფათო იქნება, თუ აზიას ევროპაში ჩაკეტვით თავგანწირულებამდე მივიყვანთო.

თემისტოკლემაც აღარ დააყოვნა და კვლავ აფრინა თავისი მსახური ქსერქსესთან: მეფეო, ბერძნები შენს შეპყრობას აპირებენ და სანამ მე მათ დავაბრკოლებ, თავს უშველეო.

ქსერქსემ საბერძნეთში 100.000-ანი სახმელეთო არმია დატოვა გარდონიოსის მეთაურობით. ხოლო თვითონ გადარჩენილი ხომალდებით ჰელესპონტისაკენ გაიქცა.

ჰელესპონტი საშინელი ქართველით შეხვდა აზიის მბრძანებელს. სამეფო გემს ყოველ წუთში დაღუპვა ელოდა. მესაჭეს საქე გადაემსხვრა აბოზოქრებულ ზღვასთან ბრძოლაში. მაინც ივაჟკაცა მესაჭემ: გატეხილი საქით მიაყენა გემი აზიის სანაპიროს.

ქსერქსე გადავიდა და ფეხით მოსინჯა სიმკვრივე დედამიწისა. როცა დარწმუნდა, რომ ცხადად მიწაზე ედგა ფეხი, მესაჭე იხმო, ჯერ ოქრო-ვერცხლში ყელამდე ჩასვა, მერე ჯვარზე გალურსმა.

„დავაჯილდოვე, როგორც ნამდვილი გმირი, ხოლო სიკვდილით დავსაჯე, როგორც გაუფრთხილებელი მესაჭე!“ — დაასკვნა მეფემ.

იმ დღეს სალამინის სრუტეშიც ბოზოქრობდა ზღვა.

ტალღებმა დახოცილ სპარსელთა გვამები ატიკის სანაპიროებზე გამოჰყარა. თითქმის ყველა მკვდარს ოქროს სამაჯური და ძვირფას-თვლებიანი ყელსაბამი ჰქონდა.

თემისტოკლე მეგობრების თანხლებით ზღვისპირს მიჰყვებოდა. დახოცილებს ხმამალა ითვლიდნენ, ძვირფას ნივთებს კი — უხმოდ, თავისთვის ხარბი ღუმილით.

თემისტოკლე მის ფეხდაფეხ მომავალ მეგობარს სიხარბით აბოროტებულ თვლებში ჩააცქერდა, მერე გვამებზე აკიაფებულ ოქროზე ანიშნა და უთხრა:

„მიდი, აიღე, შენც ხომ თემისტოკლე არა ხარ“.

ცოცხლები მკვდრებს გახელებით მიცვივდნენ.

თემისტოკლემ ნაღვლიანად გაიცინა და გზა განაგრძო.

იგი თავისი დიდების მწვერვალზე იდგა. პატივმოყვარეობა თითქოს უნდა დასცხრომოდა. მას ხომ უპირველეს ჰელინს უწოდებდნენ: ჰელადის მხსნელად თვლიდნენ. როცა ისთმოსზე სალამინის ბრძოლის მოთავე სტრატეგოსები შეიკრიბნენ და ყველაზე მამაცის დასასახელებლად კენჭი ჰყარეს, ყველა მათგანმა პირველ ადგილზე თავისი თავი დაასახელა, ხოლო მეორე ადგილზე თემისტოკლე. ეს კი სწორედ ათენელი სტრატეგოსის უტყუარი პირველობის აღიარებაზე მეტყველებდა.

თემისტოკლე უცხოელთაგან ერთადერთი იყო, რომელიც სპარტაში მიიწვიეს და მანამდე გაუგონარი პატივი მიაგეს: თავზე ზეთისხილის გვირგვინი დაადგეს, საუკეთესო ეტლი უძღვნეს და კორინთომდე ამალად სამასი ახალგაზრდა სპარტელი აახლეს ფლევიტებისა და საომარი ემბატერიების გრიალით.

როცა თემისტოკლე ოლიმპიადაზე შევიდა, ხალხი ფეხზე წამოიშალა და აღტაცებული შეძახილებით მიესალმა მას.

„აი ის, ჰელადის მხსნელი!“ ისმოდა განუწყვეტლივ. ყველა მას შესცქეროდა: ოლიმპიადური სანახაობანი ყველას დაავიწყა ჭეშმარიტი ოლიმპიელის ხილვამ.

თემისტოკლე არ ცხრებოდა. იგი შეუდგა ათენის გარშემო ძლიერი თავდაცვითი ზღუდეების მშენებლობას. სალამინის პირდაპირ მდებარე პირეესი მთელს საბერძნეთში უპირველეს ნავსადგურად გადააქცია, ხელახლა აღაშენა, განამტკიცა და გაამშვენიერა. ათენი და პირეესი ერთიან საზღვაო-სახმელეთო სტრატეგიულ ანსამბლად იქცნენ.

დიდების მწვერვალზე მდგარი გმირი თავს მაინც უბედურად გრძნობდა. ხშირად ნაღვლიანი სიცილით იტყოდა კიდეც:

„ჩემზე ტყუილად ამბობენ, თითქოს პირველი ვიყო მთელს ჰელადაში. სინამდვილეში ყველაზე დიდი ადამიანი არის ჩემი უქნარა ვაჟი, რომელიც ყოველთვის ახერხებს იმის გაკეთებას, რაც მას მოეპრიანება. ამას იგი აღწევს დედამისის საშუალებით ჩემზე ზემოქმედებით. ასე რომ: ჰელადაზე ბატონობენ ათენელები, ათენელებზე — თემისტოკლე, თემისტოკლეზე — მისი ცოლი, ხოლო ცოლზე — მათი ვაჟი“.

კაპრიზი ცოლი და უქნარა შვილი კიდეც არ იყო ყველა უბედურების მიზეზი. თემისტოკლე გრძნობდა, რა სწრაფად უახლოვდებოდა მას ყოველ დიდ დამსახურებათა დიდი მტერი — უმადურობა. მისი მხედრული გვირგვინები ხუნდებოდნენ და უფერულდებოდნენ. მისი მოწინააღმდეგენი ათასნაირ ცილისწამებას თხზავდნენ და ქვებუდან ხლართებს ხვანჯავდნენ, ალალ მამულიშვილობას არმად უთვლიდნენ და მადლად ნაქმნარს მატლად უქცევდნენ.

გულაკენესებულ გმირს ხშირად ახსენდებოდა მამის ნათქვამი: ომის შემდგომ ხალხი თავის ბელადს ისე ექცევა, ვითარცა დამპალ ხომალდებსო. ახლა თვითონაც ამბობდა:

„ათენელები მე ისე მექცევიან, ვითარცა ჭადარს: ქარიშხალია — თავს მაფარებენ, კარგი დარია — ტოტებს მამსხვრევენ“.

მაგრამ მარტო ტოტები როდი იკმარეს. ყველაზე დიდნაყოფიერ ხეს ფესვებიანად ამოგდებაც დაუპირეს. თემისტოკლე სამართალში მისცეს. მას ბრალს სდებდნენ განუზომელ პატივმოყვარეობაში, ბრალს სდებდნენ ანგარებაში, ბრალს სდებდნენ იმამიც, რომ მან ათენელებს „ხელიდან მახვილი გამოჰგლიჯა და სამაგიეროდ ზის ნიჩაბი შეაჩეჩა“ (მაშ, ეს უდიდესი მამულიშვილური საქმეც — ფლოტის აგება და ათენის უპირველეს საზღვაო სახელმწიფოდ გადაქცევა — დანაშაულად ჩაუთვალეს!).

ათენელებმა თემისტოკლეს ოსტრაკისმო მოუწყვეს და სამშობლოდან გააძევეს.

ლტოლვილი ჯერ არგოსს აფარებდა თავს, მერე ეპირს, შემდგომ პოლოსების მეფეს. ბოლოს, რაკი საბერძნეთის მხსნელისათვის საბერძნეთში ადგილი აღარ მოიძებნა, ის წავიდა... წავიდა სპარსეთში.

აი, ახლა თემისტოკლე არტაქსერქსეს წინაშე იდგა (მაშინ სპარსეთში ახალი მეფე იჯდა — არტაქსერქსე).

რამდენჯერ უნატრია სპარსეთის ავგულა მეფეს თემისტოკლეს სისხლის დაღვევა! ახლა იგი წინ უდგას მისი სისხლითაც, ხორციითაც და... თავითაც. დიახ, თემისტოკლეს გასაოცრად ნიჭიერი თავი.

არტაქსერქსემ უნდა გადაწყვიტოს, როგორ მოექცეს თემისტოკლეს დიდებულ თავს: გაახმოს, თუ გამოიყენოს?

და იმ დღეს არტაქსერქსე ძალიან ჰკვიანი ყოფილა. მას შეუცვნია თემისტოკლეს ფასი. იგი მიხვდა, რა ბასრი იარაღი გადმოუგდო მისმა მოსისხლე საბერძნეთმა, — თვითონ წელიდან აიხსნა და მას, არტაქსერქსეს საბერძნეთის ყველაზე დიდ მტერს, თავის ხელითვე გადმოუგდო!..

მალე თემისტოკლე არტაქსერქსეს უახლოესი მრჩეველი და მეგობარი შეიქნა. მეფემ მას სამმართველოდ გადასცა რამდენიმე მცირეაზიული ქალაქი, მათ შორის ყველაზე დიდი — მაგნეზია.

თემისტოკლემ ქალაქი მაგნეზია არნახულად აღამალა, აღაშენა და გაამშვენიერა.

წლები მიდიოდა. თემისტოკლე დიდ პატივში ცხოვრობდა. მაინც უნებურად უკვნესოდა გული სამშობლოდაკარგულ კაცს.

ნუთუ, საბოლოოდ გასწირეს იგი ათენელებმა?!

ნუთუ, მართლა აღარ არის იგი საჭირო ათენისათვის, სულ აღარ არის საჭირო?!

ნუთუ, არასოდეს აღარ მოაკითხავენ?!

არა, მოაკითხეს, დასჭირდათ და მოაკითხეს.

თემისტოკლესთან ათენელი ელჩები მივიდნენ, სახელმწიფოს სახელით ბოდიში მოუხადეს და სამშობლოში დაბრუნება თხოვეს.

თემისტოკლე შეარყია ასეთმა წვევამ.

მაშ, იგი ჯერ კიდევ საჭირო ყოფილა სამშობლოსათვის!

„მაშ, თქვენ ამბობთ, რომ მე ათენში უნდა დავბრუნდე!“

„ჰო, ჰო, უნდა დავბრუნდე, შენ იქ ისევ გელოდება უმადლესი ხელისუფლება!“ ერთბაშად მიაზალეს.

უმადლესი ხელისუფლება!

რამდენი ღამე გაუტეხია თემისტოკლეს ამ საოცარი ქიმერისათვის!

და ახლა ისევ სთავაზობენ!

დიდხანს ფიქრობდა გმირი.

მაგრამ უმადურობა?

ბოლმამ შეკრა და შებოჭა მისი სხეული.

უმადურობა უნდა დაისაჯოს, უნდა დაისაჯოს!

იგი ელჩებს მიუბრუნდა და მკაცრად სთქვა:

„მე არაფერი მწამს იმ ხალხის, რომელიც ერთსა და იმავე ქუთრ-  
ქელს ღვინის სასმელადაც იყენებს და შარდის ჩასაქცევადაც“.

ეს იყო და ეს.

პირზე ლაფშესხმული ათენელები უკან ხელცარიელნი გაბრუნ-  
დნენ.

მაშ, თემისტოკლემ საბოლოოდ თქვა უარი სამშობლოში დაბ-  
რუნებაზე და საბერძნეთიც უნდა ელოდეს შურისმგებლობას მის-  
განვე განდევნილი დიდი შვილისგან.

ეს ღლეც დაღვა. მოვიდა არტაქსერქსეს ბრძანება:

თემისტოკლემ უნდა უსარდლოს საგანგებოდ გამზოდებულ დიდ  
ფლოტს და დაუყოვნებლივ დაიძრას საბერძნეთის წინააღმდეგ!

თემისტოკლემ სპარსეთის მეფის ბრძანება მშვიდად მოისმინა.  
მერე მეგობრები და ახლობლები იხმო სანადიმოდ. ძალიან მხიარუ-  
ლი, ხალისიანი და ალერსიანი იყო. მშვენიერი, საამური სიტყვებით  
ესიტყვებოდა ყველას; ბოლოს ყველას ხელი ჩამოართვა, ზოგიერთს  
კიდევ გადაეხვია და მსხვერპლის საზორველად გავიდა.

საზორველი ხარი დაკლა. სისხლს დაეწაფა.

დიღხანს სვამდა. ფეხზე აღარ წამომდგარა.

მოკვდა.

სამშობლოდან გაძევებულმა სამშობლოს წინააღმდეგ იარაღის  
აღმართვას საკუთარი სიკვდილი ამჯობინა...

მაგრამ თემისტოკლეს აღსასრულამდე საბერძნეთში დიდი ამბები  
დატრიალდა.

სალამინის ბრძოლის მომდევნო 479 წელს ბერძნებმა ორჯერ  
კვლავ სასტიკად დაამარცხეს სპარსელები: ხმელეთზე — ქალაქ პლა-  
ტეასთან და ზღვაზე — მიკალეს კონცხთან.

ამის შემდგომ კიდევ მოხდა რამდენიმე დიდი და მცირე ბრძო-  
ლა, რაიც ისევ და ისევ სპარსელთა ძლევით დაბოლოვდა.

449 წელს სპარსელებმა ზავი ითხოვეს. დაიდო კიდევ. ზავის მი-  
ხედვით სპარსეთმა თავი დამარცხებულად სცნო. მცირეაზიული  
იონიური საბერძნეთი ბარბაროსული უღლისაგან გათავისუფლდა.  
დიდი საზღვაო გზები და ბაზრები მთლიანად პელინურ-ბერძნულ  
სამყაროში მოექცა.

ჰელადა კლასიკური აყვავების მწვერვალზე იდგა.

გამოხდა ხანი.

საბერძნეთის სიმძლავრე შინაგანმა საზოგადოებრივმა და პოლიტიკურმა ტკივილებმა შეარყია. ორი ბერძნული ბანაკი შეება ერთ-ერთს: დელოსის კავშირი და პელოპონესის კავშირი. პირველს ათენი უდგა სათავეში, მეორეს სპარტა. ეს იყო ე. წ. „პელოპონესის ომი“, რომელიც 27 წელი (ძვ. წ. 431—404) გაგრძელდა.

უსასტიკესმა ძმათაშორისმა ხოცვა-ყლეტამ ჰელინური სამყარო სიმძლავრისა და სიდიადის მწვერვალიდან დაღუპვის უფსკრულისაკენ დააქანა. ქვეყანა გაპარტახდა ეკონომიურად, დაძაბუნდა ფიზიკურად, მოიშალა სულიერად.

ასე დადგა მე-5-4 საუკუნეთა შესაყარში „პანელინური“ (საყოველთაო ბერძნული) კრიზისი.

სწორედ ასეთ დროს უცდიდა სპარსეთი. იგი სარევანშო ნახტომისთვის ემზადებოდა. საბერძნეთის დღეები კატასტროფული სისწრაფით ითვლებოდა. ბერძენი პროგრესისტები თავს იმტვრევდნენ ქვეყნის დასახსნელ გზათა ძიებაში.

ასეთი გზაც მოინახა: საბერძნეთის გადარჩენა შეეძლო ახლადგამძლავრებულ მეზობელ მაკედონიასთან შეერთებას. ასე გაჩნდა „მაკედონური პარტია“ ათენში. იგი მაკედონიასთან დაუყოვნებლივ გაერთიანებას მოითხოვდა.

იყო „ანტიმაკედონური პარტიაც“, რომელსაც სათავეში ედგა სპხელგანთქმული ორატორი და პოლიტიკოსი დემოსთენე. დემოსთენე ამტკიცებდა, რომ მაკედონიასთან გაერთიანება კისრად მხოლოდ მაკედონურ უღელს დაგვადგამსო.

მაგრამ დემოსთენესაც არ შეეძლო ისტორიის გიგანტური ჩარხის შებრუნება. სწორედ ისტორიის ლოგიკამ თავისი გაიტანა:

ქრისტეს დაბადებამდე 338 წელს საბერძნეთი მაკედონიას შეუერთდა.

ბერძენი ხალხი დედაბუდიანად ამოგდებასა და გადაშენებას გადარჩა.





თავი პირველი

კრწანისამდე

„აჰა, ივერიის ნუგუმ-დიდება,  
 თეიხის დროისა გამშენებელი,  
 მამაცთა შორის საკვირველება,  
 პატარა კახი, მეფე ირაკლი!“

გრიგოლ ორბელიანი  
 ორი რეალობა



რისტეს დაბადებიდან დგას 1789 წელი.

ქართლ-კახეთის მეფედ ჯერ ისევ არის იმდროინდელ აღმოსავლეთ ხელმწიფეთ შორის უპირველესი — ერეკლე მეორე, პატარა კახად წოდებული. მის ხელთაა მრავალი დიდი და მცირე გამარჯვება; ქართველთაგან მრავალგზის ძლეულ არიან მათი მიწყივ-მოსისხარნი: თურქნი, ლეკნი, ირანელები. მარცხნაჲში არიან: მაჰმად-ხანი, ფანა-ხანი, აზატ-ხანი, ომარ-ხანი, მალაჩ-ბეგი, აბდულა-ბეგი, ყოჯახ-ბეგი, ჰაჯი-ბეგი, ნურსალ-ბეგი.

რად ჰლირს მარტო ასპინძის ბრძოლა!

სწორედ ასპინძის გმირი არის ის საიმედო და საფიცარი სახალხო კუმირი, რომელმაც სრულიად კავკასიის საქრისტიანო, ქართულ-სომხური სამყარო, უნდა დაიხსნას გაათათრებისგან, ეროვნული გადაგვარებისგან.

ერეკლეს მოიმედენი არიან არაქრისტიანებიც. მისი ყმაღნაფიცი მუსლიმანური ხალხები — განკელები, ყარაბაღელები, შირვანელები, რომელთაც კვლავაც მოეღიოთ შთანთქმა ირანელ-სპარსელთაგან.

ყველაფერ ამასთან ერთად არის დიდი იმედი ჩრდილოეთიდან, ერთმორწმუნე რუსეთიდან; უკვე მეშვიდე წელი არსებობს „ტრაქტატი“ რუსთაგან ქართლ-კახეთის მფარველობისა, კეთილი ძმობისა და თანასწორუფლებიანი მეგობრობისა.

ყოველივე ეს არსებობს — საოცარი პატარა კახის ორმოცწლოვანი ნაომარი და ნამოღვაწარი. მაგრამ ამ დიდი და საიმედო რეალურობის პირისპირ მინც არსებობს არანაკლები (თუ უფრო ძლიერი არა) პოტენციისა და ქართველთათვის საშიში პერსპექტივის მქონე მეორე რეალურობა.

ჯერ ერთი, არ არის არამცთუ ერთიანობა სრულიად საქართველოსა, არამედ თვით ქართლ-კახეთის სამეფოშიც არ არსებობს მტკიცე შინაგანი მთლიანობა. ჯერ ისევ ცოცხლობს შხამიანი შეფასება უანგარო მამულიშვილისადმი: ირაკლი მამაა კახეთისა და მამინაცვალი ქართლისა. გულზვიადი ერისთავებიც ხშირად თავის ხელმწიფეს „მეფეს“ როდი უწოდებენ, არამედ უბრალოდ, „კახთ-ბატონად“ მოიხსენიებენ.

თვითონ ერეკლეს ოჯახური მრავალნაყოფიერება\* ქვეყნის შინაგანი დაქსაქსულობის ხელშემწყობი შექმნილა. ადრე დაიღუპა ლევან ბატონიშვილი, მრავალრიცხოვან უფლისწულთაგან უმამაციესი, უნიჭიერესი და უკეთილშობილესი, ვისაც შეეძლო ქვეშაირიტი ერეკლეობა გაეწია მრავალთა შორის თითქმის ყოველთვის მარტოდმყოფი ერეკლესათვის. დანარჩენი შვილნი-მემკვიდრენი, თითქმის ყველანი, ერთნაირად არიან საშუალონი ან ქვესაშუალონი; თითქოს იმათშიც ჟამიდან ჟამზე იელვებენ ნაპერწყალნი

---

\* ერეკლე სამჯერ იყო ნაქორწინევი. პირველ ცოლად ჰყავდა ქეთევანი, ვახტანგ ორბელიანის ასული, რომლისგანაც ჰყავდა სამი შვილი: რუსუდანი, ვახტანგი და სახელით უცნობი ბავშვი (სამივე ადრე დაიხოცა). მეფის მეორე ცოლი იყო ზაალ აბაშიძის ასული ანა, რომლისგანაც შეეძინა გიორგი და თამარი (ცოლი სარდლასა და სახთუხუცესის დავით ორბელიანისა). ერეკლე მესამედ დაქორწინდა დარეჯანზე, კაცია დადიანის ასულზე, რომელმაც მეფეს გაუჩინა კიდევ ცხრაშვილი შვილი: ელენე (ცოლი იმერთა მეფის ძის, არჩილისა), მარიაში (ცოლი თბილისის შოურავის დაფით ცაქაშვილისა), ლევანი, სოფიო (ადრე გარდაიცვალა), იულონი, სალომე (ადრე გარდაიცვალა), ვახტანგი (ალმასხანი), თეიმურაზი, სოსლან-დავითი (ადრე გარდაიცვალა), ასლამაზ-ხანი, ალექსანდრე, არჩილი (ადრე გარდაიცვალა). ქეთევანი (ცოლი იოანე მუხრან-ბატონისა), ფარნაოზი, თეკლა, ლუარსაბი, მირიანი, ხორეშანი, ანსტასია.

მამისეული სიქველისა და სივაცაისა, მაგრამ უმეტეს წილად ისევ და ისევ არიან მონანი დედისეული ეგოიზმისა, პატივმოყვარეობისა, მეშურნეობისა და გულზვიადობისა. ყოველი მათგანი ცალკეულად საუფლისწულო-საბატონოს მოითხოვს, განცალკევებისაყენ, კარჩაკეტილობისაყენ მიილტვიან და ამით ისედაც ცალფეხზე მდგარ ერთიან სამამულიშვილო იდეას ძირს უთხრიან. მხოლოდ უფროსი ტახტის მემკვიდრის, გიორგის ძენი, დაეითი და იოანე იძლევიან იმედებს.

ერთი სიტყვით, ბრძოლის ველზე ხელშეუვალ გმირს ჟამსა სიბერისასა საკუთარი ოჯახის მოვლა გასჭირვებია. საქმეთა სამამაცოთა უკვე სჯაბნიან საქმენი საღიაცონი. დარეჯან დედოფალი თავის გერს, უფროს უფლისწულს გიორგის, ტახტის მემკვიდრეობის წართმევას უპირებს და თავისი ღვიძლი შვილებისათვის მთელი ქართლ-კახეთის მიწა-წყლის დარიგება-დანაწილებაზე ოცნებობს.

ეს შინაოჯახური აშლილობა დიდაც ხელს შეუშლიდა ყოველთა საქვეყნო საქმეთა წაღმართიანად განსრულებას.

მოლაღატენი მოიძებნებიან შინაურობაშიც და გაშინაურებულ უცხოელებშიც. ღალატს არ იშლიან ქანისა და არაგვის ერისთავები. კვლავ გრძელდება ფეოდალური დროისათვის დამახასიათებელი „აღმა ხვნა და დაღმა ფარცხვა“. ქვეყანა არის ჩამორჩენილი ეკონომიურად, მოშლილი სულიერად, სისხლდაწრეტილი ფიზიკურად.

ერეკლესაგან დამარცხებული არიან, მაგრამ მაინც მძლავრობენ თურქ-ოსმალნი, ლეკი-აბრავნი, ყიზილბაშ-ერანელები და მომთაბარე-ქოჩად მავალი ელნი-თარაქამელები.

ჩრდილოეთიდან დიდი იმედიც არსებობს და უიმედობაც. თეთრი მთავრობა, რუსეთის, სპარსეთისა და თურქეთის წინააღმდეგობათა კავკასიურ გზაკვანძზე ჭერჭერობით ყველაფერს მხოლოდ თავის ინტერესთა თარგზე ზომავს. ხოლო „პრაქტიკული დახმარებიდან“ ერეკლემ ჭერჭერობით ის იცის, რომ რუსთა კორპუსის უფროსი, გენერალი ტოტლებენი, ტომით გონებაბრჯგუ და გულდრკუ გერმანელი, აწყურის ციხესთან მოკავშირე ქართველთა ჯარს მოლაღატურად გამოეთიშა და საშინელი მტრის ხახასთან მარტოდ დააგდო.

ასპინძის ბრძოლა ახალი გმირული დიდებით ამკობს ქართულ დროშებს: უძლეველი ქრისტიანი ხელმწიფეს სახელიც მთელს მსოფლიოში ჰქუხს, მაგრამ მაინც მის სატახტოში, მის სასახლეს და შემოგარენს, იმ სასახლეზე უმაღლესი მინარეთიდან ყოველ დილით თავს დაჰკვივის მოლა-თათარი.

მაშ, 1789 წლის ზაფხული იდგა.

და დილით ადრე თბილისის სასახლის აივანზე თოფმა დაიგრი-  
ალა.

მინარეთიდან მოლა მოწყდა, გადმოეშვა და სასახლის მოედანზე  
მოგებულ ქვაფენილს დაასკდა.

თოფის ხმამ სასახლე შეარყია. სამეფო სახლი წამოიშალა. მო-  
ედანზე შეყრილი ხალხი პირველად თითქოს ახლა მიხვდა, რომ მის  
ყურათსმენას სწორედ ეს უსიამო, გაბმულ-გამკვივანი ხმა აწუხებდა  
და ახლა თითქოს ყურმაც დაისვენა და გულიც დაწყნარდა.

ერეკლე აივანზე გამოიჭრა და, როგორც კი მოლმს სიკვდილი  
მოახსენეს, გაჯავრებულმა მაშინვე მკვლელი მოიკითხა, ძეხნაც არ  
დასქირვებია. იქვე, მის გვერდით, აივანზე, ახლადდაცლილი და  
ბოლავარდნილი თოფით ხელში იდგა მისი სიძე არჩილი, იმ ღამით  
ქუთაისიდან სტუმრად გადმოსული.

არჩილი გაჯავრებულ სიმამრს თვალეზში მშვიდად უცქერდა  
და კმაყოფილ სახეზე დინჯი დიმილი დასთამაშებდა. ეტყობოდა,  
მისთვის სავსებით უცნაური იყო ერეკლეს შემწყნარებლობა ყუ-  
რანისადმი ქრისტიანთა დიდ სატახტო ქალაქში, სადაც ღვას სიო-  
ნი, ქართველთა პატროფორიონი — ტაძარი სამეფოთ, რომელშიც  
ჟამი ქართულ-ქრისტიანულად შეიწირვოდა.

ერეკლეს სიძე ისედაც არ მოსწონდა. საამისო მიზეზებიც  
ჰქონდა.

არჩილი იმერეთის მეფის სოლომონ პირველის უმცროსი ძმა  
იყო. როცა სოლომონი მოკვდა (1784 წ.), იმერეთის მეფობა ხელთ  
იგდო სოლომონის ბიძის ძემ, დავითმა. არჩილსა და მის მეუღლეს,  
ერეკლეს ასულს ელენეს, აგრეთვე ვაჟი ჰყავდათ, ისიც სახელად  
დავითი. ერეკლეს სურდა, იმერეთის ტახტ-გვირგვინი მის შვილის-  
შვილს სჭეროდა, მაგრამ სურვილი აქამდე არ აღესრულა და ამის  
მიზეზად იგი არჩილის უმოქმედობასა და უუნარობას თვლიდა.  
ამას გარდა, არჩილი აუტანლად სძაგდა დარეჯან დედოფალს, ხოლო  
ეს სავსებით საკმარისი იყო, მეფეს თავისი სიძისათვის ამრეზილად  
ეცქირნა.

სამაგიეროდ, არჩილი ძალიან უყვარდა უფლისწულ გიორგის.  
ეს სიყვარული თავის მხრივ კიდევ უფრო ამძაფრებდა დარეჯანის  
მტრობას გიორგისადმი. ბოლოს და ბოლოს, ერეკლემ უფროს ვაჟს  
კიდევაც აუკრძალა არჩილთან შეხვედრა. მაგრამ წინ ღამით, სტუმ-

რად ჩამოსვლისთანავე, სიძე-ცოლისძმა ერთმანეთს მაინც შეხედნენ.

ახლა კი, სწორედ ახლა, გიორგი აივანზე ამოდის, არჩილთან მზიარული სახით მიდის, მხარზე ხელს ჰხვევს და მიზანმოუძღვარ სროლასა და ვაჟკაცობას უქებს. მოლასა და ყურანის გაძევება ჩვენ, აქაურებს ვერ მოგვიგონებია და იმერეთიდან გადმოსულმა კაცმა გაგვახსენაო.

გიორგიმ ასეთი გაბედულებების გამოჩენა ძალიან იშვიათად იცის. ის ყველაფრისადმი გულგრილია და უინტერესო. მისი საზრუნავი არის მხოლოდ ჭამა, ლოცვა და ნებივრობა, უყვარს თეთრი, გამტკიცული ფქვილით ნაცხობი დედას-პურები, კელიავით შემზადებული ქათმები, ცხვრის მწვადები, აფხაზურად შეკმაზული ძროხის ხორცი და მისთვის ყველაზე ძვირფასი ულუფა — ერთწლიანი ან მცირედ მოდიდო ზაქი. „მთელს ზაქსა სჯამსო“, — ამბობენ მასზე. ღვინოსაც მუდამ საგანგებოდ დაყენებულს მიირთმევს — ყოველ-დღიურად ერთი ჩარეკი წითელი ხოდაშნური ან ყვარლური.

უხვმა სმა-ჭამამ ახოვანი და მოხდენილი ვაჟკაცი ორმეოცე წლის ასაკიდან ძალიან გაასუქა, გაასქელა და დაამძიმა. ფეხით ძლივს დადის, ცხენზედაც უჭირს ზორბა ტანის ატანა. როცა ჭამასა და ძილს მორჩება, ერთთავად სულ ლოცულობს. ერთი ოთახი სულ ზატებით აქვს საესე; ჩამოუვლის და ყველას ჩაჰკოცნის; რომელსაც ვერ მიწვდება, ჯოხს მიადებს და მისი მეშვეობით „ჰკოცნის“. არ უყვარს არცა ნადირობა, არცა ჯირითობა და ასპარეზობა, არც მწიგნობრობის იწამა რამე. ძლივს გაუძლო თავისი ძმის ანტონ კათალიკოსის ორიოდ ლექტკას, მერე ხელი ჩაიქნია და შესძახა: „არა მესმის ესე, ვნაყავ წყალსა“.

ადრე უფრო ვაჟკაცი იყო „ზაქიჭამია“. განა, ის არ იყო, ლალატის გზაზე შემდგარ ტოტლებენს რომ მიეჭრა აწყურის ციხესთან, მიეჭრა და შესძახა:

„ღენერალო, სირცხვილია ამისთანა დროს ლალატი მეფისა“.

„არა მაქვს ბრძანება იმპერატორისა, რომ შევება ჯარითა ესრეთ მცირითა მტერსა დიდსა უსარგებლოდ“, — უპასუხა ტოტლებენმა.

„მაგათი, ღენერალო, არცხვენ რუსეთის ჯარსა და უტენ სახელსა დიდსა რუსეთსა. ღმერთი ჩვენკენ იქნება, ჩვენ შევებმით, გავიმარჯვებთ და მოვასხენებთ იმპერატორიკას შენს სიხმდალესა“.

იქნებ ვაცხარებულ უფლისწულს, მამა რომ არ შემოსწყრომოდა, სილაც ეთავაზებინა რეგენი გენერლისათვის.

ახლაც მისდათავად გვარიანი გაბედულებაა, განრისხებული მამის

წინაშე „მეტიჩარა იმერელის“ მხარე დაიჭიროს და ასეთი თავგასული უსაქციელობაც მოუწონოს.

„აფერუმ, სცა თოფი და ჩამოაგდო!“ შესძახა გიორგიმ.

ერეკლე უბრად შებრუნდა და საღიაცოს მიაშურა. გიორგიმ რცოდა, იქიდან მალე მკვახე საყვედურთა ნიაღვარი წამოვიდოდა, მაგრამ ყველაფრისადმი ჩვეული გულგრილობა ამჯერადაც საიმედო აბჯარი იქნებოდა მისთვის.

ეს უცნაური ინციდენტი რაღაცნაირი პროლოგი გახდა „დიდი იმერული ელჩობისა“ აღმოსავლეთ საქართველოში.

## „ნუ ჰყოფნი, მფხვიო!“

ათას შვიდას ოთხმოცდაათ წელს იმერეთიდან თბილისში ჩამოვიდა ელჩობა, რომელშიც შედიოდნენ: გელათელი ეპისკოპოსი ექვთიმე, ქუთათელი ეპისკოპოსი დოსითეოსი, სარდალი ქაიხოსრო წერეთელი, სახლთუხუცესი ზურაბ წერეთელი, პაატა მიქელაძე, სეხნია წულუკიძე, იოანე აბაშიძე, იოანე აგიაშვილი, ქაიხოსრო ჭიჭავაძე და ფიცის კაცნი — ლორთქიფანიძე, იოსელიანი, ავალიანი და სხვანი.

იმერელი დესპანნი ერეკლეს წინაშე წარსდგნენ და აჯა აღავლინეს:

„არც თქვენ და არც ჩვენ მეფედ არ გვსურს დავით გიორგის ძე; ჩვენი სურვილია, იმერეთი ქართლ-კახეთს შეუერთდეს, იგივე სურს გურიისა და სამეგრელოს მთავრებს; უნდა აღსდგეს ოდინდელი ერთიანობა სრულიად საქართველოსა, რომელსაც უხელმწიფებს სახელოვანი ერეკლე. მთელი დასავლეთ ქართველობა დიდის სიქადულითა და სიხარულით მოელის საქმისა ამის დასასრულსა... მცხოვრებთა გლეხთაც იციან ესე და უხარისთ ბატონობა თქვენი იმერეთსა, მტერთაგან ჯვარისა გაოხრებულსა“.

მაშ, ერეკლეს საქართველოს გაერთიანებას და სრულიად ქართველთა ერთხელმწიფობას სთავაზობენ. ესაა მრავალსაუკუნოვანი ოცნება ქართველი ხალხისა. ვინ იცის, ერეკლესაც რამდენი უოცნებია, მკვდრებით აღედგინა ასეულწლების მანძილზე დასამარებული ერთიანობა ამერ-იმერი ქართველობისა. ახლა „იმერელი ერი“ თვითონ სთავაზობს და ეაჯება მისი სკიპტრის ქვეშ შეერთებას; ესაა საყოველთაო სურვილი დასავლეთ ქართველთა, ერთსულოვნად ყოველთა, დიდთა და მცირეთა, მთავართა და გლეხთა, თავადთა და მდაბიოთა, აზნაურთა და უაზნოთა, თითქოს პატარა

კახს მხოლოდ ისღა დარჩენია, ჩალმისმინავარი თავსარქმელი ვადაიძროს და მის ნაცვლად ერთიანი საქართველოს, გორგასლიან-დავითიანისა და თამარისეული ჯილოსანი გვირგვინი დაიდგას.

მაგრამ ქართველ ხალხს ისტორიის კაპრიზ ფორტუნასგან ერთიანობის აღდგინება სამუდამოდ წართმეული ჰქონდა. ერეკლეზე უკეთ ვის შეეძლო სცნობოდა მისი დროის ქარიშხლიანი ეპისაბრუნავი. საკმარისია, მან თქვას: „დაე იყოს ერთიანობა სრულიად ქართველთა, ამერთა და იმერთა!“ და ერთბაშად ყოველის მხრიდან ამხედრდება სრულიად მუსლიმანური სამყარო, ხოლო რუსეთი... რუსეთიდან ჯერჯერობით მხოლოდ „ტოტლებენური ღალატი“ უწევნევია „ერთმორწმუნე ქრისტიან მეფეს“.

ერეკლემ მღუშმარედ მოისმინა იმერელთა თხოვნა. მერე ადგა და სათათბიროდ დარბაზის ერის შეყრა ბრძანა.

სამეფო პალატაში დარბაზის ერი შეიყარა. მოვიდნენ უფლისწულნი, ქართლ-კახეთის წარჩინებული თავადნი, სასახლის კარისკაცნი, მდივანბეგნი, მოურავნი, სარდალნი და მღვდელმთავარნი. ამათგან უსაჩინოესი იყვნენ: კათალიკოსი ანტონ მეორე (ერეკლეს ვაჟი თეიმურაზი), სახლთუხუცესი ჭაბუა ორბელიანი, სარდალი დავით ორბელიანი (ერეკლეს სიძე, თამარის ქმარი), თბილისის მოურავი დავით ციციშვილი (ერეკლეს სიძე, მარიამის ქმარი), სარდალი იოანე მუხრან-ბატონი (ერეკლეს სიძე, ქეთევანის ქმარი), ქიზიყის მოურავი ზაქარია ანდრონიკაშვილი, ჯარდან ჩოლოყაშვილი, იოსებ ბარათაშვილი და ვიცე-კანცლერი სოლომონ ლიონიძე.

თათბირი დაიწყო. ელჩებმა დარბაზის ერის წინაშე გაიმეორეს ქართლ-კახეთთან იმერეთისა და მთელი დასავლეთ საქართველოს შეერთების თხოვნა.

აღმოსავლეთ ქართველთაგან პირველი წამოდგა ჭაბუა ორბელიანი, კაცი მჭევრმეტყველი, რიტორი და გულმხურვალე მამულიშვილი. მან მეფესა და სადარბაზოს თავი დაუქრა და მქუხარე, ზავთიანი ხმით დაიწყო:

„კურთხეულ იყოს აზრი ზეჯარდმო შთაგონებული იმერთა დესპანთადმი, კურთხეულ იყოს აზრი იმერთა ერისა! ჩვენ საპასუხოდ რა დაგვშთენია? ნუთუ რამე არს საყოყმანო და დასაყოვნებელი?“ წამით შეჩერდა.

მეფე სდუმდა. ყველა მას შესცქეროდა.

ჭაბუამ ფიცხლავ შესძახა:

„ნუ ჰყოვნი, მეფეო! მეფე ერისათვის და არა ერი მეფისათვის! ერი იმერთა ითხოვს ერთობასა და კავშირსა. ვითარ ეტყვი, მეფეო,

უარსა? რისთვის არ მიიღებ ასეთ სანუკველ თხოვნასა?.. მე ვიცი და მესმის აზრი თქვენი, მეფეო! შენ ასე ფიქრობ: როგორ წავართვაო ჩემს შვილიშვილს, დავით არჩილის ძეს, მეფობა იმერეთისა! თუ ასე ფიქრობ, ეს მოასწავებს დიდ უბედურებას იმერეთისა და დაღუპვას მთელი საქართველოსათვის! განა მსგავსი რამ აქამდე არ მოგობდენია? შენ ხომ მეფობა წაართვი ქართლსა, მაგრამ რაი დაკარგა საქართველომან დაკავშირებითა ქართლისა და კახეთისა? შენ ხომ არაგვის საერისთავო წაართვი იქ მეთამბოხე ერისთავთა? შენ ხომ ქსანიც საუკუნოდ წაართვი ქსნისა ერისთავთა? მერე, თუ არ მოიგო. რა დაკარგა ამით ჩვენმა მშობელმან საქართველომან? ბედნიერება ერისა ითხოვს ერთობასა. ძლიერება მეფობისა არის ერთა დაკავშირება. იმერნი თვითონ, თავისი ნებით, ზეგარდმო აზრით შთაგონებულნი, გთხოვენ შეერთებას. შენც ნულარ ჰყოფნი, მეფეო ჩვენო!“

ორბელიანი შესდგა.

მეფე კვლავ მღუშარებდა.

მაშინ ზედიზედ წამოდგნენ ანტონ კათალიკოსი, დავით ორბელიანი, სოლომონ ლიონიძე, ზაქარია ანდრონიკაშვილი, ჯარდან ჩოლოყაშვილი, იოსებ ბარათაშვილი და გულმხურვალედ სთხოვეს მეფეს, მიეღო ერთიანი ხელმწიფობა, ქართლ-კახეთისა და იმერეთისა.

ვერც ერთმა მათგანმა ვერ მიიღო პასუხი მეფისაგან. იგი უძრავად იჯდა და მძიმე საფიქრალს მისცემოდა.

ახლა ისევ იმერთა მხრიდან გაისმა სიტყვა. ქაიხოსრო წერეთელი ლაპარაკობდა:

„ბატონო მეფე, შეისმინეთ ჩვენი თხოვნა და მიიღეთ მეფობა იმერეთისა. დაე, იყოს ერთობა შარადისი ქართლ-კახელთა, იმერელთა და ყოველ ქართველთა შორის, ხოლო უკეთუ ვერ დამტკიცდება ერთობა ჩვენთა, შეუღდება უწყისობა საერთო საქმეს, საფრო რამ შეიქმნება ქართლისათვის და მეფობისა თქვენისათვის, — მაშინ დატევეთ მეფობა იმერეთისა, მაშინ უბოძეთ თქვენის ნებით მას სხვა ხელმწიფე. ახლა კი სცადეთ, ნულარ ჰყოფნით, მიიღეთ გვირგვინი ჩვენიცა, განძლიერდით ჩვენი და განგვაძლიერეთ თქვენი!“

„განძლიერდით ჩვენი და განგვაძლიერეთ თქვენი!“ ჩამოიზრბინა დარბაზის ერი ამ ჭადოსნურმა სიტყვებმა.

„ირწმუნეთ, მეფე ბატონო, როცა მტერი ჩვენი ერთობის ამბავს შეიტყობს, მაშინვე მიეცემა შიშსა და რიღსა“, დაასრულა წერეთელმა.



არც ამჯერად ინება მეფემ პასუხი. არც უფლისწულებს უნებ-  
ბიათ წართქმა სიტყვისა.

„უცებ ტყვიასავით გავარდა იოანე მუხრან-ბატონის სიტყვა:

„მეტად ძნელ საქმეს გვთხოვენ იმერნი. არ შეგვიძლია შემოერ-  
თება იმერეთისა“.

„რად არ შეგვიძლია?“

„რად არ შეგვიძლია?“

„ხელს რა დაგვიშლის?“

მუხრან-ბატონი კი უჭიათად განაგრძობდა:

„ჩვენ ქართველთა ჩვენის თავისათვის ვერ მოგვივლია, ვითარ  
შოვეუვლით იმერეთისა?“

„ეს რა საკადრისია?“

„ასეთი თქმა როგორ იქნება?“

„განა, იმერეთიც საქართველო არ არის?“

მუხრან-ბატონმა თითქოს ჩაასწორა მრუდე ნათქვამი:

„რად ვექმნათ პატრონად ქვეყანასა, რომელსაც ჰყავს საკუთა-  
რი პატრონი, შვილის-შვილი ჩვენი მეფისა?“ სთქვა და მამებლუ-  
რი მზერით შეხედა ერეკლეს.

ფეხზე წამოიჭრა ფიცხელი დავით ორბელიანი და დასჭექა გა-  
ცეცხლებულმა:

„მუხრანის ბატონი ბრძანებს, ქართველებს ჩვენის თავისთვი-  
საც ვერ მოგვივლიაო. დიახაც, მართალს აღიარებს, რომ ვერ მოუე-  
ლის იგი დღეს თავის ქვეყანას თავისის ხრმლითა და ბაირალითა.  
მაგრამ მოვა დრო და ღმერთი მოგვეცემს სხვა მუხრან-ბატონსა,  
რომლის ხრმალი უფრო მჭრელი იქნება“.

დარბაზი აჩოჩქოლდა. უმრავლესობა ორბელიანს მოწონების  
შეძახილებით შეხვდა. ბრაზით გატეხილ მუხრან-ბატონსაც აქა-იქ  
ვილაცეებმა აუბეს მხარი.

ორბელიანის მკაცრმა გამოსვლამ ბრაზი წაჰკიდა თვითონ ხელ-  
მწიფეს. განაწყენებული ერეკლე ტახტიდან წამოვარდა და დედოფ-  
ლის სანთიობოს მიაშურა. დარბაზის ერი წამოიშალა და იმდღევან-  
დელი სხდომაც ჩაიშალა.

არავინ იცის, რა საუბარი წარიმართა იმ ღამით მეფესა და დე-  
დოფალს შორის, მაგრამ მეორე დღეს ნათელი გახდა პატივმოყვარე  
ქალის საპოლიტიკო კაპრიზი და ახირებანი.

დარეჯანმა ჭაბუა ორბელიანი გამოიძახა და რისხვა აფრქვია.

„მამ, იმერეთის შემოერთება მოისურვეთ?“

„დიახ, დედოფალო“. დინჯად უპასუხა ორბელიანმა.

„პირველი სიტყვაც შენ გიბრძანებია“.

„დაახ“.

„მე ვიცი, ვინც ჩაგაგონა აზრი ესე“.

„ვის უნდა ჩაეგონებინა, დედოფალო?“

„გიორგი“.

„გიორგი?“

„სწორედ ის. ტახტის მემკვიდრე ხომ ეგ ბრძანდება, ახლა იმერეთსაც თუ შემოიერთებთ, სრულიად საქართველოს მეფობასაც გაიმზადებს; დავით ორბელიანიც ხომ მისი დის ქმარია და მუხრან-ბატონის მეტოქე. იმიტომაც უნებებია ისეთი უკადრისი სიტყვები; უმკველად ისიც გიორგის წაუქეზებია“.

„არა მგონია, დედოფალო ბატონო. თვითონ გიორგის ერთი სიტყვაც არ დასცდენია, ისე ვითარცა არც სხვა რომელიმე უფლისწულს არ უნებებია რაიმეს თქმა“.

„შენ ხომ ინებე და პირველმა ბრძანე დაპყრობა იმერეთისა“.

„რატომ ინებებ, დედოფალო, ჩვენ ხომ ქართლ-კახეთ-იმერეთის ერთობაზე ვბჭობთ!“

„ეგ არ მოხდება!“ შეჰკივლა დარეჯანმა.

„უარს ვინ იტყვის, დედოფალო?“

„შენ“.

„მე?!“ განკვირდა ჭაბუა.

„სწორედ შენ“.

„მაგრამ მე ხომ უკვე ვთქვი ჩემი სიტყვა და კვლავაც იმას გავიმეორებ: უნდა შეერთდნენ ქართლ-კახეთი და იმერეთი“.

„ხოლო ხვალინდელ შეკრებილობაზე. იტყვი, რომ არ უნდა შეერთდნენ!“

ორბელიანმა ბრაზი ძლივს დაიოკა და მტკიცედ განაცხადა:

„არა, ბატონო დედოფალო, ვერ შევიქნები ქვეყნის ორგული. ჩემი აზრი მეფისა და სამეფოს სამსახურში დარჩება უცვალებელად, მტკიცედ, შეუწყველად, ხოლო უკეთუ არ აღსრულდება, ამავე აზრსა შთავითან საფლავსა თანა. რად მიბრძანებთ, არ ვფერთგულო მეფესა და ქვეყანას ჩემსას? მე კარგად ვიცი, რასაც ვამბობ. განა, შემოძლია ვიყო და მერქვას მრჩეველი მეფისა და სიკეთის ნაცვლად ბოროტს ვურჩევდე? მაშინ ხომ ესე იქმნება საქმე ეშმაკისა, კაცისა ბოროტისა და მტრისა ქვეყნისა. ჩვენს მამა-პაპათ სისხლი უღვრიათ თავის ქვეყნისათვის და მეფეთათვის. მეც ვარ შვილი ჩემი ქვეყნისა და ერთგული ჩემი მეფისა. ამისთვის, რაც ერთჯერ ვთქვი, იმასვე გაბედვითა და შიშის გარეშე კვლავ მოვანსენებ ხელმწიფეს ჩემსას და თქვენც, ბატონსა ჩემსა დედოფალსა“.

ეს სთქვა, დედოფალს მსწრაფლ თავი დაუკრა და სწრაფი ნაბიჯით გავიდა სასახლიდან.

დარეჯანი გაოგნებული და გაბოროტებული დარჩა.

სწორედ ამ დროს მასთან შეხვედრა ითხოვეს იმერელმა ელჩებმა.

დედოფალი ცივად შეხვდა სტუმრებს. არაფერმა არ გასჭრა: არც იმერულმა თავაზიანობამ და ენათაფლიანობამ, არც ხალხის სიღუბჭირისა და უპატრონობის აღწერამ, არც ხვეწნა-მუდარამ და არც თავშეკავებულმა მუქარამ. დარეჯანი უქმურშეყრილივით ერთსა და იგივეს იმეორებდა:

„მე ვერ გამოვწირავ იმერეთისა გვირგვინსა ჩემი შვილიშვილის ხელთაგან“.

ელჩები ვერაფერს გახდნენ.

მესამე დღეს კვლავ შეიყარა დარბაზის ერი.

ისევ ქაბუა ორბელიანმა დაიწყო; ისევ დაადასტურა მისი აზრი ანტონ კათალიკოსმა. ყველაფერი წინა დღის თათბირის კვლობაზე წარიმართა. დარბაზის ერის დიდმა უმკრავლესობამ იმერეთის შემოერთება მოითხოვა. ნაწილი, იოანე მუხრან-ბატონის მხარდამხარ, კვლავ შეერთების წინააღმდეგ დადგა. მოვიდა ჟამი, როცა მეფეს გადამწყვეტი სიტყვა უნდა ეთქვა.

კარგა ხნის ღუმილის შემდეგ ერეკლემ მზერა მიაპყრო ტახტის მემკვიდრეს, რომელიც აქამდე, ორივე სხლობაზე, სრული მღუმაღრებითა და გულგრილი უძრობით იჯდა და არაფრით არ ამჟღავნებდა არც თანხმობას და არც უარყოფას. ის კი არა და, ამ დღეებში მას. ამრეზით მაცქერალი დედინაცვლისა და მამის რიდით, არაერთარი შეხვედრა არ ჰქონია არც სტუმრებთან და არც მასპინძლებთან.

„შენ რას იტყვი, გიორგი?“ ჰკითხა მეფემ.

გიორგიმ ზორბა ტანი ნელად დასძრა და დინჯად დაიწყო:

„ხელმწიფეო ჩემო! სიტყვა ჩემი, ვითარცა ვხედავ, მრავალათვის წინააღმდეგ და არასასურველ შეიქმნების, მაგრამ მაინც გავბედავ მოგახსენო: შეერთება იმერეთისა ქართლისადმი არის სიმტკიცე მეფობისა, ანუ თუ გნებავსთ, უძლეველობა ქვეყნისა ჩვენი-სა მტერთაგან. უნდა იქმნას ერთობა! რა არს უკეთილეს, რა არს მშვენიერ, ვითარ ერთობა ძმათა, — იტყვის წინასწარმეტყველი დავით. სამეფო ისრაელთა დაეცა მაშინ, როდესაც განსქდა ორად სამეფო სოლომონისა; საბერძნეთიც მაშინ დაეცა, ოდეს განაყო ორად და სამად. მეფობა განყოფილი არა დაადგრეს, — ბრძანებს მაცხოვარი“.

თქვა და დაჯდა ისევე გულგრილად და უდრტივნველად, როგორც სიტყვის წარმოთქმამდე; თითქოს არც ის აინტერესებოდა, როგორ შეხვდებოდნენ და რა შედეგი მოჰყვებოდა მის სიტყვას; თითქოს მხოლოდ მამის ბრძანებას მაშინაღუარდ აახლა თავისი პასუხი და მეტი არაფერი.

ხოლო თვით სიტყვამ ინერტიული უფლისწულისამ დიდი შთაბეჭდილება მოახდინა დარბაზის ერზე. იმერთა დესპანი და მათი მომხრენი აღფრთოვანებაში მოვიდნენ. ისევ წამოდგა ჭაბუა ორბელიანი, გიორგის ხობტა შეასხა, მერე თავისი ომანიანი ხმა ჩაიციხრო და მეფეს ლბილად სთხოვა, ბოლოს და ბოლოს მასაც თავისი ხელმწიფური განჩინება გამოეტანა.

ერეკლე ფეხზე წამოდგა. დარბაზის ერიც წამოიშალა.

მღელვარებით აღსავსე მოლოდინი მეფის ბზარდაკრულმა ხმამ დაარღვია:

„მე მოხოვენ შეერთებას იმერეთისას, მაგრამ თხოვასა ამას ვერ მივიღებ; მტერი მადგას კარსა; ვერ გავიხდი ახალსა მტერსა, რომელიც უნდა იყოს შვილის-შვილი ჩემი იმერთა ტახტისათვის განმზადებული“.

წამით შეჩერდა, მზერა სტუმართა მხრისაკენ მიმართა და მტკიცედ დააბოლოვა:

„დესპანსო, წარვედით და იმერთა ერსა გამოუცხადეთ, რომ დავსვამ იმერეთისა ტახტზედ შვილიშვილსა ჩემსა და ესრეთისა კავშირითა თავით თვისით იქმნება ერთობა იმერეთისა და ქართლის თანა“.

დაასრულა და სასწრაფოდ გავიდა დარბაზიდან.

სამდღიანი წყლის ნაყვა დასრულდა.

იმავე წელს ერეკლემ 4.000-ანი ჯარი გაგზავნა იმერეთში იოანე მუხრან-ბატონის საარდლობით. ექსპედიციას თან ახლდნენ: უფლისწული იულონი, ქიზიყის მოურავი ზაქარია ანდრონიკაშვილი, მისი ძმა (და უფლისწულ გიორგის ცოლისძმა) რევაზ ანდრონიკაშვილი და ჯარდან ჩოლოყაშვილი.

ერეკლესაგან წარგზავნილებმა ქუთაისში სასახლის კარს გადატრიალება მოახდინეს: იმერეთის ტახტიდან გადააგდეს დავით გიორგის ძე და მის ნაცვლად, სოლომონ მეორის სახელწოდებით მეფედ დასვეს ერეკლეს შვილიშვილი დავით არჩილის ძე.

ამგვარად, საქართველოს გაერთიანების უკანასკნელი ცდა მარცხით დამთავრდა. ქართულ მიწაწყალთა ერთობის გამომხატველი პატრიოტული ძალები ვერაფერს გახდნენ დარეჯან დედოფლისა და

მის უახლოეს მედროვე ვიგინდარათა მუხანათური ინტრიგების წინაშე. კემმარიტ ქართველთა ხმა გახდა „ხმად ლაღადებისა უღაბნოსა, ენითა ცემა ჰაერისა და ამაო ბგერა ბაგეთა“. დიდმა ქართველმა პატრიოტმა, ვიცე-კანცლერად წოდებულმა სოლომონ ლიონიძემ ისლა შეძლო, მთელი დასავლეთი საქართველო ფეხით შემოევიღო და თავისი ბრწყინვალე მქვერმეტყველებითა და წრფელი-მამულიშვილობით ქვეყანა დაერწმუნებინა, რომ ერისა და ქვეყნის გადარჩენისათვის თუ გაერთიანება არა, მტკიცე შეკავშირება მაინც ქცეულიყო რეალურ ძალად. იგი არწმუნებდა ყველას — მეფეებს, მთავრებს, თავადებს, აზნაურებს და გლეხობას — უეჭველად მხოლოდ ქვეყნის შიგნით მოენახათ გზები და საშუალებები ერთიანი-მტკიცე კავშირის შეკერვისა და ურიცხვ მტერთაგან საქართველოს გადარჩენისა. წინააღმდეგ შემთხვევაში მას საქართველოს ხსნა წარმოუდგენლად მიაჩნდა.

სოლომონ ლიონიძის, — ამ ქართველი დემოსთენეს (კემმარიტად: იგი დემოსთენე იყო ერთდროულად, როგორც ორატორი და როგორც პოლიტიკოსი) თავგამოდებულმა ცდამ ნაყოფად ის გამოიღო, რომ იმავე 1790 წელს თბილისში გაფორმდა ხელშეკრულება ქართველ მეფე-მთავართა შორის — „ტრაქტატი ივერიელთა მეფეთა და მთავართაგან დამტკიცებული ქართლისა, კახეთისა, იმერეთისა, ოდიშისა და გურიისა“.

ფორმალურად ეს იყო კავშირი ქართველ ტომთა, „ერთისა ენისა მქონებელთა, მავასხელობით მოყვარეთა, ვითარცა სისხლით ნათესავთა და მოყვრობით შეკრულთა...“ მაგრამ მხოლოდ და მხოლოდ ფორმალურად, გნებავთ, მორალურად. მაგრამ „მოკავშირეებს“ რამდენიც არ უნდა ეძახნათ, „ვეფუცავ, ვიყო მწადნელი ერთობისა და ბედნიერებისაო“ — ფაქტიურად ესეც იყო „ენითა ცემა ჰაერისა“; ერეკლე მეორეც, სოლომონ მეორეც, გრიგოლ დადიანიც და სვიმონ გურიელიც მხოლოდ ცალკე ფეოდათა პატრონნი იყვნენ.

ფეოდალური ეგოიზმი და სეპარატიზმი ისევე დამლუპველ მაჯლაჯუნად აწვა საქართველოს.

არამცთუ სრულიად საქართველო, არამედ ცალკე ქართლ-კახეთიც კი არ წარმოადგენდა ერეკლესათვის ერთიან ცენტრალიზებულ სახელმწიფოს. ერეკლეს ცხრა ვაჟიდან ორი მოუკვდა (ლევანი და ვახტანგ I) და ერთი ბერულ ცხოვრებას შეუღდა (თეიმურაზი — ანტონ II კათალიკოსი), ხოლო მეფობის პრეტენზიით მას ექვსი ვაჟაკი (გიორგი, იულონი, ვახტანგი, მირიანი, ალექსანდრე და თარნაოზი) დარჩა.

მაშ, ექვსი იყო კანდიდატი ქართლ-კახეთის მეფობისა, ხოლო სამეფო ტახტი ერთადერთი იდგა თბილისის სასახლეში.

და აი, სიბრძნით განთქმული ხელმწიფე ისე მოიქცა, ვითარცა ჩვეულებრივ, ბანალურ ზღაპარში ზღებდა ხოლმე: სამეფო შვილებს დაუნაწილა: კახეთი გიორგის მისცა, ქსნის ხეობა — იულონს, არაგვის ყოფილი საერისთავო (ლევანის სიკვდილის შემდგომ) — ვახტანგს, მარტყოფი — მირიანს, სურამი — ფარნაოზს. ამას კი, როგორც მოსალოდნელი იყო, სულ მალე მოჰყვა ჩვეულებრივი შინაური შუღლი, მტრობა და მესისხლეობა.

საექვოდ არაგვის დარჩენია, რომ ისედაც მცირედი ქვეყნის ამნაირი დანაწილება და შინა-ნათესაური მტრობის ჩამოგდება ისევე და ისევე დარეჯან დედოფლის ნებით ხდებოდა.

1791 წელს დარეჯანმა ერეკლეს კიდევ უარეს საბედისწერო კანონზე მოაწერინა ხელი. ესაა ახალი სამეფო-სამემკვიდრეო კანონი. მანამდე, თხუთმეტი საუკუნის მანძილზე, ქართული სახელმწიფო იურიდიუციის მიხედვით დაკანონებული იყო, რომ სამეფო ტახტი მეფის სიკვდილის შემდგომ ეკუთვნოდა მის უფროს შვილს. ერეკლემ ეს კანონი შესცვალა და მის ნაცვლად დაადგინა, რომ მისი სიკვდილის შემდგომ, მართალია, მეფობას მიიღებდა უფროსი ვაჟი (გიორგი), მაგრამ ამ უკანასკნელის შემდგომ — მისი ძმები (იულონი, ვახტანგი, მირიანი, ალექსანდრე, ფარნაოზი) თანმიმდევრობით; ხოლო ძმთა ცხოვრების გასრულების შემდეგ, მეფობას განაგრძობდნენ უფროსი ვაჟის ძენი, შემდგომ ისევ თანმიმდევრობით მომდევნო ძმების ძენი და ა. შ. ყველაფერი ეს დარეჯან დედოფლის ნებასურვილი იყო, რამეთუ მის უშუალო ღვიძლ-შთამომავალთ (გერი გიორგის წინააღმდეგ) უზრუნველყოფილი ჰქონოდათ ხელმწიფობა.

ასეთი იყო ვითარება საქართველოში, როცა სამხრეთის ცა ერთბაშად საავდრო ღრუბლებით გაიტენა და გასივდა.

პატარა კახს ახალი მებთა-ტეხის ხმა არც ამჯერად გამოჰპარავია, მაგრამ გარემტრისადმი მუდამ უტყუარმა ალლომ სწორედ ახლა, ამ უეცარი ძნელეამობის ასალაგმავად, საბედისწეროდ უმტყუნა.

გენიალურმა ჰანიბალმაც მხოლოდ ერთჯერ დაუშვა შეცდომა და ისტორიის ფორტუნამ მას არ აპატია.

ეს ერთადერთი მცდარობა საბედისწერო გამოდგა მისთვის და მისი სამშობლოსათვის...

„ეხე გველი რამე არს, საშო არა აქვს და პირით  
დამაკლება და შვილი მუცელს გაძოსჯამენ და ვერე  
გამოუღენ. თუ კაცს უკბინა, აღარ მორჩება“.

ს უ ლ ხ ა ნ - ს ა მ ა

სეფევიდების უკანასკნელი წარმომადგენლის, შაჰ-თამაზ მეორის დროს ასტრაბადში დაწინაურდა თარაქ ამულ-თურქული მოდგმის ყაჯართა გვარ-ტომი. მისმა ბელადმა ფათ-ალი-ხანმა, ირანის მთავარსარდლობას მიადწია. მაგრამ მას მალე დიდი მეტოქე გამოუჩნდა — ნადირ-ყულ აფშარი, მდაბითთაგან დაწინაურებული ნიჭიერი და თავზეხელაღებული ყიზილბაში. ნადირ აფშარმა შაჰ-თამაზი ყაჯართა ბელადის ორგულობაში დაარწმუნა, კიდევაც მოავლევინა და ირანის მთავარსარდლობაც თვითონ ჩაიბარა.

ნადირმა იცოდა, რომ შვილები მამის სისხლის მძიმებელნი არიან და ახლა ფათ-ალი-ხანის ვაჟის, მაჰმად-ჰუსეინ-ხანის წინააღმდეგ დაიწყო ბრძოლა. ეს ბრძოლა ბოლოს და ბოლოს მაჰმად-ჰუსეინის მარცხითა და გადახვეწით დამთავრდა, ხოლო მისი ორი მცირეწლოვანი ვაჟი ნადირის ძმისწულმა ალი-ყული-ხანმა დატყვევებულნი მოჰგვარა შაჰ-თამაზს.

იქვე ძმთაგან უფროსი, ექვსი წლის ბალლი, ჯალათმა გააშიშვლა, ალესილი დანა ლაჭებში დაადო და... დაასაქურისა.

ასე დაიწყო ცხოვრება ალა-მაჰმად-ხან ყაჯარმა, აღმოსავლეთის ბნედიან დესპოტთა შორის უსაშინელესმა მიზანთროპმა.

ვაჟობაწართმეული ვაჟი სასახლის კარზე დასტოვეს, ვითარცა ამანათი-მძევალი.

ყაჯართა ყველაზე დიდი მოსისხლე ნადირ-ყულ-აფშარი შეიქნა ირანის უკანასკნელი დიდი ხელმწიფე — ნადირ-შაჰი. ნადირ-შაჰის შემდგომ ირანის მბრძანებელი გახდა მისი ძმისწული, ალა-მაჰმად-ხანის ტრაგედიის უშუალო შემოქმედი, ალი-ყული-ხანი, ჟამსა ხელმწიფობასა ადილ-შაჰად წოდებული.

სასახლის კარზე კვლავ უსიტყვოდ, უჩინრად და უხმაუროდ დააბიჯებდა ჭაბუკობის ასაკში შესული, მაგრამ ჭაბუკობაწართმეული, ბებრული ნაოქებით სახედახნული და დაღმეჭილი ადამიანი.

ადილ-შაჰი გარდაიცვალა და საქურისმაც პირველად გამოაჩინა შხამიანი ეშვი. იგი სასახლიდან გაიპარა და ნათესავ ყაჯარებთან გაიქცა. ყაჯარები უკვე ირანის ტახტის დასაპყრობად მოიწევდნენ.

საქურისის მამა მაჰმად-ჰუსეინ-ხანი ჯერ კიდევ ცოცხალი იყო და თავისიანთაგან გახელმწიფების ყველაზე ძლიერ პრეტენდენტად ითვლებოდა. მამა-შვილი შეერთებულად ამოქმედდნენ ირანის ტახტ-გვირგვინისათვის მეომარი მეორე საგვარეულოს — ზენდების წინააღმდეგ.

საშინელი ხოცვა-ჟლეტა ზენდების გამარჯვებით დამთავრდა. მაჰმად-ჰუსეინმა თავი მოიკლა. ირანის ტახტზე დაჯდა ქერიმ-ხან-ზენდი, რომელმაც თავის სატახტო ქალაქში, შირაზში, ტყვედ და ამანათ-მძევლად წაიყვანა ალა-მაჰმად-ხან-ყაჯარი.

საქურისი მაშინ თვრამეტი წლის იყო. ტანი კი ათი-თორმეტი წლის ბიჭისა ჰქონდა. ეს ნამლევა ქონდრისკაცი გასაოცარი ტაქტიკითა და ხერხიანობით მოქმედებდა. უნდობლობისა და ვერაგობის ატმოსფეროში გახვეულ სასახლის კარზე არავინ იყო მისებრ ვერაგი და კაცთმოძულე, მაგრამ ყველას საოცრად დამარწმუნებლად თავს აჩვენებდა, ვითარცა უაღრესად ერთგული, თვინიერი, მორჩილი, მოყვარული და თავდადებული ადამიანი. ზედმიწევნით დახვეწილი ინტრიგების საუფლოში საქურისი ჩანდა მხოლოდ როგორც მაჰმადის რჯულის მიმდევართაგან უპირველესი მოგვი-ფანატიკოსი და ხელმწიფის მრჩეველ-ვეზირთაგან — უერთგულესი და უნიჭიერესი კარისკაცი.

რომაელმა სარდალმა კვინტუს ცეცილიუს მეტელუსმა თქვა: „მე ჩემს ტუნიკასაც დავწვავ, თუ შევიტყობ, რომ მან ჩემი გეგმები იცის“. მისგვარადვე უთქვამს მუჰამედს (ვინც აიღო კონსტანტინოპოლი): „ჩემს წვერში ერთი ღერიც რომ აღმოჩნდებოდა ჩემი საიდუმლოს მცოდნე, მთელს წვერს დავიგლეჯდი!“ უფრო დამაჯერებლად თქმის უფლება ჰქონდა ალა-მაჰმად-ხანს: მის ნამლევა სხეულში ხომ მსოფლიო სიძულვილი და შურისგება, კაცთა მოდგმის ამოსაგდებად, საოცარი თავშეკავებულობითა და შენიღბულობით იყო ჩასახლებული. არავითარი გამჟღავნება, — თუ მხედველობაში არ მივიღებთ მის ერთადერთ საქციელს: ქერიმ-ხანის სატახტო დარბაზში, აუდიენციების დროს, გაბოროტებული საქურისის წამოსასხამის შიგნით მალულ პატარა დანას იღებდა და ძვირფას ხალიჩებს იღუმალ კრიდა და ფლეთდა, მაგრამ ამასაც ვერასოდეს ვერავინ შეიტყობდა, რომ შემდგომ, ეამსა ხელმწიფობისა, თვითონ არ ეთქვა ალა-მაჰმად-ხანს; ამას იტყოდა თავის ამაღაში და ზედვე დასძენდა: სულელი ვიყავი, როცა ამას ჩავდიოდი, რადგან ვერ გავითვალისწინებია, ბოლოს და ბოლოს მე უნდა გავმხდარიყავი პატრონი ამ დაჭრილი ხალიჩებისა.



1779 წელს ქერიმ-ხან ზენდი მოკვდა და ატყდა საშინელი ხოცვა-ჟლეტა მის მემკვიდრეთა შორის. საჭურისისათვის არავის ეცალა და ამანაც ექვსი ერთგული კაცის თანხლებით, ღამით, იღუმალ, სასახლიდან გაქუსლა. შირაზიდან თეირანამდე შეუსვენებელი ჰენებით მივიდა. აქ მაზანდარანელი ყაჯარები შემოეგებნენ და თავის მბრძანებლად გამოაცხადეს. საჭურისს ძმები და ბიძაშვილები ჰყავდა; იმათაც მოსურვებით ირანის შაჰინ-შაჰობა. ატყდა მათ შორის ცილობა, მტრობა, ბრძოლა და სისხლის თხევა.

ალა-მაჰმადი ამ საშინელ კაცთა-ხოცვაში მუდამ პირველი იყო სიამაყით, სიკვდილისადმი გულგრილობით, ნიჭიერებით, ხერხიანობით, ცბიერებით, მუხანათობით, დაუნდობლობით, შეუბრალებლობით.

ჩრდილოეთსა და სამხრეთ ირანში საშინელი „საპრიზო ბრძოლა“ მიმდინარეობდა. „პრიზი“ იყო ირანის ტახტ-გვირგვინი. ჩრდილოეთში ყაჯარები ულტედნენ ერთმანეთს, სამხრეთში — ზენდები. „ფინალში“ გავიდნენ ალა-მაჰმად-ხან ყაჯარი და ლუთფ-ალი-ხან-ზენდი.

ეს ამბები მაშინ ხდებოდა, როცა ერეკლეს იმერეთის შემოერთებაზე უარი ჰქონდა ნათქვამი და თავისი ქართლ-კახეთიც უკვე საუფლისწულოებად დარიკებული.

ალა-მაჰმადმა, მას შემდეგ, რაც დაიპყრო მთელი მაზანდარანი, თალიში, სამხრეთ აზერბაიჯანი, ისფაჰანი და შირაზი, მთელი ძალები დასძრა ქალაქ ქერმანისაკენ, სადაც გამაგრებული იყო ლუთფ-ალი-ხანი. დიდხანს ქერმანი მდგრად იგერიებდა ყაჯართა იერიშებს; მერე ცახე შიგნიდან გატყდა; მოლაღატეებმა და შეთქმულებმა მტერს კარი გაუღეს და ლუთფ-ალი-ხანსაც ბორკილები დაადეს. ალა-მაჰმადმა მეტოქეს ჯერ საკუთარი ხელით თვალები გამოსთხარა, მერე წამებით სული ამოჰხადა. გაბოროტებულმა საჭურისმა ქერმანის მცხოვრებნი სასტიკად ააწიოკა. მისი ბრძანებით სიკვდილს გადარჩენილი ყველა მამაკაცი დააბრმავეს, — ოციათასი წყვილი თვალი საშინელ მბრძანებელს წინ დაულაგეს; ქალები ალა-მაჰმად-ხანის მეომრებმა, მისივე ნებით, დაიტაცეს და ხასებად გაიხადეს.

ირანი თურქული მოდგმის ყაჯართა დინასტიის ქვეშ მოექცა. ალა-მაჰმად-ხანმა სამეფო ტახტი თეირანში დაიდგა და ბოროტი მზერა კავკასიისკენ გამართა.

ამ დროს იგი ორმოცდაათ წელს გადაბიჯებული „ვაჟკაცი“ იყო ტანად ისევ „კვანში ჩასასმელი“, გულად — მსოფლიო მძულ-

ვარება, გონებად — სატანური ცბიერება, ქოსა სახე — ოთხმოცდაათი წლის დედაბრის მიხრწნილება, ხოლო თვალები — გველის მსგავსად უძრავი და გვესით აღსავსე.

ვაი, მას, ვისაც ცნობისწადილი წაძლევედა და მის საარაკო სიმახინჯეს თვალს დააშტერებდა; ის თვალი იქვე დაიშრიტებოდა. სწორედ ასეთი „ცნობისმოყვარეობისათვის“ დაჰკარგა თვალთა სინათლე მისმა ერთგულმა მცველმა, რომელმაც ადრე თავისი მბრძანებელი აშკარა სიკვდილს გადაარჩინა.

იყო ძუნწი და ანგარი, მაგრამ არ უყვარდა ფუფუნება. ვილაცას ყურების დაქრა მიუსაჯა და შეიტყო, რომ დასასჯელად განწირული ჯალათს ევედრებოდა, ყურები სანახევროდ დამინარჩუნე და დიდ ფულს გაჩუქებო. შაჰმა ის კაცი მოიხზო, ორმაგი ქრთამი გამოართვა და ყურები მთლიანად დაუნარჩუნა.

ასედაც მოხდა, რომ ფულისმოყვარე ალა-შაჰმად-ხანი ვილაც დერვიშს შეუთანხმდა — ჩემს კარისკაცებს ფული გამოვტყუოთ და თანაბრად გავინაწილოთო. პირობისამებრ, ერთ დღეს შაჰთან, მისი ბრძანებით, ვითომდა სახელმწიფო საქმეთათვის, მრავალრიცხოვანი სასახლის კამარილია შეიყარა. დაკონკილ-დაძონძილი დერვიშიც ვითომ შემთხვევით გამოცხადდა. შაჰმა საჯაროდ შეიბრალა დერვიში, სალაროდან ფულის გაცემა ბრძანა და თან იქ დამსწრეთ მიმართა: აბა, ვინ მეტს გაიღებს საბრალო დერვიშისათვისო. შაჰის მრისხანებით დაშინებულმა და მამებლების ხროვად ქცეულმა კარისკაცებმა ერთიმეორის ჯიბრზე უხვი საბოძვარი გაიღეს. დერვიში აუარებელი ოქრო-ვერცხლით დაიტვირთა (თუმცა პირობა არ შეასრულა, ღამით იღუმალ გაუჩინარდა და ხარბი ხელმწიფე ასე გაცრუებული მშრალზე დააგდო).

ასეთი სულის ხელმწიფეს მართლაც შეეძლო დაცარიელებული ხაზინა სწრაფად შეევსო და გაემდიდრებინა. ისედაც, ის ხომ უთვალავ აღმოსავლელ ხელმწიფეთაგან ერთადერთი იყო, რომელსაც არაფერი დაეხარჯებოდა უთავყამო ნადიმობაში, ქეიფ-ღრეობაში და ჰარამხანულ ტრფიალებაში. მისი მშრალი და მჰკნარი სხეულისათვის უცხო იყო ყოველგვარი სიამენი ამქვეყნიურნი.

მამ, ირანის ტახტზე იქედნე იჯდა და კავკასიისკენ მოეპყრო მზერა!

„თუ განრისხება შეეუღლა მათ ბოროტ ნებას,  
მაშინ ისინი დაგვეხსნიან უთუოდ თავზე  
მეტ გააფთრებით, ვიდრე ესხმის ქოფაკი ქურციკს“.

დანტე

ალა-მაჰმად-ხანს საქართველო ჯერ თავის თვალით არ მოეხილა, მაგრამ იცოდა, რა სამოთხეც გადაშლილიყო შავი ზღვიდან აზერბაიჯანამდე. იგი ხმალდანხმალ ჯერ ქართველობას არ შეხვედრია, მაგრამ იცოდა, რა თავზეხელაღებული ვაჟაკები უდგნენ დარაჯად თავის მიწა-წყალს. არც ერეკლეს შეხვედრია პირისპირ სადმე, მაგრამ იცოდა, ევროპისა და აზიის შესაყარში ხელმწიფობდა ხელმწიფეთაგან უმამაცესი.

ალა-მაჰმადმა სვეგამწარებულ ბავშვობიდანვე იცოდა, რომ ძალიან შორს, ჩრდილოეთით ძლიერი „თეთრი ხელმწიფე“ იჯდა, ხოლო მის უზარმაზარ სამბრძანებლოთა სამხრეთით, კავკასიონს გადმოღმა, საარაკო სიმამაცის მქონე ქრისტიანი მეფე ზედიზედ ამარცხებდა ალაპისა და მაჰმადის ურიცხვ ურდოებს. ქერიმ-ხანის დროს მოედო მთელს ირანს ეს უცნაური ამბავი:

ქერიმ-ხანმა საქართველოში ელჩები გაგზავნა და ერეკლეს ხარკად თორმეტი წყვილი ქალ-ვაჟი მოსთხოვა, მაგრამ უმშვენიერეს ქართველ ქალ-ვაჟთა ნაცვლად ირანის მბრძანებელმა ქართველი მეფისაგან ასეთი პასუხი მიიღო:

„მე ქერიმ-ხანი რას მომატყუებს, როცა თვითონ ეშმაკზე ერთი დღით ადრე ვარ დაბადებული“.

საკუურისი ფიქრობდა ერეკლეზე — უცნაურ, საინტერესო და საშიშ ქრისტიან მეფეზე, მით უფრო, რომ მისთვის დიდ ჩრდილოელ ხელმწიფესაც დახმარების აღთქმა მიუცია. — ვინ იცის. რა უდევთ გულში „გიაურ ხელმწიფეებს“; უეპველად კასპიაზე გაბატონება; იქნებ ირანის დაპყრობაც.

ძალიან ბევრს ფიქრობდა საკუურისი, — ფიქრობდა, ოცნებობდა, მსჯელობდა, ზომავდა და სჭრიდა, და ეთათბირებოდა მხოლოდ ერთადერთს, ისევ თავისთავს...

მერე, როცა ქერიმ-ხანი მოკვდა და ალა-მაჰმად-ხანმა ირანის ტახტისათვის ბრძოლა დაიწყო, მაშინ უფრო საფიქრალი გახდა ქართველთა მეფესთან და მის „მფარველ“ რუსთა ხელმწიფესთან ურთიერთობის საკითხი. ჯერჯერობით მას, ირანის ხელმწიფობაში მხოლოდ ცალი ფეხით მდგარს, ყველაზე საშიშ ქრისტიან ხელმწიფეთა თუ „მეგობრობა“ არა, ირანის საქმეებში ჩაურევლობისათვის იქნებ მაინც მიეღწია.

და აი, ალა-მაჰმად-ხანმა, 1786 წელს, თეირანიდან შირაზზე გა-  
ლაშქრების წინ, ერეკლეს შემოუთვალა:

„მე თქვენთან დიდის დოსტობის და მეგობრობის მონდომე  
ვარ: მსურს, რომ მე და შენს შორის სიყვარული და მეგობრობა  
იყოს... სამფლობელოდ და სამეგვიცდრეოდ მიიღეთ აღირბეჯანის  
მიწა-წყალი ისე, ვითარმედ აქამდე გიჭირავთ ერევანი“.

ერეკლეს უკვე ჰქონდა ცნობები ირანის ხელმწიფობის ახალ  
პრეტენდენტზე. იქნებ კიდევაც ერთმანეთს სადმე შეხვედროდნენ  
ნადირ-შაჰის კარზე უმამაცეს და უნიჭიერესად აღიარებული ახალ-  
გაზრდა ქართველი ბატონიშვილი და სახემქნარი ყმაწვილი საჭუ-  
რისა, მაგრამ სპარსელთა სასახლეში საჭურისებს და ამანათ-მძვე-  
ლებს ვინ მოთვლიდა. ახლა კი ერეკლე კარგად ჰხედავს, იმ უთვა-  
ლავ კაცთმოძულე ლანდთაგან როგორი საფრთხე ამოიპართა.

ეს კაცი ახლა ერეკლეს „დოსტობას“ სთხოვს, სიყვარულსა და  
მეგობრობას აძალეებს, აზერბაიჯანის დაპყრობის დასტურს აძლევს  
და სომხეთზე მიიჩი უფლებების „აღიარებასაც“ აღუთქვამს.

მაგრამ ალა-მაჰმად-ხანს დავიწყნია, რომ ერეკლე „ემშაკზე ერ-  
თი დღით აღრეა დაბადებული“. სპარსელთა „დოსტობა“ ისევე  
ცნობილია ქართველთათვის, როგორც „ფინიკიური ერთგულება“  
რომაელთათვის. მალე გამჟღავნდა კიდევც. ალა-მაჰმად-ხანმა პირვე-  
ლი „დოსტობის“ შემოთავაზებას, მეორე სამოციქულოც თან მოა-  
დევნა. იგი ერეკლეს სთხოვდა, ეშუამდგომლა რუსეთის მაშინდელ  
ხელმწიფესთან, ეკატერინე მეორესთან, სპარსეთ-თურქეთს შორის  
გართულებული მდგომარეობის გამოსწორებისა და ურთიერთმე-  
გობრობის გაპართვის საქმეში.

მაგრამ ვერავინ შეარყევს ერეკლეს რწმენას: ყველაფერი ეს  
ცბიერ საჭურისს სპირდება ისევ და ისევ დროებით, სანამ მას ზენ-  
დები ჯერ საესებით ვერ დაუმარცხებია და ირანის ტახტზედაც  
ორივე ფეხით ვერ მომაგრებულა.

საჭურისის „დოსტობა“ კი არა და, ქართველ მეფეს უფრო დი-  
დი გეგმა აქვს: ქართველთა და რუსთა გაერთიანებული ჯარებით  
მან უნდა დაიპყროს თვითონ იგი, ქართველთა და ამიერ-კავკასიის  
სხვა ხალხთა მარადიული წამების წყარო — სრულიად ირანი.

ერეკლე ეკატერინე დედოფალს სწერდა:

სპარსეთი, — ივერიისა და სომხეთის უპირველესი მტერი, —  
ახლა ისეა დასუსტებული და უთავბოლოდ დაქუცმაცებული, თუ  
თქვენი უმადლესობა ინებებს და ერთ მცირე კორპუსს გამოგზავ-  
ნის, მთელი სპარსეთი თქვენი ძალაუფლების ქვეშ მოექცევა.

მაშ, ერეკლეს ისევ და ისევ რუსეთის ხელისუფლების იმედი ჰქონდა. იგი არა მარტო უბრალოდ დახმარებას მოელოდა, არამედ რუსეთთან შეერთებით საქართველოს მარადიულ მტერთა სამკვიდრებლის დაპყრობაზეც კი სერიოზულად ფიქრობდა.

მაგრამ დადგა 1794 წელი. ალა-შაჰმად-ხანმა უკანასკნელი მეტოქე, ლუთფ-ალი-ხანიც გაანადგურა და ირანის ერთპიროვნული მბრძანებელიც გახდა.

ერეკლეს არც ის გამოჰპარვია, რომ ალა-შაჰმად-ხანმა ტახტზე დაჯდომისთანავე მიზანში საქართველო ანოილო. მეფემ ორჯერ აფრინა ელჩი რუსთა მთავრობისაკენ და ჯარი ითხოვა, მაგრამ მისი თხოვნა ორჯერვე უპასუხოდ დარჩა.

ერეკლე რუსეთის დახმარების რწმენას ერთი წუთითაც არ ჰკარგავს.

დადგა 1795 წელი.

ალა-შაჰმად-ხანი ადრიან გაზაფხულზე. თავრიზს მოვიდა და საომარ ძალთა შეყრას შეუდგა.

უსისხლოდ საფრთხის აცილება შეუძლებელი იყო. მაისში ერეკლემ გარსევეან ამილახვარი სასწრაფოდ აფრინა გენერალ გუდოვიჩთან. მეფე მხოლოდ სამი ათას მეომარს სთხოვდა რუს გენერალს. მაგრამ გუდოვიჩი ტოტლებენზე ნაკლები გონებაბრჭვე და გულდრკიუ როდი იყო. ჯერ იყო და, დიდხანს ვერ გაიგო, რა სურდა ქართველ მეფეს; მერე, როცა ასე თუ ისე გაიგო, ჯარის მიცემაზე თვითონ გადაჭრით უარი თქვა და პასუხის მისაღებად ქართველი ელჩი პეტერბურგში გაგზავნა.

კიდევ სამი თვის განმავლობაში — მაისიდან სექტემბრამდე — საოცარი მოთმინებისა და თავშეკავების მქონე გარსევეან ჭავჭავაძე ამოოდ ახლიდა დიპლომატიურ კვირთხს პეტერბურგის სასახლის კარს:

„სპარსეთის ახლანდელი მბრძანებელი, ალა-შაჰმად-ხანი, საქართველოზე თავდასასხმელად ემზადება. ჩემი თანამდებობისამებრ უმდაბლესად გთხოვთ, გვაუწყოთ: ინებებს თუ არა რუსეთის უმაღლესი კარი ტრაქტატით გათვალისწინებული დახმარებისა და მფარველობის აღმოჩენას. ვთხოვ თქვენს ბრწყინვალეობას, სწრაფად მომცეთ პასუხი. ჩვენ ახლა უკიდურესად გვეჭირდება ამის ცოდნა“.

სამი თვის განმავლობაში ერეკლე კვლავ ამოოდ, მაგრამ მაინც გასაოცარი დაჯერებით და დაყინებით გასცქეროდა ჩრდილოეთს.

ხოლო ამასობაში...

ხოლო ამასობაში საჭურისმა თავროზსა და არდებილში 70 000 მეომარს მოუყარა თავი. ეს იყო თოფებით, ფარ-შუბებითა და იატაგანებით აღჭურვილი ცხენოსანთა ურდო, რომელსაც თან ახლდა თუჯის ზარბაზნები, აქლუმებზე აკიდებული ფალკონეტები, ზამბურაკები და სხვა საჭურველითა და სურსათით დატვირთული მრავალრიცხოვანი ალა-ფორანი.

საომარ ძალთა შეყრის პარალელურად, ალა-მაჰმადი აზერბაიჯან-დაღესტნის მმართველ ხანებს სოკბეთ-ესაულლებს უგზავნიდა, მორჩილებასა და ამანათ-მძევლებს მოითხოვდა; ხოლო ურჩობისა თუ ყოყმანისათვის აოხრებითა და დედა-ბუდიან ამოწყვეტით იმუქრებოდა.

ყველაზე ადრე ერეკლეს უღალატა და ალა-მაჰმად-ხანს მიემხრო განჯის ხანი ჭავათი, თბილისში გაზრდილი, უფლისწულ გიორგისთან მეგობრობით და სიახლოვით ცნობილი. იგი არაქსთან ეახლა და ფეხებში ფიანდაზად გაეფინა შაჰ-საჭურისს. ჭავათ-ხანის გზას დაადგა ირანელთა მრავალრიცხოვანი ძალებით შეშინებული შაქის ხანი. დარუბანდისა და ბაქოს სახანოები, ქართლ-კახეთის მსგავსად, რუსეთის მოიმედენი იყვნენ, მაგრამ მათმა მმართველებმა — დარუბანდელმა შეიხ-ალი-ხანმა და ბაქოელმა ჰუსეინ-ყული-ხანმა — ჩრდილოეთიდან დახმარების ამო იმედზე ხელი აიღეს და ისინიც ალა-მაჰმად-ხანს დაემორჩილნენ.

საჭურის-მბრძანებელს მორჩილებაზე უარი შემოუთვალეს დაღესტნის ხანებმა, მათ შორის ყველაზე ძლიერმა და გავლენიანმა ომარ-ხანმა, რომელსაც გენერალ გუდოვიჩისაგან ფულიც ჰქონდა მიღებული.

ალა-მაჰმად-ხანთან შეუირიგებელი ბრძოლის გზას დაადგა ყარაბაღის ხანი იბრეიმი (ომარ-ხანის სიმამრი), რომელმაც ბოროტი საჭურისის ვერაგობის ამბავი კარგად იცოდა: ალა-მაჰმადმა ადრე მას უშიზეზოდ მოუკლა მძევლად წარგზავნილი ძმისწული. იბრეიმ-ხანს დიდი იმედი ჰქონდა თავისი მიუვალი ციხე-ქალაქისა — შუშისა. ხოლო უფრო დიდი იმედი მას ქართველთა მამაცი მეფისაგან ჰქონდა.

სომხეთის პატრიარქმა ეჩმიადინიდან ალა-მაჰმად-ხანს 80.000 მანეთი და რვა გირვანქა ოქრო გაუგზავნა. ერეკლეს მორჩილი ერევნის მმართველი მუჰამედ-ხანი ციხეში ჩაიკეტა და ხალხი საომრად გაამზადა.

აღა-მაჰმად-ხანის იასაული თბილისშიც მოვიდა და ერეკლეს ბარათი აახლა: ურჩი ყარაბაღელი ხანის დასასჯელად შუშაზე მივდივარ და შენი ერთ-ერთი შვილის სარდლობით დაუყოვნებლივ ქართველთა ჯარი მომაშველეთ.

ეს საჭურისის უკანასკნელი ცდა იყო: ბოლოს და ბოლოს, ირანის მბრძანებლის „დოსტობის“ უარმყოფელი გურჯი ხელმწიფე მოეგებოდა თუ არა გონს და სცნობდა თუ არა თავისი ქვეყნის კისრად ისლამის უღელს?

ერეკლემაც არც აცივა და არც აცხელა, აიღო და აღა-მაჰმად-ხანის ელჩი სატუსაღოში ჩააგდო. მერე, ჯარი მართლაც შეჰყარა და მართლაც უსარღლა თავისი ერთ-ერთი შვილი — ალექსანდრე ბატონიშვილი, მაგრამ გაგზავნა არა აღა-მაჰმადის საყმოდ, არამედ მის წინააღმდეგ, ყარაბაღელთა და ერევნელთა მისაშველებლად.

მაისის ბოლოს აღა-მაჰმად-ხანი თავრიზ-არდებილის ხაზიდან სამ კოლონად დაიძრა. მარცხენა კოლონა თავის ძმებს, ალი-ყული-ხანსა და ჭაფარ-ყული-ხანს ჩააბარა და ერევნისაკენ გაგზავნა; მარჯვენას არდებილის მმართველი ნურ-ალი-ხანი უსარღლა და შირვანის გაელით დაღესტნისაკენ გაუშვა, ხოლო თვითონ საჭურისი ცენტრალური ჯარებით ყარაბაღის მთავარი ციხე-ქალაქის, შუშისაკენ დაიძრა.

იბრეიმ-ხანმა მთელი ყარაბაღი ფეხზე დააყენა. შუშის ციხესიმაგრე მედგრად დაუხვდა მტერს. იბრეიმს დიდხანს მაინც არ შეეძლო გამკლავებოდა. სამწლიანი შიმშილობისაგან განაწამებ ქვეყანას ისედაც ძალა არ შესწევდა მტრის დასამარცხებლად. მხოლოდ თარეშული ხასიათის ომით თუ შეძლებდა იბრეიმ-ხანი დროის გაკვიანურებას და მტრის დასუსტებას.

დიდი შთაბეჭდილება მოახდინა ყარაბაღში ქართველთა ჯარის ჩამოსვლამ. ეს ამბავი შუა აგვისტოში მოხდა: ალექსანდრე ბატონიშვილისა და იბრეიმ-ხანის გაერთიანებული ლაშქარი ერთ ვიწრო ხეობაში ირანელთა ძალების 8.000-ან კორპუსს შეება და სასტიკად დაამარცხა, თუმცა ამ ბრძოლას საომარ მსვლელობაში გადამწყვეტი ცვლილებები არ შეუტანია.

აგვისტოც მიიწურა. შუშა და ერევანი დღეს თუ ხვალ უნდა დაცემულიყვნენ.

ერეკლემ, რუსთა დახმარების ურყევი რწმენით აღსავსე იმედთან ერთად, საკუთარი ძალების შეკრებაც დაიწყო. მის მოწოდებაზე იმერეთიდან 2.000 მეომრით გადმოვიდა სოლომონ მეორე.

ამდენივე, თუ ცოტა მეტი თვითონაც შეჰყარა და ასე, დაახლოებით, 4.500 მეომრით ქართველი მეფეები თბილისიდან პირდაპირ ერევნისა და შუშის მისაშველებლად გაემუშრნენ.

ავგისტოს ბოლოს ქართველები ყაზახში მივიდნენ. აქვე მათ ხელში ჩაუვარდათ ალა-მაჰმად-ხანის შიკრიკები წერილებით ერევანზე მოიერიშე ჯაფარ-ყულისადმი. შაჰი ძმას სწერდა: ერეკლე მეფე ერევანზე მოდის, გაბაგრდით, მეც სულ მალე მანდ გავჩნდები და ქართველებს სულ ერთიანად ამოვყლტვით. მეორე წერილიდან ისე ჩანდა, რომ ალა-მაჰმად-ხანს ომარ-ხანთან კავშირი შეუყარავს, რათა თბილისზე ირანელთა შეტევის პარალელურად, დაღესტნელთა ყველაზე ძლიერ მბრძანებელს კახეთის მიმართულებით დაეწყო ლაშქრობა. კიდევ სხვა ფირმანით ქართველმა მეფეებმა შეიტყვეს, რომ ალა-მაჰმად-ხანს კავშირი გაუბამს ჰარ-ბელაქანის ლეკებთან, ყოველი მათგანისათვის 100 მანეთი აღუთქვამს და ისინიც კახეთიდან შემოტევაზე დაუთანხმებია.

ყველა ეს წერილი ალა-მაჰმად-ხანის ნაყალბევი იყო ერეკლეს მოსატყუებლად.

ირანელებს ქართველთაგან ყველაზე მეტად კახელებისა ეშინოდათ და ამიტომ შესაძლოა, ალა-მაჰმად-ხანის ყველა ეს წერილი ერეკლეს გასაბრკილებლად შეეთხზა, — რამეთუ ქართველ მეფეს სპარსელთა ზარდამცემი კახთა ლაშქარი საომრად ამდგარ ლეკთა საზღვრებზე დაებანდებინა და ამდენად ალა-მაჰმად-ხანიც თბილისის კარიბჭეს უფრო თამამი ნაბიჯებით მისდგომოდა.

მაგრამ ასე იყო თუ ისე, ერეკლე აშყარა, უმძიმესი ფაქტების პირისპირ აღმოჩნდა: ალა-მაჰმად-ხანმა მცირეოდენი ჯარი ყარაბაღში შუშის ასაღებად დატოვა, მისმა ძმებმა მუჰამედ ერევნელს იარაღი დააყრვეინეს, „ამანათად“ ცოლ-შვილიც ჩამოართვეს და ძირითადი ძალებით ალა-მაჰმად-ხანს შეუერთდნენ.

პით უფრო არავითარ ეჭვს არ იწვევდა თვით იბრაჰიმ-ხან-ყარაბაღელის წერილი, რომელმაც შუშვიდან საგანგებო მალემსროლო ყაზახში აახლა ერეკლეს:

„ამით, პატივისცემით, თქვენი სიმაღლის სახელოვან პიროვნებას, მოვახსენებ, რომ ალა-მაჰმად-ხანის ლაშქარი არტილერიით საქართველოსაკენ დაიძრა; თვით ალა-მაჰმად-ხანიც მაქვთ მოემართება. ამ შემთხვეულობის გამო სათანადო სიფრთხილის გარეშე არ დარჩებთ. ღვთის შემწეობის იმედით კვლავაც არ შეუშინდებით. ზეპირი მოხსენებით უფრო დაწვრილებით ამ წერილის მომართმევი



გაუწყებთ ყოველთვის. თქვენო სიმაღლე! ამასთანავე გთხოვთ ჩემი საქმის შესახებ ყოველივე წერილობით მათუწყოთ“.

ერეცლემ ყველა წერილი, მტრისაც და მოყვრისაც, სწრაფოდ რუსეთში გაგზავნა და ისევ სასწრაფო დახმარება შეახსენა სანკტ-პეტერბურგს.

ხოლო თვით ალა-ნაჰმად-ხანი 35.000-ანი არმიით საქართველო-საკენ მოჰქროდა.

## თ ა ვ ი მ ე ო რ ე

### კ რ წ ა ნ ი ს ი

„რა სტანჯავს შენს გულს, მითხარი, მეფე,  
მოკვდავთა შორის ეინმეს ჯყავს განა  
შენებრ მამაცი, მძლავრი მხედრობა?“

ბ ა კ ქ ი ლ ი დ ე

### შვილი სეპტიმბერი

„რა ერთსა გცემდნენ ათასნი,  
ეგრემცა მოგერევიან“.

რ უ ს თ ა ვ ე ლ ი

ოთხ სექტემბერს ქართველები ყაზახიდან გამობრუნდნენ. ერეკ-  
ლემ „გატეხილ ხიდთან“ ჯარის მცირე ნაწილი დატოვა, ხოლო და-  
ნარჩენები, სოლომონთან ერთად, სოღანლულში მოიყვანა.

შვიდ სექტემბერს ერეკლემ სამხედრო თათბირი შეჰყარა და გა-  
მოირკვა უსაშინელესი რამ: მეფის მალემსრობოლებს მთელი ქართლ-  
კახეთი მოეელოთ და... საომარი დროშის ქვეშ 2.500 კაცზე მეტი  
არ შეგროვილიყო! ხოლო, გავიხსენოთ, რომ იოანე მუხრან-ბატონს  
ქუთაისში სოლომონის მხარდასაქერად, უბრალო ამაღლად 4.000  
ქართლ-კახელი მეომარი ახლდა. მართლაც ზღაპრად ჩანს ზოგ  
წყაროში ნათქვამი, — ვითომ ერეკლეს ალა-მაჰმად-ხანის წინააღ-  
მდეგ 100.000-მდე ჯარისკაცის (ლეკებთან ერთად) შეგროვების იმე-  
დი ჰქონდაო, — მაგრამ სულ მცირე, 20.000 მაინც უნდა შეკრები-  
ლიყო, თუნდაც მხოლოდ ის ოცი ათასი, რომელიც შემდგომ, აღ-  
ქურვილ ძალად, ცრემლისთხევით, თავს ადგა უკვე მკვდარი პატა-  
რა კახის კუბოს. ვითომ ლეკების შიშითაო, მაგრამ სულ ტყუილია:  
მთელი ამ ომის მანძილზე არსად ლეკი არ განძრეულა ქართველთა

წინააღმდეგ. პირიქით, უფრო ალა-მაჰმად-ხანის სამტროდ იწეე-  
დნენ ლეკები. ირანელთა არმიის მარჯვენა კოლონაც დაღესტნისაკენ  
იმიტომ მიეშურებოდა, რომ ლეკთა ძალები ადგილზე დაეჭირა,  
რამეთუ მათ ხელი არ შეეშალათ თბილისისაკენ მიმქროლავ ალა-  
მაჰმად-ხანისათის. ყოველი შეტაკების დროს ალა-მაჰმად-  
ხანს და მის თანამოლაშქრე ჯავათ-ხან განჯელს ქართველთა  
გვერდით ლეკები ელანდებოდათ. ლეკებს ქართული საზღვრებისა-  
თვის ხელი არ უხლიათ შემდგომ, კრწანისის ტრაგედიით მუხლ-  
მოკვეთილობის უამსაც კი; ხოლო საქართველოზე მტრად გა-  
დაკიდებული განჯის სახანო სასტიკად ააოხრეს და ააწიოკეს ლე-  
კებმა.

ერთი სიტყვით, ტახტის მემკვიდრე გიორგი ბატონიშვილი კახეთ-  
ში უქმად იჯდა და მძლავრი ქართული ორგანიზმის მარჯვენა მხარ-  
მკლავი, მტერთა მზარავი კახთა ლაშქარი, გულში მახვილმოღერე-  
ბული ქართული სატახტოსკენ ზურგშექცევით იდგა.

ღარეჯან დედოფალიც ხელს უშლიდა გიორგის გამორჩენას სა-  
ომარ ველზე, რაკი მას „არა ენება, რათა მეფის ძისა გიორგისა დრო-  
შა პირველობდეს სამეფოში“.

ამიტომაც „იყო ფრიად მწუხარე მეფე ირაკლი დიდად სიმცირი-  
სათვის სპათასა“...

საქურისი კი მოდიოდა უზარმაზარი არმიით. იგი ოთხ სექტემ-  
ბერს განჯიდან გამოვიდა. ხუთ სექტემბერს ყაზახში შემოვიდა,  
ექვს სექტემბერს მდინარე აღსტაფის პირზე ყაზახის, შამშადი-  
ლისა და ბორჩალოს თავაკები შეკრიბა და სიტყვით მიმართა: გავა-  
ნადგუროთ და მონობის ბორკილი დავადოთ ისლამის შეურაცხყო-  
ფელთ, მათგან ყველაზე ძლიერ ქართველებს; ბოლოს და ბოლოს,  
რა განხდა ეს ერთი მუჟა ქართველობა; მივიდეთ, მივესიოთ და ისე  
დავშალოთ, ვითარცა კალატოზნი დაშლიან ხოლმე დაძველებულ-  
დამპალ შენობას!

მოდიოდა ალა-მაჰმად-ხანი. მეგზურად მოუძლოდა „კავკასიელი  
ეფიალტე“ — იაკობ ბებუთოვი. მას გვერდში უდგა ჯავათ-ხან გან-  
ჯელი, თბილისში გაზრდილი და უფლისწულ გიორგის მეგობარყო-  
ფილი.

მოდიოდნენ უღარესი სიფრთხილითა და დაკვირვებულობით,  
რადგან ყველამ და ყველაზე მეტად თვითონ ხოჯა-შაჰმა და მისმა  
მეგზურებმა იცოდნენ სიჭველე და სიკისკასე ქართველთა, ლომგუ-  
ლოვნება და ხერხიანობა მრავალთ მრავალი გამარჯვებებით განე-  
ბივრებული მათი ხელმწიფისა.

შვიდ სექტემბრის დილას ირანელთა მეწინავე ჯარი „გატეხილ  
ხიდს“ მოადგა.

აქ ხომ ქართველთა მცირე რაზმი იდგა ერეკლესაგან დატოვებული.

ქართველები გააფთრებით ეკვეთნენ მტერს. საშინელი ჩეხვა რამდენიმე საათს გაგრძელდა. ასიოდე კაცის გასაოცარმა შემმართებლობამ ერთბაშად შეაგუბა ირანელთა მეწინავე ათასეულის მდინარება, მაგრამ ყიზილბაშთა ახალ-ახალი ათასეულები უწყვეტ ნაკადად მოედინებოდნენ. ბოლოს მოახლოვდა თვით ალა-მაჰმად-ხანი თავისი რჩეული გვარდიით, უერთგულესი თარაქამული კორპუსებით.

განახევრებულმა ქართულმა რაზმმა გაცლა ამჯობინა, ხოლო ამ პირველი შეტაკების ადგილზე ორმოცდაათამდე მოკლული და მძიმედ დაჭრილი ქართველი დარჩა.

დაღამდა.

ალგეთის ხევში დაბანაკებულმა ირანელებმა მთელი ღამე შიშსა და ძრწოლაში გაატარეს, — „ერეკლე ხანის“ უეცარ თავდასხმას ელოდნენ. ალა-მაჰმად-ხანის საგანგებო მზვერავნი ოთხივე მხრიდან თვალმოუხუჭავად და მუხლჩაუქრალად უვლიდნენ ბანაკს.

ის ღამეც გასრულდა.

## რვა სექტემბერი

„ისინი სიკედილს დაეძებდნენ სარკენალ ველზე...

მათ ძვლებს მარმარი არ ამძიმებთ უბრწყინვალესი;

სიმამაცისთვის გვირგვინი და სამკაული არს ერთადერთი

— თვით სიმამაცე!“

ანტიპატრე საღონელა.

რვა სექტემბერი კურუმში ჯანლით გათენდა ალგეთის ხეობაში, ხოლო თბილისს კოკისპირული წვიმა და ღვარნაფშვენი დააცხრა თავზე.

შეშფოთებულ, უძილარ და ნერვებაწეწილ ქალაქში ახალი, მოულოდნელი ამბავი გავრცელდა:

დარეჯან დედოფალმა, ოსეთა ყორღანაშვილის მსგავსი ნაცარქექია გულმწიკვლიანი კარისკაცებით გარშემორტყმულმა, თბილისის სასახლე დატოვა და მცხეთა-არაგვის გზით ანანურისკენ გაუტია. მას თან გაჰყვა მისი საფიცარი პირმშო, მისგან მეფედ გამიზნული, იულონ ბატონიშვილი და საოფლით დაავადებული ალექსანდრე ბატონიშვილი.

არავის გაუბედავს ეკითხა, რა უფლებით გაუბრბოდა იულონ ბატონიშვილი კარს მომდგარ სამამულო ბრძოლას?

დარეჯანის შვილთაგან მხოლოდ ვახტანგი მოდიოდა საარაგვოდან მთიელთა რაზმით, ხოლო მირიანი ისევ რუსეთში იყო და გარსევან ჰავჭავაძესთან ერთად ამო მოთმინებით და უშედევო სიბეჯითთ აკაუენებდა სანკტ-პეტერბურგის დიპლომატიური უწყების კარზე.

მეფის ოჯახის წასვლამ საშინელი პანიკა და არევ-დარევა გამოიწვია თბილისის მოსახლეობაში. ამოძრავდნენ და ასისინდნენ ავენანი, პროვოკატორები, მძარცველები, სულმოკლენი, გლისპი-მზაკვარნი, ქვეყნის მეფის მოლაღატენი.

ერეკლე სამხედრო ბანაკიდან სასწრაფოდ თბილისში მივიდა და წესრიგი ძლივს აღადგინა.

დილით ადრე, სოღანლულიდან გასვლის წინ, ერეკლემ ფარეშთუხუცესი გორჯასპი ნათალიშვილი იხმო, თორმეტი რჩეული ვაჟეაკი ჩააბარა და მტრის დასაზვერავად გაგზავნა.

თბილისიდან ოც ვერსზე, იაღლუჯას მთის ფერღობზე, ქართველი მზვერავები მოულოდნელად აღა-მაჰმად-ხანის რჩეულ მრავალრიცხოვან თურქმან ცხენოსანთა რაზმს გადააწყდნენ და უკუქცევის ნაცვლად, ფიცხლავ იერიში მიიტანეს. ირანელები გააოგნა ათიოდეკაცის გასაოცარმა თავზებულაღებულობამ. თითქოს ყველა მათგანი საგანგებოდ ეძებდა სიკვდილს. განსაკუთრებული სიკისკასით იბრძოდა დავით თარაშვილი. ყველანი გაწყდნენ; მხოლოდ ერთმა სცნო საჭიროდ სიკვდილისაგან თავის გაღწევა, — ესეც მხოლოდ იმიტომ, რომ მეფეს თავის დროზე სცნობოდა მტრის მოახლოება და ადგილსამყოფელი. ეს ერთადერთი იყო თვითონ გორჯასპი ნათალიშვილი, რომელმაც ხმლის უკანასკნელი მოქნევით უახლოესი თურქმანი შუაგანკვეთილი ძირს ჩამოაგდო, მის ცხენს მკვირცხლად მოახტა და სიკვდილის ველიდან გაქუსლა.

ქართველ მეფეებს უკვე ხელთ ჰქონდათ ცნობა მტრის ადგილსამყოფელისა და საღაშქრო გეზის შესახებ.

იმავე რვა სექტემბრის საღამოს ირანელთა მეწინავე ათასეულები სოღანლულს მოუახლოვდნენ და მის სამხრეთით, სარჯანის მინდორზე, სანგრების თხრას შეუდგნენ. მალე აღა-მაჰმად-ხანიც მთელი არმიით, არტილერიითა და აღალით მოვიდა და დაბანაკდა.

მტრის ურდო თბილისიდან ათი კილომეტრის მანძილზე ათევდა ღამეს.

„მათ ხომ მკლავები საშოშივე უკაუღებოდათ, უწმინდურების აღსაგველად წმინდა მიწიდან“.

შ ე კ ს ქ ი რ ი

როგორც კი მტკვრის ხეობას რიყრაყ-ნათელმა დაჰკრა, საქურის-მა თბილისისკენ ლაშქრობა ბრძანა. ნახევარი საათის სვლის შემდგომ შანაბადას მთის ძირში ირანელები ქართველთა სანგრებს წააწყდნენ.

ჩასაფრებულებს ერეკლეს შვილიშვილი (გიორგის ძე), მკვირ-ცხლი დავით ბატონიშვილი სარდლობდა. მისი ბრძანებით, ქართველებმა მტერი ჯერ ახლოს მოუშვეს და ტყვია მერეხივით დააყარეს, მერე ხმალამოწვდილნი სანგრებიდან ამოცვივდნენ და ზარდამცემი ყიჟინით მტერს შეებნენ.

ირანელთა პირველი მწკრივი ჩაიკაფა და ჩაწვა. მომდევნო რიგიც შედრკა და უკუიქცა. ალა-მაჰმად-ხანმა ახალი ძალები ჩააბა ბრძოლაში, საშინელი ხელჩართული ჩეხვა ისევ ქართველთა უპირატესობით წარიმართა. ირანელთა მეწინავენი ისევ გარბოდნენ ბრძოლის ხაზიდან. გაცოფებული საქურისი მალლობზე აიჭრა. მოპირდაპირისკენ გამხმარი, კეწეწი ხელი გაიშვირა და თავისიანებს შესძახა:

„ეგენი არიან ქართველები? მაგ ერთ მუჰა უბედურთ ახლავე მტკვარში გადაყრით!“

მან უკუქცეულებიც მაშინვე ბრძოლას შეუბრუნა და მთელი არმიაც შეტევაზე დასძრა.

თავდავიწყებით ბრძოლას მიცემულმა დავით ბატონიშვილმა ერეკლესაგან ასაკიან მაშველ რაზმთან ერთად ბრძანებაც მიიღო: კონტრშეტევაზე ხელი აეღოთ და დაუყოვნებლივ წინა პოზიციებს დაბრუნებოდნენ. მეფემ კარგად იცოდა, რომ მისთვის ყოველი ასეული მეომრის დაკარგვა უფრო საბედისწერო დანაკლისი იყო, ვიდრე ალა-მაჰმად-ხანისათვის მისი ათასეულების განადგურება.

ქართველებმა კონტრშეტევით მოპოვებული ტერიტორია ნაბიჯ-ნაბიჯ უკანდახევით დასთმეს და კვლავ თავიანთ სანგარ-სიმაგრეებში ჩასაფრდნენ.

შაჰმა ქართველთა სრული ამოჟლეტის ბრძანება გასცა. ირანელები კარგა ხანს საარტილერიო ცეცხლს უშენდნენ ქართველთა სიმაგრეებს. დავით ბატონიშვილის ბანაკი სავსებით დადუმდა. შაჰმა დრო ხელსაყრელად ჩასთვალა და იერიშის ნიშანი მისცა. მა-

შინევე მისი მეწინავე კორპუსები საშინელი ღრიალთა და ღრინანტე-ლით გაქანდნენ კვამლსა და მტერის ბოლში გახვეული მოწინააღმდეგის ბანაკისაკენ.

მიადწიეს თუ არა, ისევ ერთბაშად და ერთხმად დაიგრიალეს ქართულმა თოფებმა. ტყვიის წვიმამ მოცელა ირანელთაგან მეწინავენი. სანგრიდან პირველი ამოიჭრა ხმალშემართული დავით ბატონიშვილი და წამსვე მის გვერდით დანარჩენებიც აღიმართნენ. ქართველები კვლავ თავგანწირვით მიეტევნენ მტერს. ირანელებმა ბრძოლის წინა ხაზზე რამდენიმე ასეული მკვდარი და დაჭრილი დატოვეს და კვლავ უკუიქცნენ. გამარჯვებით გალაღებული ქართველებიც გამოედევნენ, მაგრამ მაშინვე მოვიდა ერეკლეს ფიცხელი ბრძანება: დაუყოვნებლივ ხელი აეღოთ დევნაზე და უკან გამობრუნებუ-ლიყვნენ. უეჭველად მეფე შიშობდა, ცბიერ ალა-მაჰმად-ხანს ფართო ველზე არ გაეტყუებინა და თავისი მრავალათასეულიანი არმიით ალყაში არ მოექცია ქართველთა რამდენიმე ასეულიანი ჯარი.

ალა-მაჰმად-ხანმა მესამედ მიიტანა იერიში ქართველთა სიმაგრეებზე. ახლა ბრძოლაში მისი ყველაზე სანდო და ძლიერი თურქმანული რაზმებიც ჩაებნენ.

მესამე შერკინება უაღრესად სასტიკი და სისხლიანი აღმოჩნდა. ქართველებმა პირისპირ შეხვედრაში ისევ სძლიეს რიცხვით უპირატეს მოპირდაპირეს, მაგრამ კონტრიერიში და გამოდევნება კვლავ უაღრესად სახიფათოდ რჩებოდა მცირერიცხოვან მძლეველთათვის.

ის დღეც დასრულდა და ბრძოლაც შეწყდა.

ალა-მაჰმად-ხანმა კვლავ არაფერი იცოდა ერეკლეს საომარ ძალთა შესახებ. არც ის იცოდა, ვის ებრძოდა იგი ამ დღეს, ქართველთა მთელს არმიას, თუ მხოლოდ მის ნაწილს? ან რა ძალა ჰქონდა და რა ამხნევებდა ამ ერთ მუჰა ხალხს, ამ დღეს რომ ასე გავეშებულად მოჰქონდა იერიშები ათჯერ უმეტეს მოპირდაპირის წინააღმდეგ? იქნებ მართლაც სადმე დგას, ანდა უკვე მოეშურება „ერეკლე-ხანის დიდი ლაშქარი?“ ვინ იცის, რამდენი ქართველი და მისი მოკავშირე ჩასაფრებულა ამ კრწანისის უთვალავ ხევხუ-ვებსა და ღრანტეებში? იქნებ ქართველებს მართლაც მხარდამხარ მოჰყვებიან ცქაფი ლეკნი და „თეთრი ურუსნი“?

„და მას დღესა შინა იქმნა ძლევითა გლოვად ყოველთა ერთა“.

წიგნი მეფეთა მეორე

„რატომ არიან ერთნი ასეთი, მეორენი კი სულ სხვანაირნი, თუ ყველა ისინი ერთი და იგივე საწყისებიდან არიან წარმოშობილნი?“

ა რ ი ს ტ ო ტ ე ლ ე

იმ ღამით ალა-მაჰმად-ხანმა იღუმალ რამდენიმე ათასეული მეომარი გაგზავნა შავნაბადაზე. სათავეში მათ ჩაუყენა ყარაბაღელი მელიქ-მეჩუნმი, რომელმაც ჯავათ-ხან განჯელისა და იაკობ ბებუთოვის მსგავსად, კარგად იცოდა თბილისი და მასზე მისასვლელი გზებიც.

მელიქ-მეჩუნმის ამოცანა იყო, დილით ადრე შავნაბადას ფერდობებიდან მოულოდნელად თავს დასხმოდა ქართველთა ლაშქარს და ერთიანად ამოეწყვიტა იგი.

ქართველ მზევრავებს მტრის ძალთა გადაჯგუფება არ გამოჰპარვიათ და ერეკლემაც დაუყოვნებლივ პარალელურ კონტროლისძიებას მიმართა. დავით ბატონიშვილი ღამით, მტრისგან იღუმალ, წინადღის პოზიციიდან მოხსნა და ერთი ათასეულით და ექვსი ზარბაზნით უკიდურეს მარჯვენა ფლანგზე, შინდის-ტაბახმელასავე გაგზავნა, ხოლო შავნაბადას ბოლოში, იგივე წინა დღის ნაომარ ხაზზე, კვლავ დარჩა ქართველთა რამდენიმე ასეული ერეკლეს მეორე შვილიშვილის (ისიც გიორგის ძე), იოანე ბატონიშვილის სარდლობით.

10 სექტემბრის დილა გათენდა.

ალა-მაჰმად-ხანისა და მის ყურმოჭრილ თანასარდალთა აზრით, სწორედ ამ დღეს საბოლოოდ უნდა გამოაშკარავებულყო „ემ-მაკზე ადრე დაბადებული ერეკლე-ხანის“ იღუმალი საომარი ზრახვანი, უნდა გარკვეულიყო, მარტო იყვნენ თუ არა ქართველები და რამდენი იყვნენ, მარტონი თუ მოკავშირეთა ძალებით გამძლეობულნი. ყველაფერი ეს უნდა შეეტყვოთ და იმავე დღესვე მთელი ლაშქრობის ბედიც გადაეწყვიტათ: ან უნდა გაემარჯვნათ, ანდა, თუ ქართველებთან ერთად კიდევ „ქართულ მეომარულ სიგიჟეს“ წააწყდებოდნენ, როგორმე ნაკლებ ხელმარცხიანად ბრძოლის ველს დროზე გაჰყროდნენ და ისედაც არეული ზურგისათვის დროზე მიეხედნათ.

მაშ, გათენდა ორშაბათ-დილა.



მელიქ-მეჯნუმმა თავის ხელქვეით მყოფი ათასეულები თოთხ-მეტ რაზმად დაჰყო და შაენაბადას ჩრდილო ფერდობიდან დაეშვა, რამეთუ ზურგიდან დასცემოდა მთის ძირში ჩასაფრებულ იოანე ბატონიშვილს. ირანელებმა მდინარე ტაბახმელას ანუ კრწანისის ხევი გადალახეს და ის იყო, შინდის-ოხრახევს მიადგნენ, რომ უეცრად სოფ. ტაბახმელა-შინდისის მხრიდან ზარბაზნებმა დაიგ-რიალეს. ეს დავით ბატონიშვილი იყო. მალე არტილერიის ცეცხლს ქართველთა მძლავრი ყიჟინა და იერიში მოჰყვა. მელიქ-მეჯნუმს ისლა დარჩენოდა, წინანდელ გეზზე ხელი აელო და არმია მარცხნივ, იერიშზე მომავალი ქართველი უფლისწულის საპირისპიროდ შეებ-რუნებინა.

ირანელთა მეწინავე მწკრივები პირველი შებმისთანავე შელეწეს და აჰქუწეს ქართველმა ცხენოსნებმა. მაგრამ მოსალოდნელი იყო, რომ რიცხვით სიმრავლე მაინც თავისას გაიტანდა. ამიტომ ერეკლემ ბრძოლაში იმერთა და ქართლელთა მაშველი რაზმი ჩააბა. ამ მრავალრიცხოვან მარქაფს წინ მოუძლოდნენ დინჯი და ზრდილი ზურაბ წერეთელი, ახოვანი და ზავთიანი ოთარ ამილახვარი, მარდი და ხალისიანი ზაქარია ანდრონიკაშვილი (ლეკთაგან „მიწის მგლად“ წოდებული) და გულზვიადი იოანე მუხრან-ბატონი.

მელიქ-მეჯნუმის არმია ორმხრივი ცეცხლისა და ჩეხვის ქვეშ მოექცა. ირანელთა რიცხობრივმა უპირატესობამ მეომრული უპირატესობა სავსებით დაკარგა. ქართველებმა მათი უმრავლესობა კრწანისის ხევხუვებში ჩახოცეს და ჩაკაფეს.

თვითონ მელიქ-მეჯნუმმა ძლივს გაასწრო მისკენ გაქანებული ბატონიშვილის ხმალს. მან მცირეთა თანხლებით მოახერხა ბრძოლის ველიდან გაქცევა.

ქართველებმა კვლავ გაიმარჯვეს.

ერთჯერ კიდევ დაქანდა ბრძოლის სასწორი საქართველოს მესის-ხლეთა მარცხით დამძიმებული.

მაშ, საქართველოს მრავალრიცხოვან სისხლთხევათა ჟამსაბრუნავში კიდევ შევიდა ერთი დიდი გამარჯვების დღე — ორშაბათი, 10 სექტემბერი 1795 წლისა.

იმ დღეს ერთი საოცარი კუროიზიც მოხდა. დილით ადრე თბილისიდან ოცდახუთი ყმაწვილი კაცი გავიდა შეთოფ-შეიარაღებული. არავინ იცის, დავალებით, თუ პირადი გადაწყვეტილებით მოისურვეს ვინმე „მოენე ყიზილბაშის“ ხელში ჩაგდება. ისინი შაენაბადას მთაზე ავიდნენ და ფრთხილად გაუყვნენ მტრის ბანაკსკენ. უეცრად ბუჩქებში ცხენს მოჰკრეს თვალი, იქვე ვილაც მცირე ტანის კაცუნა ჩაცუტკულიყო. მას სპარსულად ეცვა და ზურგი

ჩანდა: ვერდით სპილენძის ალთაფა ედგა, — ალბათ წყლით სავსე. — რათა თათრული წესით „განწმენდილიყო“. ბიჭები მისკენ გაქანდნენ. კაცუნა ფეხის ხმაზე წამოიჭრა, შარვალზე ხელი იტაცა და მობრუნდა. ქართველებმა წამით თვალი ჰკიდეს მის ბებრულ ღუბჭირ სახეს და შიშით ავსებულ გვესიან თვალებს. მან მაშინაღორღად აიტაცა და მკერდზე აიკრა ალთაფა. წამიერი გარინდება მაშინ დაირღვა, როცა ამ ყვიციანმა ანთარმა უეცრად ბუჩქი იფარა, ცხენისკენ გაიქცა და თან ლოშქრიანი პირით რაღაც სპარსულად დაიხავლა. თბილისელებმა იარაღზე მოივლეს ხელი, მაგრამ მათმა თოფებმა ამაოდ იგრიალეს. სპარსელთა ჯარი თითქოს მიწიდან ამომძვრალიყოს. ქართველი ჰაბუკები უსაზმოდ შეაკედნენ ანაზლად მოვარდნილ მტერს.

ასე შემთხვევით გადარჩენილი პოპლიკა-სახიანი ქონდრისკაცი სწორედ ალა-მაჰმად-ხანს იყო. ის ბრძოლის თვალის სადევნებლად ასულიყო შენაბადაზე. მაგრამ რა? თვითონაც სიცოცხლე კინალამ დაჰკარგა და მისი წარგზავნილი ჯარებიც ქართველებმა გაანადგურეს. აგერ მესამე დღეა, ბიტორიტი-საქურთისი ქართველებს ხვდება და არც ერთი დღე მის სასიამოდ არც გათენდა და არც დაღამდა. ეს მესამე დღე ხომ მაინც მისთვის აშკარა მარცხი იყო. მერე, ისიც აშკარად ჩანს, რომ ქართველების „ცბიერი ხანს“ ჯერ მთავარი ძალები ბრძოლის ველზე არ გამოუყვანია; თვითონაც ხომ ჯერ არსად გამოჩენილა ეს მუდამ ბრძოლის წინა ხაზზე მოთარეშე ხელმწიფე? უეჭველია, მომავალ დღისათვის რაღაც ძალიან დიდსა და სახიფათოს ამზადებს ქრისტიანთა „ცბიერი ხანი“. არა, კეშმარიტად, არ ხერხდება დიდი ნადირ-შაჰის გაზრდილის დამარცხება; აქამდეც ხომ არასოდეს დამარცხებულა. უკან, ზურგშიც, ყარაბაღსა და სომხეთში, ომი ხომ ჯერ არ დაუმთავრებია ალა-მაჰმად-ხანს: ალბათ, ირანშიც შაჰინ-შაჰობის მოსურნენი ოცნებობენ, რამეთუ როგორმე, ალაჰის მადლით და „ქრისტიანი ხანის“ ხელშეწყობით, იხილონ მარცხნაჰში ყაჯართ ბელადი.

მაშ, ალა-მაჰმად-ხანს ყველა პირობის ძალით, სანამ გვიან არ იყო, უნდა გადაეწყვიტა საქართველოდან წასვლა. ყოველ შემთხვევაში, ეს მისთვის აუცილებელი იყო ჯერჯერობით მაინც.

და აი, მან გადაწყვიტა კიდევ ბანაკი აეყარა და სასწრაფოდ გაცლოდა საქართველოს მარადიულად მომხიბვლელ, მაგრამ მტრისათვის მარადიულად მწარე მიწა-წყალს.

მაგრამ ორშაბათის ეს დღე უცნაური და უეცარი მეტამორფოზების დღედ იქცა. ხოლო უკანასკნელი მეტამორფოზი მაინცდამაინც ქართველთათვის საბედისწერო გამოდგა.

და საქართველოს „ბედის წიგნში“ ამნაირი ჭეჭყიანი ფურცელი გადაიშალა.

ეს იყო მორიგი ღალატი.

როცა საქართველოს ისტორიაში სიტყვა ღალატზე ჩამოვარდება, მაშინვე მხოლოდ და მხოლოდ ქართველ თავადებს ამოიღებენ ნიშანში. რა გაეწყობა, — კიდევაც იყენენ თავდადებულ მამულიშვილ-თავადთა შორის ცალკეული მოღალატენი. მაგრამ ვაი, რომ ხშირ შემთხვევაში წარჩინებულ არისტოკრატთა გვერდით არც მღაბიო პლუტოკრატები აკლებდნენ ხელს. ასეთი ფეხმრუდე და გულმწიკვლიანი ვიგინდარები (განურჩევლად ქართველთა და არაქართველთა) ხელს უშლიდნენ საქართველოში ოდითგანვე მომდინარე ძმობა-მოყვრობის უბრწყინვალეს ტრადიციას. რად ჰქონდა ქართველ-სომეხთა ძმობა-მეგობრობა ქართულ მიწაზე დიდ ქართველ ხელმწიფეთა — დავით აღმაშენებლის, გიორგი მესამის, თამარ დედოფლისა და თვით ერეკლეს ხელმწიფობის უამს. მრავალი სომეხთაგან ქართველის გრდემლზე სცემდა უროს და ქართველ ძმთაგანს ხელს უმართავდა საქართველოს მტრის დასალახვარავი ლახვარის გაჭედვაში. ერთად იდგნენ ისინი ქართული საომარი დროშის ქვეშ და ამჯერადაც ერთნაირი უღალატო გულგაუტეხლობით ელოდნენ ხვალინდელ საბედისწერო შეტაკებას მარადიულ საერთო მტერთან.

მაგრამ მრავალათასეულის სასიკეთო საქმეს ერთი-ორი გულბოროტიც ადვილად წაახდენს ხოლმე. თბილისშიც მაშინ მრავალ ქართველ და სომეხ მოყვასთა შორის გამოჩნდა ორი — იოსებ ბებუთოვი და არუთინა (არტემა) არარატიანცი. ამათ. თურმე, ყველაფერს რომ თავი დავანებოთ. შესძლებიათ ხელი შეეშალათ იმ დიდებული იდეისათვის, რასაც ქადაგებდნენ სომეხი განმანთლებლები: იოსებ ემინი, შაჰამირ შაჰამირიანი და მოვესეს ბაგრაშიანი.

ეს იყო იდეა ქართველ-სომეხთა ერთიანობისა ერეკლე მეორის ხელმწიფობის ქვეშ. შაჰამირ შაჰამირიანმა ხომ სომეხ-ქართველთა ერთიანი სახელმწიფოს გერბიც გამოუგზავნა ერეკლეს ინდოეთიდან.

მაგრამ დიდ სომეხ მოღვაწეთა დიდებულ იდეათა ნაცვლად შარლატანი მაწანწალას ნაბოროტალი განხორციელდა.

პირველად. 1894 წელს. ჭეჭიანმა სომეხმა ეპისკოპოსმა არისტაკე სედრაქიანმა ამხილა არტემა არარატიანცის თაღლითობა და შარლატანობა. ეს ყოფილა ქვეყნიდან ქვეყნად მოხეტიალე შარახვეტია ავანტიურისტი, რომელიც ყოველ ახალ ადგილზე ყველაფერს

იცვლიდა: რჯულსაც, გვარსაც, ტანსაცმელსაც და, ვითარცა გველი, თვალის აფსკასაც კი. კავკასიაში მას ხაჩიკიანცი ერქვა, ასტრახანში — ივანოვი და მოსკოვში — ბოგდანოვი. ხან არტემა იყო, ხან არუთინა. „გულწრფელად არარატიანცი“ ის მხოლოდ თავის განუყრელ სახედართან იყო. სწორედ ამ სახედრისა და საკუთარი თავის გარდა ქვეყანაზე არავინ ჰყვარებია არარატიანცს. ეს ბოროტი მიზანთრობი ერთნაირი სიძულვილით ლანძღავდა სომხებსაც, ქართველებსაც და ლეკებსაც .

და 1795 წლის ავად დამდგარ სექტემბერში მოხდა ის, რაც ხშირად ხდება ბუნებაში: უმწეო და უჩინო მწერმა სასიკვდილოდ დაშხამა ლომი.

არტემ-არუთინ-არარატიანც-ხაჩიკიანც-ივანოვ-ბოგდანოვ-არარატსკიმ ერთნაირი გულგრილობით გაჰყიდა „უცხო“ საქართველოც და „მშობლიური“ სომხეთიც. მან და იოსებ ბებუთოვმა ერთნაირი გულღრძობით გაჰყიდეს დიდი ერეკლე მეფეც და მაშინდელი თბილისის დიდი მოქალაქე, „საქართველოს მეფის საზანდარი“ საათნოვაც.

ერთი სიტყვით, იოსებ ბებუთოვმა და არტემა არარატიანცმა ყველაფერი გააკეთეს იმისათვის, რომ ერეკლესაგან ალა-მაჰმად-ხანის დატყვევებული ელჩი თბილისის საპატიმროდან გაეპარებინათ, კოჯორ-თელეთის გზა-ბილიკებით გადაეყვანათ და უკვე წასასვლელად გზაზე შემდგარი ალა-მაჰმად-ხანისათვის წარედგინათ.

და ირანის ბოროტმა მბრძანებელმა მოისმინა უაღრესად სასიხარულო ამბავი:

თურმე ერეკლეს ჯარი თითქმის არა ჰყოლია; არც მოკავშირენი სდგომიან გვერდით ერთ მუჰა ქართველებს — არც რუსები, არც ლეკები. ოთხი ათას მეომარსაც ვერ მოითვლიდა ქრისტიანი ხელმწიფე: ამ დღეების შეტაკებაში ქართველებიც ხომ იღუპებოდნენ. ერთი სიტყვით, ქართველთა მეფეს ახლა იმდენი ჯარისკაცი ჰყოლია, რამდენსაც არცერთი უკანასკნელი ირანელი ხელმწიფე ამაღლად არ იკმარებდა.

აღტაცებამ ააჩქოლა საჭურისის უგლიმი გული.

დაფდაფებმა და ზინზილაკებმა ხელახალი დაბანაკების ბრძანება აუწყეს ირანელთა არმიას.

ალა-მაჰმად-ხანმა სასწრაფოდ შეჰყარა სამხედრო თათბირი.

საქართველოს ბედისწერა მომავალ დღეს უნდა გადაეწყვიტა.

მაშ, კვლავ რისხვით მობრუნდა ისტორიის სისხლიანი უამსაბრუნავი საქართველოს ცარგვალზე.

მაგრამ იმ ღამით თბილისში საარაგვეოდან ვახტანგ ბატონიშვილი ჩამოვიდა მთიელთა ჯარით.

მათ შორის იყო სამასი არაგველი.

## ა კ რ თ ე რ ზ ი

„ეითარ დაეცნეს ძლიერნი და  
დაიღუნეს საჭურველნი ბრძოლისანი“

წიგნი მეფეთა მეორე.

„ხოთ, თქვენ არაგველებო, გაუმაძღარო თმითა“.

ღაღო ასათიანი

ათას შვილდას ოთხმოცდათხუთმეტი წლის 11 სექტემბერი, სამშაბათი დღე — ღრუბლიან-ჯანლიანი გათენდა კრწანისის და მტკვრის შესაყარში. ჰაერი დილიდანვე იყო ჩახუთული, ხორშაკიანი.

რიყრაყისთანავე ერეკლეს ჯარი საომრად ჰყავდა განლაგებული. ძირითადი თალპიონი კრწანისის მიდამოები იყო. მეფემ მოწინავე ლაშქრის მეთაურად იოანე ბატონიშვილი დააყენა, მის შემდგომ: ცენტრში თვითონ დადგა, მტკვარზე მიბჯენილ მარცხენა ფლანგს იოანე მუხრან-ბატონი უსარდლა, მარჯვენა ფლანგზე ზურაბ წერეთელი დააყენა იმერელთა ათასეულით, ხოლო ამათ უკან, ვითარცა სამარქაფო რაზმთა მეთაურები, ერთიმეორის გვერდით მოეწყვნენ ვახტანგ ბატონიშვილი და ოთარ ამილახვარი. სულ უკან თბილისის კარიბჭესთან, ნარიყალასა და მეტეხს შუა, იდგა სოლომონი იმერელთა მეორე ათასეულით. ხოლო მალა, ხელმარჯენივ, ძირითად ძალთაგან დაშორებით, თაბორის მთის ფერდობიდან, ისევ თავისი ნაომარი რაზმითა და არტილერიით, მტკვრის ხეობას გადმოსცქეროდა დავით ბატონიშვილი.

ნარიყალას ციხეზე არტილერიის ნაწილი იდგა გიორგი გურამიშვილის მეთაურობით.

სანამ მტერი გამოჩნდებოდა, მოხუცმა მეფემ თავის ლაშქარს ფლანგიდან ფლანგამდე ჩამოუქროლა და მამაკური მზერითა და ლაზათიანი მხედრული ნავარდით მეომართა გულში ისევ აღანთო საომარი ნალვერდალი.

მან მცირე ხანს ცხენი შეაყენა თავისი ვაჟიშვილის ვახტანგ ბატონიშვილის გუნდთან. აქ სულ მთიელები იდგნენ. მათ შორის იყო სამასი თუში და ფშავ-ხევსური — სამასი არაგველი გლეხი. წინ შვიდი ძმალშეფიცული ვაჟკაცი იდგა, მკლავი-მკლავ გადაჭდობილი.

მაშ, ესენი არიან სისხლი სისხლთაგანი და ხორცი ხორცთაგანი

უმაპაცეს მთიელ ქართველთა, რომელთა მკლავის შემწეობით ამდენი ბრძოლა მოუგია პატარა კახს — საქართველოს მტერთა ხელხვაიან შემმუსვრელს.

სამასი წყვილი გაუტეხელი არწივეული მზერა შეეპრა ერეკლეს თვალბს. სამასი ვაჟკაცური მკერდი და მხარ-მკლავი ერთ ურყევეუბზარავ კედლად შეკრულიყო და შეიკრულიყო.

და სწორედ მაშინ სამასმა ბაგემ ერთხმად იქუხა სამას მკერდიდან აღმოხდენილი ფიცი, ვაჟკაცური და ლოცვისმაგვარი:

„ვფიცავ მეფეს და საქართველოს, ან გავიმარჯვოთ ან დავიხოცოთ!“

იგრიალეს, წამსვე პირჯვარი გადაისახეს და ხმლებიც იშიშვლეს.

ანდა, იქნებ სწორედ ასე სთქვეს არაგველებმა ეს წმინდა ფიცი, როგორც იგი წარმოიდგინა დიდმა გრიგოლ ორბელიანმა:

„თუ გავიწყება ღმერთი და ვერა განესდენეთ

მტრის ძალი,

იყოს შერცხენილ, ვინც ჩვენგან შინა წავიდეს

ცოცხალი!“

და გარდიწერეს პირს-ჯვარი... ვაჟკაცებრ

ხმალი იშიშვლეს...“

არავინ გვამცნობს, რა უპასუხა მოხუცებულმა პატარა კახმა არაგველთა გულმხურვალე ფიცს. დასაჯერია, რომ მის თვალბს სიხარულით და მადლით სავსე ცრემლი მოადგა. სარწმუნოა, რომ სამასივე სათითაოდ მკერდში ჩაიკრა და ყოველ მათგანს მტერთან საომრად გადადგმული ყოველი ნაბიჯი მამაშვილურად დაულოცა. სხვა არა იყოს, იმ წინა შვიდეულ-ძმადნაფიცართა გადახვევას მაინც მოასწრებდა.

„ან გამარჯვება, ან სიკვდილი!“

ვინ მოთელის, რამდენჯერ მოუსმენია ბრძოლაში დაბერებულ ხელმწიფეს ეს საოცარი, ჟრუანტელის მომგვრელი და საომარი ცეცხლისმომღები შეძახილი, შეფიცვა, თუ შელოცვა. რამდენჯერ!

ხოლო რამდენჯერაც მოუსმენია, იმდენჯერაც გაუმარჯვნია! სწორედ იმდენჯერ ამ შეძახილის პირველ სიტყვას — „გამარჯვებას“ — გაუმარჯვნია, ხოლო მეორე — „სიკვდილი“ — იმდენჯერვე დამარცხებულა!

და რაღა დღეს. ქრისტეს აქეთ 1795 წლის 11 სექტემბერს, სამშაბათ დღეს, დამარცხდება „გამარჯვება“ და გაიმარჯვებს „სიკვდილი“? ... რაღა დღეს?... ნუთუ დღეს?... იქნებ...

წუთიერი დუმილი სიმღერის, ზურნის, კიანურისა და ბარბით დაირის ხმამ გაარღვია. თბილისიდან თბილისელ მოქალაქეთა შე-

იარაღებული რაზმი მოეშურებოდა. ერეკლემ იცნო რაზმის წინამძღოლი. ეს იყო დავით მაჩაბელი, „წარჩინებული მესაკრავე და მსახიობი მეფისა, მუჟიყი და კომედიანტი“.

მოდოდა დავით მაჩაბელი, ბარბითსა სცემდა და მოიმღეროდა. ამ სიმღერას შადიანი ერქვა — მხიარული, დარდიმანდული, ხალისიანი და ზეღმტაცო სიმღერა, სალხინო-საქორწინოც და საომარცეცხლოვანიც. მისამღერში საოცარი ზავით ისმოდა:

„სახელოვანი სიკვდილისათვის!“

ოსან-მომღერალი დავით მაჩაბელიც თავისი რაზმით არაგველების გვერდით დადგა.

მაშ, — „ან გავიმარჯვოთ, ან დავიხოცოთ!“

მაშ, — ვიომოთ გამარჯვებისათვის, ან „სახელოვანი სიკვდილისათვის!“

მაშ, მოემზადეთ, ქართველებო!

მტერი მოდის!

ჰოი, ქართველნო!

გფარავდეთ დროშა გორგასლიან-დავითიან-თამარიანი!

მტერი გამოჩნდა!

მოდოდა საკუთრისი-ბიტორიტი. არმია თორმეტ მწყობრად დავლაგებინა: მწყობრთა შორის ზარბაზნები და ზამბულაკები ჩაემწყრივებინა. წინ სპარსელ ყიზილბაშთა ურდო მოდიოდა: მათ უკან რჩეული თურქმან-თარაქამული ჯარები მოჰყვებოდნენ. ალა-მაჰმად-ხანმა საგანგებოდ მოაწყო ასე: მან იცოდა, სპარსელებს და თურქმანებს ერთმანეთი სძულდათ; ამიტომ წინ, ქართველთა პირველ სამიზნედ სპარსელები გამოუშვა. ხოლო თავის თვისტომ თურქმანებს უბრძანა, თუ სპარსელნი ქართველთა შემოტევას ვერ გაუძლებდნენ და ბრძოლას ზურგს შეაქცევდნენ. ყველა მათგანი. „დიდი, გინა მცირე“, უწყალოდ გაეელიტათ.

უამად დილის შვიდი საათი იქნებოდა. როცა სოღანლულის ვიწროებში ერთუროს შეებნენ სპარსთა და ქართველთა მეწინავე ძალები.

ბრძოლა იოანე ბატონიშვილის გამირობით დაიწყო. მის ნიშანზე ქართველებმა თოფ-დამბაჩები დაახალეს ზედმოდგარ მტერს: მერე, საფრებიდან ხმალ-გაშიშვლებულნი ამოცვივდნენ და ვაჟაკური ყიყინით მიეტყვენენ. სპარსთა პირველი რიგი მოიცვალა. „...და ბრძოდეს ქართველთა მეწინავენი მხედრობანი საკვირველად“: სპარსელთაგან უკვე იწყეს ბრძოლიდან გაქცევა. მაგრამ ზურგში მდგარმა თურქმანთა ტყვიამ. ხმალმა და აკინაკმა ისევ ბრძოლისკენ შემოაქცია ქართველთაგან ზარდაცემულნი. მკლავმამაცურად

სჩებდნენ ქართველი უფლისწულის თანამებრძოლნი, ასეულობით წყლებოდნენ ყიზილბაშები, მაგრამ რიგი რიგს მოსდევდა, სპარსთა უწყვეტი მდინარება არ წყლებოდა. ქართველები სანგრებს დაუბრუნდნენ და თოფის სასროლზე მტერი სამიზნედ აიყვანეს.

შაჰმა შეთხლებული ავანგარდი ახალი ძალებით შეავსო და გააძლიერა, ხოლო ქართველთა მოწინავე პოზიციას არტილერიის უწყვეტი ცეცხლი დაუშინა.

პარალელურად თაბორის მთიდანაც დაიგრიალეს ქართულმა ზარბაზნებმა. ეს ისევ დავით ბატონიშვილი იყო. ალა-მაჰმად-ხანს გუშინდელი განსაცდელი არ დაეიწყინა და თავის დროზეც უზრუნვეა, როგორმე აღეკვეთა თელეთ-ტაბახმელას გასწვრივ მთათაგან მომავალი საფრთხენი. სწორედ ამიტომ გაუგზავნია მას ჯერ კიდევ ღამით სამი რჩეული ათასეული ისევ მელიქ-მეჩუნუმის მეთაურობით. დილით მელიქ-მეჩუნუმი თავისი ათასეულებით უკვე მიუახლოვდა დავით ბატონიშვილის პოზიციებს. ქართველთა ახალგაზრდა სარდალმა ჯერ ზარბაზნათა ჯერი შეაგება მტერს, მერე ცხენს მოახტა და ხმალი იშიშვლა. ქართველებიც მყისვე ამხედრებულნი და ხმალი ამოწვდილნი გამოენთნენ უფლისწულს. სასტიკ შეტაკებაში ისევ იძლივნენ და განადგურდნენ სპარსელნი. მელიქ-მეჩუნუმმა, მცირეთ თანხლებით, ისევ გაქცევით იხსნა თავი სიკვდილისაგან.

დავით ბატონიშვილი თავის პოზიციას დაადგა. იგი ახლა კრწანისის ტაფობში ტორტმანით მომცურავ გველეშაპს უთვალთვალებდა, მაგრამ მალე თვალსამზირიდან გაჰქრა მტკვრის ხეობა თბილისთან და კრწანისთან ერთად.

სქელმა ნისლმა და ჯანღმა დაჰფარა შავნაბადა, თაბორი და ტაბახმელა.

ალა-მაჰმად-ხანი კი საათ-ნახევარი უშენდა ყუმბარებს იოანე ბატონიშვილის სანგრებს. მერე ნიშანი მისცა და კვლავ ზარდამცემი ღრიანცელითა და გნიასით გაქანდნენ წინ ყიზილბაშთა კორპუსები.

ისევ დაუხვდნენ ქართველები. კვლავ მრავლად ეცემოდნენ სპარსნი. მაგრამ ეცემოდნენ ქართველებიც. ეტყობოდა, სიმრავლეს მაინც თავისი უნდა გაეტანა. მისჭირდათ ქართველთ; სანგართა მეორე რიგისკენ იწყეს დახვევა.

მაშინ ერეკლემ უბრძანა ძეს თვისას ვახტანგს, მიშველებოდა იოანეს.

ვახტანგ ბატონიშვილმაც იშიშვლა ხმალი და დასხლიტა ცხენი. პირჯვარი გადაისახეს და გველისპირულები გაიძრეს არაგველებმა; მათთან ერთად „ადგილსა საბრძოლელსა“ მიაშურეს ქიზიყელებმა და მაჩაბლის შადიანით ცეცხლმოდებულმა თბილისელებმა.



ქართველთა მამული ქარის შეტევა ზევის დაქანებას ჰგავდა. სპარსელთა პირველი რიგები გაკაფეს და გადათქერეს. ქართველთა ომანიან ყოინაში მკვეთრად ისმოდა დავით მაჩაბლის შადიანი. არაგველები რისხვით გატენილი მზერიითა და მქეპარე შეყვივლებით ჩხიბავდნენ მტერს, გველისპირულს ელვასავით იქნევდნენ და ალმედად ჰკვეთდნენ. ყიზილბაშები ზარდაცემული გარბოდნენ, მაგრამ ზურგში ხომ თურქმანთა ხელით სიკვდილი ელოდათ.

შაჰი-საჭურისი კი არ ცხრებოდა. დორბლმორეული ისევ და ისევ ბრძოლად აბამდა სპარსელთა ახალ ათასეულებს.

მხეცადქცეულ ადამიანთა ურთიერთჩეხვა ერთხანს ერთ ხაზზე მიდიოდა შენივთებულად. მეომრები დახოცილთა გვამებს ედებოდნენ და ეცემოდნენ; ფეხი ცურავდა და სხლტებოდა სისხლით ატალახებულ მიწაზე; მუხლი იკვეთებოდა, მკლავი იქანცებოდა, გული ძრწუნდებოდა.

საწვიმარი მწვავე სიცხე ჩამოწვა. ჯანლიანი ჰაერი სულ შეიხუთა. ვახტანგმა და იოანემ ერთხელ კიდევ ომანიანად შეუძახეს და მხნედ წარუძღვნენ ჯარს, დავით მაჩაბლის ხმალიც ელავდა და შადიანიც წკრიალებდა.

ისევ წინ გაიჭრნენ არაგველები. უმოწყალოდ სცელავდნენ მათი გველისპირულნი. მხარდამხარ მისდევდნენ ქიზიყელნი და თბილისელნი. გააპეს და ღრმად შეიჭრნენ სპარსელთა სქელ რიგებში. ქართველები მთელის ფრონტით გადავიდნენ შეტევაზე. განადგურებულ და გაქცეულ სპარსელთა შეკაეება ველარც თურქმანებმა შეძლეს. უკვე გაოგნებული შაჰის წინაშე ეცემოდნენ სასიკვდილოდ დაკოდელი მისი მეომრები. შეიდი ძმადნაფიცი ვაჟაკი დაწინაურდა არაგველთაგან და პირველნი მიწვდნენ ირანელთა საომარ ღროშებს. არაგველებმა მტრის მედროშენი მათი მბრძანებლის თვალწინ ალმედად გადაჰკვეთეს, ღროშები დაითრიეს, ტარები მუხლის კვირისტავებზე გადაიმსხვრიეს და მახვილოსანი ლომის ღერბიანი ქსოვილები კბილებით დაფხრიწეს.

ამის შემხედვარე საჭურისის დუხჭირი სახე დაეპრანჭა, ბასილის-კოსებრ გვესიან თვალებში სისხლი ჩაუდგა, დაღმეჭილი პირიდან ცოფიანი ლოშქრი ჰყარა და იყვირა:

„სიყრმითგანვე მთელი ჩემი სიცოცხლე ომებში გამიტარებია და აქამომდე არ მოვსწრებხივარ, მტერთაგან ვისმეს ჩემთვის ასეთი ბრძოლა გაემართოს!“

იქნებ შაჰის შეპყრობასაც ფიქრობენ ეს თავზხელალებული ქართველები?!

უცებ საჭურისმა რომელიღაც სარდალი იხმო, — ალბათ ის,

რომლის კვლას და სიმამაცეს ყველაზე მეტად ენდობოდა, — და უბრძანა სპარსელთა მთლიანი ძალებით განეგრძო ბრძოლა და თუ წინ წაწევას ვერ შესძლებდა. რაღაც უნდა დაჯდომოდა, ქართველთა მძაფრი შემოტევები როგორმე შეეკავებინა.

ასეთი ბრძანება დააგდო, ცხენი მტკვრისაკენ შეაბრუნა და თურქმანებს შესჰყვილა:

„ვისაც შაჰი უყვარს და ვაყვაცობაც არ დაუყარგავს, ახლავე გამომყვეს: ხოლო, თუ მტკვარმა დამახრჩოს, ეცადენით, გვამი ჩემი მდინარიდან გაიტანოთ და მიწას მიაბაროთ!“

ეს სთქვა. თარაქამულ ცხენს ქუსლი ჰკრა და მტკვარში გადაეშვა. სამი ათასი თურქმანი მიჰყვა ჰენებით. მათგან სამასი კაცის დახრჩობა შესძლო მტკვარმა, თვითონ შაჰი მტკვრის მარცხენა ნაპირზე გავიდა (სოლანლულის პირდაპირ), კლდოვან ნაპირზე ფეხი ვერ დაიმაგრა, მაგრამ ზემოთ ნაპირს აუყვა და ერთ ბექობზე მოახერხა ასვლა. სანამ დანარჩენებიც გამოვიდოდნენ და თავს მოიყრიდნენ, ალა-მაჰმად-ხანი გულდასმით ათვალთვრებდა ქართველთა განლაგებებს და საერთოდ, ბრძოლის ველს სოლანლულ-შავნაბადას ვიწრობიდან თვით ნარიყალა-მეტეხის ხაზამდე. თან იგი ქართველთა მეწინავეებთან მეომარ სარდალს ხელების ქნევით ნიშანს აძლევდა, როგორმე შეტევა გაეძლიერებინა და მოპირდაპირე უკუეჭკია. როცა სამივე ათასეული შეგროვდა, შაჰმა ნაპირ-ნაპირ სვლა განაგრძო და ორთაქალასთან ფონით მტკვარი უკანვე, ისევე მარჯვნივ, გადმოლახა.

აშკარა იყო, საჭურისს სურდა ვახტანგ და იოანეს ჭარისათვის ზურგიდან შემოევლო და წინ გაჭრილი ქართველთა ეს ნაწილი ყოვლის მხრიდან ალყაში მოექცია.

ბატონიშვილებმა ალა-მაჰმად-ხანის განზრახვა შეიცვინეს და უკანდახევას შეუდგნენ. მათ პირველი ორი სასანგრო ხაზი გადმოიარეს და ის იყო მესამესაც მოაღწიეს, რომ ორთაქალის ბაღებიდან გადმოსულმა თურქმანთა ათასეულებმა, რომელთაც წინ თვით შაჰი მოუძღოდათ, ზურგიდან სროლა აუტეხეს. ვახტანგისა და იოანეს ჭარი, არაგველებით, ქიზიყელებითა და თბილისელებით, ალყაში მოექცა.

იმავდროულად უკვე სეიდაბადის ბაღებში შემოსულმა შაჰმა არმიის მეორე ნაკადი მარჯვნივ წარმართა და ქართველთა ძირითად განლაგებებს შეუტია: აქ მტკვრის გასწვრივ ქართველთა მარცხენა ფლანგი იდგა იოანე მუხრან-ბატონის მეთაურობით.

მუხრან-ბატონიც დაუხვდა მტერს.

საომარი ველი მთელი სისრულით შლიდა ფრთებს. სპარსელები უკვე სოლანლულის ვიწროებს გამოცდნენ და ფრონტი უფრო

ვრცლად გაშალეს. ბატონიშვილები და მათი თანამებრძოლნი თავგამეტებით სცემდნენ ურჩხულს: ხოლო ურჩხული ისე ეცემოდა, იფლითებოდა, სისხლად იღვრებოდა, მაგრამ მაინც წინ მიხობავდა.

გავეშებით უტევდა საჭურისი: მარცხნივ ბატონიშვილთა ზურგს. მარჯვნივ — მუხრან-ბატონს.

ხოლო როცა ქართველთა მარცხენა ფლანგსაც მისჭირდა, ქართველმა მეფემ ახალი ძალა (თუნდ ერთი მუჟა) ჩააბა ბრძოლაში. ახლა ერეკლე თვითონ გამოიჭრა ბრძოლის ველზე თავისი „ცენტრით“.

თითქოს მთელი მტკვრის ხეობა შეაჩყია პატარა კახის გამოჩენამ.

ერეკლე! რომელიც „თუმცაღა იყო ფრიად მოხუცებული, გარნა ბრძოლასა მის შინა ყოფაქცევა მისი იყო მრავალთა ჭაბუკთაგან სანატრელი“.

თითქოს ხერხემალში შიშის ქარმა ჩაუქროლა საშინელ დრაკონს.

თითქოს ზავთი და ლაზათი შეემატა არაგველთა საომარ ყვირის. თითქოს ახალი ძალით აინთო მაჩაბლის ნავლდაფენილი შადიანი.

სჩეხდნენ ქართველები.

ეცემოდა ურჩხული.

მაგრამ ეცემოდნენ და იცელებოდნენ ქართველებიც.

და თბილისისკენ დაჟინებით მოიწვედა ურჩხული.

გადაიშუადა. ჯანლიანი, ნესტიანი და ცხელი ჰაერი ად იძვროდა. წვრილი წვიმაც წამოვიდა. თითქოს მღუღარე ცვიოდა ციდან.

გონიდან გადასული მეომრები ველარ ერკვეოდნენ, თუ რა იყო მათ ტანზე მომდინარე უსიამო, ცხელი სისველე: წვიმა, ოფლი თუ სისხლი?!

გუგუნებდნენ ზარბაზნები.

ჰეჰდნენ თოფ-დამბაჩები.

წკრიალებდნენ ხმლები.

კვესავდნენ სატევრები და იატაგანები.

იარალის ზათქი და ზრიალი, ცხენთა თქარათქური და დაჭრილთა გმინვა აყრუებდა კრწანისის ველს.

ეს მერამდენედ ესმოდა თბილისის კარიბჭეებს სიკვდილის ზარდამცემი ხმიანი?!

მერამდენედ ეგებებოდა „ბედნიერი ქართული მიწა“ უცხო მიწიდან შხამიან გესლად მოტანილ უბედურებას?!

თოფ-ზარბაზნების მორიგმა გრიალმა შეარყია დედამიწა.

ტყვიამ უეცრად ძირს დასცა ალა-მაჰმად-ხანის ცხენი. მასთან ერთად დაეცა საჭურისიც. ფიცხლავ მოართვა ვილაცამ სამაგიერო. იგი ისევ ამხედრდა და შეუტია.

ირანელთა რიგები ათეულ-ასეულობით იქლიტებოდა. მაგრამ სიმ-ცირე ურჩხულს მაინც არ ეტყობოდა.

ქართველთაგან თითო-ოროლას დაცემა უფრო შესამჩნევი ხდებოდა. მათი რიგები შეუბრალებლად თხელდებოდა.

ერეკლემ უკან დახვევის ნიშანი მისცა. ქართველთა ცენტრი და მარცხენა ფლანგი ნელიად უკანსვლით, ზუსტი დამიზნებითა და მტრის ცელვით, თავის სანგრებს დაუბრუნდნენ.

ალყაში იბრძოდნენ ვახტანგ და იოანე. თითქოს საეჭველიც აღარ იყო მათი ლაშქრის სავსებით განადგურება.

მაგრამ ერთხელ კიდევ სძლია სიკვდილი ვაჟკაცობამ. ერთხელ კიდევ შეუტის არაგველებმა და დაწინაურდნენ არაგვის წყალში განათლული გველისპირულებით. თბილისის მიმართულებით, ალა-მაჰმად-ხანის ნათესავ თურქმანთა მხრისკენ, შეუტის ქართულ მთიანეთში ნაშობმა ვაჟკაცებმა. თურქმანებმაც ველარ გაუძლეს. ქართველებმა მათგანვე ჩახოცილ გვამთა გროვანი გადათქერეს და ალყიდან გააღწიეს.

თავზარდაცემული, გაოცებული და გაოგნებული შაჰინ-შაჰი ხედავდა, როგორ მიდიოდნენ ერთიმეორის მიჯრილ-მიყრდნობით, ზურგმუხუქეველად, პირით მტრისკენ, ხმლებისა და ფარების ქნევით, უკვე ბზარდაკრული ყიყინითა და ბრაზიანი სიმღერით, დაჭრილ-დაფლეთილი და სისხლდადენილი ქართველები, რომელთაც წინ უდგნენ ასევე დაჭრილ-დაკოდილი და სისხლში მოსვრილი უფლისწულები — ვახტანგ და იოანე.

ასე მივიდნენ ისინი თავის მეფესთან და მის ბანაკს შეუერთდნენ. მაგრამ რალა შეუერთდნენ?

ბევრი შეჰკედომოდა ურიცხვ მტერს.

ქიზიყელ და თბილისელ მეომართა უმრავლესობა გაწყვეტილიყო.

სამასი არაგველიც უკვე აღარ იყო სამასი.

მცირე ხნით შეწყდა ხელჩართული ხოცვა-ყლეტა კრწანისის ველზე. თითქოს, ორივე მხარე გაოცებისგან გარინდულიყო.

ირანელნი:

რა უკვდავება შესდგომოდა ამ უცნაურ ერთმუჟა ქართველთ! ქართველნი:

ამ სპარსულ ურჩხულს, რამდენ თავს მოჰკვეთ, იმდენ ადგილზე ერთის სანაცვლოდ ასი თავი აღმოცენდება!

იმ მცირე ჟამს მხოლოდ ზარბაზნები გრიალებდნენ. ალა-მაჰმად-ხანის არტილერიისტებს უკვე მოესწროთ ზარბაზნების ატანა კრწანისის ბაღების თავში და იქედან უშენდნენ თბილისის კედლებთან ჩასაფრებულთ. თბილისის ციხიდან საპასუხოდ ჰქუხდნენ გიორგი გურამიშვილის ქვემეხები. ხოლო მალა, ნისლით დაფარულ თაბორიდან დავით ბატონიშვილის ზარბაზანთა ბუბუნი მოდიოდა. იქ სპარსელებს კიდევ განეახლებინათ შეტევა. ეს სწორედ ის დრო იყო, როცა დავითმა კიდევ ერთჯერ აოტნა დიდად დაზარალებული მტერი, მაგრამ საუბედუროდ მან მაინც არ იცოდა, რა ტრაგედია ახლოვდებოდა გაუმზირალი ნისლის ზღვის ქვემოთ თბილისის კართან.

ჟამად ხუთი საათი იქნებოდა, როცა შაჰ-საჰურისმა მთელის ძალებით გადამწყვეტი იერიში ბრძანა.

ქართველებიც დაუხვდნენ „მთელის ძალებით“.

კრწანისის ველი ოძრახევის ზემო წელიდან ორთაჰალის ბაღებამდე მთლიანად ირანელებით იყო ავსებული.

ერეკლეს, ვახტანგს, იოანეს და იოანე მუხრან-ბატონს რამდენიმე ასეული დაქანცული და დაჭრილ-დაკოდილი მეომარი შემორჩენოდათ.

მხოლოდ იმერთა ჯარი იყო ჯერჯერობით ხელუხლებელი: ზურაბ წერეთელი — მარჯვენა ფლანგზე და სოლომონ მეფე ღრმა ზურგში.

როცა ალა-მაჰმად-ხანმა მთელის ფრონტით შეტევა ბრძანა, ერეკლემ წამსვე აფრინა მალემსრბოლი ზურაბ წერეთლისაყენ ბრძანებით: დაუყოვნებლივ კონტრშეტევაზე გადასულიყო.

და თვითონაც დარჩენილი ჯარის ნაფლეთებით უკანასკნელად შეება მტერს.

კატასტროფის ჩარხი ელვის სისწრაფით დატრიალდა.

ერეკლესაგან წარგზავნილმა მალემსრბოლმა მარჯვენა ფლანგამდე ვერ მიაღწია: იგი სპარსელებმა შეიპყრეს და მოკლეს.

ხოლო როცა ზურაბ წერეთელმა შენიშნა, რომ მტერი ჩრდილო ფლანგიდან სწრაფი მარშით უვლიდა, თვითონაც სწრაფადვე უკანდახევა დაიწყო; მას ალბათ ველარ წარმოედგინა, რომ პატარა კახი ასე მცირე და გაჩანაგებული ჯარით შეებედავდა კონტრშეტევაზე გადასვლას.

ერთი სიტყვით, იმერთა ჯარი და მათი სარდალი, რომლებიც წინა დღით ქართველთა საარაკო გმირობის ღირსეული მონაწილენი

იყვნენ. გადაწყვეტ მომენტში, საბედისწერო გაუგებრობის გამო, „საბრძოლელი თალპიონის“ გარეთ დარჩნენ.

ზურაბ წერეთელი თბილისში ნდგარ თავის მეფეს, სოლომონს შეუერთდა, ხოლო სოლომონმა თავისი მხედრობით მაშინვე იმერეთს მიაშურა, ისე რომ, არც კრწანისის საომარი თეატრი უნახავს. არც სასიკვდილო განსაცდელში ჩაყარდნის გმირი პაპა მოუერთხავს და არც თბილისის კატასტროფის აღსაკვეთად მოუვლია ხელი ხმლის ვადაზე.

ხოლო ერეკლემ არაა იცოდა, რომ მისი მარჯვენა ფლანგი აღარ არსებობდა.

არაა იცოდა, რომ ნარიყალასთან სპარსელთა კორპუსებს გასაოცარი ვაჟაკობით შეეკვდომოდნენ გიორგი გურამიშვილი და მისი მეზარბაზნენი.

სეიდაბადზე პატარა კახი და მისი უკანასკნელი ქართველობა გახლეჩილი ხმალთავეთებით აკავებდნენ მტრის ოკეანეს.

ერთი საათის განმავლობაში ჰკვეთდნენ, ჩეხდნენ, მაგრამ თვითონაც იკვეთებოდნენ და იჩეხებოდნენ.

საბედისწერო რკალი იკვრებოდა.

და უკანასკნელ გმირთაგან რომელიღაცამ შენიშნა, რომ მათი მეფე, პირველად მის დიდ სიცოცხლეში მხოლოდ სიკვდილსა ეძებდა, მის ღირსსაფერ, მშვენიერ სიკვდილს.

და ყველამ, როგორც ერთმა, მოითხოვა, „რათამცა მორიდოს მეფემან და არა მისცეს თავი თვისი სიკვდილსა და განსაცდელსა!“

„შენ სიკვდილის ნება არა გაქვს, მეფე ბატონო!“

„რამეთუ სადმე გეწიოს შენ ძვირი ან ბოროტი რაიმე. უმეტეს განლადნენ მტერნი და უყოფენ ძვირსა ქვეყანასა ჩვენსა!“

სიკვდილს გადარჩენილმა სამასიოდე ქართველმა მეფის გარშემო სალტე შეჰკრა და სეიდაბადიდან ბრძოლით უკანდახევა დაიწყო.

ერეკლემ კიდევ სამჯერ გაიბრძოლა; სამჯერ კიდევ შეძლო დაქანცულმა და სისხლდადენილმა ქართულმა გუნდმა მტრის უკუგდება.

ხოლო, თბილისში შემავალ „განჯის კართან“ ერეკლე უკანასკნელად გამოეჭვა თავისიანებს და უთვალავ მტერს უკანასკნელად შეუტია.

უკანასკნელად შეუტია.

უკანასკნელად ამ ბრძოლაშიც და საერთოდ მთელს მის სიცოცხლეშიც!

აქ რომელიდაც გათავხედებულმა ყიზილბაშმა გააცნო ერეკლე-საგან უკანასკნელად გასროლილი ტყვია.

აქვე გაისმა ერეკლეს უკანასკნელი, სახელგანთქმული „ჰკა, მაგ წუნკლებსა!“

მაგრამ ამჯერად მხოლოდ სიკვდილისათვის!

სიკვდილმაც თითქოს არ დააყოვნა: პატარა კახი ყოველი მხრით მტრით იყო გარშემორტყმული.

მაგრამ ხომ შეიძლება სამარცხვინო ტყვეობამაც წინ უსწროს სიკვდილს!

სათაყვანო გმირსა და საძულველ მტერთ შორის გაურღვეველ კლდედ აღიმართნენ უკანასკნელი არაგველნი.

ორივე მხრიდან მიცივიდნენ მეფეს შვილი და შვილიშვილი — ვაზტანგ და იოანე. მუხრან-ბატონმაც ცხენის ჯილავს უტაცა ხელი. ბოლო ზაქარია ანდრონიკაშვილმა მათრახი უჭირა ცხენს.

ასორმოცდაათი კაცი ვაჰყვა ხმლის ქნევით მეფეს.

უკანასკნელად ელავდნენ არაგვისპირული გველისპირულები თბილისის კართან.

უკანასკნელმა არაგველებმა „კვლავაც მრავალნი მოსწყვიდნეს სპარსნი“.

აჰა, ერეკლემ თავისი გუნდით მიადწია ავღაბრის ხედს და სწორედ იმ ჟამს, საღამოს 7 საათზე, სამუდამოდ წმიდათაწმიდად აღესრულა დილის 7 საათზე დადებული უწყინდესი ფიცი:

უკანასკნელი არაგველნი მათგანვე დაჩეხილ მტრის გვამთა გროვაზე ესვენენ შორიდან ნატყორცინი გმურებით მკერდშელეწილინი.. საშინლად შეძრული მეფე ძლივს გაიყვანეს ხილზე.

იგი ჩავიდა აბო თბილელის ნიშში, მუხლებზე დაეცა, ჟამკანონი გადაშალა, ცრემლით დაალტო და ქვეყნის ხსნა ღმერთს შეავედრა. მერე ისევ ძალით გაიყვანეს და იმ გზით გაატარეს, საიდანაც მის დასახსნელად ყველაზე დიდი ქართველი გმირნი ჩამოსულიყვნენ, — საარაგვოსკენ!..

მახათას მთის ძირს მოატანა ერეკლემ, როცა თბილისის მხრიდან საშინელი, გულისშემძვრელი ქალთა კივილი, კაცთა ზმუილი და ბავშვთა წივილი გადმოსკდა ზეცას.

მეფე ისარკრულივით შემობრუნდა და დაიღრიალა:

„მე თქვენთვის უნდა მოვმკვდარიყავი და ჩემს სანაცვლოდ თქვენ იხოცებით! აბა, რაღასი მიფე ვყოფილვარ, თუკი ვერას-გზით ვერ დაგიფარებთ? არა, არა, მეც თქვენთან უნდა მოვკვდე, ჩემო შვილებო!“

შესძახა და ცრემლის ფრქვევით ისევ თბილისისკენ დასხლიტა ცხენი, მაგრამ უყელეს მისიანებმა და შებოკილ მეფეს ისევ სარაგვოსკენ აქცევინეს პირი.

ნისლმა და ჯანლმა გადაიწმინდა.

დავით ბატონიშვილმა თაბორის მთიდან ახლა დაინახა, რა კატასტროფაც დასტყდომოდა მის სამშობლოს:

თბილისი ირანელებით ივსებოდა.

ბრაზმორეულმა და ბოღმით გულატირებულმა უფლისწულმა ზარბაზნებს საკეტები ახსნა და ხელიერთპირად ხევში გადაჩეხა. მერე სასწრაფოდ ქალაქს სამხრეთიდან გადაუარა და დამარცხებული პაპის გზას გაჰყვა ანანურისკენ...

კრწანისის ბრძოლა დამთავრდა.

ომის ღმერთს შეეძლო, მცირე ხნით ტკბილად ჩაეთვლიმა, უზომო სისხლით გალეშის.

კიდევ ერთხელ აღესრულა სისხლიანი ზორვა ქართველთა.

ჯერ კიდევ კვნესოდა კრწანისის ველი, მტერ-მოყვარის გვამთა გროვებით დახერგილი და დამძიმებული.

იწვა 15.000 სპარსელ-თურქმანი.

მათ შორის მიმოფანტული 3.000 ქართველი.

ავათგან — სამასი არაგველი.

სამასი წმიდა, ღვთაებრივი გმირი.

სამასი დაღუწილი გველისპირული.

სამასი მკერდგაპობილი და გულდალახვრული ქართველი გლეხი-ასე პატიოსნად და წრფელად მოკვდნენ ისინი.

ხოლო „თესლი წრფელთა იკურთხოს!“

ასე მოკვდნენ, რამეთუ სამარადყამოდ უკვდავნი ყოფილიყვნენ. იწვნენ კრწანისის მიწაზე უკვდავნი, ვითარცა „სიკვდილითა სიკვდილისა დამტრგუნველნი“.

ხოლო კრწანისი იყო, ვითარცა სატანის ხელით ჩახსნილ-ჩაშლილი საკინძე საქართველოს მღელვარე მკერდზე...

ხოლო 1795 წლის 11 სექტემბერი, დღე სამშაბათი, — ვითარცა დღე — ქართველთა უიღბლო გმირობის აპოთეოზით...



## თავი მეხამე

### კრწანისის შემდგომ

#### Val victis!

„დადა იგი ყოველსა გზასა და ბოროტი არა მოეწყინა“.

ფსალმუნო

„შე ის მესიზმრა, რომ საქართველოს თავია ბოლომდე ცეცხლი ეკიდა, თვით ჩემს სრა სახლსა — სამეფო

ტახტსაც.

მტერი სთელავდა ხალხსა ფესითა“.

გაქა-ფშაველა

ციდამტკაველა საჭურისი თბილისში „განჯის კარით“ შემოვიდა, აქეთ-იქით ჭავათ-ხან განჯელი და იაკობ ბებუთოვი მოჰყვებოდნენ. მათ უკან ოციათასზე მეტი ყიზილბაში და თურქმანი მოთქარუნობდა. ყველა უკლებლივ ბოროტი გულით და მძარცველური სულით გატენილი.

აბანობთან საჭურის-მბრძანებელს თბილისელი მუსულმანები შემოეგებნენ: წინ მოღები მოუძლოდნენ ყურანის კითხვა-ყივილითა და სამსხვერპლო ტარიგთა კიკინით. მიეახლნენ, ცხენის მუხლებში ჩაუცვივდნენ, „ალლაჰ-ილალაჰით“ ლოცვანი აღუვლინეს და ქართველთა სისხლში ნაბანი ცხენის ფეხები სამსხვერპლო ცხვრების სისხლით განუბანეს.

საჭურისმა შემხვედრთ ბასილისკოს თვალები დაამტერა და ჯერკვლად თქვა:

„ყველამ ჩასთვალეთ, თითქოს ალაჰის სამსჯავროში მოხვედრილიყოთ; ალაჰისა, რომელსაც ყოველმა სულმა ანგარიში უნდა მისცეს საკუთარი შეცოდებისათვის“.

და დაიწყო ცოდვა-მადლის გაკითხვა „მსჯავრითა ალაჰისათა“.

დაიწყო ნამდვილი, „კლასიკური“, ყიზილბაშურ-თურქმანული ძარცვა, ნგრევა, ნამუსის ახდა, ცეცხლის წაქიდება, ტყვევნა და ხოცვა კაცთა, ქალთა და ძუძუთა ბავშვთა. დედაბუდიანად ამოგდებამ და უბოროტესმა იავარქმნამ დაისადგურა საქართველოს დედაქალაქში. თბილისელები იბრძოდნენ ვაჟკაცურად და ნამუსიანი სიკვდილისათვის, ბარიკადებით იხერგებოდა ფოლორცები და ქუჩაბანდები. ანჩისხატის უბანში გარსევან ამილახვარის ახალგაზრდა ცოლი ხანჯლით შეება მომხვედურ ირანელ მეთაურებს, ორი მათგანი სიცოცხლეს გამოასალმა, მაგრამ თვითონაც დაიჭრა. ყიზილბაშებმა შეთოკეს და ბოლოს ვიღაც დარუბანდელ თათარს მიჰყიდეს. ძალიან ბევრი თბილისელი ასეთი თავგანწირვის მსხვერპლი შეიქნა. ვინც სიკვდილით თავის დახსნას ვერ ახერხებდა, ირანელები ბოროტად აღებულს მიერეკებოდნენ სოღანლუღის ბანაკისაკენ.

ჯავათ-ხანი ქართველი მეფის სასახლეში მიუძღვა აღა-შაჰმად-ხანს. საჭურისმა ჯერ გულდასმით დაათვალიერა სამეფო რეზიდენცია, განსაკუთრებით დაინტერესდა მისი მოკაზმულობითა და სალაროებით. ყველაფერი, რაც ძვირფასად მიიჩნია, სასწრაფოდ დაიტაცა, მრავლად ნაძარცვ ოქრო-ვერცხლის ნივთთა შორის აღმოჩნდა ქართველთა მეფის ხელმწიფური ინსიგნიები — გვირგვინი და სკიპტრა. აღა-შაჰმად-ხანმა ყველაფერი სათავისოდ დააბინავა და ერეკლეს ტახტზე დამწვინებით დაბრძანდა. ეს იმას ნიშნავდა, რომ გამარჯვებული ხელმწიფე სადარბაზოდ იწვევდა თავის ქვეშევრდომთ... ესენიც მოდიოდნენ, მბრძანებელს მუხლებში უვარდებოდნენ და თან თბილისური ნაძარცვის „ლომის წილსაც“ მიატომევდნენ. მარტო ჯავათ-ხანმა ოცდათორმეტი მშვენიერი თბილისელი ქალ-ვაჟი მოუყვანა შაჰინ-შაჰს.

ნადავლანი დარბაზობით ნასიამოვნებმა საჭურისმა აქ ერთჯერ კიდევ განაცხადა წინა დღეებში ნათქვამი: ჩემს სიცოცხლეში ამდენი ბრძოლები გადამიხდია და ასეთი წინააღმდეგობა არსად შემხვედრიაო.

მერე სასახლიდან გამოვიდა და ჯარს ხელახალი ძარცვა-გლეჯისა, რბევა-ნგრევის ნიშანი მისცა. თვითონ მარმარილოს ქვით ნაგებ სამეფო აბანოებში შევიდა. „სთნდა ფრიად შენებულუბა მისი, რომელ იყო მარმარილოთა და თლილთა მიერ ქვათა ნაშენი, და აგრეთვე დაუკვირდა სიკეთე ტფილისისა მიერ წყლისა, რომელნიც სდიან ტფილისსა შინა კლდეთაგან ტფილისისათა ბუნებითად ტფილნი წყალნი და რაოდენ გზისმე განიბანა მას შინა“ თავისი

დამქანარ-დამღეპილი სხეული. მერე ამოვიდა და აბანოების დან-გრევა ბრძანა. ამასობაში სამეფო სასახლე სულ დაენგრია და და-ექცია ირანელთა ჯარს. აღარსად იყო ლამაზი კამარდნი და აუზები, აღარც მდიდარი წიგნთსაცავეები და ყველა სახის სათავსოები. ნგრე-ვაში გაწაფულმა დამპყრობლებმა დაანგრიეს, დასწვეს და მიწასთან გაასწორეს სემინარია, სტამბა, ზარბაზნების საჩამომსხმელო სახე-ლოსნოები, ზარაფხანა და თოფ-იარაღის საცავი არსენალები. აღ-მაჰმადმა არტილერიის ჩამომსხმელი და გამმართველი ქართველი ოსტატები საგანგებო სიფრთხილითა და „რუღუნებით“ გაამზადა ირანისაკენ წასაყვანად, რამეთუ მათა მეოხებით აღმადლებინა სა-არტილერიო ძალმოსილება თავის სამბრძანებლოში.

აღა-მაჰმად-ხანის მეომრები ანგრევდნენ და ბილწავდნენ ქრის-ტიანულ ტაძრებს, ეკლესიებს და სამლოცველო ნიშებს, უწყალოდ ხოცავდნენ ქართველ და სომეხ მღვდელმსახურთ, — მახვილებით აღმედად ჰკვეთდნენ, ანდა მტკვარში ჰყრიდნენ და ახრჩობდნენ. ყო-ველი ტაძრის, კერძო სახლის, თუ დუქნის ბალაევრში ალაჰის რა-ინდებს ოქრო-ვერცხლი ელანდებოდათ, ამიტომ საძირკვლებს თვი-თონაც თხრიდნენ, თბილისელებსაც ათხრევინებდნენ, მერე. რაკი ვერაფერს იპოვნინდნენ, შენობის პატრონებს ხოცავდნენ, ხოლო თვითონ შენობებს ცეცხლს უკიდებდნენ.

ათი დღე-ღამე ფერფლად და ავლად იწვოდა თბილისი, ათი დღე-ღამე იქლიტებოდნენ თბილისელები. იხრჩობოდა ქალაქი სი-სხლისაგან, ცრემლისაგან, ბოღმისაგან, კვამლისაგან და დაუმარხა-ვად დახვრილ გვამთა ხრწნადობისაგან. ათი დღე-ღამე ესვენა თბი-ლისი ყოფნა-არყოფნის სასწორზე.

„ხოლო მე ენა ვერ მიძრავს საკვირველისა და საშინელის თქმად“: უსჯულონი მაჰმადის სჯულით ძუძუთა ბავშვებს ჰაერში ისროდნენ და, ხმლის სიბასრე რომ გამოეცადათ, შუაზე სჩე-ხავდნენ...

მეთერთმეტე დღეს აღა-მაჰმად-ხანი თავისი არმიით თბილის-სოღანლულიდან გავიდა და ირანისაკენ გაეშურა. მას თან მიჰყე-ბოდა აურაცხელი ნაძარცვი და ათი ათასამდე თბილისელი ტყვე, უმრავლესობა ქალი და ბავშვი.

რად აჩქარებულა საქურისი მბრძანებელი? განა ძარცვა, რბევა და სისხლის თხევა მოყირქებია?

საქურისი მიხვდა, რომ თბილისის აღება და აოხრება თურმე საქართველოს დაპყრობას არა ნიშნავდა. ჯერ, თბილისში შესვლის-თანავე მან ერეკლეს შესაპყრობად და ქართლ-კახეთის მოსათარე-შებლად რვაათასიანი კორპუსი გაგზავნა ნახჭევანის ხანის, ქალბ-ალის მეთაურობით. მცხეთაში მისვლისთანავე ირანელები ტაძრებ-სა და ეკლესიებს მიესივნენ, მაგრამ მათი აოხრება, ჩვენდა საოც-რად. თვითონ სარდალმა არ დაანება:

„არა ჯერ არს, სადა იგი არს თაყვანის საცემელი ღვთისა შე-ურაცხყოფად, და არცა სამარხი მეფეთა“.

ეს უთხრა თავის კარისკაცებს ქალბ-ალი-ხანმა „და განდევნა იგინი გარე“.

ქალბ-ალი-ხანის არმიის ერთი ნაწილი გორისაკენ გაემართა. ირანელებმა გზად მუხნარი და ქალაქ გაიარეს, მაგრამ საკბილო ვე-რაფერი იპოვნეს: შიდა ქართლის სოფლები დედა-ბუღდიანად მთებ-ში გახიზნულიყვნენ. გორიც ევაკუირებული დახვდა მტერს. მხო-ლოდ გორის ციხეზე იღვა ქართველთა მცირე გარნიზონი, რომე-ლიც ირანელებს ჩამოეგება და ფიცხელი შეტევით აოტნა ისინი. ცხინვალისაკენ გაემართნენ ირანელები. გზად ისევ დახიზნულ-და-ცარიელებული სოფლები ხვდებოდათ.

ლამისყანასთან იოანე ბატონიშვილი გამოუხტათ და სასტიკად დაამარცხა სპარსელნი. ბოლოს და ბოლოს, ირანელები იძულებუ-ლი გახდნენ, უკან ძლეულ-შერცხვენილად დაბრუნებულყვნენ.

ირანელთა ერთი ნაწილი, თვით ქალბ-ალი-ხანის მეთაურობით, არაგვის ხეობას აუყვა. მას ხომ ერეკლე მეფის დატყვევება და სა-არაგვოს დაპყრობა ჰქონდა დავალებული. ჟინვალამდე კაცის სული არსად შეხვედრიათ ირანელებს.

ხოლო ჟინვალს ამ დროს მთიდან წამოსული სამასამდე თუშ-ფშავ-ხევსური მოადგა. მათ გვიან გაეგოთ საყვარელი მეფისა და სამშობლოს გასაჭირი და „მგლურით“ მოეშურებოდნენ სამხრეთი-საკენ.

ჟინვალის მახლობელ იალაღებზე შამშადილიდან გადმოხიზნული მწყემსები აძოვებდნენ საქონელს; ორასამდე შამშადილელს მათი ბელადი, ერეკლეს ერთგული ყმადნაფიცი, ალი-სულთანის თან გად-მოჰყოლოდა. სწორედ ამათაგან შეიტყვეს მთიდან წამოსულმა ქარ-თველებმა კრწანისის ტრაგედიისა და თბილისის დაცემის ამბავი.

როცა ირანელთა ჯარიც გამოჩნდა, ამ სამასმა თუშ-ფშავ-ხევ-

სურმა ალი-სულთანს სასწრაფო შეკავშირება და მტერთან საერთო ძალით შებმა თხოვა. ალი-სულთანიც დათანხმდა.

და აი, ეჩნვალთან ხუთასი ვაჟკაცი (300 ქართველი და 200 შამშადილელი) ოთხიათასიან ირანულ კორპუსს შეება.

საშპობლოს სიყვარულმა, მისთვის თავგანწირვამ და ვაჟკაცურმა სიქველემ ისევ თავისი გაიტანა: დამპყრობლები განადგურდნენ. გამარჯვებულებმა საყვარელ მეფეს სასიხარულო ძღვევის ამბავთან ერთად ირანელი ტყვეებიც მიჰგვარეს.

მკორე ჯარით გადაარჩენილმა ქალბ-ალი-ხანმა ძლივს ჩაატანა თბილისამდე, სადაც თავის მბრძანებელს, მარცხის გარდა. ისიც შეატყობინა, რომ ერეკლე მეფე დუშეთში ქართველ მხედრობასაც აგროვებს და რუსის ჯარსაც ელოდებაო.

საეპოც. თითქოს, აღარაფერი უნდა ყოფილიყო. აღა-მაჰმად-ხანი გრძნობდა, რომ განკითხვის ეპი ბოროტებათათვის ყოველთა, თუ რაიმე თავდასახსნელს დროზე არ მოიფიქრებდა, — სწორედ რომ შალე უნდა დამდგარიყო. იგი დღე-დღეზე ელოდა ქართველთაგან სარევენო შემოტევას. მთელი ღამეები არ ეძინა შემოთებულსა და თავზარდაცემულს. თბილისში საჭურისი ვერც თვითონ ბედავდა ღამის გათევას და არც ჯარს აჩერებდა; როგორც კი დღიურ ძარცვა-რბევასა და ხოცვა-ტყვევნას მორჩებოდნენ, მზის დასაულისთანავე სოღანლულის ძლიერად გამაგრებულ ბანაკში გარბოდნენ თავშესაფარად.

ბოლოს, აღა-მაჰმად-ხანმა ერეკლესთან აფრინა ელჩი. ვინმე ყარაჰან ენიკოლოპიანი, და შერიგება შესთავაზა. ზავის პირობებად ირანის შაჰი ქართველ მეფეს უთვლიდა: ჩემი ხელისუფლება სცანი, მძევლად ერთი შვილი ან შვილიშვილი მახლე. აზატ-ხანზე წართმეული აღმასი და პოტიომკინისგან ნაჩუქარი დიდი საათიც გამომიგზავნე, შენთან შეხიზნული ყარაბაღელებიც გადმომეცი და, ყველაფერ ამის სანაცლოდ, ტყვედწაყვანილ ქართველებსაც დაგბრუნებ, თბილისში ყოველგვარ დანგრეულსა და დამწვარს ხელახლა აღგიდგენ და ჩემს სამუდამო „დოსტადაც“ გაგჩნდო.

ერეკლემ აღა-მაჰმად-ხანის ელჩი და წერილი 16 სექტემბერს მიიღო, ხოლო 17 სექტემბერს, დილითვე თვითონ ქართველმა მეფემ ორი ელჩი აფრინა სხვადასხვა მიმართულებით: ერთი გენერალ გულდოვიჩთან აღა-მაჰმადის „საზავო პირობებით“ და მეორე — თვით აღა-მაჰმადთან საპასუხო რესკრიპტით. ეს მეორე ელჩი იყო სუფრაჯი ქაიხოსრო ავალიშვილი, ხოლო ერეკლეს იმ წერილში, თბილისის დამწიოკებლისადმი, ასეთი რამ ეწერა:

„უკეთუ თავსა შენსა სპარსეთის ხელმწიფედ და მპყრობლად

განაცხადებ, რაისთვის წარტყვევენ ქალაქი ჩემი და ტყვე ჰყოფ მას შინა მცხოვრებთა, რომელთაც არარაი შეუტოდებიეს შენდა? და უკეთუ გენება გეჩვენებია საქმენი, რაიცა შეესაბამების ხელმწიფეთა, შემდგომად ბრძოლისა გმართებდა მცხოვრებთა მიმართ ტფილისსათა მიცემად მშვიდობისა. რომელიც მოსდრეკს ყოველთა ერთა დაზავებად. აწ აღინენ რჩევანი და განზრახვანი ჩემნი და განათავისუფლე მოქალაქენი ჩემნი, რომელნი ტყვე უქმნიეს მხედრობასა შენსა და მაშინ განვიზრახოთ მშვიდობისათვის და ზავისა ვითარ ჯერს არს და სამართალ არს აღვასრულოთ ყოველივე ეგვრეთ. და უკეთუ არა ინებენ ამას, მაშინ რაოდენ ძალიდების ჩვენ მიერ ვიმეცადინებთ სარგებლობისათვის ქვეყნისა ჩვენისა, ვინაიდგან ერთნი ქვეყნისა ჩვენისანი განრისხებულ არიან ამას ზედა, იხილეს რა თქვენ მიერ ეს ვითარისა სახითა შეურაცხება და უმჭირველობა მხედრობისა თქვენისა, აოხრება და ტყვე-ყოფნა ქალაქისა ჩვენისა და მას შინა მცხოვრებთა. და ვაცნობებთცა მპყრობელთა როსიისათა. რომელნიც ერთ სარწმუნოებრითა და მეზობლობითისა მშვიდობითა ჩვენ თანა შეკრულ არიან და არა თავს იღებენ იგინი თქვენ მიერ ბოროტისა ყოფასა ჩვენ ზედა“.

ეს ნამდვილი ულტიმატუმი იყო: თუ თბილისის აოხრებას თავს არ დაანებებ და ტყვე-ქართველობას არ გაათავისუფლებ, არამც თუ დაზავებაზე კრინტის დაძვრა, არამედ, საერთოდ, ჩემი ხალხის რისხვას ვერ გადაურჩებიო. ეს უბრალო დაქადნება როდი იყო; ერეკლეს „ძალიც შესწევდა ქადილისა“: მან ხომ „მისრულმან მთიულეთს, წარავლინა ყოველსა საბრძანებელსა თვისსა კაცნი, რათა განემზადნენ ბრძოლად და სადაცა აღუნიშნავს მას მეფევი, შეკრბნენ მუნ“. კახთა ლაშქრით უნდა მოსულიყო გიორგი ბატონიშვილი. ხოლო ქართლის მხედრობით — იულონ ბატონიშვილი. მოსალოდნელი იყო დამხმარე ჯარის გამოჩენა „როსიიდანაც“, მით უფრო, რომ ერეკლეს უკვე მკაცრი საყვედური ჰქონდა შეთვლილი გუდოვიჩისადმი: ჩვენ რომ თქვენს დახმარებაში დაიმედებული და დარწმუნებული არ ვყოფილიყავით, ალა-მაჰმად-ხანის ალაგმევასა და განადგურებას სხვა საშუალებითაც მოვახერხებდითო.

დაზავებაზე ლაპარაკიც და ფიქრიც მოისპო. ალა-მაჰმად-ხანის ზურგშიც ისევ არ იყო ყველაფერი რიგზე: ყარაბაღი ისევ იბრძოდა, ხორასანშიც აჯანყება დაწყებულიყო.

ერთი სიტყვით, სანამ გვიან არ იყო, სანამ საქურისს გამარჯვებულის ტიტულიც ხელიდან არ გავარდნია, მას უნდა გაესწრო საქართველოდან.

და გაასწრო კიდეც.

„რომელმან აღიღო მახვილი, მახვილითა წარწყმედნენ“.

მ ა თ ე, XXVI, 52.

ერეკლე თბილისში ჩამობრუნდა, კარავი დაიდგა და დანგრეულ-დაფერფლილი ქალაქის აღდგენას შეუდგა.

ამასობაში, როგორც იქნა, რუსეთის საიმპერიო კარმა ყურადღება მიექცია საქართველოში დატრიალებულ ტრაგედიას. გენერალ გუდოვიჩის ებრძანა, დაუყოვნებლივ გაეგზავნა ჯარი თბილისში. ამან თავის მხრივ პოლკოვნიკ სიროხნევის ათასხუთასი მეომარი და ხუთი ზარბაზანი ჩააბარა და საქართველოს იავარქმნილ დედაქალაქში გაგზავნა.

რუსული ლეგიონი 1795 წლის დეკემბერში მოვიდა თბილისს. ერეკლესათვის ეს დაგვიანებული მცირე წყალობაც დიდი იმედი იყო: საქართველოს მტრებს თვალნათლივ უნდა დაენახათ, რომ დიდი რუსეთი უკვე პრაქტიკულად კისრულობდა სისხლდადენილი ერთმორწმუნე მოძმის დაცვას.

ერეკლე მეფე სარეიანშო ბრძოლის საქმადისს შესდგომოდა.

ქართველთა მეფემ მოლაღატე ყმადნაჟიცებრს დასჯით დაიწყო. 1796 წლის აღრიან გაზაფხულზე მან აღექსანდრე და დავით ბატონიშვილები სახელდახელოდ შეყრილი ლაშქრით განჯაში გაგზავნა ჯავათ-ხანის დასასჯელად. სამხრეთიდანაც იბრეიმ ყარაბაღელის ჯარი წამოვიდა განჯისაკენ. ჯავათ-ხანი ციხეში ჩაიკეტა: ენაი ჯარები ქართველებმა სასტიკად დაამარცხეს და ქალაქს ალყა შემოარტყეს. მერე თვითონ ერეკლემ გიორგი და იოანე ბატონიშვილები იახლა და განჯას ახალი ჯარითა და საიერიშო „მანქანებით“ მიადგა. ქართველთა შურისგებით დამფრთხალმა ჯავათ-ხანმა დაზავება ითხოვა და ქალაქის გასაღებიც გამოგზავნა. ქართველები განჯაში შევიდნენ. ერეკლემ ყელზე საბელშებმული ჯავათი პირადად არ მიიღო და ყოველწლიურ ხარკად თხუთმეტიათასი მანეთის გადახდა დააკისრა. საქართველოდან წაყვანილი ათასამდე თანამოძმეც გამოიხსნეს და თან წამოიყვანეს გამარჯვებულმა ქართველებმა. განჯასთან მოპოვებულ წარმატებას ქართველთათვის ახალი სასიხარულო ამბავი დაერთო. ამ ამბავს საერთო კავკასიური წინააზიური და, გნებავთ, მსოფლიო მნიშვნელობის მასშტაბი ჰქონდა.

1796 წლის გაზაფხულზე რუსეთის საიმპერიო ხელისუფლებამ სპარსეთს ომი გამოუცხადა. ეკატერინე ომის დაწყების მიზეზად

აღა-მაჰმად-ხანისაგან საქართველოს აოხრებას აცხადებდა, ხოლო სინამდვილეში ომის მიზეზები კასპიისპირეთზე ირანელთა გაბატონებას და რუსეთის სავაჭრო-ეკონომიურ ინტერესთა დასუსტებას უკავშირდებოდა.

ასე იყო, თუ ისე, ირანისაგან შევიწროებული ამიერკავკასიის ხალხებისათვის სანატრელი და საოცნებო დრო დადგა. რუსთა ორმოციათასიანი არმია ეკატერინეს მორიგი ფაეორიტის, გენერალ-პორუჩიკ ვალერიან ზუბოვის მთავარსარდლობით შემოვიდა კასპიისპირეთში. ერთევირიანი ალყის შემდეგ, ათ მაისს, რუსებმა აიღეს დეგრბენდი, თხუთმეტ ივნისს უომრად შევიდნენ ყუბასა და ბაქოში.

კასპიისპირზე მომავალი რუსთა მხედრობის პარალელურად მეორე კორპუსი რიმსკი-კორსაკოვის სარდლობით, თბილისიდან წამოსულ სირახნევთან ერთად, განჯას მიადგა, ჯავათ-ხანმაც უბრძოლველად ჩააბარა ქალაქი.

შუა ნოემბერში ზუბოვის ჯარებმა მიალწიეს მტკვრისა და არეზის შესართავს. აქ უნდა დაარსებულიყო დიდი სავაჭრო და სამხედრო კოლონია — ეკატერინოსგრდი, სადაც უნდა დასახლებულიყვნენ ახალგაზრდა რუსი ჯარისკაცები, რომელთაც ცოლად უნდა შეერთოთ ქართველი და სომეხი ქალები.

წინა აზია შეარყია რუსთა მხედრობის კავკასიურმა ლაშქრობამ. აღა-მაჰმად-ხანი სასოწარკვეთას მაინც არ მისცემია. ჯერ მან თურქეთში აფრინა ელჩი და „საერთო მტრის“ წინააღმდეგ ერთიანი ძალით გამოსვლა მოითხოვა. მაგრამ თურქეთის ხელისუფლებისაგან უარი მიიღო. მერე ისევ ერეკლესთან შერიგება სცადა და წერილიც ასეთი მაამებლური ტიტულატურით გაუგზავნა: „უზენაესად პატივცემულო, მაღალადგილიანო, უბედნიერესო, ქართველ მეფეთა შორის გამოჩენილო, ერანის ყველა სახელოვან ხანთა შორის უპატივცემულესო, სრულიად საქართველოს მეფევე ერეკლე!..“ და სხვა მრავალი ამდაგვარი, მაგრამ „უზენაესად პატივცემულმა“ ქართველმა მეფემაც ქართველი ხალხის უბოროტესი მოსისხლე პასუხის ღირსადაც არ გახადა.

გამძვინეარებულმა აღა-მაჰმად-ხანმა იმ საბედისწერო ეამს მაინც მოახერხა ერთჯერ კიდევ ეზეიმა გამარჯვება თავის მტერთა ზედა. ეს მტრები იყვნენ თვითონ ირანში, ხორასნელები, რომელთაც სათავეში ედგათ ნადირ-შაჰის შთამომავალი ბრმა შაჰ-როხი. აღა-მაჰმადმა ხორასნელთა მთავარი ქალაქი მეშჰედი აიღო, აჯანყებულები ამოწყვიტა, დატყვევებულ შაჰ-როხს მიწაში ჩაფლული



ალმასის განძი ამოათხრევეინა და გესლიანად მიანთხია: შენ რომ ასეთი სიმდიდრის გამოყენება შეგძლებოდა, შაჰდაც დაჩხებოდი და მეც ბოლოს მომიღებდიო.

ალა-მაჰმად-ხანმა ხორასნის დამორჩილებისთანავე თავზე დაიდგა სრულიად ირანის ერთმპყრობელის გვირგვინი.

მაგრამ საჭურისი-ხელმწიფის დღეები უკვე ითვლებოდა. რიმსკი-კორსაკოვმა ერეკლე მეფეს საგანგებო თათბარზე პირადად გაუშხილა, რომ მომავალი წლის ადრიან გაზაფხულზე რუსთა მხედრობა შუაგულ ირანში შეიჭრებოდა. გენერალ ზუბოვს ირანში თან გაჰყვებოდა ქართველთა ჯარიც დავით ბატონიშვილის სარდლობით.

მაშ. რალა გზითა და საშუალებებით უნდა გამკლავებოდა ალა-მაჰმად-ხანი უკვე ყელს მომდგარ უძლეველ საფრთხეს? დღეს თუ ხვალ მისი ავზნიანი მბრძანებლობა მის ქვეყანასთან ერთად უნდა განადგურებულიყო.

და უეცრად, კვლავ ყველასათვის საესებით მოულოდნელად, ისევ შეტრიალდა კაპრაზი ფორტუნის ემსაბრუნავი. სწორედ 1796 წლის შუა ნოემბერს, როცა რუსთა მხედრობა მტკვარ-არეზის გზაკვანძზე იდგა და რუსულ-ქართულ-სომხური კოლონიაც უნდა ჩასახულიყო. გარდაიცვალა რუსეთის დიდი დედოფალი — ეკატერინე მეორე. ამის გამო ერეკლემ „დასდვა გლოვა 40 დღით საუფლისწულოთა თვისთა და სამეფოსა თვისსა“. ხოლო ეკატერინეს მემკვიდრემ, ახალმა იმპერატორმა პავლე პირველმა საგარეო პოლიტიკის მაგისტრალური კურსი მაგისტრალურად შემოაბრუნა, ზუბოვი მთავარსარდლობიდან გადააყენა და რუსთა არმიები ამიერკავკასიიდან უკან გაიწვია. გარსევან ჭავჭავაძე უჯიათ და გულღობო იმპერატორობიდან ვერაფერს გახდა: პავლემ თხოვნას ყურიც არ ათხოვა.

ალა-მაჰმად-ხანმა საგანგებო ფირმანებით აზერბაიჯან-დაღესტნის ხანებს შეუთვალა, რუსები ხომ გავაქციე და სანამ გვიან არ არის, ჩემი მბრძანებლობა აღიარეთო.

საჭურისმა ფირმანი ერეკლესაც გამოუგზავნა. იგი ქართველ მეფესაც არწმუნებდა, რუსები მე გავაქციე, რუსებმა ალებ-მიცემობის მეტი არაფერი იციან, საომარი საქმის არაფერი გაეგებათ, შენ კი მთელს ირანში დიდი სახელი და პატივი გაქვს და მოდი, ისევ შევრიგდეთო, და სხვა მისთანანი.

ალა-მაჰმადის ეს დიპლომატიური ნაბიჯი იმით გათავდა. რომ მისი ელჩი თბილისელებმა კინალამ დაკლეს. იქ მდგარმა რუსებმა

განწირული დაიხსნეს და ერეკლეს მიჰგვარეს. ერეკლემ ალა-მაჰმად-ხანს შერიგებაზე კვლავ ცივი უარი შეუთვალა.

1797 წლის გაზაფხულზე ალა-მაჰმად-ხანმა მუქარას საქმეც მოაყოლა და დიდი არმიით ჩრდილოეთისაკენ დაიძრა. ირანელები ყარაბაღს შემოესივნენ. იბრეიმ-ხანმა ამჯერად ველარ შეძლო წინააღმდეგობის გაწევა. მან არეზზე ხიდი დაანგრია და ბელაქანში გაიქცა. ალა-მაჰმადმა არეზი გადალახა, შუშაში უომრად შევიდა. შევიდა და მოლაღატე ხანების სასამართლო გამართა. ზოგი მათგანი სიკვდილით დასაჯა, ზოგსაც ბორკილი დაადო და საპატიმროში ჩაყარა. დატუსაღებულთა შორის ჯავათ-ხან განჯელიც იყო.

ალა-მაჰმად-ხანმა ახლა კვლავ საქართველო ამოიღო მიზანში.

ერეკლე ისევ მართლმმართველად ელოდებოდა გამძვინვარებულ მტრის ახალ შემოსევას. მეფე თბილისში თავს უყრიდა საომარ ძალებს. ქართველები „დიდისა და საძირკველისა გულმოდგინებითა და მრავლისა განმზადებულებითა სამხედროთა საქურველთათა სუროდათ ბრძოლის ყოფი და ალა-მაჰმად-ხანისა მიმართ“.

და სწორედ ამ დროს კვლავ სავსებით მოულოდნელი ამბავი დატრიალდა...

ალა-მაჰმად-ხანი შუშაში შესვლის დროს იბრეიმ-ხანის უფროსი ვაჟის მაჰმად-ჰასან-ალას სასახლეში დაბინავდა. სამი დღე-ღამე გაატარა საქურისმა აქ. ბოლოს, ოთხი ივნისის ღამით, თავის სათითბოში მყოფ ხელმწიფეს გარედან შემოჭრილმა ხმაურმა და აყალმაყალმა დაურღვია მყუდროება. როცა მოიკითხა, მოახსენეს, რომ რაღაც უბრალო საქმეზე ჩხუბი მოსვლიათ მის მსახურთ — სასახლის ფარეშ ხუდადადს და ტყვე ქართველს სადილას, იგივე ანდრიას, რომელიც წარმოშობით მცხეთელი ყოფილა.

ამ სადილა-ანდრიაზე თურმე ადრეც ყოფილა ალა-მაჰმად-ხანი გაჯავრებული: სადილის დროს „ურჩმა გურჯმა“ წყალი დაუქცია მაინცადამაინც იმ ხალიჩაზე, რომელზედაც ჩვეულებრივ ლოცულობდა ხელმწიფე.

ქვეშევრდომთა თავხედობით გაცეცხლებულმა ალა-მაჰმადმა მათი სიკვდილით დასჯა ბრძანა, მაგრამ ისე, რომ მისი მსჯავრი დილას აღსრულებულიყო, მას შემდეგ, თვითონ ხელმწიფე ჩვეულებრივ ნამაზს რომ მოითავებდა.

განწირულნი, ხელადაღი და სადილა-ანდრია, იმ ღამით შალაღელ ხანს. სადიუს შიქლდენ და თავისი უბედურება შესჩივლეს. არავინ იცის, თვითონ სიკვდილმისჯილთა წინადადებით, თუ სადიუ-ხანის წაქეზებით. გადაწყდა ალა-მაჰმად-ხანის მოკვლა.

და აი, სადილა-ანდრია ქართველი, ხუდადად-ფარეში და ლეკი საფარა ფეხაკრფით შევიდნენ და მძინარე ხელმწიფეს ერთბაშად დაეცნენ თავს.

შესაძლოა, მართლაც მოასწრო საჭურისმა გამოღვიძება; შესაძლოა, მართლა შეჰვედრა შეწყალება გამძვინვარებულ ქვეშევრდომებს, მაგრამ როცა ანდრია მცხეთელმა მარცხენა ილღის ქვეშ სატევარი ჩასცა, ნაკლებ დასაჯერებელია, ვითომ დაეყვიროს:

„უბადრუკო, შენ ირანი მოჰკალ!“

იგი სარეცელს დააკვდა. უმაღვე ფოლადმა გაიჩხარუნა და... საჭურისის წარკვეთილი თავიც დაეცა ძირს.

როგორც კი მკვლელებმა სადიე-ხანს მომხდარი ამბავი შეატყობინეს, იგი მაშინვე სასახლეში შეეარდა, მოკლულს თითებიდან ზეჯღები წააძრო და კეთილშობილი ქვებით მოოქვილი გვირგვინიც დაისაკუთრა. მერე, სანამ ხელმწიფის სიკვდილის ამბავი გამჟღავნდებოდა, თავისი ჯარი აიყოლია და თავრიზისაკენ გაქუსლა.

ალა-მაჰმად-ხანის მოულოდნელმა სიკვდილმა თავზარი დასცა მის არმიას. მთელი ბანაკი საშინელმა პანიკამ მოიცვა. ირანელთა მაღალი ოფიცრობა სასახლეში შეიკრა და ძარცვა-გლეჯას შეუდგა. მეომრებიც მძარცველთა და მაროდნობათა ბრბოებად იქცნენ. დაშლილი არმია სხვადასხვა გზით გარბოდა ცენტრალური ირანისაკენ.

შუშის მცხოვრებნი მშობლიურ კერებს დაუბრუნდნენ. იბრემ-ხანის ძმისწული, მამად-ბეგი ალა-მაჰმად-ხანის საწოლში შეეარდა. მისი თავი პარკში ჩააგდო და ბელაქანში ლტოლვილ ბიძას გაუგზავნა.

იბრემ-ხანმა ალა-მაჰმად-ხანის თავი მიწაზე ათრია, ფეხებით სცემა, აფურთხა და აგინა. ჭარელმა ლეკებმა არ მოუწონეს ასეთი საქციელი შუშის ხანს, მათ ალა-მაჰმადის თავი ჭარში წაიღეს და ზაქათალის მეჩეთში დაფლეს.

საჭურისის ბოროტი თავის დამდაბლებას შეძრწუნებული უცქერდა ქიზიყელი ჭანიშვილი...

ყარაბაღელი სომეხი ფრიდონ-ბეგ-მელიქი სამი დღე-ღამე ცხენების ცვლით მიჰქროდა შუშიდან თბილისისაკენ. მეოთხე დღეს მან ქართველთა მეფეს და მის ტანჯულ სამწყსოს ამცნო სასიხარულო ამბავი: ცოცხალთა შორის აღარ არის ალა-მაჰმად-ხან, უბოროტესი ბიტორიტი — მბრძანებელი ირანისა, უსაშინელესი მოსისხლე ქართლოსიანთა და ჰაოსიანთა!

„ასე დაკრძალეს რაშთა მომთენიერებელ პექტორის ცხედარი“.

ქ ი მ ე რ ო ს ი

„ჯერ არ ყოფილა და არც იქნება მოკვდავთაგან ვინმე ისეთი, რომელსაც დაბადებითგან სიკვდილამდე არა სწევოდეს რაიმე უბედურება, და რაც უფრო ძლიერია მოკვდავი, მით უფრო დიდი უბედურება სვდება მას წილად“.

ქ ე რ ო ღ ო ტ ე

„ღავერდი, ბედს ვერ მოვესწარ, დაემსო ჩემი სამშობლო, გულს მიკლავს უიმედობა, საფლავს ჩაედივარ სიმწარიით...“

გ რ ი გ ო ლ ო რ ბ ე ლ ი ა ნ ი

ქართველები მათი მათხარი ჯალათის მოულოდნელ სიკვდილს უგემური სიხარულით შეხვდნენ, — რადგან მათ ხომ ძალიან „სურდათ ბრძოლის ყოფაი ალა-მაჰმად-ხანისა მიმართ“.

რა გაეწყობა, — ქართველებს კრწანისის სისხლი აუღებელი დარჩათ.

ირანში შაჰის ტახტზე დაჯდა ალა-მაჰმად-ხანის ძმისწული ბაბა-ხანი, რომელმაც პავლე პირველთან მშვიდობიანი ურთიერთობა გააბა. ამ რუსულ-სპარსულ დიპლომატიურ წიაღსვლათაგან ქართველ მეფეს ერთადერთ ნუგეშად ისღა უნდა დარჩენოდა, რომ ბაბა-ხანის ელჩმა პავლე პირველს სიტყვიერად აღუთქვა, რომ ქართლ-კახეთს ირანელები აღარ შეაწუხებდნენ. ეს იყო და ეს.

განჯიდანაც შავმა ჭირმა შემოუტია საქართველოს წამებულ დედაქალაქს.

თელავის სამეფო სასახლესაც სიკვდილი მისდგომოდა.

ხოლო პატარა კახს, მისი სიცოცხლის მერვე ათწლეულის ბოლოსაც არა სცალოდა ეფიქრა უკვე კარს მომდგარ ყოვლისმძლეველ და ყოვლისმსახვრალ ძალაზე.

მოხუცი მეფე თელავის სასახლეში ატარებდა თავის მრავალნაყოფიერი და მრავალტანჯული სიცოცხლის უკანასკნელ დღეებს. აქედან ხელმძღვანელობდა იგი დანგრეული და აოხრებული თბილისის აღდგენას, აქედანვე იძლეოდა მკაცრ განკარგულებებს ქართული საზღვრებისა და მორყეული სამანების გამაგრებაზე, ხალხისა და ჯარის მზადყოფნაზე, თოფ-იარაღით, ტყვია-წამლითა და ფურაჟპროვიანტით მომარაგებაზე. თვითონაც კვლავ მზად იყო, პი-

რადად წასძლოლოდა ქართულ ჯარს საქართველოს მტერთა შესამუსვრელად.

ხოლო სიკვდილი მაინც მოვიდა მიწიერთაგან უმამაცესი კაცის მოსასრავად, კაცთაგანისა, რომელთან ურიცხვ შეხვედრაში მას — ყოვლისმძლე სიკვდილს მუდამ „პასიური ბალანსი“ ჰქონდა.

ერთი წელი საშინელი წყალმანკი სტანჯავდა მოხუც ხელმწიფეს. 1798 წლის დასაწყისი მან აგონიაში გაიყენა. იმ დღეებში გიორგი ბატონიშვილი ეწვია მომაკვდავ მამას. ერეკლემ ძალიან გაიხარა; კიდევაც მოიხედა; ფეხზედაც წამოდგა. მერე, უცებ მამა-შვილურ გულჩეილობას გამოეხსნა და წამსვე ტახტის მემკვიდრე (რომელიც სულ მალე მეფედ უნდა მობრუნებულყო) თბილისსა და ყაზახ-ბორჩალოში გაგზავნა იქაურ საქმეთა სახელმძღვანელოდ.

1798 წლის 11 იანვარი გათენდა.

წუხილით შეპყრობილი თეიმურაზ ბატონიშვილი ხედავდა, როგორ მიდიოდა მისი დიდებული პაპა სიკვდილის საუფლოში. შუა დღისას ერეკლემ გრძნობა სავსებოთ დაკარგა. სამი საათის განმავლობაში იგი უძრავად და უსულთქმოდ იდო.

მზე ჩავიდა, დაღამდა.

მეფემ თითქოს იგრძნო სამარადყამო მწუხრის საშინელი სუნთქვა. და მან ერთჯერ კიდევ გაიბრძოლა. — ძლევად მისგანვე მრავალგზის ძლეულ სიკვდილისად.

სარეცელიდან წამოიწია პატარა კახმა.

თეიმურაზი მივარდა; წამოდგომას არ ანებებდა. მაგრამ შეუვალი იყო მომაკვდავი ხელმწიფის უკანასკნელი სურვილი:

უკანასკნელად მოევილო თვალი ამაგდარ მეფეს უსაყვარლესი სამშობლოს ცის და მიწისთვის.

მხრებში შეუდგნენ და გარეთ გაიყვანეს.

ერეკლე მღუმარედ გასცქეროდა წყვილადში ჩაფლულ ქვეყანას.

მთელი მისი წუთისოფელი წყვილადს ებრძოდა და მაინც წყვილადის ჟამს ეთხოვებოდა თავის სამშობლოს.

ბნელოდა და არავის შეეძლო დაენახა (ან თუნდაც ეგრძნო) ცრემლი დიდებული მოხუცის თვალზე.

მხოლოდ ის იგრძნეს, რომ სიკვდილი უკვე საბოლოოდ იყო წვეული.

შინ შეიყვანეს და დააწვიანეს.

მან თვალეხი დახუჭა და... დაძინა.

უკვე სიკვდილის საუფლოში ეძინა.

მაშ, იყო 1798 წლის 11 იანვარი, როცა ერეკლე მეორე, პატარა კახად წოდებული დიდი ხელმწიფე, მიიცვალა თელავის სასახლის იპავე პალატსა და სარეცელზე, რომელშიც და რომელზეც დაიბადა იგი 1720 წლის 7 ნოემბერს!

მაშ, მოკვდა მეფე ერეკლე და საქართველოს „შაეხსნა რკინის კარია“.

აუარებელი ხალხი მოაწყდა თელავის სასახლეს. ქართველობას თითქოს მართლა არ სჯეროდა საყვარელი მეფის სიკვდილი, თითქოს მხოლოდ ძილი მოპრეოდო აურაცხელ მტერთან ნაომარ და ნაჯაფარ მამას სამშობლოსას. ყველას უნდოდა მისი ხილვა, მისი დატირება, მასთან გამოთხოვება.

მეფის ცხედარი თელავის სასახლის მთავარ პალატში ესვენა, ძოწითმოსილ ამბიონზე. ხელმარჯვნივ მისი ხელმწიფური ინსიგნიები ელაგა, ხელმარცხნივ — დედოფლის სამკაულები. დარბაზის ერთ მხარეზე, მგლოვიარე დედოფლის უკან, თეთრსაბურვლიანი სეფექალები იდგნენ, ხოლო მათ პირისპირ, მეორე მხარეს — კარისკაცები, გადამსხვრეული კვერთხებით ხელში.

ოციათასი ქართველი ვაჟკაცი, საომარი აღკუთრვილობით აღკაზმული, საპატიო ჯარკრებულად უდგა ხელმწიფეს.

ეზოში ერეკლეს ცხენი იდგა, სამგლოვიაროდ მორთული, უკულმა აღკაზმული. იგი თავშიმეველ და მიწაზე მორთხმულ მეუზანგეს ეჭირა ხელში.

უნაგირზე ქარქაშიდან აღმოხდენილი ხმალი ესვენა, ერეკლეს ხმალი!

ელავდა წარწერა ხმალზე:

„მე ვარ ავი მუსაიფი კახთ ბატონის ირაკლისა“.

სასახლიდან გაბმული ტირილი, მოთქმა, ზარი და ზუნი ისმოდა. ტიროდა ყველა, დიდი და მცირე, ქალი და კაცი, ბავშვი და მოხუცი.

მოდოდნენ მგლოვიარე ქართველები, ერეკლეს თანამებრძოლი ვეტერანები, მისი გამირობისა და სიჩაუქის თანაზიარნი და თვალთმხილველნი; მოდიოდნენ, მეფეს უკანასკნელად ეახლებოდნენ, უკანასკნელად ეთხოვებოდნენ.

გლოვობდა საქართველო.

მაგრამ „სახლსა სადავითოსა“ გლოვა-გოდების წიაღში კვლავ უღრღნიდა საძირკველს ძველი კითხვა: ვინ იქნება მპყრობელი და მეუფე ამა ქვეყნისა? აი, ეს მგლოვიარე დედოფალი და უფლისწულები ერთის წუთითაც არ ივიწყებდნენ სწორედ ამ ძველთა-

ძველი, პატივმოყვარული ქანგით შეკმულ კითხვას: რანი ვიქნებით, ან რა გვერგება შემდგომად ერეკლეს სიკვდილისა?

როცა თელავში გიორგი ბატონიშვილი უკვე ქართლ-კახეთის მეფედ წოდებული შემოვიდა, დარეჯანმა წინააღმდეგობა სცადა და აშკარად გამოაცხადა, მე ეკატერინე მეორესავით მინდა ვიდე-დოფლოო.

მერე დარეჯანმა მოითხოვა: გიორგის შემდგომ ეკლესიაში, გიორგის ცოლი კი არა, მე მომიხსენიონო, მაგრამ ამაზედაც ცივი უარა მიიღო და ისლა დარჩენოდა, ისევ დროისათვის დაეცადა, ამიერიდან „დედოფალი დარეჯანი და შვილნი მისნი, არამოსურნენი მეფისა და გიორგისა, მეცადინეობდნენ იღუმალ, რათა სიტყვითა და საქმითა ადაფუონ შფოთი, ურჩება და უწესობა...“

ასეთი უმსგავსო საზრუნავი გასჩენოდა ერეკლეს სამეფო სასახლეს, როცა მისი ცხედარი ჯერ კიდევ სავსებით არ გაცოვებუ-ლიყო.

ერეკლეს გულწრფელად მისი მადლიერი ხალხი გლოვობდა, — მისი მამულიშვილური ღვაწლის დამფასებელი „დიდი და მცირე“ თანაქემამულენი.

მართლაც და, ქართველი ხალხის ჭეშმარიტ შვილთა გლოვის დიდი სიმბოლოკაა ორი მაგალითი — ორი დატირება ერეკლე მეფისა.

ერთი მათგანი არის უბრალო „მდაბიოთა ერისაგანი“, ქიზიყელი ქართველი დედაკაცი. გასაოცარი ყოფილა ქართველი ქალის ტირილი ქართველთა სათაყვანო მეფისადმი. ვის არ დაუტირებია და მოთქმით შეუშკია იმ საყოველთაო გლოვის დღეებში მეფე ერეკლე, მაგრამ ამ „უაზნო“ ქალის დატირებას ყველა დაუჩრდილავს და ყველა განუცვიფრებია. „ყოველთა მიეპყრათ ყური მისდა მიერ და განუკვირდებოდათ, თუ ვითარ სოფლელმა დედაკაცმან დაიტირა გვარი დიდებულისა მეფისა“.

მეორე დამტირებელი კი იყო „დიდთა ქართველთაგან“ — მეფის საყვარელი „მსაჯული“, ჭეშმარიტი ქართველი დემოსტენე, სოლომონ ლიონიძე.

სოლომონის სიტყვა — „მოთქმითი ტირილი საქართველოს მეფის ჰერკულესს, ნეტარების ღირსისა“ — იყო ჭეშმარიტი გვირგვინი ქართული ეროვნული გლოვისა და ურვა-წუხილისა:

„ჰოი, იგლოვეთ, ნათესავნო ქართლოსიანნო, იგლოვე, სახლო სადავითოვ!“

ღღეს ქვეყანა, მწუხარების ტახტსა მჭდომარე, ფასდაუდებელ

სისხლსა სწირავს ივერიელთა გვარისასა. დღეს ზეცა მეშურნედ და შესისხლედ დასცემია დედამიწას: ცამან წარსტაცა დედამიწას სიმდიდრე, ძლიერთა — ძალი, ბრძენთა — გონიერება, ერთა — გვირგვინი, მხედართმთავართ — მთავარსარდლობა, გვირგვინოსანთა — გვირგვინოსანი უბრწყინვალესი.

ისმინეთ ესე სასმინარი თავზარდამცემი: მოკვდა ერეკლე, უდიადესი ჰერაკულესი, უძლეველი მძლეთამძლეველი მეფეთა შორის და მზისა ქვეშე!

იგლოვე, სახლო სადავითოვ!

აქამდე მეფე ერეკლე, ბტერთა ჩვენთა მყირვალი, ლაშქერიდა სამთა ქვეყანათა: ოსმანთა, სპარსთა და კავკასიანთა; დღეს კი მარტოდმარტო ილაშქრებს იგი ციურ მნათობთა წინააღმდეგ. ჰერაკულესი და აქილევსი მოკვდავნი იყვნენ, ხოლო ესე, პატრონი ჩვენი, მეფე უკვდავი, უკვდავითა ძალითა სძლევედეს ციურთა ძალთა და აგრე განვლოს სამყარონი ცათა.

ნათესავნო ქართლოსიანნო, თუმცა დააკლდით მამასა და სახსოვარსა მეფე-პატრონსა, გარნა კმაროდა თქვენს საღიღებლად საქმენი მისნი: ვიდრემდის ცოცხლობდა, აღიდა სახლი ქართლოსიანთა. აღიდა გვარი ქართლოსიანთა, აღიდა სიმხნე ქართლოსიანთა და აღვიდა ანგელოსთა ღვთისა თანა, — გარნა აქაცა და მუნ ცოცხალ არს იგი.

რად სტირით ძენო, ობოლნო მამისაგან, ან შენ, სახლო სადავითოვ?!

დიდი მეფის ალექსანდრესაგან დიდებულო სახლო, თეიმურაზ პირველისაგან ამღლებულო სახლო, წმიდისა ქეთევან დედოფლის სისხლით ცხებულო სახლო, შენს კედლებში სანატრელი მეფე თეიმურაზ და დედოფალი თამარ ერეკლეს შობაზე იხარებდნენ. შენს საწოლში ერეკლეს საღღესასწაულო შობას აღიდებდნენ, შენს მეჯლისში ერეკლეს ყმაწვილკაცობა ქვეყანას აკვირვებდა, მისი სიკაბუჯე ქვეყნის ძლიერთ სჯაბნიდა; შენს მეჯლისში ერეკლეს ტახტზე ჯდომა იხილვებოდა, იმისი ხელმწიფურ-დარბაისლური ხუმრობა მიმოითქმოდა, მისი მრავალსაგალობელი საღღეგრძელო ისმოდა.

რად სტირი, სადავითოვ სახლო?!

თუ ოსმანნი შეჰბედავენ შენს საყდარსა სამეფოსა, ნურას ინაღვლი. ოღონდ ერეკლე სიმრთელით ბრძანდებოდეს. მან ზომ ხერთვისის და ასპინძის სისხლში ნაწრთობი ხმალთ ხვანთქარს სპარსეთის ხელმწიფე ქარიმ-ხანთან საჩივარი მიაწერინა: — მეფე ერეკლე სარათის ქვეყნებს მართმევს და შენ დაუშალო. ქარიმ-ხან იტყო-



და: „მეფე ერეკლე აესოი რა: ბრძანდება, რომ ხვანთქარი ჩემთან საჩივლელად დაამუხლაო!“ და მაშინვე უძლეველობის ნიშნად სახელმწიფო ხმალი მოართვა.

რად სტირი, სადავითოვ სახლო?!

თუ სპარსნი შეპბედავენ შენს უმაღლეს ტახტს, ნურას ინაღვლი, ოღონდ ცოცხლობდეს საუკუნოდ ყოველ მეფეთა შარავანდელი — მეფე ერეკლე. მან ხომ საქართველო ნადირ-აფშარისგან გამოიხსნა. ხოლო აზატ-ხან ათასი ერთით გააქცია. პრუსიის მეფე ფრიდრიხ მეორემ ასე დაწერა: „ევროპაში მე ვარო და აზიაში — ერეკლე, ქართველ-გეორგიანთ მეფე“.

რად სტირი, სადავითოვ სახლო?!

ვინემდის მეფე ერეკლე საქართველოს მხედრობას წინ მიუძღვის, ვის შეუძლია შენი დამარცხება?! ვიღრემდის ერეკლეს სახელოვან სასახლეს დიდი რუსეთიდან ლაშქარი გამოჰყავს, ვის შეუძლიან შენი დამდაბლება?! როდესაც მეფე ერეკლეს ბედნიერი დროშა გაიშლება, დაღესტანელნი ლაშქრად მორბიან, ოსნი და ჩერქეზნი მეფე ერეკლეს წინ სისხლის დათხევას ხალისობენ.

რად სტირი, სადავითოვ სახლო?!

- როცა მეფე ერეკლეს ბედნიერ ტახტზე ჯდომა გეღირსა, ყოველს წინა საუკუნეზე უფრო იდიდე, უფრო ამაღლდი, უფრო გაბედნიერდი; ცანი ქუხილით გრგვინავდნენ შენი ძალმოსილების წინაშე, სფერა დედამიწისა თრთოდა შენს ფერხთა ქვეშე.

მაგრამ, ვაი თუ შენი დიდება, მეფე ერეკლე, საფლავად მიეცევალოს! ვაი თუ საქართველოს საფარველად გარდახურული ერეკლეს დროშის კალთები აგვეხადა! ვაითუ ზეცამღე ამაღლებული მისი თავი და დედამიწაზე დაუტეველი მისი მზერა საფლავის სიღრმემ ჩაამარხოს.

ის ძლიერი თვალები, რომელთა ზევით ახედვა ცაებს აჰკეცავდა, ძირს დახედვა დედამიწას გულს გაუხსნიდა, სფერა ქვეყნისა ერთს გუგაში გარეშეეცვა და ცასა და დედამიწას ორ ფურცლად კითხულობდა, — ვაითუ საკვდავად დაერულოს!

ვაითუ უძლეველი ხელები, რომლისაც ხმლის ვადაზე დადება სიკვდილს მახარობლობდა, ტრფიალთ სატყვიერად გულს დაჰკრეფოდეს!

ვაითუ ის მაღალი და ზეცას ანგელოზთა სანწიგნობრო სახელი „მეფე ერეკლე“, რომელიც ცის კალთებზე იწერებოდა და ქვეყნის მპყრობელთა ხელმწიფეთა ძილს უკარგავდა, — ამ საღმრესაწაულო სახელის ცოცხლად მოხსენიებას საქართველოს ეკლესიები მოჰკლებოდეს!

ცა და ქვეყანა მეფე ერეკლეს მახსოვარი არიან; მზე და მთოვარე იმის ბედნიერ ლაშქრობებში ხანდაზმულნი არიან; დღისით მზე იყო მეწინარე სარდალი და ღამით მთოვარე; ესენი ერეკლეს გამარჯვებულ დროშას წინ მიუძღოდნენ; მტერთა სისხლით შეღებილი მთა და ბარი ერეკლეს სახელს მოუთხრობენ...

იგლოვდი, დედაპიწავ, რამეთუ სიმდიდრე გრძნობადთა და საცნაურთა — მეფე ერეკლე — შენს სიღრმეში ჩაჰვარე!

განკრთი, განციფრდი, სტიროდე, ცაო, რამეთუ შენი მნათობვარსკვლავთა მხედველი მეფე ერეკლეს უმადლესი თვალები საუკუნოდ დაბნელდა!

დაბნელდი, მზეო, რამეთუ დაბნელებით შეგიძლია იჭირისუფლო. რამეთუ მზე მიწიერი ღამიანის ქართლისა — მეფე ერეკლე — შენს ბრწყინვალებას ვეღარა ჰხედავს!

დავაკლდით ერნი ქრისტიანენი მეფეს, პატრონს და საზოგადო მამას. დავსტირით ძლიერსა და მხნე მამაკაცსა. აღარა გეყავს მეფე ერეკლე: თავი — გამგებელი ერისა, ხელი — მზრდელი ობოლთა, მკლავნი — მომგერიებელნი მტერთა...

სად არის, ხელმწიფევე, შენი ხელმწიფური განგება?! სად შემოიხსენ ხმალი, რომლის გამარჯვებანი რიცხვით ზღონას ასცილდა?! რად შემოსწყერ სახელოვანსა დროშას, რომლისაც ჰაერში მომცურავი კალთები ქვეყანას აჩრდილებდა... სადაა მეფე, რომლის უძლეველობის ამბავი ზეცის კალთებზე იბეჭდებოდა?!

რად აღიდე, ხელმწიფეო, სახლი უმადლესი, თუკი მას საუკუნოდ დატოვებდი?!.. სად ამიწებ გვირგვინოსან შენს უმადლეს თავს?! სად გიწყევია უქმად ეგ ძლიერი ხელები, რომლითაც ცაში ფრინველთ ფრთას შესტაცებდი?! რად ასწავლე საყვარელ ქალებს საქალო კრძალულება, თუკი თმაგაშლით ატირებდი?! რად გააღადე გული ლომებრთა მემკვიდრეთა, თუკი სიმყარე უძლეველი მოეშლებოდი?! რად გვასწავლე მხედრული ვაჟკაცობა, თუ შენს წინ სისხლს არ დაგვაქცევინებდი?!

მომკალით და მეფე ერეკლეს უმადლესის ცხედრის ფიცრად დამდევი, რომ იმისი სანატრელი კუბო ჩემს გულზე იდგეს, მეფე ერეკლეს ძლიერი ტანი ჩემს გულზე ირღვეოდეს...

ხელმწიფევე მფლობელო, საზოგადო მამავ, მეფევე ირაკლი! ვის მივსტე შენი უმადლესის თავისა და ტანის ტრფიალება?! ვის დროშას ვემსახურო?! ვინ შევიყვარო?! ვისთვის მოვკვდე?! ვისთვის ვიცოცხლო შენს უკან სიცოცხლე საზრახავად განმწარებულმან?!“

ორმოცი დღის გლოვის შემდეგ საქართველოს უკანასკნელი დიდი ხელმწიფის ცხედარი თელავიდან მცხეთაში გადაასვენეს.

სვეტიცხოველში, საქართველოს სამეუფო პასტოფორიონში, დიდი ვახტანგ გორგასალის გვერდით დაკრძალეს „ცხელი გული საქართველოსა“.

კრწანისიდან მცხეთისაკენ სამას არაგველთა აზრდილნი მიეშურებოდნენ.

პატარა კახთან სათათბიროდ მისწრაფოდნენ...

## მ ი ნ ა წ ე რ ი

განვლო სამმა წელმა.

აღესრულა საქართველოს უკანასკნელი დიდი ხელმწიფის ნაოცნებარი:

დაღწილი გველისპირულებით, დაფხრეწილი დროშებით, გვემული და გაღწილი სხეულით, მაგრამ გაუტეხელი გულით და შეუმუსვრელი სულით — ქართველი ხალხი შეერთო „დიდსა საქმოსა“, „დიდსა რუსეთსა“.

საქართველო ახალი, დიდი ისტორიული სამანიდან იწყებდა ცხოვრებას.

მზემ გამოანათა და მცხუნვარედ დააცხრა სისხლით დაორთქლილ დედამიწას.

მამულიშვილთა სისხლი აკრიფა.

აკრიფა და შესვა დიდი, „მზიური წყურვილის“ დასარწყულებლად.

შესვა, რამეთუ მზის სხივებად გარდასახული სისხლი ქართველთა ისევ ქართულ მიწაზე გადმოედვარა საქართველოს ასაღორძინებლად...

## შ ე ნ ი შ ე ნ ე ბ ი

### მარიუსი და სულა

გვ. 5. ნ ე კ ო ტ ი შ მ ი — თანამდებობის პირთა მიერ თავიანთი ნათესაეების, ახლობლების მფარველობა; „ნათლიმამობა“, „მამიდაშვილობა“.

კ ო რ უ ე ც ი ა — თანამდებობის პირთა, პოლიტიკურ და საზოგადო მოღვაწეთა მოსწილდა; თანამდებობათა ყიღვა-გაყიღვა.

წ ი გ ნ შ ი გაღმოცემული ამბები მთლიანად „ქრისტეს დაბადებამდე“, ანუ ძველი წელთაღრიცხვით მოხდა, ამიტომ ყოველ თარიღთან დაკავშირებით ამას მოხსენება ავტორს საჭიროდ აღარ მიაჩნია.

ძ მ ე ბ ი ტ ი ბ ე რ ი უ ს და გა ი უ ს გ რ ა კ ხ უ ს ე ბ ი — სახელოვანი სახალხო ტრ-ბუნენბი, რეფორმატორები, დემოკრატიული მოძრაობის ბელადები. ისინი მიზნად ისახავდნენ განადგურების გზაზე დამდგარი წვრილი და საშუალო რომაული მიწათმოქმედებისა და გლეხობის ძველ უფლებებში აღდგენას. ტ ი ბ ე რ ი უ ს ი სახალხო ტრიბუნად გავიდა 133 წელს და გაატარა კანონი მიწათმფლობელობის მაქსიმუმის შესახებ: ერთ ოჯახზე არა უმეტეს 1000 იუგერისა (ერთი იუგერი — 250 კვ. მ.); ხოლო გაღარჩენილი მიწათა ფონდი უნდა განაწილებულყო გაღარჩებულ აგრიკოლებზე (გლეხებზე) — თითოეულ ოჯახს 30 იუგერის რაოდენობით. ასეთმა კანონმა გამოიწვია სენატორთა და მსხვილ მიწათმფლობელთა სასტიკი რეაქცია. მათ ტიბერიუსს ბრალი დასდეს ერთპიროვნული „ტირანის“ დამყარების ცდაში და მოკლეს. გა ი უ ს გ რ ა კ ხ უ ს ი სახალხო ტრიბუნად იყო 123—122 წლებში. მან მთლიანად აღადგინა უფროსი ძმის მიწის რეფორმა და, ამას გარდა, გაატარა მთელი რიგი ახალი კანონებისა (პურის შესახებ, სასამართლოს შესახებ, „პროვინცია აზიის“ შესახებ, კოლონიების დაარსების შესახებ). გაიუსიც დაიღუბა რომის არისტოკრატიულ ოლიგარქიატან და სენატთან ბრძოლაში (122 წ.).

ს ე ნ ა ტ ი. (Senatus; სიტყვისაგან senex — მსოცოვანი) — რომის რესპუბლიკის უმაღლესი პოლიტიკური ორგანო; ფორმალურად — სათათბირო, მაგრამ ფაქტიურად საკანონმდებლო ორგანო. მისი უმაღლესი ძალაუფლება განსახიერებულ იყო ე. წ. „სენატის მოწონებაში“ (auctoritas senatus), რაც იმას გულისხმობდა, რომ სახალხო კრებისაგან მიღებული კანონი ძალაში არ შევიდოდა, თუ მას ჯერ სენატი არ მოიწონებდა. სენატი იყო მაღალი არისტოკრატიისა და მდიდარი ნობილიტეტის ინტერესთა გამომხატველი და ქომაგი. იგი შედგებოდა სამასი სენატორისაგან, რომელთაც ხშირად „სამშობლოს მამებს“ (patres patriae) უწოდებდნენ.

გვ. 6. პ ო პ უ ლ ა რ ე ბ ი (სიტყვისაგან populus — ხალხი) — სახალხო ფენები, — ყველა ვინც არ შედიოდა არისტოკრატიაში.

მ ხ ე დ ა რ თ ა წ ო ღ ე ბ ა (ordo equestris) — მდიდარი ფინანსისტები, ფე-

ლადი მეურნეობით, ვაჭრობით, მეეახშეობით გაძღვრებული რომაელები. „მხედრები“ პოპულარტა მარჩვენა ფრტას წარმოადგენდნენ და რადიკალურ-დემოკრატიულ ძალტა წინააღმდეგ ბრძოლაში უფრო ხშირად არისტოკრატიას ემხრობოდნენ.

**იმპერიუმი (imperium)** — უმაღლესი პოლიტიკური ძალაუფლება მთელი სისრულით (საკანონმდებლო, აღმასრულებელი, სამოსამართლო, სამხედრო და ა. შ.).

**გვ. 7. კონსული (consul)** — უმაღლესი აღმასრულებელი სამოქალაქო და სამხედრო ხელისუფლების მეთაური. ყოველწლიურად ირჩევდნენ ორ კონსულს. კონსულატი იყო კოლეგიალური ორგანო. ისინი ერთმეორესთან შეთანხმებით ხელმძღვანელობდნენ უმაღლესი სამოქალაქო კანონმდებლობის ცხოვრებაში გატარებას, ხოლო ომის შემთხვევაში სარდლობდნენ არმიებს. ომის დროს კონსულებს უფლება ჰქონდათ რომელი მოქალაქის სიკვდილით დასჯისა (*jus vitae ac necis*). იგივე უფლება ჰქონდათ ქალაქს გარეთ მშვიდობიანობის დროსაც.

**პატრიციუსი (patricius)** — კეთილშობილი, არისტოკრატი.

**გვ. 8. ცენზორი ((censor)** — ჩვეულებრივ ირჩევდნენ ორ ცენზორს ხუთი წლის ვადით. ისინი აწარმოებდნენ აღწერას ქონებრივი ცენზით, აღგენდნენ მოქალაქეთა სიებს ტრიბების (ოლქების) მიხედვით, ასევე აღგენდნენ სენატის სიას სენატორთა პატივისა და დამსახურების მიხედვით. ცენზორთა უფლებაში შედიოდა კონტროლი მაგისტრატების (მაღალი თანამდებობის პირნი) მოქმედებაზე; ცენზორები ხელმძღვანელობასა და კონტროლს უწევდნენ, აგრეთვე, რომელთა მთელ მორალურ-ზნეობრივ ცხოვრებას (*cura morum* — ზრუნვა მორალზე).

**პუბლიუს კორნელიუს სციპიონი** — დიდი რომელი სარდალი, რომელმაც დაიპყრო (კართაგენელებს წართვა) ესპანეთი (210—205 წ.წ.) და აფრიკაში დაამარცხა კართაგენის გენიალური სარდალი ჰანიბალი (201 წ.). ამ გამარჯვებისათვის მას „აფრიკელი“ (*Africanus*) უწოდეს.

**ნუმიდია** — ქვეყანა აფრიკაში, კართაგენის სამხრეთ-დასავლეთით (ამჟამად ალჟირის აღმოსავლეთ ნაწილში). ადრე ნუმიდია კართაგენის მოკავშირე იყო, მერე მას გადაუდგა, რომს მიემხრო და მისი ვასალი გახდა. ასეთი მორჩილებისათვის მან მიიღო სახელწოდება — „მოკავშირე და მეგობარი რომელი ხალხისა“.

**პუბლიუს კორნელიუს სციპიონ ემილიანე** — დიდი რომელი სარდალი, უფროსი სციპიონის შვილობილი და მეგვიდრე (შვილი იყო ლუციუს ემილიუსისა; ამიტომ აქედან — ზედსახელი ემილიანე). მან დაანგრია კართაგენი (146 წ.) და ნუმანცია, ესპანეთის აფანეების ცენტრი (133 წ.). ამ გამარჯვებისათვის მას შეარქვეს „აფრიკელი“ (*Africanus*) და „ნუმანციელი“ (*Numantinus*)

**გვ. 11. დეცემვირნი** — დეცემვირატი — კომისია ათი კაცის (desem — ათი *Viz* — კაცი) შემადგენლობით.

**პუბლიკანები (publicani, სიტყვისგან publicus — სახელმწიფო საკუთრება)** — კომპანიონები (ჩვეულებრივ. მხედართა წოდებიდან), რომლებიც ხელისუფლებასთან გარიგებით სახელმწიფოს წინასწარ უხდიდნენ ამა თუ იმ პროვინციიდან ასაღები ხარკის საფასურს და შემდეგ მათზე „მიყიდული პროვინციების“ უკონტროლო და უგანაჩენო ექსპლუატაციას ეწეოდნენ.

კომიცია (comitia), სახალხო კრება, უმაღლესი საკანონმდებლო ორგანო რომის რესპუბლიკაში.

გვ. 12. სახალხო ტრიბუნი — ხალხის ინტერესთა დამცველი უმაღლესი მაგისტრტი. პირველად ირჩევდნენ ორ ტრიბუნს, შემდგომ — ათს. არჩევა ხდებოდა ერთი წლის ვადით. სახალხო ტრიბუნის პიროვნება და სახლ-კარი ხელშეუხებლად და წმიდათაწმიდად (sancta sanctorum) ითვლებოდა. სახალხო ტრიბუნის ყველაზე დიდი უფლება იყო „ვეტო“ (veto) — ვერძალა, რის ძალითაც მას შეეძლო გაეუქმებინა (აეკრძალა) ყველა კანონი და განკარგულება, რომელიც კი ხალხის ინტერესებს დაუპირისპირდებოდა. ამასვე უკავშირდებოდა სახალხო ტრიბუნის „უფლება ჩარევისა“ (ius intercessionis). მშასადაამე, შეეძლო ჩარეულიყო ყველა პოლიტიკური ორგანოსა და მაგისტრატის საქმიანობაში, გარდა დიქტატორისა და ცენზორისა. ამას გარდა, სახალხო ტრიბუნს მაგისტრატის დაპატიმრების უფლებაც (ius prensionis) — ჰქონდა. ტრიბუნის ყველა ეს უფლება მოქმედებდა მხოლოდ ქალაქ რომის შიგნით, ხოლო მის გარეთ ტრიბუნის უმაღლესი რწმუნებანი ძალას კარგავდნენ.

გვ. 13. მ ა ვ რ ი ტ ა ნ ი ა — ქვეყანა აფრიკის ჩრდილო-დასავლეთ ნაწილში (დღევანდელი ალჟირი და მაროკო).

გვ. 15. ო პ ტ ი მ ა ტ ე ბ ი (სიტყვისაგან optimus — საუკეთესო) — წარჩინებულნი, არისტოკრატები. როგორც კონსერვატიული ძალა, ოპტიმატები უპირისპირდებოდნენ დემოკრატ პოპულარებს. ოპტიმატთა ხელისუფლების დასაყრდენი იყო სენატი.

გვ. 16. ლ ე გ ა ტ ი (legatus) — ამ შემთხვევაში მთავარსარდლის მოადგილე, სხვა შემთხვევებში: ელჩი, პროვინციის მმართველი პრეტორის მოადგილე.

გვ. 17. პ რ ო ვ ი ნ ც ი ა (provincia) — რომის მიერ დამარცხებული, დაპყრობილი და დახარკული ქვეყანა; ამის მიხედვით, სახელწოდებანი: „პროვინცია აფრიკა“, „პროვინცია აზია“, „პროვინცია მაკედონია“, „პროვინცია ეგვიპტე“ და ა. შ.

გვ. 21. კ უ რ ი ა (curia) — სენატის შესაკრები ადგილი.

ე დ ი ლ ი (aedilis) — ერთ-ერთი მაღალი მაგისტრტი (თანამდებობის პირი). ედილებსაც ირჩევდნენ ერთი წლის ვადით. მათ უფლება-მოვალეობას შეადგენდა: ქალაქში წესრიგზე ზრუნვა (cura annonae), ბაზრების მოწესრიგება და სანახობათა მოწყობა (cura ludorum).

პ რ ე ტ ო რ ი და პ რ ე ტ უ რ ა (praetor, praetura). პრეტორი თავისი მდგომარეობით კონსულის შემდგომ მეორე ადგილზე იდგა და კონსულის უმცროს კოლეგადაც (collega minor) ითვლებოდა. პირველად ირჩევდნენ (აგრეთვე, ერთი წლის ვადით) ორ პრეტორს, შემდეგ კი მათი რიცხვი თექვსმეტამდე გაიზარდა. პრეტორთა მთავარი ფუნქცია იყო უმაღლესი სამოსამართლო წარმომების ხელმძღვანელობა. პრეტორები ეწოდებოდნენ, აგრეთვე, რომის ხელისუფლების სახელით წარგზავნილ პროვინციის მმართველებსაც. აქედან: პ რ ე ტ უ რ ი ს მიღება ნიშნავდა რომელიმე პროვინციის მმართველობის მიღებას.

გვ. 24. პ რ ო ლ ე ტ ა რ ე ბ ი და ლ უ მ პ ე ნ რ ო ლ ე ტ ა რ ე ბ ი, სახელწოდება „პროლეტარი“ მოიღობი. წ. მე-6 საუკუნოდან, როცა მეფემ სერვიუს ტულიუსმა თავისი რეფორმით რომელიც მოქალაქენი ქონებრივი ცენზის მიხედვით დაყო ხუთ კლასად. იმათ, ვინც „კლასებს ქვემოთ“ (infra classem) აღმოჩნდნენ, ე. ი. არავითარი ქონება არ გააჩნდათ, ეწოდათ „პროლეტარები“ (proletarii) სიტყვისაგან proles, რაც „შთამომავლობას“ ნიშნავს (აქაოდა, რაკი

შვილები და შთამომავლობა გააჩნიათ, მამასადაც, „ქონება“ მინც აქეთო).  
ლუკსპეტარიატი იყო დეკლასირებულ, ზნეობრივად დაცემულ  
უქონელთა მასა, რომელიც თავის კლასობრივ და მოქალაქეობრივ ინტერესებსა  
და უფლებებს (მაგალითად, პოლიტიკური უფლება ხმის მიცემისა) ჰყილდა  
ყოველდღიურ ლუკსპეტარიატი; მისი მთავარი პრინციპი ასეთია: ვინც მეტს  
აქმევს, და ასმევს, ხმასაც იმას მისცემს. რომში ლუკსპეტარიატი წარმო-  
შვა სამეურნეო ცხოვრებაში მონის შრომის დამკვიდრებამ. იაფფასიანმა მონის  
ხელმა თავისუფალი რომელი მიწათმოქმედნი სამეურნეო ცხოვრებიდან გამო-  
დევნა, უმეორეოდ დატოვა და უქონელ „პროლეტარულ“ მასად აქცია. პო-  
ლიტიკურ-კონსტიტუციური უფლებების მქონე ლუკსპეტარიატი სახელმ-  
წიფოსაგან მუქთად მოითხოვს „პურსა და სანახაობას“ (panem et circenses)  
და ხმასაც იმას აძლევს, ვინც ამ ლოზუნგს „პოლიტიკურ სავაქროზე“ უყეთესად  
შეასრულებს.

პროვინცილები — ასე ეწოდებოდა რომის მსოფლიო სახელმწიფო-  
ში შემავალ პროვინციათა მცხოვრებლებს; ყველას უკლებლივ, ვინც ცხოვრობდა  
რომსა და იტალიას გარეთ.

გვ. 25. რომული არმია (ცალ-ცალკე ორივე კონსულისათვის) შედგებო-  
და ორი ლეგიონისაგან (legio), ლეგიონი — ათი კოჰორტისაგან  
(cohors — თითოეულში 600 მეომარი), კოჰორტა — სამი მანიპულიაგან  
(manipulus — თითოეულში 200 მეომარი), მანიპული — ორი ცენტურიისა-  
გან (centuria — თითოეულში 100 მეომარი).

სამხედრო ტრიბუნი (tribunus militum) — ლეგიონის მეთაური.  
ყოველ ლეგიონთან იყო ექვსი სამხედრო ტრიბუნი, რომლებიც რიგრიგობით  
მეთაურობდნენ.

ცენტურიონი — (centurio) ცენტურიის (ასეულის) მეთაური იყო.

კვესტორი (questor) — ერთ-ერთი მაღალი მაგისტრატი, რომელიც განა-  
უვებდა ფინანსებს, სახელმწიფოს შემოსავალ-გასავალს და არქივებს. სულ ირ-  
ჩევდნენ (აგრეთვე ერთი წლის ვადით) ოთხ კვესტორს. კვესტორი ბრძოლის  
ველზე განაგებდა არმიის ხაზინას, აჯამებდა ბრძოლის შედეგებს, იბარებდა,  
ახარისხებდა და ანაწილებდა ნადავლს. იმავე დროს, კვესტორი იყო კვალირი-  
ის უფროსი და მთავარსარდლის ერთ-ერთი მოადგილე.

გვ. 29. გეტულეები — აფრიკის მომთაბარე ტომები; ცხოვრობდნენ ნუმი-  
დიისა და მავრიტანიის სამხრეთით.

გვ. 32. ინსიგნიები (insigne — ნიშანი) — უმაღლესი ხელისუფლების  
ან დამსახურების აღმნიშვნელი ნიშნები, ატრიბუტები. ტრიუმფატორის  
ინსიგნიებში შედიოდა მოჭრული ეტლი ოთხი თეთრი ცხენით, მოქარ-  
გულ-მოხატული ტოგა (toga picta), პალმის ტოგების გამოსახულებიანი ტუნიაკა  
(tunica palmeta) და ოქროს გვირგვინი (corona triumphalis).

გვ. 36. კანდიდატი (candidatus — თეთროსანი) — ის, ვინც კონსულად  
გასვლას აპირებდა, სახალხო კრების წინაშე უნდა წარმდგარიყო ქათქათა თეთრი  
ტოგით (toga canolio). სიმბოლურად: კონსულობის მოსურნე ისეთივე სპეტაკი  
უნდა ყოფილიყო, როგორც მისი თეთრი ტოგა.

გვ. 44. კონსულის ინსიგნიები — თორმეტი ლიქტორი — მხლე-  
ბელნი, მცველნი და მისი ბრძანებების აღმსრულებელნი, რომელთაც ხელთ უქ-  
რიათ ფასცები (fasces) — წეპლების კონები; ქალაქს გარეთ და ომის დროს

ქალაქში ფაქტებში ჩადებულია (securis—ნაჯახი), როგორც სიმბოლო მოქალაქის სიკვდილთ დასჯის უფლებისა. ლექტორები კონსულს სამსახურის დროს წინ მიუძღვიან. ხოლო დასვენებისას — უკან მოპყვებიან. კონსულს წამოსხმული აქვს ძოწის არშიიანი ტოგა ( toga praetocla); სახელმწიფო საქმეთა გარჩევისას ზის სპილოს ძვლის სავარძელზე ( sella curulis).

გვ. 54. ძუ მ გ ე ლ ი — რომაელთა საღვთო ცხოველი იყო, რადგან ლეგენდის მიხედვით, რომის დამაარსებელი, ტყუპი ძმები, რომულუსი და რემუსი, მგლის ძუძუნაჟამნი იყვნენ.

გვ. 87. დ ი ქ ტ ა ტ უ რ ა (dictatura) — საგანგებო (ექსტრაორდინალური) მაგისტრატურა, როცა სახელმწიფოს უმაღლესი ხელისუფლება მთელი თავისი სისრულთ (imperium summum) გადაეცემოდა ერთ კაცს, დ ი ქ ტ ა ტ ო რ ს. დიქტატურის გამოცხადების მიზეზი უნდა ყოფილიყო რაიმე საგანგებო მდგომარეობა: დიდი სავარეო საფრთხე (მტრის შემოსევა), შინაგანი აშლილობა, აჯანყება, შიმშილობა და სხვ. დიქტატორის ინსიგნიები იყო: ძოწეული ტოგა ( toga purpurea) სპილოს ძვლის სავარძელი ( sella curulis) და ოცდაოთხი ლიჭიორი ხელში ნაჯახიანი ფასცებით. დიქტატორის სრული ერთპიროვნული გამგებლობა, სრული მონოპოლია საკანონმდებლო, აღმასრულებელი, სამხედრო და სამოსამართლო ხელისუფლებისა, ფაქტიურად რესპუბლიკის უარყოფას წარმოადგენდა. ამიტომ დიქტატურის ვადა მკაცრად იყო განსაზღვრული ექვსი თვით.

## ს ა მ ა ს - ს ა მ ა ს ი

გვ. 204. პ ო ლ ი ს ი — „ქალაქს“ ნიშნავს, მაგრამ ძველ საბერძნეთში ყოველი ქალაქი იმავე დროს ცალკე დამოუკიდებელი სახელმწიფოც იყო (ქალაქ-სახელმწიფო). ყოველ მათგანს თავისი საკუთარი სოციალ-ეკონომიური და პოლიტიკური ორგანიზაცია ჰქონდა. პოლისში შედიოდა არა მარტო საკუთრივ „ქალაქელი“ მოსახლეობა, არამედ მის გარშემო ოლქის ყველა სასოფლო დასახლებაც, მაგალითად, ათენის პოლისში შედიოდა მთელი ატიკის მოსახლეობა, სპარტაში — ლაკონიის მოსახლეობა, თებუში — ბეოტიის მოსახლეობა და ა. შ.

ა ვ ტ ო ნ ო მ ი ა — საკუთარი კანონმდებლობა (გინა კონსტიტუცია).

ა ვ ტ ო რ კ ი ა — „თვითდაკმაყოფილებას“ ნიშნავს; იგულისხმება საკუთარი, „თვითდამაკმაყოფილებელი“, სამეურნეო-ეკონომიური ცხოვრება.

ა თ ე ნ ი — საბერძნეთის პოლისთა შორის ყველაზე მოწინავე ქალაქ-სახელმწიფო შუა საბერძნეთის ერთ-ერთ ოლქში — ატიკაში. ქალაქის ცენტრში აღმართული იყო აკროპოლისი, ციხესიმაგრე და პოლიტიკურ-რელიგიური ცენტრი სახელგანთქმული პართენონის ტაძრით. ათენის პოლიტიკურ-სახელმწიფოებრივი წყობილება ძველი მონათმფლობელური დემოკრატიზმის ნიმუშად ითვლება. ათენის უმაღლესი საკანონმდებლო ორგანო იყო ეკლესია — სახალხო კრება. უმაღლეს საბჭოსა და სასამართლო ორგანოს წარმოადგენდა არეობაგი — უბუცესთა საბჭო, რომელიც სათათბიროდ იკრიბებოდა არესის (ომის ღმერთი) შორცხვზე (აკროპოლისის მთავარ შესასვლელთან) და ამიტომაც ეწოდებოდა ამ პოლიტიკურ ორგანოს არეობაგი. უმაღლეს აღმასრულებელ ხელისუფლებას განახორციელებდა კოლეგიალური ორგანო არქონტატი — ცხრა არქონტის შე-



მადგენლობით: არქონტი-ეპონიმი (უფროსი, რომლის სახელითაც აწარმოებდნენ წელთაღრიცხვას), არქონტი-ბასილევსი (რელიგიის მოწეს-მეთაური), არქონტი-პოლემარქოსი (მხედართმთავარი) და ექვსი არქონტი-თესმოთეტი (სამოსამართლო საქმეთა განმგებელი). დიდი უფლებები ჰქონდა სტრატეგოსთა კოლეგიას ათი სტრატეგოსის (სარდლის) შემადგენლობით. ისინი ცალკეულად სარდლობდნენ ცალკე ფილდან (ოლქიდან) გამოყვანილ ლაშქარს, ხოლო ბრძოლის ველზე რიგრიგობით მთავარსარდლობდნენ მთელ არმიას.

გვ. 205. სპარტა — მეორე დიდმნიშვნელოვანი ქალაქ-სახელმწიფო ათენის გვერდით. მდებარეობდა პელოპონესის (სამხრეთ საბერძნეთი) სამხრეთ-აღმოსავლეთ ოლქში—ლაკონიკაში (აქედან—„ლაკონიური“), მდინარე ევროტის ზემო წელზე. სპარტას მეორენაირად ლაქედემონი ერქვა. სპარტის პოლიტიკური წყობა-ლება თვითონ სპარტელებისათვის დემოკრატიული იყო, ხოლო დანარჩენი მოსახლეობისათვის (მონა-პილოტები და პერაეკები) ოლიგარქიული. სპარტელთა (ანუ როგორც თვითონ ეძახდნენ — „თანასწორ სპარტიატთა თემის“) უმაღლეს საკანონმდებლო ორგანოს წარმოადგენდა აპელა — სახალხო კრება. მის გვერდით იყო უხუცესთა საბჭო გერუსია — ოცდარვა გერონტის (გერონტი-მსოფიანი) შემადგენლობით. ცალკე არსებობდა სამეთვალყურეო-საკონტროლო ორგანო ეფორატი, ხუთი ეფორის შემადგენლობით. აღმასრულებელ ხელისუფლებას სათავეში ედგა ორი მეფე. ესენი მშვიდობიანობისას იყვნენ უმაღლესი მოსამართლენი და რელიგიის მეთაურნი, ხოლო ომის დროს — მთავარსარდალნი. მეფეთა უფლებები სპარტაში ძალიან შეზღუდული იყო აპელის, გერუსიისა და ეფორატისაგან. ისინი თვითონ გერუსიის წევრები იყვნენ. სპარტელები რიცხვით მცირენი იყვნენ (9—10 ათასამდე) და შვიდჯერ მეტ ლაკონიელ მოსახლეობაზე ზატონობდნენ. ამას ისინი ახერხებდნენ ძლიერ სამხედრო ორგანიზაციაზე დაყრდნობით. სპარტელთა ცხოვრება სიყრმიდან სიკვდილამდე მთლიანად სამხედრო ყაიდაზე მიდიოდა. სისასტიკით სახელგანთქმული „სპარტანული აღზრდა“ სწორედ უაღრესად დახელოვებული მეომრების აღზრდას ისახავდა მიზნად. ასედაც იყო: მთელს მამინდელ მსოფლიოში სპარტელები ყველაზე საუკეთესო მეომრები იყვნენ, — მცირენი, მაგრამ უმაღლესად ბრძოლისუნარიანნი.

გვ. 208. პარმოლიოსი და არისტოკრატონი — ათენის სახალხო გმირები, კაბუკები, რომლებიც შეეწირნენ ტირანიის წინააღმდეგ ბრძოლას. იმჟამად ათენში მბრძანებლობდნენ ცნობილი ტირანის, პისისტრატეს ვაჟები — ჰიპია და ჰიპარქე. 514 წელს (ძვ. წ.) მათ წინააღმდეგ მოეწყო შეთქმულება პარმოლიოსისა და არისტოკრატონის მეთაურობით. მოახერხეს მხოლოდ უმცროსი ტირანის, ჰიპარქეს მოკვლა. ხოლო ჰიპია შეთქმულთ სასტიკად გაუსწორდა. მისი ბრძანებით პარმოლიოსი და არისტოკრატონი წაშვებით დახოცეს. 510 წელს ათენელებმა ტირანია მაინც დაამხეს. ჰიპია სპარსეთში გაიქცა. ათენელებმა პარმოლიოსისა და არისტოკრატონის აკროპოლისზე ძეგლები აუგეს. მათი სახელები თავისუფლებისათვის ბრძოლის სიმბოლოებად იქცნენ; მათზე მღეროდნენ, ლექსებს წერდნენ, მსხვერპლსა სწირავდნენ.

გვ. 216. პისისტრატედები — პისისტრატეს ძენი, იგივე ჰიპია და ჰიპარქე.

„არასრულფასოვანი მოქალაქე“ — ასეთად თვლიდნენ მას, ვისაც ორივე მშობელი წარმოშობით ათენელი არ ჰყავდა.

აკადემია — ლეგენდარული გმირის, აკადემოსის სახელობის ბაღი ათენის ჩრდილო-დასავლეთ გარეუბანში, კლარებისა და ზეთისხილის მშვე-

ნიერი ხეივნებით. აქ შემდგომში თავის მოძღვრებას ასწავლიდა ფილოსოფოსი პლატონი. პირველი „აკადემიკოსებიც“ სწორედ პლატონის მოწაფეები იყვნენ.

**ლიკეონი** — აპოლონ ლიკელის სახელობის ბაღი ათენის ჩრდილო-აღმოსავლეთ გარეუბანში. აქ შემდგომში თავის მოძღვრებას ასწავლიდა არისტოტელე.

**გიმნასიონი** — სასწავლებელი ძველ საბერძნეთში. აქ სწავლობდნენ სრულფლებიანი ბერძნები 16-დან 18 წლამდე (დაწყებითი სწავლების შემდგომ). სწავლა სახელმწიფოს ხარჯზე იყო. იწყებოდა ფიზიკური აღზრდით და სრულდებოდა მეცნიერება-ხელოვნების დარგთა შესწავლით.

**კინოსარგი** — პერაკლესადში მიძღვნილი ადგილი ათენის ჩრდილო-აღმოსავლეთ გარეუბანში (ლიკეიონის მეზობლად); აქ იყო ერთ-ერთი გიმნასიონი.

**გვ. 219. პოპლიტური ლაშქარი** — მძიმედ შეიარაღებული ქვეითი ჯარი. პოპლიტი-მეომარი აღპურვილი იყო შუბით, მახვილით, ფარით, მუზარადით, ჭავშნით, სამკლურებითა და საბარკულებით. საუკეთესო პოპლიტურ ლაშქრად ითვლებოდა სპარტელთა ჯარი.

**პელიასტი** — მოსამართლე.

**გვ. 224. მოგვები** — სპარსელი ქურუმები.

**გვ. 247. ამფიკტიონები** — რელიგიური კავშირის, ამფიკტიონიის წევრები, რომელთა ფუნქციებში შედიოდა უფლებათა და ქონებათა დაცვა და ცალკეულ რელიგიურ დღესასწაულთა ორგანიზაცია.

**გვ. 249. ტელამონი და აიაქსი** — მამა-შვილი, კუნძულ სალამინის ლეგენდარული მეფენი და სახელოვანი გმირნი. ტელამონი თავის ძმასთან, პელევსთან ერთად არგონაველთა კოლხური ლაშქრობის მონაწილე იყო, აიაქსი კი შემდგომ ტროას ომში მონაწილეობდა თავის ბიძაშვილთან, პელევსის ძე აქილევსთან ერთად.

# შ ი ნ ა რ ს ი

## მარიუსი და სულა

### ნ ა წ ი ლ ი პ ი რ ვ ე ლ ი

#### მარიუსის არჩივები

<b>თავი პირველი. „იუბურტას ომი“</b>	
ნეპოტიზმი და კორუფცია	5
იუგურტა	8
ომის დასაწყისი	12
„არაჩვეულებრივი მებელსი“	15
სოფელი „ახალკაცი“	19
„ბედისწერა“ სოფელი კაცისა	25
იუგურტას აღსასრული	28
<b>თავი მეორე. „დიდი ბერმანული საფრთხის პროლოგი“</b>	
„ჩრდილოელ ბარბაროსთა“ პირველი გამოსვლა	33
სექსტიუსის წყლები	36
ვერცელე	40
<b>თავი მესამე. ბრძახუსთა ეპიზოდები</b>	
მარიუსი, სატურნიუსი, გლაცია	43
მარკუს ლივიუს დრუზუს უმცროსი	49
<b>თავი მეოთხე. „მოკავშირეთა ომი“</b>	
როგორ დაიწყო ეს ომი	54
ომის მსვლელობა	57
ომის დასასრული	59
<b>თავი მეხუთე. აღმოსავლურ-პონტოური საფრთხე</b>	
რომი „მოკავშირეთა ომის“ შემდგომ	62
პონტოელი	64
მითრიდატე ევპატორი	67
„მითრიდატული ომის“ დასაწყისი	71
<b>თავი შიშვე. „სპარტიზო ბრძოლა“</b>	
„სპარტიზო ბრძოლის“ წინაღვე	80
მარიუსის ახალი მოკავშირე	83
მეგელთა ბუნავი მგლეებისაგან აღებულია!	87
რომი „რომაული ომის“ შემდგომ	89
დიდი კაცის ნამსხვრევი დიდი ქალაქის	91
ნანგრევებზე	333

ნ ა წ ი ლ ი მ ე ო რ ე

ს უ ლ ა ს ა კ ო თ ე ო ზ ი

თავი პირველი. სულა აღმოსავლეთში	
ატიკა	. 96
ქერონეა	. 104
ორქომენი	. 108
პირველი „მითრიდატელის“ დასასრული	. 110
სულა აზიაში	. 117
თავი მეორე. მარიუსის მემკვიდრე არწივი	
„კვა ვინც ისროლა...“	. 120
სისხლიანი არწივი	. 122
მარიუსის სიკვდილის შემდეგ	. 128
თავი მესამე. სულას დაბრუნება	
„აღმოსავლური კვერთხით“	. 131
„ან ახლა, ან ვერასოდეს!“	. 135
თავი მეოთხე. „ზედნიერი დიკტატორი“	
„ნამდვილი სულას“ დასაწყისი	. 140
„ჩალათი ბიჭუნა“	. 142
„ნამდვილი სულა“	. 145
„საწუთროსა დაუწყუნარდეს“	. 156.

ნ ა წ ი ლ ი მ ე ს ა მ ე

ს უ ლ ა ს ა ლ ს ა ს რ უ ლ ი დ ა ნ ა ო მ ა კ ა უ ს ი ს ტ რ ი უ მ ზ ა მ ე მ

ლეპიდუსი	. 161
სერტორიუსი	. 163
სპარტაკი	. 168
ისევ მითრიდატე	. 174
რომაელები და სომხები	. 180
რომაელები და ქართველები	. 184
რომაელები და ალბანელები	. 188
მითრიდატეს აღსასრული	. 189
პომპეუსის ტრიუმფი	. 195.

ს ა მ ა ს - ს ა მ ა ს ი

წ ი გ ნ ი პ ი რ ვ ე ლ ი

ს ა მ ა ს ი ს პ ა რ ტ ე ლ ი

თავი პირველი. თერმოპილიძე	
„მიწა და წყალი“	. 203
მართონი	. 206.

მილტიადეს აღსასრული	213
თემისტოკლე და არისტრიდე	216
<b>თავი მეორე. თ ე რ მ ო კ ი ლ ე</b>	
ქსერქსე	222
როგორ მოდიოდნენ აზიელები	224
როგორ ხედებოდნენ ევროპელები	226
ქარი გროვდება	229
პირველი სისხლი ზღვაზე	231
ბრძოლა არტემისიონთან	232
ორი ბანაკი თერმოპილესთან	234
პირველი სისხლი ხმელეთზე	237
აპოთეოზი	239
<b>თავი მესამე. თ ი რ მ ო კ ი ლ ე ს უ მ მ ღ ზ ო მ</b>	
სპარსელები ჰელადის გულში	246
სალამინი	247
სალამინის შემღვდომ	253

## წ ი გ ნ ი მ ე ო რ ე

### ს ა მ ა ს ი ა რ ა ბ ვ ე ლ ი

<b>თავი პირველი. კ რ წ ა ნ ი ს ა მ ღ ე</b>	
ორი რეალობა	259
თოფის გასროლა სასახლის აივნიდან	262
„ნუ ჰყოენი, მეფეო!“	264
იქედნე	273
საბედისწერო წლის დასაწყისი	277
ტრაგედია ახლოვდება	280
<b>თავი მეორე. კ რ წ ა ნ ი ს ი</b>	
შეიღი სექტემბერი	284
რვა სექტემბერი	286
ცხრა სექტემბერი	288
ათი სექტემბერი	290
აპოთეოზი	295
<b>თავი მესამე. კ რ წ ა ნ ი ს ი ს უ მ მ ღ ზ ო მ</b>	
<b>Vae victis!</b>	307
ისევ სამასნი	310
იქედნეს აღსასრული	313
პატარა კახის აღსასრული	318
შ ე ნ ი შ ე ნ ე ბ ი	326